

R. BIBLIOTECA NAZIONALE CENTRALE
FIRENZE

LIBRI

DONATI DAL

DOTTOR ANNIBALE GIULIONI

GIURISTA


Nato a Firenze il 7 Febbraio 1807
e morto il 1° Dicembre 1895 in Firenze.

16 Maggio 1896




H:

1.20



TRAIECTI AD RHENUM AERUD I. S. BOSCH.

L ANTONI HOFMANS.



EVERARDI OTTONIS,
Jcti & Antecessoris,
DE
T U T E L A
V I A R U M
P U B L I C A R U M
LIBER SINGULARIS;
C U J U S

Pars I. est de Diis Vialibus, II. de Magistratibus Viocuris, & III. de Legibus ad viarum securitatem pertinentibus.



TRAJECTI ad RHENUM,
Apud A. HOFMANS ET J. S. BOSCH.

MDCCXXI.

CHANDLER, J. W.

1. 1. 1. 1. 1.

1. 1. 1. 1. 1.

1. 1. 1. 1. 1.

B. 17. 5. 31



P R Æ F A T I O.

Introite, sultis, nam & hic Dii sunt!
Heraclitus olim, ad furnum calefcens, hospitibus adventantibus dixisse fertur: idem & mihi in limine hujus opusculi usurpare liceat, si qui forte impiam illam viatorum pietatem oculis animisque subdicere non dedignabuntur. Titulum a voce latiore *Tutela* sumsi, quæ non modo viarum munitionem, sed Deos etiam viales, & Magistratus viocuros, ac Leges, itinerum securitatem præstantes, ambitu suo comprehendit. Deos sane Deasque, a certis, quas terra vel mari habebant, tutelæ nomen hoc tulisse, memorata toties apud Ovidium, Petronium, & in Marmoribus priscis *Tutela prora, hortorum, loci & navigii* evincit abunde. Horatius
quo:

P R Æ F A T I O.

quoque Augustum, curatorem viarum maximum, *tutelam Italiae* præsentem vocavit, deque alia *ITALIAE TUTELA*, ad pulcherrimum Nervæ nummum, erudite Tristanus. Celsus autem noster, proprio significato, legati *ad tutelam viae Aureliae* meminit; sicut Clodius, ex reditu legato Reip Campanorum, *VIAE TUTELAM* præstitisse dicitur, in lapide Gudii. Verum de libri inscriptione factis: nunc ejus quoque occasionem paucis accipe. Quum totus olim juvenilibus annis essent in conquirendis, quæ ad Aedilium Curulium munia pertinerent, omnino Viri præclari, Nicolai Bergierii opus, *de publicis & militaribus Imperii Romani viis*, una cum eruditis Cl. ejus interpretis Henhinnii notis, in decimo Thesauri Antiquitatum Romanarum tomo, mihi perlustrandum censui. Admirabar vastum ingenium, & uberem rerum copiam, quibus Syndicus ille Remensis instructus stupendæ hoc, & pæne incredibilis magnitudinis Romanæ argumentum tam diligenter pertractavit, ut omnibus post se metam posuisse videatur. Sed cum inter legendum animadverterem, instituti

P R Æ F A T I O.

stituti ejus rationem non tulisse, ut de Diis vialibus, aut de Legibus, viatorum gratia latis tractaret, adhæc spicilegium quoddam de Magistratibus viocuris, ab illo relictum, memoriæ meæ obversaretur, tentare cœpi, num opis aliquid & adjumenti, communibus Musarum sacris hac parte adferre possem. Calcar addebat, quod, præterea, quæ summus Scaliger, ex locuplete sua penu, ad Catalecta depromsit, de Diis vialibus pauca tantum, eaque sparsim literis tradita reperirem: quæ vero magnus Reinesius, ad cl. i. n. 140 se alibi de eodem argumento dixisse scribit, ex manuscripto ejus, inter schedas, exciderint omnia. Sic ergo Halæ Magdeburgicæ A. cl. 1000 xiv. in lucem publicam tripartiti hujus libelli pars prior, *de Diis vialibus*, prodiit: alteram vero & tertiam partem ratio muneris tunc mandati pertexere non sinebat: id quod subjecta Epistola dedicatoria monstrat, quam omittere religio fuit, etsi Vir ille Maximus, inter Cœlites nunc beatus, cultus nostri inania non cernat. Vel sola autem illa pars prior, ci-

P R Æ F A T I O.

tra spem, judiciis Eruditorum non modo benigne excepta est, sed doctissimos quoque viros, sic uti non vano augurio prædixeram, stimulavit, ut in hac priscae Theologiæ parte mecum desudare non inglorium sibi esse putarint. Quadriennio enim interjecto Vir Cl. Gottlib. Sigefridus Bayer, eruditam Regiomonti dissertationem edidit, *de Dñs vialibus Græcorum*; nec minore apparatu Rev. Christianus Weisius *Numina Hebræorum*, Chaldæorum aliorumque *vialia*, binis dissertationibus exposuit Lipsiæ A. MDCCXXIV. Ab his Duumviris subinde, dum varia, ut fieri solet, in hac editione corrigo, expungo vel suppleo, adjutum me esse profiteor: plura autem ab iis sumere potuisset Nob. Blanchardus, qui vulgaria tantum, *de religione peregrinantium*, Gallico sermone delibavit, tom. II. Hist. Acad. reg. De utilitate porro hujus operulæ si quærat, rara quidem temporum felicitate, Ethnicorum Numina vana & stercorea esse didicimus; attamen his quoque vinea Domini stercoreatur, & varia Juris Romani, veterumque Auctorum
capi-

P R Æ F A T I O.

capita illustrantur. Quod si autem vitio creati Censores finium regundorum mecum experiantur, fictosque hos viarum tutores nil ad Edictum Prætoris facere, sed Juvenes ad magna natos a litterarum studio sic deterreri, nullo veri colore criminentur; eos quidem iudicio suo facile relinquam, fatis certus, veterum me Jurisconsultorum, inprimis autem Labeonis exemplo, operam hanc suscepisse: is enim, auctore Servio, *libros de Diis, quibus origo animalis est, conscripsit. Hi autem sunt Dii Penates & Viales.* Quinimo si prima forte pars pedem alieno in choro ponit, atque extra viam ambulat, altera certe, & magis tertia ab eo crimine me absolvent. Magna pars, agebat Plinius, studiorum amœnitates quærimus; nec video, quid vetet, tetrica Jurisprudentiæ studia cum jucundioribus his distingui, modo antiquum fervetur, Prodesse quibus possis, nocere nemini. Nunquam vero reverentiæ, quam viris præstantibus debeo, nec modestiæ, quæ mitiorum Musarum alumnos decet, sum oblitus; ideoque sicubi in biviis & triviis a vera via

• 4

cum

P R Æ F A T I O.

cum Diis meis vialibus aberravero, Lector honestus vicissim cogitabit, illos homines fuisse, & a me nihil humani alienum esse.

Trajecti ad Rhenum
MDCCXXKI.



Dedi-

Dedicatio primæ parti olim præmissa.

V I R O

ILLUSTRISSIMO ATQUE
EXCELLENTISSIMO,

D. MARQUARDO LUDOVICO
DE PRINZEN.

POTENTISSIMI BORUSSORUM REGIS
SUPREMO AULÆ MARESC ALLO, ET
MINISTRO STATUS INTIMO, ORDI-
NIS REGII AQUILÆ NIGRÆ EQUI-
TI, CONSISTORII PRÆSIDI, RERUM
ECCLESIASTICARUM ET FEUDALI-
UM DIRECTORI, ETC. ETC. ETC.

PERENNEM FELICITATEM!



*anos ac commentitios Gentium
Deos sat longis commentariis ex-
posuerunt Viri celeberrimi; Deo-
rum autem Vialium tam parca
ab iis fit mentio, ut ipsa vetustate oppres-
si pæneque oblitterati videantur. Factu-
rum itaque me operæ pretium existimaui,
si hos, in triviis & compitis olim celebra-*
* 5 *tos,*

P R Æ F A T I O.

tes, ex monumentis veterum in lucem revocarem, aut saltem, tentata eorum illustratione, alios accenderem, qui feliciore ingenio nobilissimam banc priscae Theologiae partem essent interpretaturi. Jacent quidem reconditæ hujusmodi & abstrusioris eruditionis studia, quique rebus agundis sese accingere jactant, parum ad gloriam, parum ad rem familiarem ea conferre clamentabunt: at mihi sufficit summorum omni memoria Jurisconsultorum exemplum, qui cum humanis divina, antiqua cum recentibus felici semper connubio junxerunt; & sine ipsis Diis hisce, nonnulla Sacra Scripturae Jurisque civilis capita vix recte intelligi aut explicari posse videbantur. Quicquid est, Vir Excellentissime, ego hanc Opusculi, De Tutela viarum publicarum partem primam, Illustrissimo Nomini Tuo consecrare ausus sum, non singulari tantum illa indulgentia, qua me æternum Tibi devinxisti, sed & dignitatis, virtutum & personæ, quam sustines, ratione permotus. Inter tot enim purpuratos Regis Procures Sacrorum cum maxime curam geris, ut ne violentur, aut corrumpantur, pravisque ethnicorum superstitionibus corrumpantur; has autem in viis passim regnare ostendi. Adbac raro, si ad alias aulas respicimus, exemplo litte-
ra-

P R Æ F A T I O.

*rarum studia foves inprimis, ac iis deditos homines liberalitate sublevas, ut re & nomine togata militia Principem Te prædicent omnes, atque ego de Te dixerim sapius, quod de Titinio Capitone Plinius junior: Vir est optimus, & inter præcipua sæculi ornamenta numerandus: colit studia, studiosos amat, fovet, provehit, multorumque, qui aliqua componunt, portus, sinus, præmium, exemplum; ipsarum denique litterarum jam senescentium reductor ac reformator. Non alienum forte ab hoc loco erat, Illustrissime Mæcenas, in laudes Tuas excurrere, sed ingenii mei paupertas id tentasse veretur, & seris annalibus, si ulla virtutis & posteritatis memoria, illarum cura erit relicta. Alii in Te prudentiam, alii comitatem, purioris religionis custodiam alii, & morum integritatem, & maxima in Republicam merita Tua mirabuntur. Hoc unicuique patere, ut in præsens dicam, Dei munere fugientibus Musis Te datum esse statorem, qui viris eruditione claris Regias Academias ita instruis, ornas & auges, ut optimo jure bonarum artium officinæ & litteraria Europæ totius emporia dici queant. Neque vero aliorum id exemplo facis, qui litteris quidem & litteratis, sed aliena fiducia, favent: tanta enim Tua in
omni*

P R Æ F A T I O.

omni litterarum genere est præstantia, tanta bonarum artium peritia, ut jam de doctis præcipuum Tuum iudicium existimetur. Me quidem, licet in his nullus mihi locus, dignum esse voluisti, cui Juris docendi provincia in Academia Duisburgensi mandaretur. Non habeo dicere, quam acriter hæc me benevolentia ad maiorem in studiis juris Romani & Germanici recolendis alacritatem impellat; & pro tanto beneficio nisi in vita mea omnibus modis hanc animi grati voluntatem tester, impius sim & hominis appellatione indignus. Fuit hæc antiquorum ratio, ut statuas iis, qui de se bene meriti essent, ponerent, causamque in basi subscriberent BENE MERENTIBUS. Quod si etiam Deorum Vialium hoc libro descriptis statuis & columnis immortale Nomen Tuum adscribi sinas, meæ in Te observantiæ ac pietatis sponsores erunt, donec gravioris argumenti opus, Teque ut spero dignius, in lucem prodibit. Faxit modo Deus, ut diu salvus & incolumis superstes sis Regi, Ecclesiæ & Scholis: sic enim domi militiæque bene erit, Religio florebit, Musis suus constabit bonos, eorumque cultores Te Macenatem prolixum & benevolum venerabuntur. Dabam in Academia Fridericiana a. d. XXI. Kalend. Augusti MDCCXIV. N O.

NOTITIA CAPITUM

P A R S I.

D E

Diis Vialibus.

Cap.	I. de Religione & Superstitione veterum peregrinantium,	pag. 1
	II. de Statuis, Aris & Templis Deorum vialium.	22
	III. de Diis vialibus Aegyptiorum, Judaeorum & Syrorum.	44
	IV. de Diis vialibus Chaldaeorum, Arabum & Persarum.	63
	V. de Diis vialibus Germanorum, Gallorum, Britannorum, Hispanorum, Indorum, Turcarum & Russorum.	73
	VI. de Jove, Graecorum & Romanorum summo viarum praeside.	97
	VII. de Apolline, Baccho & Jano.	112
	VIII. de Diana, Hecate, Venere & Iside.	127
	IX. de Mercurio.	152
	X. de Hercule.	178
	XI. de Laribus vialibus & Geniis viarum.	204
	XII. de Silvano, Priapo, Fortuna, Bona, Quadriga &c.	233
	XIII. de Neptuno, Dioscuris & ceteris Diis marinis	254
	XIV. de fatis Deorum vialium.	293

P A R S II.

D E

Magistratibus Viocuris.

Cap.	I. de Regia cura viarum publicarum.	314
	II. de Censoribus primis praefectis viarum Romanarum.	325
	III. de	

NOTITIA CAPITUM.

Cap. III. de <i>Ædilibus Curiulibus & Municipalibus</i> ;	341
IV. de <i>magnifica viarum structura</i> , secundum legem <i>viariam Gracchi</i> . Tribuni.	353
V. de <i>Quatuorviris, Duumviris & Curatoribus viarum</i> .	371
VI. de <i>Augusto</i> , tutore <i>viarum maximo</i> .	384
VII. de <i>Prasidum cura viarum in provinciis</i> .	401

P A R S III.

D E

Legibus, ad viarum securitatem pertinentibus.

Cap. I. de <i>Edicto viario Ædilium Curiulium</i> .	414
II. de <i>occasione & necessitate hujus Edicti</i> .	427
III. de <i>sententia Edicti</i> .	442
IV. de <i>sanctione Edicti</i> , ejusque <i>æquitate</i> .	454
V. de <i>Edicto Prætoris, de Dejectis, effusis & periculose positis</i> .	471
VI. de <i>Edictis Prætorum adversus Nautas, cauponas & stabularios</i> .	493
VII. de <i>Edicto Prætoris adversus Publicanos</i> .	507
VIII. de <i>Interdictis Prætorum viariis, & de via reficienda</i> .	521
IX. de <i>Pœnis Raptorum, Latronum & Piratarum</i> .	533
X. de <i>Cæde viatorum expianda, & de Damno Spoliatis resarciendo</i> .	548
XI. de <i>variis Legibus viariis</i> .	560



EVERARDI OTTONIS,
DE
TUTELA
VIARUM PUBLICARUM,
PARS I.
DE
DIIS VIALIBUS:

CAPUT I.

DE RELIGIONE ET SUPERSTITIONE VETERUM PEREGRINANTIIUM.

Unum Gentilibus fuit Numen, cujus varii ministri, quos inter Dii viales. Proficiscentes religiosi invocabant Deos; nuncupabant vota; in itinere adorabant; reversi Diis agebant grates, & vota solvebant. Apuleji lectio vindicata. Superstitiosi vero, consultis Mathematicis, auspicia & omina captabant; die-
A
bus

bus atris & Saturni proficisci non audebant; in viis aqua se lustrabant; adorabant fluvios; abeuntes & revertentes terram osculabantur.



Ere Apostolus, in epistola ad urbium principem, nationes, ait, ex operibus naturæ ad notitiam Numinis pervenisse; sed ingrato casu animo, veritatem in injustitia detinentes, æterni Dei gloriam transcripsisse rebus interitui obnoxiiis. Nulla enim gens usquam adeo extra leges moresque fuit projecta, ut non Deos esse crederet; quin etiam sapientioribus plerisque ratione magistra patebat, unum esse rerum principium, summum Deum hominumque rectorem & patrem, *eius nutu & consilio universum hoc gubernetur.* At vero cum miselli hi rerum visibilibus argumenta sectabantur, veram veri Numinis formam rimari non poterant; sed ex diverlis ejus operibus Deos sibi fingebant inferiores, quibus sua cuique procuratio, & cœlestium & terrestrium, esset commissa, quorumque cultus in supremum illum omnium parentem redundaret. Eleganter Plinius lib. II. cap. 7. *Fragilis & laboriosa mortalitas in partes ista digessit, infirmitatis suæ memor; ut portionibus quisque coleret, quo*
ma-

maxime indigeret. Itaque nomina alia aliis gentibus, & numina in iisdem innumerabilia reperimus. Sicut ergo, in vita communi, alia à pistore, alia à fabro, alia ab aliis utensilia petuntur: ita necessaria olim erat cognitio, quam quisque Deus vim & potestatem haberet, ut cujusque rei causa is invocaretur, qui eam facultatem fortitus esset, ne, quod mimi solebant, à Libero optaretur aqua, vel à Lymphis vinum, ut ex Varrone tradit Augustin. de civ. Dei lib. iv. c. 22. Addo Arnobium lib. ii. adv. gent. pag. 89. Dii certe certas apud vos habent tutelas, licentias, potestates, neque eorum ab aliquo id, quod ejus non sit potestatis ac licentiæ postulatis: aliud Neptunum creditis, aliud posse Junonem, Fortunam, Mercurium, Vulcanum; rerum esse singulos certarum & singularum datores.

Græci in primis & Romani, quemadmodum majorem, quam ceteri, in homines præ se tulerunt humanitatem, sic & Deorum numero studioque religionis omnes populos alios superarunt. Parum est, quod illa apud Virgilium sacerdos *Tercantum tonat ore Deos*; Hesiodus triginta millia in terris numerat, & Augustinus trecenta millia Idolorum fuisse testatur. Unus vero Jupiter Deorum ipsis erat Optimus,

propter beneficia, & Maximus, propter vim; θεὸς ὑψίστος, & *Exuperantissimus*, uti in nummis & inscriptionibus, apud Sponnium & Gruterum vocatur: reliqui autem Dii erant θεῶν παῖδες, & συναρχόντες θεῶν, auctore Maximo Tyrio. Optime Tertullianus in Apolog. cap. 24. *Nonne conceditis, de estimatione communi, aliquem esse sublimiorem & potentiorē, velut principem mundi, perfectæ potentiae & majestatis? Nam & sic plerique disponunt divinitatem, ut imperium summæ dominationis esse penes unum, officia ejus penes multos velint; ut Plato Jovem magnum in cælo comitatum exercitu describit deorum & demonum. Itaque oportere & Procurantes, & Præfectos, & Præsides pariter suspici. Adco autem πολλοὶ θεοὶ erant infatuati, ut cuius negotio, etiam rebus leviculis & minimis, suum assignarent numen; geniculis culmorum Nodotum, spinis Spinicensem, cubili Cubam, cunis Cuninam; & uni custodiendæ januæ, tres, foribus Forculum, cardini Cardam, & limini Limentinum. Tertullianus de corona cap. XIII. *At enim Christianus nec januam suam laureis infamabit, si norit, quantos deos, etiam osliis, diabolus affinxerit: Janum a Janua, Limentinum a limine, Forculum & Cardam a foribus & cardinibus, & apud Græcos,**

cos, Thyreum Apollinem, & Antelios dæmonas.

Nullam igitur admirationem habet, si, quæ majoris momenti sunt, viis & compitis, peculiare præfecerunt Deos, quorum munus esset, itinera ignota & interrupta errantibus aperire, ac per vias præcipites, ferisque obsessas, per syrtes, per saxa, per hostes, itum & reditum à periculo præstare tutum. Videbant enim alios vehiculo lapsos, properantem spiritum excullisse, ut ait Petron. c. 115. alios vehiculo everfos via Hostiensis, apud Gruter. pag. 752. n. 2. alios in latrones & piratas incidisse, cum vitæ & bonorum dispendio, apud Spon. Miscell. pag. 202. denique quo plura a diei fervore, vel a cæcitate noctis, a ventis & tempestatibus, viatori & nautæ pericula imminebant, eo magis Diis Tutelaribus & Avernuncis opus esse videbatur, qui ea depellerent: nam & ipse Deus vivus & æternus angelos suos illis præmittere dicitur, quorum iter secundat, Genes. xxiv. vs. 7. & Malach. iii. vs. 1. Deorum vialium non una fuit conditio; sed præcipui eorum sunt Apollo, Diana, & Mercurius; qui ideo Græcis θεοὶ ὁδοί, ἐνὸδοί, ἡγεμόνιοι, ἀγυίαι, ἐνὸδοί & ὁδοί, quod in viis versarentur & iter saluum præstarent; Latinis *Dii viales, viaci, compitales, semitales, comites & reduces*

dicti. Item Neptunus, Castor, Pollux & Isis, qui θεοὶ διαπόντιοι, in Glossis; αἰρωγοναυται δαίμονες, in Epigr. veteri; θαλάτσιοι & ἐνθαλάτσιοι apud Pollucem lib. I. c. I. n. 23. Latinis vero *Dii marini*, *Lares permarini* & *Dii littorales* appellantur. In illis fiduciam collocabant iter per regiones facturi: horum auxilium implorabant, navibus proficiscentes, & quemadmodum omnibus rebus incipiendis gerendisque Deos adhibebant, sic & sine illorum ope, auxilio & tutela, ne pedem se promovere possent, pro certo habebant. Neminem sane apud Græcos adeo vecordem fuisse, ut quicquam magni aut parvi susciperet, priusquam Deorum consilium implorasset, indicat Plato in Timæo; nec aliter Romæ, nisi a diis immortalibus, rerum agendarum primordia capta fuerunt, quod nihil rite, nihilque providenter homines, sine deorum ope, consilio, honore auspicari crederentur, ait Plin. init. Paneg. & ex Cicerone, Livio aliisque confirmat Alciat. lib. IX. Parerg. c. 6. Juvabit hoc illustribus quibusdam exemplis eorum, qui pro salute itus Deos Deasque invocant, hic illustrasse.

Et ecce tibi e Græcis Homerum, ubique veterum Heroum pictati testimonium perhibentem. Agamemnon Iliad. VIII. vs. 238. felix sibi iter a Jove poscit, quod nullam

lam aram, honori ejus dicatam; nave prae-
terierat, quin adipem boum & femora
combufferit. Achilles Iliad ix. vf. 357.
ut εὐπλοίην, live prosperam navigationem ob-
tineret, Jovi & omnibus Diis sacra facit.
Rurfus Ajax Iliad. xiiii. vf. 818. Hec-
torem monet, supplicandum Jovi patri &
aliis immortalibus, ut equi velociores ac-
cipitribus eum ad urbem ferrent. Nestor
denique custos Argivorum, inter ceteros,
alta voce vota facientes, manus porrigens in
cælum stellatum, ita precatur Iliad xv. vf. 372.

Ζεῦ πάτερ, εἴ ποτέ τις τοι ἐν Ἀργεὶ περ πολυπύρῳ,
ἡ Βοὸς, ἡ οἷος κατὰ πτόνα μηρία καίῃν,
εὖ χετο νοσῆσαι, σὺ δ' ὕπασχεο καὶ κατένευσας,
τῶν μῆσαι.

*Jupiter pater, si unquam aliquis tibi in
Argo, tritici ferace,*

*Vel bovis, vel ovis pingua femora com-
burens,*

*Precatus est, ut rediret, tu autem pro-
misisti & annuisti,*

Horum memento.

Similiter Orpheus Argonaut. vf. 347. Deos,
qui Oceano & arenolis ripis imperant, im-
plorat omnes, ut vivi redeant ad domos
suas singuli, & vf. 449.

Ἄλκῃς ἐκ σκοπιῆς, ὃ γέρον ἀνά χεῖρας αἰέρον
Φιδυεῖδης ἤρῃτο, θεὸς δ' ἐπεκίκαλο πάντας
Νοσὸν μὲν μινύσσειν ἰδὲ κλέος ἐσθλὸν ἀρεῖσαι.

*Alta ex specula senex in altum manus
tendens*

*Phillyrides precatus est. Deosque invo-
cavit omnes,*

*Ut reditum Minyæ & Magnam gloriam
referant.*

Eadem religione Tlepolemus Apollinis auricomi oraculum consuluit, quorsum navium classem verteret; *μαντεύσατο δ' ἐς Θεὸν ἐλθών*, ait Pindarus Od. VII. vs. 56. Rhodios item, quotiescunque a littore longius prodibant classēs, solitos fuisse prius Phorbantis adventui sacrificare, scribit Hyginus lib. II. fab. 14 ut talis eventus inopinatæ virtutis suis accidat civibus, qualis inscium Phorbanta casus futuræ laudis ad sidera gloriæ pertulit. His addamus Arrianum in Epictetum lib. III. cap. 21. *Λ' ἂν ἀπολιπέμεν ὅ μιν ἐδὲις ἀνάγεται μὴ θύσας τοῖς θεοῖς, καὶ παρακαλέσας αὐτὰς βοηθῆς ἐδὲ σπείρῃσιν ἄλλως οἱ ἄνθρωποι, εἰ μὴ τὴν Δήμητραν ἐπικαλεσάμενοι. Τηλικῆς δ' ἔργα ἀψάμενός τις, ἄνευ θεῶν ἀσφαλῶς ἄψεται; καὶ οἱ τότε περσιόντες εὐτυχῶς περσελεύσονται.* *At nemo ē portu solvit, nisi sacra Diis fecerit, eorumque opem implorarit: neque aliter serunt agricolæ, nisi Cerere invocata. Tantam autem rem qui neglecto Numine aggreditur, num tuto aggreditur? Num qui illum adeunt, feliciter adibunt?*

Latinorum plura habeo testimonia; sed
suffi-

sufficient selectiora. Primum feret Livius lib. XXVII. cap. 45. *Deos omnes Deasque precabantur, ut illis faustum iter, felixque pugna, matura ex hostibus victoria esset.* & lib. XXIX. cap. 27. Scipio in Africam trajecturus: *Divi Divaeque, inquit, qui maria terrasque colitis, vos precor quaeque; uti quae in meo imperio gesta sunt, geruntur, postque gerentur, ea mihi, populo plebique Romanae, sociis nominique Latino, qui populi Romani, quique meam sectam, imperium, auspiciumque terra, mari, omnibusque sequuntur, bene verruncent: eaque vos omnia bene juvetis: bonis auslibus auxitis: salvos incolumesque victis perduellibus victores, spoliis decoratos, praeda onustos triumphantesque, mecum domos reduces sistatis.* Plinius lib. XXVIII. cap. 2. *Caesarem Dictatorem post unum ancipitem vehiculi casum (vid. Sueton. Julio cap. 37.) ferunt semper, ut primum consedisset, id quod plerosque nunc facere scimus, carmine ter repetito, securitatem itinerum aucupari solitum.* Apud Tacitum Nero, in provincias Orientis iturus: *super ea profectione adiit Capitolium, illic veneratus deos,* lib. XV. Annal. cap. 36. Petronius Satyr. cap. 117. *His ita ordinatis, quae bene feliciterque evenirent, precati Deos, viam ingredimur.*

Diis etiam, qui peregre proficiscebantur, vota faciebant. Anacharsis, quum per Hellepontum navigans tenuisset Cyzicum, vovit Matri deorum, si salvus sospesque domum revertisset, sacrificaturum se eodem ritu, quo Cyzicenos sacrificantes vidisset & pervigilium instituturum, quod etiam in Scythiam redux solvit, auctore Herodoto lib. IV. c. 76. Romanorum Consules, Prætores & Præsides, cum in provinciam proficiscebantur, vota pro itu nuncupabant, multisque præsentibus in tabulas referebant, signabant & aliquando Deorum genibus affigebant, auctore Festo, in *nuncupata*. Virgilius l. V. v. 235. Cloanthum manibus ad cælum tensis ita refert Deos in vota vocasse :

*Dī quibus imperium est pelagi, quorum
æquora curro,
Vobis lætus ego hoc candentem in litto-
re taurum
Constituam ante aras voti reus, exta-
que salsos
Porriciam in fluctus, & vina liquentia
fundam.*

Plautus Amphitr. Actus III. sc. 2

*Jube vero vasa pura adornari mihi,
Ut quæ apud legionem, vota vovi, si
domum
Redissem salvus, ea ego exsolvam omnia.*
Ti-

Tibullus lib. III. Eleg. 3. vs. 27.

*At si pro dulci reditu quæcunque vo-
ventur,*

Audiat averſa non meus aure Deus.

Maxime vero ſolennia vota pro incolumi-
tate Principum peregre euntium, in qui-
bus quaſi publica ſalus, ſuſcipiebantur.
Sueton. Tiberio c. 38. *Vota pro itu & re-
ditu ſuo ſuſcipi paſſus.* & in Calig. c. 14. *Cum
paucos poſt dies in proximas Campaniæ in-
ſulas trajeciſſet, vota pro reditu ſuſcep-
ta ſunt.*

Nec tantum antequam ſe in viam darent,
ſed & in ipſa via viatores, oblato quo-
piam loco ſancto, veniam poſtulare, pre-
ces fundere & paullisper adſidere ſolitos,
indicat locus inſignis L. Apuleji lib. I. Flo-
ridorum; *Ut ſerme religioſis viantium mo-
ris eſt, cum aliquis lucus, aut aliquis locus
ſanctus in via oblatus eſt, veniam poſtula-
re, donum apponere, paullisper aſſidere:
ita mihi, ingreſſo ſanctiſſimam iſtam civi-
tatem, quanquam oppido feſtino, præſanda
venia, & habenda oratio, & inbibenda
properatio eſt.* Antiquiores editiones: vo-
tum poſtulare, portum apponere, paullisper
adſidere. Rutgers. lib. V. Var. lect. c. 5.
inverſis vocibus legit: *votum apponere,
portum poſtulare*; ſed portus nil ad viam
terreſtrem; nec *fortum* probo, pro ferto,
libi

libi genere, uti Sellius conjiciebat Obs.
c. 14. quia sic priora sunt constituenda,
ut postremis respondeant. Ovidius lib. 1.
Trist. Eleg. xi. vs. 21.

*Ipse gubernator tollens ad sidera palmas,
Exposcit votis, immemor artis, opem.*

Horat. lib. III. Ode 29. vs. 57.

*Non est meum, si mugiat Africis
Malus procellis, ad miseræ preces
Decurrere, & votis pacisci,
Ne Cypriæ Tyriæque merces
Addant avaro divitias mari.*

Reduces vero, pro periculis in itinere
repullis, & molestiis peregrinationis felici-
ter exantlatis, Diis agebant grates. Sic
Agamemnon domum reversus, apud Æ-
schylum Agamemn. vs. 819.

Πρῶτον μὲν Ἄργος, καὶ θεὸς ἰγχωρίας
Δίκη προσεπτεῖν τῶς ἐμῇ μεταπίπτης

Νέσσης

*Primo quidem Argos, Deosque loci
præsides
Fas erit alloqui, qui mihi reditus cau-
sæ sunt.*

Ita Sofia, Thebas incolumis reversus, apud
Plautum Amphitr. Act. I sc. 1.

- - - numero mihi in mentem fuit.

*Dis advenientem gratias pro meritis
agere, atque alloqui.*

Et Mnesilochus, Epheso adveniens in Piræ-
cum,

eum, Bacchid. II. sc. 3.

*Deos atque amicos iit salutatum ad
forum.*

Solvebant denique vota thure, vino &
cælis hostiis. Heroës apud Homerum
Odyss. III. vs. 4.

Οἱ δὲ πύλον, Νηλῆος εὐκτιμένον ποταμὸν,

Ἰξον τοὶ δ' ἐπὶ θινὶ θαλάσσης ἱερά ρέζον,

Ταῦρος παμμέλανος Ἐρσίσχτοι κυανοχαῖτη.

*Illi autem in Pylum, Nelei bene ædifi-
catum oppidum,*

*Venerunt, illique in littore maris sacra
faciebant,*

*Tauris nigerrimis Neptuno cærulea cæ-
sarie.*

Idem innumeri lapides, aræ & tabellæ te-
stantur, apud Gruterum, in quibus vota
PRO SALVTE. ITV. ET. REDITV,
pag. 8. n. 2. PRO FELICI. ITV. AC.
REDITV, 1014. n. 6. PRO FELICI EX
VRBE REDITV, 115. n. 6. HERCVLI.
QVOD. PROFICISCENTES. EXPEDI-
TIONIBVS. SACRIS. VOVERANT. RE-
GRESSI. LIBENTES. VOTVM. SOL-
VERVNT, p. 46. 10. NEPTVNO. VO-
TVM. IN. SICVLO. FRETO. SVSCE-
PTUM. SOLVIT, 62. n. 6. OB. FELI-
CEM. IN. PATRIAM. REDITVM. TOT.
SVPERATIS. NAVFRAGII. PERICU-
LIS. 1016. n. 3. Inprimis si Princeps sal-
vus

vus

vus ex voto rediisset, victor & triumphator, adventum ejus, publica celebratione, togati pariter ac sagati prosequerantur; inde ADVENTUI AVG. cum ara, in nummis Trajani & Hadriani; & PRO REDITV. IMP. apud Grut. p. 22. n. 3. 63. n. 9. & 1068. n. 2. Catullus carm. IV. Phaselum, quo e Ponto ad larem suum reductus, Dioscuris dedicans, pro secunda navigatione.

*Nec ulla vota littoralibus diis
Sibi esse facta, cum veniret à mare
Novissimo, hunc ad usque limpidum
lacum.*

Virgilius I. Georg. vers. 436.

*Votaque servati solvent in littore nautæ,
Glaucæ, & Panopææ, & Inoæ Meli-
certæ.*

Philocomasium, ex adversa tempestate servata, apud Plautum Mil. glor. II. sc. 5.

*Inde ignem in aram, ut Ephesiæ Dia-
næ laudes lautas*

*Gratesque agam, eique ut Arabico fu-
mificem odore amœne:*

*Quæ me in locis Neptuniis, templisque
turbulentis*

*Servavit, sævis fluctibus ubi sum affli-
ctata multum.*

Ovid. Heroid. ep. I. vs. 25.

*Argolici rediere duces: altaria fumant.
Po-*

*Ponitur ad patrios barbara præda
Deos.*

*Grata ferunt Nymphæ pro salvis dona
maritis :*

Illi victa suis Troia fata canunt.

Juvenalis Sat. XII. vs. 10. ob reditum
Catulli :

*Si res ampla domi similisque affecti-
bus esset,*

*Pinguior Hispulla traheretur taurus ,
& ipsa*

*Mole piger , nec finitima nutritus in
herba ,*

*Leta sed ostendens Clitumni pascua
sanguis*

*Iret , & à grandi cervix ferienda mi-
nistro ,*

*Ob reditum trepidantis adhuc horrenda-
que passi*

*Nuper , & incolumem sese mirantis
amici.*

Multa id genus alia in Propempticis Poë-
tarum occurrunt, quæ sciens prætermitto,
ne et meo et Lectoris otio abuti videar.

Potius , ne ut emanfor a signis absum
longius , ad alterum capitis hujus membrum
pergo , quod est de superstitione hominum
prave religiosorum , qui viam essent ingres-
suri. Hi vero iter non fuscipiebant , nisi
auspiciis captis Mathematicos consulissent,
aut

aut genesi ab illis facta cognovissent, iter faustum sibi fore ac felix. Philostratus de vita Apollonii lib. 11. c. 39. Ὁπολαβὼν ἔν ὁ Ἀπολλώνιος, ἐφ' ἱεροῖς ἔν ἔφη, πεισθε καὶ ταύτας ὡς περ τὰς ἐξόδους τε καὶ τὰς στρατείας. Respondens autem Apollonius auspicatone, inquit, hæc quoque facitis, sicut itinera & militares expeditiones? Apulej. lib. 11. Metam. Corinthi nunc apud nos passim Chaldaeus quidam hospes miris tamen civitatem responsis turbulentat, & arcana fatorum slipitibus emerendis edicit in vulgum: qui dies copulam nuptialem adfirmet; qui fundamenta mœnium perpetuet; qui negotiatori commodus; qui viatori celebris, qui navigiis opportunus: mihi denique proventum hujus peregrinationis inquirenti multa respondit, & oppido mira & satis varia. Juvenal. Sat. vi. vs. 577.

*Ad primum lapidem vētari cum placet,
hora*

Sumitur ex libro

Vulgus etiam, credens principiis omnia inesse, mustelæ occursum scævum habebat, nec pergere audebat, nisi tribus lapidibus, ante se missis, ut Theophrastus ridet in charact. eth. c. 16. Aliis pedum offensiones, & abruptiones corrigiæ, & sternutamenta sinistri ominis erant, uti, præter Cicero-
nem lib. 11. de Divinat. c. 40. Valer. Maxi-
mum lib. 1. c. 4. & Plinium lib. 11. c. 7.
docet

docet Ovid. lib. I. Amor. Eleg. 12. vs. 3.

*Omina sunt aliquid, modo cum discedere
vellet,*

Ad limen digitos restitit iēta Nape.

Missā foras iterum limen transire memento

Cautius, atque alte sobria ferre pedem.

Multa etiam observatio de cœlo, nubium
atrarum & fulgurum. Hinc cum Eutychus
dixisset apud Plaut. Merc. Act. V. sc. 2.
vs. 37.

*Recipe te ad terram, Charine, huc, nonne
ex adverso vides?*

*Nubis ater imberque instat; adspice nunc
ad sinistram:*

*Cælum ut splendore est plenum, ex adverso
vides?*

Charinus, quasi religatus, & a suscepto
itinere prohibitus, addit:

Religionem illic objecit: recipiam me illuc.

Dierum discrimen ut navigantes attendant,
peritike ratio jubet: alios enim præ aliis
tempestatibus plenos & metuendos esse, Ve-
getius ostendit, lib. V. de re mil. c. 10. sed
Augustus eos in profectionibus suis ob-
servavit, ominis causa. Sueton. lib. II. c. 92.
*Observabat & dies quosdam, ne aut postri-
die mundinas quoquam proficisceretur: aut
Nonis quicquam rei seriæ inchoaret: nihil in
hoc quidem aliud devitans, ut ad Tiberium
scribit, quam divi & signa ominis.* Casaubonus

B

in

in notis addit Ambrosium, qui ad illa Pauli verba ad Galatas cap. IV. *ἡμέρας παροχρησθῆναι ἢ μῆνας, ἢ καιρὸς, ἢ ἐνιαυτὸς*: *Dies*, inquit, *observant, qui dicunt, ut puta, Crastino proficiscendum non est: post crastinum enim non debet aliquid inchoari.* Maxime autem vctabat superstitio, sabbatho iter facere. Ovid. lib. I. Art. amat. vs. 415.

Quaque die redeunt rebus minus apta gerendis

Culta Palaestino septima festa Syro.

& Remed. amor. vs. 219.

Nec pluvias vites, nec te peregrina morentur Sabbatha, nec damnis Allia nota suis.

Romani enim, non minus ac Athenienses, a suis ad aliena sacra facile exorbitantes, *festi diei Sabbatha, Judaico more, & diem Saturni otio & victui decernebant*, ut ait Tertullian. lib. I. ad Nat. c. 13. & in Apolog. c. 16. Revera autem Judaici moris originem & scopum non intelligebant, ut ex Tacito lib. V. Hist. c. 4. et Juvenale Sat. V. vs. 106. apparet: neque omni prorsus itinere Hebræis interdictum, sed longiore, et postremis temporibus certum spatium bis mille cubitorum fuit constitutum, quod emetiri die Sabbathi liceret, de quo Interpretes ad Act. I. vs. 12. Pleraque itinera-riæ superstitionis capita, velut uno fasce, complexus est Tibullus lib. I. Eleg. 3. vs. 9.

Delia

*Delia non usquam, quæ me quam mitteret
urbe,*

Dicitur ante omnes consuluisse Deos.

Illa sacras pueri sortes ter sustulit; illi

Rettulit e trinis omina certa puer.

et mox de se ipso vf. 17.

*Aut ego sum causatus aves, aut omina
dira:*

Saturni aut sacram me tenuisse diem.

O quoties ingressus iter mihi tristia dixi

Offensum in porta signa dedisse pedem.

His addamus, quod superstitiosi aqua lustrali, quæ in templis, et ad fores ædium privatarum, etiam in viis præsto erat, sese, purificandi et expiandi causa, si forte mortuarii aliquid aut immundi tetigissent, adspergebant. Theophrast. Char. d. c. 16.

Ἐπὶ ταῖς τριῖσις ἀπελθὼν κατὰ κεφαλῆς λύσασθαι

In compitis, antequam inde discedat, aqua

in caput adpersa se lustrat. Vid. Numer.

cap. XIX. vf. 8. Ovidius lib. VI. Fast. vf.

639. Plin. lib. XV. c. 30. et Mag. lib. IV.

Miscell. c. 10. Ad anilem præterea superstitionem pertinet, quod fluvium transitori

cum adorabant manusque lavabant. Hesiod.

Op. et dier. vf. 737.

Μηδὲ ποτ' αἰνεῖσθαι ποταμῶν καθιέρωσιν ὕδαρ

Ποσι περᾶν, πρὶν γ' εὐχῇ ἰδὼν εἰς καλὰ ρέεθρα,

Χεῖρας νιψάμεν· πολυχεῖται ὕδατι λεγκᾶ,

*Nec unquam percunium fluviorum limpidam
aquam*

*Pedibus transito, priusquam oraveris, ad-
spiciens pulcra flumina,*

Manus lotus amœna aqua limpida.

Militares copiae sacrificantes, id θύειν τὰ δια-
βατρεῖα vocabant: sic Alexander M. Hyda-
spem fluvium, ut et Acesinem et Indum,
in suæ navigationis initio, invocavit, re-
ferente Arriano lib. VI. idemque Istro sa-
crificavit, ὅτι ἐκ ἀπορίας αὐτῷ ἐγένετο, quod se
haud difficile in transitu præbuisset, au-
ctore eodem lib. I. Romani Petroniam am-
nem, in Tiberim defluentem, inauspica-
to transire nefas ducentes, *peremne auspica-
ri* eos dicebant, qui omnem aquam, ex fa-
cro ortam, auspicato transibant, auctore
Festo, in *Peremne* et *Petronia*. Jam olim
Æneas, Italiam salutaturus, apud Virgil.
lib. VII. *Æneid.* v. 176.

- - - *Geniumque loci primamque Deorum
Tellurem, Nymphasque, & adhuc ignota
precatur*

Flumina.

Silius lib. VI. v. 171.

- - - *Nymphas Numenque precamur
Gurgitis ignoti.*

Denique peregre abeuntes oscula dabant;
non modo carissimis propinquis, sed et do-
mui ac terræ patriæ, Genio ejus hoc ri-
tu

tu valedicentes. Ovidius lib. XIII. Metam. vf. 420.

- - - dant oscula terræ

Troades, & patriæ fumantia aræ relinquant.
Valer. Flaccus lib. IV. Argon. vf. 373.

Ultimum patriæ cedens dedit oscula ripæ.
Rutilius Itiner. lib. I vf. 43.

Cæbra relinquendis infigimus oscula portis.
In aliam mox terram appulsi similiter, osculo terræ infixo, τὰς ἐπιχωρίας θεῶς venerabantur; ut Ulysses in Phæaciam adveniens, κύσε δὲ ζείδωρον ἀργον, *osculatus est terram*, apud Homer. Odyss. V. vf. 463. Ovidius lib. III. Metam. vf. 24.

Cadmus agit grates peregrinæque oscula terræ
Figit: & ignotos montes agrosque salutat.
Iidem ad lares suos tandem reversi patriam et domum salutant; apud Homerum Odyss. XIII. vf. 345.

Χαίρων ἢ γαίῃ κύσε δὲ ζείδωρον ἀργον,

Gaudens sua terra: osculatus autem est al-
mam tellurem.

Seneca Agamemn. vf. 782.

Tandem revertor ad patrios lares,
O cara salve terra!

Hoc ritu antiquo Carolus V. Imperator, in portum Lauredunum appulsus: *Ubi terram tetigit, prostratus osculum fixit, & Salve, inquit, mihi optatissima mater,* auctore Thuano lib. XVII. Histor.

CAPUT II.

DE STATUIS, ARIS ET TEMPLIS
DEORUM VIALIUM.

In honorem Deorum Vialium statuæ & aræ collocatæ, in plateis, pontibus & portis; quæ vel ideo divini juris recte dicuntur, in l. 1. D. & §. 10. Inst. de rer. divis. Lucretius illustratus. In compitis templa. L. 10. C. Tb. de pagan. explicata. Luci prope vias. Lapides viales in biviiis. Deorum marinorum aræ & statuæ in litoribus & insulis. Termini cur rudes, coronati, & uncti. Lux Mosi Genes. XXVIII. vs. 18. Apulejo & aliis. Columnæ Deorum vialium an à columna nubis divina, an ab obeliscis Ægyptiorum, an vero a columnis milliaribus petitiæ? Earum usus & cultus antiquissimus, ex Levit. XXVI. vs. 1.



idimus Gentiles alios suo modo vere religiosos, alios autem perquam timidos, metu divini numinis usque ad superstitionem; his vero tertium genus addendum est, qui Deorum providentiam negantes, aut ignorantes, preces, vota et gratiarum actiones, tanquam inania Philosophorum, negligebant. Horum igitur in memoriam ut una
cum

cum religiosis revocaretur, a Diis Vialibus iter fortunatum concedi, vulgo in plateis, in portis, pontibus, littoribus, biviiis, tri-viis et viarum divortiis erexerunt statuas, aras, ædículas, templa, lucos, lapides et columnas, tanto numero, ut non ab re Petronius dixerit: *utique nostra regio tam præsentibus plena est numinibus, ut facilius possis Deum, quam hominem invenire.* Athenienses non modo in templis, sed et in vicis, ad januas ædium, Mercurii statuas, quas Her-mas vocabant, positas habebant ac dedica-tas, quæ nomen ex domino ædium acci-piebant. Nepos Alcibiade cap. III. *Priusquam classis exiret, accidit, ut una nocte omnes Hermæ, qui in oppido erant Athenis, dejicerentur, præter unum, qui ante januam Andocidis erat, Andocidisque Hermes vo-cabatur.* Suidas in Ἑρμῶν. Ἑρμαὶ ἦσαν ἐν τῇ Ἀθη-ναίων πόλει λίθινοι ἐν προθύροις καὶ ἐν ἱεροῖς. *Hermæ erant Athenis lapidei in vestibulis ædium at-que templis.* In honorem Apollinis Agyiei, præ foribus ibidem constituebantur aræ, myrrha fragrantés; quod ex Sophocle docet Scholiastes Aristophanis in Vespis vs. 870. et ex eo Suidas in Ἀγνιά. Εἰ ἐν δ' αὖν οἱ πρὸς τοῖς Ἀττικοῖς λεγόμενοι Ἀγνιεῖς, οἱ πρὸ τῆς εἰσιῦς θύραις. *Erant vero apud Atticos aræ ante æ-des posite, dictæ Compitalitiæ, sive Agyieis.* Eustathius eas ἀγνιάτιδας θεραπεύσας dictas pu-

tat; quæ tamen Stephanus earum propylæa interpretatur. Triviæ quoque simulacrum Ἐκάταιον, id est, ἱερὸν Ἐκάτης, vel Ἐκάτης ἄγαλμα ante fores collocabatur, ut Aristophanes auctor est in Vespiis vs. 798.

Καὶν τοῖς προθύροις ἀνοικοδομήσθαι πᾶς ἀνὴρ

λύτῳ δικαστηρίδιον μικρὸν πάνυ,

ὡς περ Ἐκάταιον πανταχῶς πρὸ τῶν θυρῶν.

Et unus ante quisque causidicum fores

Strueret tribunal admodum parvum, velut

Hecateum ubique delubrum ad fores solent.

Similiter urbium portæ quasi sedes erant et templa deorum vialium, quæ vel ob hanc causam recte quodammodo divini juris fuisse dicuntur, a Cajo et Justiniano in l. 1. D. §. 10. *Inst. de rer. div.* Apud Harpocracionem, ex Demosthenis oratione adversus Eucergum et Mnecibulum, laudatur: Ἑρμῆς ὁ πρὸς τῇ πυλίδι. *Mercurius, qui ad portulam, et Philochorus lib. V. Attidis tradidit: ὡς οἱ ἐνεία ἄρχοντες ταῖς Φυλαῖς ἀνέθεσαν Ἑρμῆν πρὸς τὸν πυλῶνα τὸν Ἀττικόν. Novem Archontes dedicasse tribubus Mercurium, qui ad portam Atticam.* Pausanias in *Messenicis*, sive lib. IV. pag. 143. ἴοντι ᾧ τὴν ἀπ' Ἀρκαδίας εἰς Μεγάλην πόλιν, ἔστιν ἐν ταῖς πύλαις Ἑρμῆς τέχνης τῆς Ἀττικῆς. Ἀθηναίων γὰρ τὸ γῆμα τὸ τετραγώνον ἐστὶν ἐπὶ ταῖς Ἑρμαῖς, καὶ πρὸς τέτων μεμαθήκασιν οἱ ἄλλοι. *Quæ ad Arcadiæ urbem Megalopolin egressus patet, in ipsa porta Mercurii signum, Attici operis.*

Athe-

*Atbenienses enim quadrangula figura Her-
mas fecere; & eam ab illis alii Graciæ po-
puli acceptam formam in Mercurii sigillis
usurparunt. In Italia quoque Anagninæ Her-
mam ante portam istam, Livius scribit lib.
XXVII. c. 4. si Rubenii et Gronovii le-
ctionem sequamur. Nec trunci tantum
Mercurii, manibus pedibusque carentes, sed
& alii, Apollinis vel Herculis figura,
περύλαιοι ad portas statui solebant. Hinc
portæ Joviae, Herculanæ et Minervæ
crebro memorantur, et ἱερὸς πύλας voca-
vit Theophrastus char. c. 14. Varro lib. IV.
de L. L. nam neque quas Ambracia ante
portas statuit, duas viriles species æneas Dii
magni. Has petasati transeuntes religiosa
observatione salutabant; et quemadmodum
apud Plautum limen superius & inferum
quadam religione salutatur, & apud Maro-
nem amplexi tenent postes, atque oscula fi-
gunt; ita longius aliquod iter adornantes,
dextris deorum oscula figebant. Egregie
hoc docuit Lucretius lib. 1. vers. 316.*

*Strataque jam vulgi pedibus detrita viarum
Saxeæ conspiciamus, tum portas propter abena
Signa manus dextras ostendunt attenuari
Sæpe salutantum tactu, præterque mean-
tum.*

Nescio qui in mentem venerit Alciato, ut
lib. VIII. Parerg. c. 10. hunc locum refer-

ret ad patronos, qui, cum copiam sui facere non possent, pro valvis statuum suam æneam posuerint, quam clientes venerarentur; quum satis pateat, Lucretium loqui de signis Deorum vialium & tutelarium, quorum manum dextram, qui exirent ex urbe, & qui ingrederentur, osculari solebant. Receptior quidem habitus adorantium fuit, ut eminus stantes manum signis porrigerent, eamque ad os suum relatum suaviarentur; neque tamen Thomas Crech desperare debebat, an ullus veteris scriptoris locus, ad id demonstrandum, quod ait Lucretius, adferri possit: omnino enim nonnulli simplicius mentum, genua vel dextram deorum ore suo attingebant. Cicero IV. in Verr. c. 43. apud Agrigentinos ait fuisse simulacrum Herculis, *cujus rictum ac mentum paullo attritius, quod in precibus & gratulationibus non solum id venerari, verum etiam osculari solebant.* Crebris etiam unctionibus & votis, cera affixis, simulacra detrita esse, indicat Philostratus Heroic. c. 2. ubi de Protefilai statua, Navarchi habitu à navigantibus culta, ait: *πετερίδας δ' αὐτὸ ὁ χρόνος, καὶ τὴν διὰ αἰσίωντες τε, καὶ οἱ ἐπισφραγίζοντο τὰς εὐχάς, ἐξηλάττωσιν ὃ ἔδωκεν.* *Atterendo eam & tempus, & illi, ita me amet Jupiter, qui inungere solent, aut vota cera affigunt, speciem immutarunt ejusdem.* Via,

Viatoribus extra urbem delatis in pontibus, compitis & quadriviis iidem occurrebant Hermæ, tum ædiculæ patentēs, & templa Diis Vialibus sacrata, in quibus rem divinam facere, thura dapesque libare possent. Ammianus Marcellinus XXXI. 1. *Quales, ait, in commarginandis pontibus effigiati stipites dolantur incomite in hominum figuras.* Erant enim valde informes, securi & ascia simplici, nullo artificio politī, ut ille Priapus pastoris Deus apud Virgilium in Culice:

Illi falce Deus colitur, non arte politus.
Nec non apud Lucanum lib. III. Pharf.
v. 412.

- - - *Simulacraque mæsta deorum*
Arte carent, cæsisque exstant informia
truncis.

De templis deorum, ad vias exstructis, auctorem habeo Athenæum lib. XV. c. 9. De ædiculis sive facellis vetus Scholiastes Persii Sat. IV. ad voces *pertusa compita* notat: *Compita sunt loca in quadriviis, quasi turres, ubi sacrificia, finita agricultura, rustici celebrabant. Merito pertusa, quia per omnes quatuor partes pateant, vel vetusta: vel compita non solum sunt in urbe loca, sed etiam viæ publicæ ac diverticula aliquorum confinium, ubi ædiculæ consecrantur patentēs.* Junius etiam Philar-

largyrus in 2. Georg. scribit, in locis, ubi competerent viæ, aras & ædes sacras fuisse: atque ad has pertinere puto *l. X. C. Th. de paganis*, in qua Impp. Gratianus, Valentinianus & Theodolius præcipiunt: *Judices quoque hanc formam contineant, ut si quis profano ritui deditus templum uspiam vel in Itinere vel in Urbe adoraturus intraverit, quindecim pondo auri ipse protinus inferre cogatur.* Extra muros urbis Romæ aliarumque, quæ Romanos agnoscebant fasces, frequentia templa fuisse, ex Pausania, Ovidio, Festo aliisque ostendit celeberrimus hujus Codicis interpres: sed vox *itineris* hic maxime respici jubet, ad ea, quæ Diis vialibus, Dianæ & Herculi erant dedicata, in viis, quæ Romam ducebant. Ita enim Servius ad IV. Æneid. vers. 511. *Dianam ob triplicem potestatem triformem triplicemque sinxerunt: cujus in triviis templa struxerunt.* Dionysius lib. I. Antiq. cap. 40. πολλαὶ δὲ καὶ αἱ τῆς Ἰταλίας ἀνέστην τεμένη τῷ θεῷ, καὶ βωμοὶ κατὰ πόλεις τε ἱδρύνται καὶ παρ' ὁδοῖς, καὶ σπανίως ἀν' ἑνὶ τις Ἰταλίας χώρον, ἔνθα μὴ τυγχάνει τιμώμενος ὁ θεός. *In multis etiam Italiae locis aliis, templa huic deo (Herculi) sunt sacrata, & in urbibus ac in ipsis Viis aræ sunt erectæ: nec facile reperias ullum in Italia locum, ubi deus iste non colatur.* Tale quoque fuit templum
Dia-

Dianæ Limnatidis apud Lacedæmonios, in via, quæ Bœis Epidaurum ducebat, & apud Messenios, ad vicum, quem vocabant Calamas, exstructum, de quo Pausanias lib. IV. & Tacitus IV. Annal. cap. 43. adducendi. Item Dianæ Aricinæ templum, haud longe ab Aricia collocatum; cujus meminerunt Lucanus lib. VI. vers. 74. & Hyginus fab. 261. Duarum *Fortunarum* templa, ab utraque parte viæ Latinæ collocata, Strabo signat lib. V. pag. 249. De *Herculis* templis ad vias non est dubitandum; is enim non delectatus fuit vita sub dio, sed peregre solitus degere, nec indigena fuit, sed hospes & peregrinus, uti Plutarch. ait, Quæst. Rom. cap. 28. Hinc Tyrionum legati, apud Curtium lib. IV. c. 2. Alexandro respondent: *esse templum Herculis extra urbem*. Apud Romanos Herculis templi extra portam Collinam meminit Livius XXVI. cap. 10. Fanum ejusdem in via Appia, frequentia salutantium viatorum servuisse scribit Martialis lib. III. Epigr. 47. Atque illustre illud, quod extra portam Latinam Domitianus statuit, idem lib. IX. epigr. 65. depingit; cujus verba, cum ad rem præsentem maxime facere videantur, apponere lubet. Sunt autem hæc:

Her-

*Herculis in magni vultus descendere Caesar
 Dignatus, Latiae dat nova templa via:
 Qua Trivia nemorosa petit dum regna viator,
 Octavum domina marmor ab Urbe legit.*

Prope templa & facella vanæ Deorum
 imagines, in viis, *redimita vittis arbore,
 vel erecta effossis cespitibus ara*, honoraban-
 tur, ut ait Theodosius M. in l. 12. C. *Tb.
 de pagan.* Nec minus frequentes *luci* erant
 & nemora viis imminencia, in quibus via-
 tores tacito horrore secretum illud, quod
 sola reverentia videtur, adorabant. Indi-
 cat Apulejus lib. I. Florid. *Neque justius
 religiosam moram viatori objecerit, aut ara
 floribus redimita, aut spelunca frondibus
 inumbrata, aut quercus cornibus onerata,
 aut fagus pellibus coronata, vel enim colli-
 culus sepimine consecratus, vel truncus do-
 lamine effigiatus, vel cespes libamine humi-
 gatus, vel lapis unguine delibutus.* Agge-
 nus in Frontin. pag. 62. *Lucos frequenter
 in trisinio & quadrisinio invenimus, sicut
 in suburbanis, & circa publica itinera con-
 stitutum esse perspicimus.* Nimirum solitudo
 locorum, & admiratio umbræ, præsertim
 in calidioribus regionibus, apud vulgus
 rusticum, opinionem excitabat, Deos illic
 habitare, ipsique urbani, non magis auro
 fulgentia atque ebore simulacra, quam lu-
 cos; antiquitate verendos, & in iis silentia
 ado-

adorabant. vid. Deut. XII. vs. 2. 3. XVI. vs. 21. Ezech. VI. vs. 13. Plin. lib. XII. c. I. Ruben lib. II. Elect. c. 34. & qui hanc eruditionis partem supra omnes illustravit, Pinto Ramirez, in Spicileg. sacro tract. 1. cap. 6. Offerebant autem sese in primis Dianæ silvarum potentis luci, variis in locis, ut Petrus Faber lib. III. semestr. cap. I. observavit. Erat Ephesi lucus Dianio, si-
ve Dianæ magnæ fano proximus, Tacito III. Annalium 61. Strabone & Achille Statio auctoribus. Lucus Daphnes, ad suburbium Antiochiæ Syriæ, Apollinis & Dianæ cærimoniis fuit consecratus, l. 2. C. de cupressis (XI. 77.) l. 12. C. Tb. de jure Fisci. Strabo, Sozomenus, Libanius. In Latio quoque *Lucus Dianius est, in sinistra parte viæ, qua Aricia ascenditur*, inquit Strabo lib. V. pag. 165. & Plinius suis temporibus, in suburbano Tusculani agri colle, lucum antiqua religione Dianæ sacratum fuisse tradit, lib. XVI. Nat. hist. cap. ult. Unde Virgilius: *Jam subeunt Triviae lucos*. Horatius: *cum lucus & ara Dianæ*. Ovidius lib. VII. Metam. vs. 94.

- - - *per sacra triformis*

*Ille Deæ, lucoque foret quod numen in illo,
Eventusque suos tantaque pericula jurat.*

Præter Dianam Lares quoque viales in lucis habitare credebantur; quod essent animæ.

mæ defunctorum , quorum sepulchra arboribus lucisque erant circumfcripta. Servius ad Æneid. III. vers. 302. *Lucum nunquam ponit sine religione. Nam in ipsis habitant manes piorum, qui lares Viales sunt.* Varro lib. IV. de L. L. *Et unde ascendebant ad imam novam viam, lucus est & sacellum Larum.* Ipsi de se apud Virgilium lib. VI. Æneid. vers. 673.

Nulli certa domus, Lucis habitamus opacis.

In litoribus, insulis, portubus & navium stationibus Diis quoque marinis templa, aræ & statuæ fuerunt erectæ, ad quas mare ingressuri precabantur, & reduces vota nuncupata solvebant. Hinc θεοὶ αἰγιαλοῖς, sive *litorales dii* dicuntur, & Strabo lib. VIII. pag. 343. Elcæ solum totum in lucis donariorum refertum esse ait, συχνὰ δ' ἐμύα ἐν ταῖς ὁδοῖς, Ποσειδεα δ' ἐπὶ ταῖς ἀκταῖς. *Cerebra etiam in viis sunt Mercurii, Neptuni in ripis donaria.* Cum enim censerent divino & mortali generi convenientissima quæque loca esse maxime commoda & grata, ἀκταὶ δ' ἢ νῆσος πελαγίοις δαίμοσι, *litora & insulas numinibus marinis sacras putarunt,* ait Dionys. Halic. lib. I. cap. 39. Servius ad Virgilii lib. III. Æneid. vs. 12. *Simulacra duo virilia, Castoris & Pollucis, in Samothracia, ante portum sita, quibus naufragio liberati vota solvebant.* Ipse Virgil. lib. III. Æn. vs. 404. *Et*

Et positis aris jam vota in litore solves.

Hercules item Pollium rogat, ut sibi in litore aras exstruat, in quibus nautæ præternavigantes sacrificarent, apud Statium lib. III. Sylv. vs. 106.

*Dat templum, dignasque tuis conatibus aras,
Quas puppes velis nolint transire secundis.*

Lapides porro & stelæ, non tantum deorum nominibus & figura insignes, sed etiam rudes, in viis publicis, ubi divortia erant & ditionum diversarum coibant termini, statuebantur. Ita Strabo Mercurii statuas, in viis ad Alphei fluminis ostia, crebras fuisse, scriptum reliquit lib. VIII. & lib. XVII. pag. 818. de via Syena, in Ægypto, Philas tendente: *Per totam viam videre licebat utrinque, multis in locis, quasi statuas Mercuriales, lapidem altum, rotundum, satis lævem, propemodum sphericum, ex nigro & duro saxo, ex quo mortaria fiunt, majori lapidi impositum, ac rursus super eo alium.* Qui locus memorabilis nos monet, ut ab Ægyptiis natales hujus superstitionis repetamus, a quibus deinde ad alias gentes fluxit. Pausanias lib. VII. in Achaicis, ubi de Mercurio Pharis culto: Εσήκασι, inquit, ἡ ἰγγύτατα τὰ ἀγάλματα τετραγῶνοι λίθοι τετράκοντα μέγιστα δριμύνη. τὰ τὰς εἰλεῖν οἱ φαρὲς ἐκαστὸν θεῦ τινας ὄνομα ἐπιλέγοντες. τὰ δὲ ἔτι παλαιότερα ἢ τοῖς πᾶσι ἐλέησι, τιμὰς θεῶν ἀντὶ ἀγάλματα εἶχον ἀγαθὶ λίθοι.

C

Prope

Prope ipsum Dei signum lapides fere triginta erecti sunt, quadrangula figura: singulos certis Deorum nominibus appellantes venerantur. Et sane Græcis olim omnibus patrium fuit, rudes lapides pro diis, perinde ac simulacra ipsa, colere.

Maxime vero apud Romanos invaluit Terminorum religio, postquam Numa lapides finales Jovi Terminali sacravit, omnesque jussit quotannis, in festo Terminalium, libis & fructuum primitiis sacra illis facere, uti, præter Plutarchum, multis describit Dionys. Halicarn. lib. II. c. 76. Hinc pœnæ termini moti illustrantur, quia religio furtum augebat; adeo ut si quis ignorantia, aut fortuito lapides alienos moverit, verberibus decidere liceat, quum lapides illi Jovi sacri essent, l. 2. D. de term. mot. Deut. xxvii. v. 17. Plato lib. VII. de LL. Seneca Hippol. act. II. v. 528.

- - - nullus in campo sacer

Divisit agros arbiter populis lapis.

Propertius lib. I. Eleg. 4.

Nullas illa suis contemnet fletibus aras,

Et quicumque sacer, qualis ubique, lapis.

Ovidius lib. 2. Fastor. v. 641.

*Termine, sive lapis, sive es defossus in agro
Stipes, ab antiquis sic quoque numen
habet.*

Dii Terminales quidem à Vialibus differunt

runt ratione & loci, & officii; sed tamen quandoque termini, Hermarum habitu, pro Diis vialibus habebantur, ubi viarum divortia fines distinguebant: nam Ulpianus ad Demosthenem scribit, terminos vultum Mercurii in vertice, in fronte autem inscriptionem habuisse. Termini effigiem, in truncum desinentis, dedit Oiscl. tab. 41. Aliam Sponius, sed quam Fabrettus statuam sepulchralem rectius existimavit c. 1. Inscr. Declarat id quoque Statua Terminalis, *τῆς ἐφορίας*, ut Polluci dicitur, in nummis Augusti, apud Goltz. numm. Aug. pag. 23, n. 20. ita efformata, ut caput promineat, ceteræ vero corporis partes, in pyramidis inversæ speciem confusæ, et fasciis involutæ videantur. Pausanias in fine Corinthiac. *Ἐσῆχασι δὲ ἐπὶ τοῖς ὁρίοις Ἑρμαὶ λίθοι.* *Ereḗti sunt in terminis lapides Hermæ.* Julius Frontinus de coloniis pag. 142. *Alijs vero locis ager determinatur per muros, Hermulas, mace- rias, scorpiones, congeries &c.* Atque hujus generis fuit *lapis ille unguine delibutus*, qui religiosam moram viatori objiciebat, auctore Apulejo, *diſt. loc.* Apud Judæos tabernaculum, altare & omnis supellex divina, Dei mandato, uncta erat & consecrata Exod. XL. vs. 9. 10. Num. VII. vs. 1. at miseri gentiles, uti victimas & animalia Deo consecrata oleo ungebant, ita & lapi-
C 2 des;

des ; quod deos ejus pinguedine & odore delectari credebant. Discimus hoc ex Theophrasto περί δεισιδαιμονίας, & Luciano in Pseudomante. Clemens Alexandrinus lib. VII. Stromat. λιπαροὺς λίθους, *pingues lapides*. Arnob. lib. I. adv. gent. pag. 22. *Lubricatum lapidem*, & *ex olivi unguine sordidatum*, vel, ut alii malunt, *odoratum* vocat. Porro quemadmodum Deorum statuae plerumque aureis coronis ornatæ in nummis conspiciuntur, ita lapides quoque ornabant floribus, -fertis & coronis, l. 7. & l. 12. C. Tb. *de pagan*. Tibull. lib. I. Eleg. 1. v. 15.

Nam veneror, seu stipes habet desertus in agris,

Seu vetus in trivio florea ferta lapis.

ubi Loënsis lib. II. Miscell. c. 18. in primo versu deum semicalem, qui semitas custodit, in altero vero lapidem terminalem intelligi voluit, quocum non ubique facit Broekhusius in notis. Lapidem unctum cum ramo coronato conjungit Apulejus in Apol. *Negant vidisse se, qui fuere, unum saltem, in finibus ejus, aut lapidem unctum, aut ramum coronatum*. Minucius Felix c. 3. *lapides effigiatos, unctos & coronatos* vocat, & denique Siculus Flaccus de condit. agror. pag. 5. *Cum enim terminos disponderent, ipsos quidem lapides in solidam terram rectos collocabant, proxime ea loca, quibus fossis factis*
defixu-

defixuri eos erant, & unguento, velaminibusque & coronis eos ornabant.

Cur autem, ais, lapides isti sæpius impositi & rudes? Joannes Spencerus de legibus Hebr. lib. II. cap. 6. rationem adfert, quod Gentes, naturæ quodam instinctu, res naturales, nullo artificio adulteratas, sine signis & figuris, Numini existimarint gratiores. Dio Chrysostomus Serm. XII. ex artis penuria & defectu informes lapides deducit. Aliter rursus Lactantius lib. I. c. 20. *Quid, qui lapidem colunt informem atque rudem, cui nomen est Terminus? Hic est quem pro Jove Saturnus dicitur devorasse.* Eundem lapidem, per vomitum iterum ejectum, Jupiter sub jugis Parnassi statuit, ut posteris insigne monumentum existeret, auctore Hesiodo Theogon. vs. 498. & Apollodoro Bibliothec. lib. I. Scribit etiam Pausanias, in Phocicis, *singulis diebus, & maxime festis, oleo eum perfusum, succidaque lana velatum fuisse.* Sed, qui universam Gentilium Theologiam ab Hebræis petitam contendit, Vir Cl. Petrus Daniel Huetius, morem istum dimanasse putat à lapide, quem unxerat Jacob in Bethel. Is enim in itinere lapidem, cui innixus scalam in somnis viderat, posuit in titulum, addito voto, eum locum fore domum Dei, si salvus reverteretur: *erexit in stelam, suditque oleum*

desuper. Deinde vocavit nomen istius loci Beth-el. Genes. XXVIII. vs. 18. 19. Et sane, Judæos lapidem hunc deduxisse in speciem cultus divini, eique similes, successu temporis, alios fecisse, ex 1 Reg. XIV. 23. constat, atque ex traditionibus Judæorum firmat illustris Scaliger animadvers. Eusebian. pag. 216. ad annum 2150. A Bethel quoque, quod Phœnicum lingua significat domum Dei, lapides animatos Græcis βαetylῶνες vocatos existimat; eique viri Clariss. Cuperus ad Lactant. de M. P. pag. 154. & Buddeus Hist. Eccl. tom. I. pag. 319. adstipulantur. Aliis autem verisimilius videtur, ut Grotio & Pottero, doctissimo Oxonien- sium Episcopo, Archæol. Græc. lib. II. c. 2. Jacobum morem antea usitatum secutum fuisse; quia Moses hanc rem non ita nar- rat, quali eam instituerit Patriarcha, sed ut ex veteri more usitatam: nam & Mar- tis signum e lapide rudi in Petra Arabiæ, apud Suidam; & Venus, apud Cyprios in modum metæ culta, apud Servium; & Pal- las Attica, sine forma, rudi palo & solo staticulo ligni informis, apud Tertullianum repræsentata memoratur. Bætuliorum me- minit Damascius apud Photium cod. 242. τῶν βαetylῶνων ἄλλον ἄλλω ἀεικέσθαι θεῷ, Κρόνῳ, Διὶ, Ἡλίῳ, ἢ τοῖς ἄλλοις. Bætulorum alium alii deo consecratum esse, Saturno, Jovi, Soli & aliis.

aliis. Sanchoniathon, & ex eo Philo Biblius, apud Euseb. Præp. Evang. lib. I. cap. 10. *ἔπεσθη θεὸς ἐρενθῷ βαetylία, λίθας ἐμφύχας μαχῶν σαμένῳ: Invenit Deus Uranus betulia, lapidibus animatis factis: sed lapidibus unctis* eum scripsisse, & Philonem errasse, contendit Bochartus Phaleg. lib. II. c. 2. Idem forte sunt *Lapides, qui Divi dicuntur*, apud Lamprid. Heliog. cap. VII. Multa fabulosa de his narrant Græculi nugatores, in vulgus nota; sed impuro aliquo dæmone agente bætulos moveri, Isidorus Philosophus, insignis artium magicarum architectus, fatetur.

Restat de Columnis dicamus, quæ in honorem Deorum vialium erigebantur. Has inter primum locum occupant obeliscatæ illæ, quas Athenienses in vestibulis ædium, in vicis & angiportibus Apollini Agyieo posuerunt. Meminit earum Aristophanes in Thesmophoriaz. vs. 495. & in Vespis, v. 870. ubi Scholiastes: *Πρὸ τῶ θυρῶν ἐστὶν ὄχθον, κίονας εἰς ὧν λήγοντας, ὡς ὀβελίσκους ἰδεύειν εἰς τιμὴν Ἀπόλλωνος Ἀγνείας. In more positum erat, ante fores statuas in acutum desinentes, obeliscorum instar, collocare in honorem Apollinis Agyiei.* Scholiastes Euripid. ad Phœniss. vs. 634. *ὅτι τὸν Ἀγνεία πρὸ πυλῶν ἵσασαν. Κίον ᾗ ἔστῃ ἢ εἰς ὧν λήγων.* Harpocration in *ἀγνείας: Ἀγνείας, inquit, δὲ ἴσται κίον εἰς ἐξὸν λήγων,*

ἐν ἱερῇ πρὸ τῶν θυρῶν. Ἰδὲ, ἣ ἦν αἱ φασὶν αὐτὴς ἅ-
 πόταν, οἱ δὲ Διονύσιος, οἱ δὲ Ἀμφιῶν. Ἀγνὸς *vero est*
columna in acumen definens, quam ante fores
statuunt. Dicunt nonnulli eas columnas Apol-
linis esse proprias, alii Dionysi, alii utrius-
que communes. Decantatæ item ubique sunt
 Herculis columnæ, terrarum ac itinerum
 termini, de quibus in diversa abeunt Vete-
 res; Calpen & Abylam eas putantibus aliis:
 aliis æneas columnas in templo Herculis, aliis
 aliter. Vide Strabonem lib. III. 96. & Eu-
 stath. ad Dionys. v. 64. Quicquid est, de
 origine moris istius si quærat, Huetius,
 unam istam columnam, in qua delitescens
 Dominus ducem se itineris præbuit Ebræis,
 tot sacras viales columnas peperisse, existi-
 mat, Dem. Evang. prop. IV. cap. 4. 8. &
 Dickinsonus Delph. Phœn. c. 10. In inviis
 namque Arabiæ desertis, ubi incerta erant
 itinera, Jehovah, tanquam dux viæ & Im-
 perator, ipsis præibat, *per diem in columna*
nubis, ad ducendum eos in via, & per no-
ctem in columna ignis, ad lucendum illis.
 Exodi XIII. vs. 21. & XL. vs. 38. Psalm.
 LXXVIII. v. 13. 14. Nehem. IX. vs. 12.
 Et sane corpus hoc fuit materiæ cœlestis,
 simile columnæ, in rotundam figuram pres-
 sum, ut ab omnibus per tota castra videri
 posset: hinc non modo *lux ignis*, sed &
columna nubis & ignis vocatur Exod. XIV.

vs.

vs. 19. Psalm. CV. vs. 39. Illud quoque pa-
 lam scribit Moses, Dominum in nube Israë-
 litas antecessisse, tum ut noctu illos duceret
 via, qua eundum esset, tum ut eos adver-
 sus æstum Solis muniret Exod. XIII. vs. 21.
 Deut. I. vs. 33. Hinc nonnullis admodum
 verisimile videtur, veterem illum serpentem,
 ad animas hominum corrumpendas, *μύθηον*
 hanc scelestam instituisse. Auctor enim
 I Macc. cap. III. vs. 48. gentes, ait, evolvisse
 libros legis, in quibus scrutarentur similitu-
 dinem idolorum suorum; & Clemens Ale-
 xandrinus lib. I. Stromat. pag. 255. colum-
 nam igneam, Thrasibuli ducem, cum di-
 vina illa componit; immo expresse Bacchi
 & Apollinis columnas, *ἐκ τῆς παρ' Ἑβραίων ἱστορίας*
 fluxisse scribit. At Celeb. Vitringa lib. V.
 dissert. sacr. c. 16. §. 1. in notæ, ob Xeno-
 phontis, Nepotis & Diodori silentium,
 nullam Clementi fidem habet; et si cuipiam
 isthæc columnarum origo longius petita vi-
 deatur, is, per me licet, earum cunabula
 ab litteratis repetat Obeliscis, Soli ab Æ-
 gyptiorum Hierophantis consecratis, quos
 describunt Plinius et Ammianus Marcelli-
 nus. Vel ad Pharos recurat, in nautarum
 præsidium, ex albo lapide exstructas, quas
 inter vetustate et artificio eminuist illa, cu-
 jus in Ægypto utilissimæ, meminit Strabo
 lib. XVII. cum inscriptione: ΣΩΣΤΡΑΤΩΣ

ΚΝΙΔΙΟΣ, ΔΕΞΙΦΑΝΟΣ ΤΕ ΘΕΟΙΣ ΣΩΤΗΡΙ-
 ΣΙΝ ΤΗΡΕ ΤΩΝ ΠΛΩΙΖΟΜΕΝΩΝ. SOSTRA-
 TUS CNIDIUS, DEXIPHANIS FILIUS, DIIS SER-
 VATORIBUS PRO NAVIGANTIBUS. Posset quo-
 que origo referri ad *στήλας* & columnas millia-
 res, quæ Deorum vialium munere fungebantur. Scribit enim Sextus Empiricus, quæcun-
 que profunt vitæ humanæ Deos esse habitos; nihil autem magis viatorum animos ac vires
 reficit, quam lapides isti notis numerorum
 incisi. Belle Quintilianus lib. IV. Inst. o-
 rat. 5. *Partitio reficit audientem, non aliter,
 quam facientibus iter, multum detrahunt fa-
 tigationis notata inscriptis lapidibus spatia.*
 Usus eorum apud Cananæos, Indos & Ro-
 manos quoque est antiquissimus. Nam Ge-
 nef. XXXVIII. 14. secundum quorum-
 dam sententiam τὸ *ענין* accipitur pro Mer-
 curiali statua, vel aliquo signo, quod viam
 monstrat; & si fides Maimonidæ in Roze-
 ach cap. 8. in biviiis & triviis, quæ ad urbes
 refugii ducebant, lapides fuerunt erecti, qui-
 bus inscriptum *מקלט Miklat*, i. e. Refugi-
 um. Hos autem lapides speciem cultus
 ethnici præbuisse, non tantum ex eo patet,
 quod Deus *מצבה*, *στήλην*, cippum et colum-
 nam superstitionem erigi prohibet, Deut.
 XVI. 22. sed expressius eam in rem est locus
 Levit. XXVI. vers. 1. ubi verba leguntur
 ista: *Ne faciatis vobis idola, & sculptile,*
nec

nec statuam vobis erigatis, neque אֵבְהֵן מַסְכִּית *Ebhen Mascith* *detis terra vestra, ad adorandum penes illum.* R. Bechai transfert lapidem effigiei, hoc est, pictum vel cælatum. R. Salomo interpretatur lapidem *pavimenti*, אֶשְׁכָּךְ *cooperuit*, quia is terram tegit. Onkelos intelligit lapidem *adorationis*. Moses vero Maimonides de idolol. cap. VI. n. 8. indicari putat morem, quo ante idola pavementum lapide sternebatur, super quo se prosternerent adoraturi. Sed Aben-Ezra unus optime, ad ritum colendi Mercolis, id est Dei vialis, heic respici monuit; &, si notationem sequamur, *Ebhen Mascith* est lapis index, visum seu oculos dirigens ad viam rectam. LXX. Interpretes λίθον σκαπόν, *lapidem inspectorem* verterunt, quales in Ægypto frequentes fuisse, supra ex Strabonis lib. XVII diximus. Viderint ergo qui hariolationes & conjecturas amant, num ab retusis his obeliscatæ Apollinis columnæ enatæ fuerint; aut hæc si non sufficiunt, ad petram recurrant, é qua Solis ignes elicitos finxit vetustas, de quibus infra cap. VI. dicturi sumus. Simpliciter & vere scribit Clemens Alexandrinus lib. I. Strom. pag. 348. *Priusquam accurate perfecteque tenerentur imaginum habitus, Veteres columnas erigentes eas colebant, tanquam statuas Dei.* Adde Illustr. Spanhem. de Vesta n. 21.

CA.

C A P U T III.

DE DIIS VIALIBUS ÆGYPTIORUM,
JUDAEORUM ET SYRORUM.

Vulgus lapides Deos esse credebat: Sapientiores Solem & Lunam fere ubivis gentium venerabantur. Variæ ejus rei rationes. Deorum vialium duæ classes, Corpora cœlestia, & Heroës Divis adscripti. Ægyptii hujus superstitionis auctores, quorum Numina vialia Osiris & Isis, id est Sol & Luna, sub symbolo bovis. De Vitulo aureo Hebræorum variæ sententiæ. Nobis videri Osiridis symbolum fuisse, viæ ducis in deserto. Exodi XXXII. vs. 1. Psalm. CVI. vs. 19. & Act. VII. vs. 39. explicantur. Astarte Syrorum numen itinerarium, a multis populis, etiam a Judæis, cultum. Huic cœli reginæ amphiphontes in viis oblatæ. Verus Hieremiæ sensus cap. VII. vs. 17. Gad & Meni, an Sol & Luna, apud Esaiam LXV. vs. 11. Dea Cœlestis Asrorum eadem, quæ Astarte, apud Ulpian. tit. XXII. §. 6.



bsit vero putemus, tam hebetes ac truncos Ethnicos fuisse omnes, ut lapides, statuas & columnas pro Diis vialibus habuerint: quas & sensu carentes, et mortali opere factas,

&

& ævum passuras facile videbant. Pueri, fa-
 teor, & anus, & vulgus superstitione man-
 cipatum, immo quotquot religionem, non
 ratione, sed sensibus hauserant, nisi figu-
 ris hominum, animalium, aut lapidum con-
 stitutis, nihil poterant de Deo cogitare,
 ideoque statuas consecratas, velut Deorum
 domicilia, aut Dei spiritu animatas, ado-
 rabant, iisque, tanquam diis, publice sup-
 plicabant. Theophrastus in Charact. *ὅτι*
δεισιδαιμονίας, sive cap. XVI. Καὶ τῶν λιπαρῶν λί-
 θων τῶν ἐν ταῖς τριόδοις, παρὰ τὴν ἐκ τῆς ἀγκύρας ἰλασθῆναι
καταχρῆναι, ἢ ἐπὶ γόνατα πίπτον ἢ περικυλίσσασθαι, ἀπαλ-
λάττεσθαι. *Lapides unctos, qui sunt in tri-*
viis, solet oleo ex ampulla persundere, nec
prius discedere, quam posito genu eos fuerit
veneratus. Dio Chrysostomus Serm. XII.
 Πολλοὶ τῶν βαρβάρων, πενίᾳ τε ἢ ἀπορίᾳ τέχνης, ὅρα
 θεοὺς ἱκονομαζοῦσι, ἢ δένδρεα αἰγὰ, ἢ αἰτήματα λίθους.
Multi è barbaris, ex artis penuria & de-
fectu, montes Deos vocant, & arbores im-
politas, & informes lapides. A se ipso quo-
 que, adhuc profano idololatra, id factum
 queritur Arnobius lib. I. pag. 22. *Pictura-*
tas veteriosis in arboribus ténias si quando
conspexeram, lubricatum lapidem & ex oli-
vi unguine sordidatum, tanquam inesset vis
præsens, adulabar, affabar & beneficia
proseebam, nihil sentiente trunco. Pruden-
 tiores etiam, quo facilius animos impe-
 ritq-

ritorum, ad deorum cultum, a vitæ præ-
 vitate converterent, vel ne, tanquam reip.
 turbatores, cum Socrate, capitis pericu-
 lum subirent, subridentes licet, more po-
 puli, Deos vocabant, qui *Ἀεγυπτίου θεοί*;
 ut Paulus ait 1 Corinth. VIII. v. 5. Ita Ci-
 cero Verrin. IV. c. 47. simulachris sublatis,
 deos ablatos queritur, cum Siculorum vul-
 go. Virgil. lib. II. Æneid. v. 351.

Excessere omnes adytis, arisque relictis

Dii, quibus imperium hoc steterat.

Horat. lib. I. Sat. 8.

*Olim truncus eram ficulnus, inutile li-
 gnum:*

Cum faber, incertus scamnum facerente

Priapum,

Maluit esse Deum.

Juvenalis Sat. VIII. vers. III.

*Ipsi deinde Lares, si quod spectabile si-
 gnum.*

Si quis in ædícula Deus unicus.

Ipsimet vero in rebus naturalibus & cor-
 poreis, præsertim in astris, Deos quære-
 bant, ac honore divino siderum principes,
 Solem & Lunam prosequabantur. Cum
 enim Dei ipsius invisibilis formam ignora-
 rent, & vellent tamen habere aliquid, in
 quo sensus hæerere posset, ad hæc lumina-
 ria animum jam adjecerunt primi mortali-
 um; unde lux, alimenta, voluptates, imo
 vita

vita iis universa. Satis quidem aperte videbant, Dei immensi ideam astrorum angustia non absolvi; cum circulo suo inclusa sint, nec precum habeant intellectum, nec libertatem huic magis, quam illi beneficiendi, nec libere moveantur; adhuc plura sint, & materia consent, ut ex Homeri & Arati versibus liquet; neque tamen, post oblitteratam, & quasi extinctam creati mundi historiam, quam Moses nobis diligenter descriptam reliquit, eorum stupendam magnitudinem, splendorem, cursus celeritatem, vim & tantam in tam variis curtilibus convenientiam, sine numinis cogitatione, contemplari poterant. Ipse Jobus hoc sibi evenisse fatetur, cap. XXXI. vs. 26. Plato lib. X. de LL. recte quosdam reprehendit, qui corpora cœlestia motum a Deo accipere negent; at lib. XI. de LL. et in Epinomide, astra appellat *deos magnos et adspectabiles*, qui cernuntur et acutissime cernunt. Plinius, in magnifica illa Solis descriptione, lib. II. cap. 6. opera ejus æstimantes, inquit, credere decere, hunc *mundi totius mentem, & principale naturæ regimen, ac numen esse*. Immo omnes, quotquot fuerunt gentes, in lucida hæc cœli decora, in hos lucis et terrarum dominos religionis suæ studia collocasse, notum est vel mediocriter eruditis, et

Char-

Charron Christianus, Solem Deum esse sensibilem, Deum Solem esse insensibilem, luxuriante ingenio dixit. Ad hos etiam præcipue referendum videtur, quicquid Gentium Mythologia de viarum præfectis fabulata est. Lux enim solaris de die vias monstrat, Luna, in calidioribus præsertim climatibus, iter noctu facientes iuvat, certe ab utraque, discusso tenebrarum horrore, cœlique tristitia, multiplex utilitas in viatores redundat. Hac propter in nummis Imperatorum, qui in Orientem expeditiones susceperunt, frequenter legitur: ORI-
 ENTI SOLI COMITI: SOLI Æ-
 TERNO COMITI: vel PROGVGNA-
 TORI AVGVSTO, SOLI INVICTO
 COMITI. et collegium Pabulariorum, qui
 pabula militiæ advehebant, APOLLINI
 INVICTO ET LVNAE AETERNAE
 statuam æneam dedicarunt, apud Spon.
 Miscell. pag. 68. Moses ait, Deum fecisse
 duo illa luminaria magna, luminare majus,
 ad præfecturam diei, et luminare minus,
 ad præfecturam noctis, Genes. I. vs. 16.
 vetat autem, ne pulchro adspectu impella-
 mur ad ea colenda, quæ Deus omnibus
 impertitus est Deut. IV. vs. 19. Cicero lib. I.
 Tuscul. quæst. cap. 30. Solem *omnium mo-*
deratorem & *ducem* vocat. Apud Livium
 pastor quidam dux viarum à Charopo missus:
 Nocte

Nocte itinera fieri jubet: & pernox forte Luna erat, lib. XXXII. cap. 11. Soletiam apud Julianum orat. IV. κοινὸς ἡγεμὼν, *communis dux*: & Luna apud Jucundum, in sententiis, ὁδοῦντων παρηγορία, *peregrinantium consolatio* appellatur. Diserte Augustinus lib. VII. de civit. Dei cap. 16. *Apollinem quamvis divinatorem & medicum velint, tamen, ut in aliqua parte mundi statuerent, ipsum etiam Solem dixerunt; Dianamque, germanam ejus, similiter Lunam & viarum praesidem. Unde & virginem volunt, quod via nihil pariat: & ideo ambos sagittas habere, quod ipsa duo sidera de caelo radios terras usque pertendant.* Post Astra inter Deos quoque viales relati & honore divino culti sunt gentium duces ac rerumpublicarum conditores, reges & reginae; sive ob res inclyte gestas, sive ob beneficia ab iis profecta, sive ob Heroum ambitionem & cruditorum adulationem: cum enim illi supra meritum in admirationem venissent, in Solem, aut Lunam, aut Veneris & Mercurii stellas consecrati sunt, addita animalis istius figura, in quam sidera illa formata, aut quæ vim eorum efficacius repræsentare videbantur. v. Grot. ad Exod. XX. vf. 3. & Selden de Diis Syr. proleg. c. 3.

Caput & fons bipartitæ hujus superstitionis

D

nis

nis ab Ægyptiis repetendus est. Hi enim, sicut omnis profani cultus feruntur auctores, & primi aras, simulacra & delubra diis statuerunt, auctore Herodoto lib. II. c. 4. et apud Lucianum, initio Deæ Syriæ, *πρῶτοι τῶν ἀνθρώπων λέγονται θεῶν ἐννοίην λαβεῖν*: *primi hominum dicuntur Deorum notitiam percepisse*: sic & Deos viales φυσικὰς ἡ ἀθανάτους agnoscebant Solem & Lunam, quos sub Osiridis & Isidis nomine, qui itineribus erant celebres, venerabantur. Patet id ex Diodoro lib. I. & Plutarcho de Isid. & Osir. Ostendunt simulacra, quibus ille cum sceptro, cui oculus superimpositus, hæc navigio vehens, velut Luna corniculata, fingitur; & Pseudo-Mercurius Trismegistus in τῇ κόρη κόσμου, ex sententia Ægyptiorum, Osiridem appellat *σαμάτων ἑκάστη ἐθνὸς ἡγεμόνα καὶ ἰσχυρὸν ἢ βίαιης ἀσθηγητὴν*, corporum, adeoque itinerum uniuscujusque gentis, virium item ac roboris ducem. Isidem vero navigantibus salutarem fuisse, Lucianus plus uno loco indicat. Hinc navis crebro *Isis* dicitur a tutela, Isidis simulacro; & manlio Ægyptiaca *Ibis* dicitur, in itinerrario Antonini, quia hoc animal Isidi sacrum, viatoribus ad serpentes fugandos proderat, in primis Alexandriam tendentibus, auctore Strabone lib. XVII. & Pignorio in expof. mens. Isiææ fol. 39. Eandem Isidem

dem, tanquam navium ducem, invocat Statius, in Propemptico ad Metium Celerem lib. III. Silv. 2. vs. 102.

*Nunc regina Phari, numenque Orientis
anbeli,*

*Excipe multifono puppem Mareotida sistro;
Acjuvenem egregium, Latius cui ductor Eoa.
Signa, Palestinaeque dedit frenare cohortes,
Ipsa manu placida per limina festa, sa-
croisque*

*Duc portus, urbesque tuas. Te praeside noscat
Unde paludosi fecunda licentia Nili.*

Ex illustri hac superstitionis schola, ut dixi, ceterae gentes, velut pestilenti fidere afflatæ, mox deos suos, & semitales & marinos acceperunt, iisque eadem signa, quibus sibi præcederent, formarunt. Nomina quidem & cultus idolorum, in tantis rerum, linguarum & imperiorum varietatibus mutata sunt; prudentiæ vero adscribebant plerique, quod Ægyptii formas Deorum temere referre non ausi, in bestiarum symbolis eos repræsentarint, occultum aliquid sensus ex astrologia habentibus, quo magis venerabiles viderentur, auctore Philostrato, de vita Apollonii lib. VI. c. 19. & Luciano περι' αστρολογίας. Taurum, mansuetorum animalium principem, vel bubulum caput, aut cornua bouum, apud illos Solis & Lunæ Symbola fuisse, testis est Hero-

dotus lib. II. c. 41. & Claudius Menetretus, in expolitione Symbolicæ Dianæ Ephesinæ statuæ, sub titulo *Bovis* illustravit, tom. VII. Thef. Gron. Macrobius lib. I. Sat. cap. 21. *Taurum ad Solem referri, multiplici ratione Ægyptiorum cultus ostendit.* Tacitus lib. V. Hist. c. 4. *Bos immolatur, quem Ægyptii Apin colunt.* Plinius lib. IX. cap. 49. *Bos in Ægypto Numinis vice colebatur: Apim vocabant.* Strabo lib. XVII. de urbe Memphi: Ἐχεν δὲ ἱερὰ, τότε δ' Ἀπίδος, ὅς ἐστιν ὁ αὐτὸς ὡς Ὀσίρις, ὅπερ ὁ Βῆς Ἀπίς ἐς ἑκατὶ τινὶ τρέφεται. *Habet etiam templa, Apidis nimirum, qui idem est Osiris, ubi bos Apis in delubro quodam alitur.* Id denique ex Apidis figura liquet, apud Montfauconium tom. II. Antiquit. p. 2. pag. 310. & Fabrettum cap. VII. Inscript. pag. 533.

Idem vero symbolum Hebræorum natio insulsa, ac, per longam moram, inter lateres & idola, Ægyptiorum cultu inquinata sibi poposcit, cum in montem ascendisset Moses, ibique per dies quadraginta commoraretur. Dicebant enim Exodi XXXII. v. 1. *Fac nobis Deos, qui ילכו לפנינו* *præeant nobis, quoniam isti Mosi viro, qui eduxit nos ex terra Ægypti, nescimus quid contigerit.* Et vers. 4. postquam Aaron vitulum conflasset, agebant; *Isti Dii tui, Israel,*

Israel, qui eduxerunt te de terra Ægypti. Nonnulli Rabbinorum inepte a bove cœlesti vituli figuram arcessiunt, cujus fausti sideris influxus Aaroni cognitus fuerit. Alii bovis figuram, in monte Sinai, inter Cherubinos, conspectam fuisse nugantur. Longe verisimilius Seldeno, de diis Syris Synt. 1. cap. 4. in memoriam revocandus videtur ὁ δὲ διάχρυρος, in Osiridis luctu, seu ἀφ' αὐτοῦ & εὐρέως ostendi solitus. Aliter rursus Vir plurimum Reverendus, & Collega noster conjunctissimus, David Millius, in dissert. de Vitulo aureo, ad Typhonis similitudinem limulacrum illud effictum contendit: is enim terribilis cacodæmon ab Ægyptiis, ne sibi noceret, sub forma bovis colebatur, auctore Philone Judæo de temulentia: *Prævaricari ausus est ita, ut corporeum Deum sibi sinxerit, instar Typhi, quem Ægyptii maxime colunt: cujus symbolum est aurei tauri fabrica.* Et quamvis Bochartus in Hieroz. part. 1. lib. 11. cap. 34. pag. 340. Philonem, virum impense doctum, & in Ægypto natum, magni erroris accuset, quod Typho, vel Typhoni tribuat, quæ Osiridi erant propria, ipse tamen pag. seq. fatetur, Typhonis nomine Israëlitarum ducem significari, a quo ex Ægypto in Chananaeæ fines deducti sunt. Quidquid hujus est, mihi certum fixumque sedet,

non alia fini gentem istam sine via viatricem stercoreum illud idolum petiisse, quam ut haberet ducem Deumque vialem, in locum Moſis, quem Tacitus apte *ducem celestem* vocavit, lib. v. Hist. c. 3. Liquido hoc testantur Stephani protomartyris verba Act. VII. vers. 39 *Aversi sunt cordibus suis in Ægyptum, dicentes Aaroni, fac nobis Deos, qui præcant nobis, (οἱ πεπορεύσανται ἡμῶν, qui nobis iter monstrant ac prosperent, Grotius) & vitulum fecerunt per illos dies, obtuleruntque sacrificium idolo.* Eandem rationem profert Jeroboamus, quum vitulos, quibus populus in Ægypto adsueverat, in Dan & Bethel collocaret, cantato enim velut hymno, numini viali dicato, *Ecce, inquit, Dii tui, qui eduxerunt te de terra Ægypti.* 1. Reg. XII. 28. prorsus ac Israelitæ de vitulo Aaronis supra. Nec tamen puto adeo eos ineptos fuisse, ut vere pro diis præeuntibus haberint simulacra, quæ pedes habent, & non ambulant Ps. 115. vs. 7. Potius enim id intendebant, ut sub imagine & symbolo dei vialis, æternum verumque futuri itineris ducem, numenque viale colerent. Atque ideo probabilior evadit sententia vulgata, vitulum aureum ad similitudinem Osiridis confectum esse. Enimvero ipse Deus, qui forti manu eos eduxerat, queritur

ritur apud Ezechielem cap. XX. vers. 6. & seqq. stercoreos Ægypti Deos, ab egredientibus Israëlitis non esse derelictos. Qui locus adeo planus est, ut gratis dicatur, non esse verisimile, Israëlitas, omni vitæ ratione ab Ægyptiis discrepantes, ad Deafros eorum reverti voluisse; in quos iudicium exercuerat Deus, Exod. XII. vs. 12. nam festinanter, & ex eo die, quo e terra Ægyptia educi, obliti sunt operum Dei sui, & fecerunt vitulum Chorebi, & incurvaverunt se fusili, & mutantem honorem suum in formam bovis, comedentis herbam, obliti sunt Dei fortis, servatoris sui, qui fecerat res magnas in Ægypto. Ps. 106. vs. 19. seqq. His addamus, quod Amosus exprobrat domui Israëlitis, nulla sacrificia in deserto, quadraginta annis, vero Deo oblata, sed eam portasse tabernaculum Meleci, & basin imaginum suarum cap. V. vs. 25. 26. Quæ verba ad vitulum aureum quoque referenda, et ex consuetudine gentium explicanda esse, existimavit Spencerus de LL. Ebr. rit. l. III. c. 3. diss. 1. sect. 1. iter enim longum suscepturi, aut cum hoste congressuri, parvulum dei sui σκῆνισμα et ναῖδιον, ut itineris socium, et viæ ducem, secum portare solebant, qua de re plenius infra cap. XI. Hoc ipsum denique confirmat Lactantius lib. IV. cap. 10. *In luxuriam*

prolapsi ad profanos Ægyptiorum ritus animos transfulerunt. Cum enim Moses dux eorum ascendisset in montem, atque ibidem quadraginta dies moraretur, aureum caput bovis, quem vocant Apim, quod eos signo præcederet, figurarunt. Qui plura cupit, adeat ad Bochartum d. c. 34. Kircher. Oedip. Ægypt. t. 1. synt. 1. c. 3. n. 9. & f. 4. c. 1. & 3. Natalem Alexandrum diss. v. H. E. t. 1. pag. 507. aliosque.

Ego ad Syros & Phœnices me confero, quorum Dea Astoreth vel Astarte, sub eadem bubuli capitis specie colebatur; ut ostendit Eusebius, in primo Præparat. Evangel. ex Sanchoniathone, scriptore antiquissimo: *ἡ δὲ Ἀστάρτη ἐπέθηκε τῇ ἰδίᾳ κεφαλῇ βασιλείας παράσημον κεφαλὴν ταύρου.* *Astarte capiti suo, tanquam regni insigne, tauri caput imposuit.* Est autem eadem Astarte, quæ Ægyptiorum Isis, sive Luna, si fidimus homini Syro, Luciano Samosatensi de Diis Syris: *Ἀστάρτην δὲ ἐγὼ δοκέω σεληναίην ἕμειναι.* *Astartem autem ego puto Lunam esse.* Sanchoniathon vero, & Tullius, & Suidas Venerem interpretantur, alii Uraniam, Junonem alii faciunt, apud Plut. in Crasso: at sunt ista diversæ appellationes, pro varietate locorum, uni Lunæ & Syro numini attributæ. Quidam nomen ejus derivant ab Astroarcho, vel concisius ab Astarto.

to, Tyri Rege, alii a regina, Veneris stellæ consecrata; sicut Rex Phœnicum *Κρόνος*, in eam stellam, quam Græci, à Phœnicibus edocti, *Κρόνος*, Latini Saturni vocant, sacratus est. Frequens hæc Dea apud Vaillantium, in nummis Sidonis, Tyri & Beryti feminuda, instar Veneris, aliquando tutulata conspicitur, & cultum ejus antiquissimum in Palæstina fuisse, ex Josepho novimus, lib. VI. Antiq. c. 15. Judæi quoque, a vero Deo deficientes, & immemores interdicti Deut. IV. vs. 19. sacra ei fecerunt in templis, nemoribus & lucis; qui *Astaroth* appellantur Jud. II. vs. 13. & III. vs. 7. 1 Reg. XI. vs. 5. ubi LXX. Interpretes vertunt *Astarten*. Eandem Carthaginienſes Africæ, ut infra dicam, & Athenienſes, sub *Ἀφροδίτης Οὐρανίας* nomine, teste Pausania in Attic. summa veneratione coluerunt. Elagabalus quoque, cum summus Solis esset sacerdos, eam jussit adferri Romam, ut Solis & Lunæ matrimonium conciliaret, auctore Herodiano. lib. V. c. 6. Multa de Astarte Scaliger ad fragm. vet. Script. Græc. Selden. de diis syr. Synt. II. c. 2. Florid. Sabinus lect. subc. lib. II. c. 7.

Ad nostrum institutum pertinet, quod Achilles Tatiſ Clitoph. amor. pag. 3. refert, eos, qui procellas evasissent, *εὐσεβῶς* Astartæ sacrificasse, si in portum Sidonis

appulissent; quodque Judæi, more Phœnicum, eidem, tanquam Deæ Biviæ, in viis publicis adorea liba obtulerunt. Auctor mihi est omni exceptione major Hieremias cap. VII. vers. 17. et 18. *Nonne vides quid faciant in urbibus Judææ & in plateis Hierosolymæ? Filii legunt ligna, patres accendunt ignem, & uxores desunt massam, ut parent כוֹנִים לַמֶּלֶכֶת הַשָּׁמַיִם, & fundant libamina Diis alienis.* Ubi ante omnia notari velim voces כוֹנִים, id est *in plateis*, ubi itinerum initia capiuntur. Dein *ut faciant כוֹנִים* χαυνῶνας LXX. retinent, id est placentas circum circa lucentes, à כוה *urere*: alii Codices legunt καιῶνας, Aldus χαμῶνας, Chrysostomus πόπανα, Olympiodorus πέμμαλα, cupedias interpretatur: at reddere potuissent ἀμφιφῶντας: nam Hesychius πλακῆντας ἀμφιφῶντας Lunæ sacras fuisse scribit. Salomon Jarchi addit, icunculas Deæ in libis illis fuisse, quod Grotius probat ad *b. l.* Frequens harum placentarum, e farre et farina subactarum, et ante victimarum sacrificium offerri solitarum, fit mentio apud Aristophan. Pluto. vs. 659. et Ælian. lib. XI. V. H. c. 5. ad quos Spanhemius et Perizonius multos erudite cumularunt. Pollux lib. VI. cap. XI. illas sacras vocat: *μάζαι δὲ, αἱ μὲν ἱερῆς, ἀμφιφῶντις μὲν, αἷς ἱερῆς*

οἱς Μουνυχίας Ἀρτέμιδος, δάδας ἡμένας περιπῆξαντες. *Placentæ vero, sacræ quidem, amphibon-tes, quas ferunt in Munychiæ Dianæ, faces accensas circum figentes.* Etymologici au-ctor: Ἀμφιφῶν, εἶδος πλακῦντος, τελευτῶν τῇ Ἀρτέμιδι, διὰ τὸ κύκλῳ φωτίζεσθαι ὑπὸ δάδων. Ἡ δὲ διὰ τὸ πανσελεύς ἔσθαι πέμπεσθαι τῇ Ἑκάτῃ. *Amphiphon, genus placentæ, sacratæ Dianæ; quia in circuitu illuminatur ab facibus: aut quia quum Luna est integra mittitur Hecata.* Hæ vero, ut faustum & fortunatum iter esset, in biviis & triviis offerebantur. Elegans Athenæi locus lib. XIV. Deipn. c. 13. pag. 645. Ἀμφιφῶν. πλακοῦς Ἀρτέμιδι ἀνακείμενος ἔχει δ' ἐν κύκλῳ καόμενα δάδια. Φιλήμων ἐν Πτωχῷ. Ἐνδοξὰ Ἀρτέμιδι Φίλη δεσπόινα τοῦτον σοι φέρω ὡς πότνι ἀμφιφῶνι καὶ σπονδήσιμα. *Amphiphon: placenta Dianæ sacra, circumpositis in orbem ac- censis faculis. Philemon in Mendico:*

*Viarum præses Diana, amica domina,
Hunc affero tibi Amphiphontem, o vene-
randa,*

Et ad libandum quæ sunt opus.

Denique Prophetæ Deam nostram appel- lat מלכת השמים *Melecbeth Hassamaym*, hoc est, ut LXX. ἑβραίων, vel ut alibi βασίλισσα τοῦ οὐρανοῦ, *reginam cæli*, vertunt c. 44. vs. 17. nam quemadmodum Plinius lib. II. H. N. cap. 6. Solem terrarum, siderum, *cæliquæ rectorem* vocat, ita Lunam Horatius, *carm.*

carm. sec. vñ. 35. *siderum reginam*, et lapides *Junonem Reginam*, vel *Junonem Coelestem* appellarunt, apud Grut. pag. 25. Reinesf. pag. 56. et Gudium p. 3. n. 7.

Hæc poterant ad hujus loci illustrationem sufficere, sed priusquam ab eo discedamus, duo addenda esse reor. Primum est quod Esaias cap. LXV. vñ. 11. Judæos carpit, quod, obliti montis sanctitatis, mensam instruxerint τῷ GAD, et poculum impleverint τῷ MENI. Varie hæc explicant eruditi. Septuaginta Seniores prius idolum per δαίμόνιον, alterum per τύχην interpretati sunt. Tremellius et Junius turmis mensam, et numeris libamen assignant. Cl. Huetius, in dissert. ad b. l. singulari, per GAD Lunam, per MENI autem Solem intelligit. Contra Cl. Vitringa in comm. ad h. l. GAD Solem facit, et MENI Lunam. Alius Vir. Clariss. in dissert. ad b. l. uñam Lunam, bonam Deam, utroque nomine designari existimavit, quo cum facit Cl. Lakemacherus, qui p. IV. Obs. Philol. 2. Hecaten et Lunam interpretatur. Ego vero non multum causæ video, cur prior vox, vel ad Solem cum Vitringa, vel cum Grotio, ad Fortunam referri nequeat, quam Plinius et Pausanias dearum potentissimam in rebus humanis appellarunt, quæque Hebræis et Chaldæis Gad vocatur Gen. XXX. vñ.

11. Altera vero vox, ad θεὸν Μηνί, quem in Armenia et Phrygia cultum dicit Strabo, vel ad Hecaten live Lunam pertinet, quæ similiter Græcis et Latinis antiquis *μηνή*, et dea *Mena* apud Diodorum Siculum et Augustinum appellatur. vid. Philipp. a Turre de mithra c. 4. Huic quoque novilunii temporibus mensa parabatur, *Hecates cæna* dicta, uti Clericus ad Hesiodi Theog. vs. 411. ad hunc Esaïæ locum illustrandum, recte observavit, et infra capite IX. pluribus dicemus. Sponius item Miscell. Sect. 1. art. 1. Deos Syrorum viales, Aglibolum et Malachbelum ad Solem et Lunam ex Palmyrena inscriptione revocavit. Fuit, cum chiasmum hic latere censerem, et cum Hieronymo atque Procopio mensam Lunæ tribuerem, ut Esaïæ cum Jeremia per omnia conveniret. Acutissime vero Dodwellus in prælect. 11. ad Spartiani Hadrianum §. 4. vulgatam lectionem ex Orientalium astrologorum traditionibus et Platoniorum philosophia confirmavit: hi enim Δαίμονα Soli, τὴν vero Lunæ tribuebant; illique *ἑστια*, edulia, sacrificiis destinata, in delubris et speluncis, huic vero *κίεσμα*, libamen, in sepulchris offerebant; quæ duo loca Propheta distinguit vs. 4. ut de diversis idolis haud dubitandum esse videatur. Alterum est, quod eadem, cum Astarte, fuc-

fuerit *Dea Cœlestis* Salinensis Carthaginis, quam Ulpianus in catalogo Dearum refert, quæ ob jus liberorum, ridicule a Senatu vel a Principe concessum, heredes institui possunt *tit. XXII. §. 6.* Dido enim, urbis ejus instauratrix, Astartes cultum illuc è Phœnicia attulit, teste Herodian. lib. V. eaque sicut aliis Dea Syria, vel Juno Assyria, aliis Atergatis vel Derceto, aliis rursus Juno et Regina cœlestis vocabatur; ita Africani suum dæmonem *Cœlestum* in masculino, (rectius *Scelestum* vocassent) vel *Virginem*, et *Invictam Cœlestem* appellarunt. Meminit ejus Capitolinus in Pertinace, Ammianus Marcellinus, Tertullianus, Augustinus, Salvianus aliique. Vide Petrum Fabrum lib. III. Sem. c. 2. Pith. l. I. Adv. c. 4. Loëns. lib. VII. Misc. c. 12. Forner. lib. II. rer. quot. c. 8. et Cl. Schulting. ad d. l. Ulpiani. His adde, quæ amplius de *Luno* deo, & *Luna* dea, sive *Μην* & *Μηνη*, dicemus cap. 8. initio.



CAPUT

CAPUT IV.

DE DIIS VIALIBUS CHALDÆORUM
ARABUM ET PERSARUM.

Sol populorum Orientalium deus, sub diversis nominibus. Chaldæi Teraphim de prospero itinere consuluerunt. Ezech. XXI. vs. 16. Judic. XVIII. vs. 5. & Genes. XXIV. vs. 19. illustrantur. Stella, quæ magis præluxit Bethleemam, dux itineris, & omen novi imperii. Cum Matth. II. vs. 19. duo Virgilii loca comparata. In locis Arabiæ inviis astra pro ducibus. Persis nulla olim simulacra. Eorum religio in itineribus capeffendis. Cur orto Sole demum procedant. Mithræ cultus divinus, an civilis, adversus Thomam Hyde.

Quod de Ægyptiis et Syris diximus, idem de reliquis Orientis populis habendum est, Solem et Lunam omnium commune numen fuisse, quæ tamen in unaquaque civitate aut urbe peculiare cognomen fortiebantur. Sic Babyloniorum *Belus*, Palmyrenorum *Malachbelus*, Emiffenorum *Elagabalus*, et Persarum *Mithres* nihil aliud fuerunt, quam Sol,

Sol, qui $\tau\eta\lambda, \beta\eta\lambda$, *Baal & Belus* dicebatur, ut, præter Photium, Servius testatur ad lib. I. *Æneid.* v. 646. *Omnes in illis partibus Solem colunt, qui ipsorum lingua EL dicitur, unde* 𐤓𐤋 . & ad v. 733. *Belus primus Rex Assyriorum, quos constat Saturnum, quem eundem* 𐤓𐤋 *Solem dicunt, Junonemque coluisse: quæ numina etiam apud Afros postea culta sunt, unde* 𐤓𐤋 *lingua Punica BAL dicitur deus. Apud Assyrios autem BEL dicitur, quadam sacrorum ratione,* 𐤓𐤋 *Saturnus* 𐤓𐤋 *Sol. Etsi enim illi rursus ex dictato rationis & lumine conscientiae didicissent, Deum esse, cum tamen ille lucem habitat inaccessam, nemoque eum viderit, nec ab homine mortali videri possit, symbolum & imaginem ejus sibi solem adsciverunt: ipseque Deus astra istis dedisse dicitur, sinendi, non approbandi sensu, cum gentes dimisit ingredi vias suas. Deut. IV. v. 19. Act. XIV. v. 16. Ipse Plato cum de $\tau\eta \alpha\gamma\alpha\theta\eta$ loqui esset animatus, dicere quid sit, non est ausus: hoc solum de eo sciens, quod sciri quale sit, ab homine non potest. Solum vero ei simillimum de visibilibus Solem reperit, auctore Macrobio lib. I. in somn. Scip. c. II.*

Caput Chaldaicarum gentium fuit Babylon, cujus idolum *Belum*, toto orbe celebratissimum, Herodotus *Jovem* vocat, qui-

iste, ut Græcis *Ζεύς*, erat deorum summus: idem quoque templi augustissimi meminit, quod in ejus honorem à Nabuchodonosere structum, Xerxes evertit, lib. III. c. 159. Chaldæi vero, huic vicini vel indigenæ Philosophi, diuturna observatione siderum; & divinatione ex virgis credebantur prædicere posse, quid cuique eventurum, & quo quisque fato natus esset, & quam viam ingredi in bivio oporteret. Hinc Ezechiel prædicit eventurum, ut Nabuchodonosor in bivio per Chaldæos *ἱερεῶν τῶν δεικνύμενων* instituat, & consulat deos viales, quorsum sit iturus; *Stabit rex Babylonæ in bivio, in capite duarum viarum, ad divinandum divinationem, terget cultros, consulet imagines, inspiciet jecur*, cap. XXI. vs. 26. Mitto nunc quæ de *Theraphim*, sive imaginibus loquentibus fabulantur Judæi, apud Selden. de diis Syris Synt. 1. c. 2. nec tantum otii est, ut repetam & refellam Spenceri commenta, Urim & Thummim putantis cum illis paria fecisse, lib. III. diss. 7. Illud autem huc pertinere putem, quod Danitica tribus, cum sibi quæreret possessionem, Michæ sacerdotem rogarunt, ut *consuleret Deum*, id est Teraphim, *quo scirent, an prospero itinere pergerent* Judic. XVIII. vs. 5. 14. Forte etiam, quod Rachel furripuit Labani Theraphim, Dei

E

Sy-

Syrorum Beelsamen, id est Solis, imagines, ut haberet viarum & periculorum suorum comites Genes. XXIV. vs. 19. nam licet Josephus & Abeneseira alias rationes protulerint, si tamen cap. XXXV. vs. 2. & 3. conferatur, Teraphim ista opponuntur Deo forti, qui *adsuit Jacobo in via, quam profectus erat.*

Chaldæi præterea artem ex astris divi-
nandi tantopere coluere, ut quod nomen
gentis fuerat, factum sit nomen professio-
nis. Tacitus *scientiam Chaldæorum artis*
lib. VI. Annal. c. 20. appellavit. *Si modo*
ars est, non vanissimi cujusque ludibrium,
ait Curt. lib. VII. c. 4. Multa de illis Lip-
sius ad lib. II. Annal. Taciti Exc. G. &
Interpretes ad Collat. legum Mosaic. tit.
XV. quæ non sunt hujus loci. Nec ta-
men prætereundum est, quod Deus ali-
quando, cum stella ex Jacobo oritura erat,
pios quosdam siderum contemplatores,
tanti fecerit, ut novam condiderit stellam,
quæ ipsos ad Christum perduceret, Matth.
II. vs. 1. Unde autem venerint illi *μαῖγοι ἀπὸ
ἀνατολῶν*, *Sapientes Orientales, non una est
Eruditorum sententia: Chalcidius Platon-
icus ad Timæum Platonis, eos appellat
sapientes Chaldæorum: alii vero ex Meso-
potamia, alii ex Persia eos venisse putant:
Grotio perplacent vetustissimi Christiano-
rum,

rum, qui ex Arabia, ab ortu Judæis ad-
 dita, eos adventasse scripserunt, quum
 Chaldæi contra Septentrionalium nomine
 censerentur. Verum de his non alterca-
 bimur: ex eo autem quod Matthæus ait
 vñ. 9. *Stella, quam viderant in Oriente,*
præibat eis, donec staret supra, ubi erat
puer, valde credibile fit, stellam hanc,
 non cometam, sed aliud quodcunque si-
 dus, novi imperii magnitudinem porten-
 dens, ut Mithridati apud Justinum, Ma-
 gis simul ducem itineris fuisse: nam προηγων
 ita est præcedere quempiam, ut sit tan-
 quam dux & numen viale. Chrysostomus
 sane Homil. VI. ad Matth. stellam hanc
quasi ducem itineris vocat, sicut in eremo
 columna nubis fuerat; Augustinus serm.
 2. & 3. de Epiphan. *linguam cælorum* ap-
 pellavit. Sed quia Magi tantum dicunt,
 se vidisse regis Judæorum stellam in Orien-
 te, non vero addunt, illam sibi comitem
 fuisse, nec tam vehementer gavisi fuissent,
 cum ultra spem istam iterum viderunt;
 ideo Vir Clar. Christophorus Augustus
 Heumannus in Pœcile, tom. II. lib. 1. ep.
 13. *stellam præcessisse* explicat, in tem-
 pore plusquam perfecto, hoc sensu: stella,
quam viderant in Oriente, præcesserat eos,
 sicut Matth. XXVI. vñ. 32. & XXVIII.
 vñ. 7. Adjicit, Magos ex vaticinio Danie-

lis scivisse, Messiam illo tempore esse nasciturum, eosque nova exorta stella, a Deo per somnium, hanc esse indicem & præconem regis, edoctos simulque Judæam adire jussos, ibi subito eandem, quam in patria viderant, stellam in cœlo observasse. Idem fere federat Clario, in annot. ad Matthæum, cui nec ego culculum adjicere dubitarem, nili facer textus miraculum diserte expressisset.

Comparari cum his quodammodo potest, quod Varro scripserat, referente Servio ad illud Virgilii lib. I. Æneid. vf. 386.

Matre dea monstrante viam, data fata secutus,

Hoc loco per transitum tangit historiam, quam per legem artis poëticae aperte non potest ponere: nam Varro in secundo Rerum divinarum dicit: Ex quo de Troja est egressus Æneas, Veneris eum per diem quotidie stellam vidisse, donec ad agrum Laurentium veniret, in quo eam non vidit ulterius. Haud quoque dissimile est aliud ex stella augurium, apud eundem Maron. II. Æneid. vf. 694.

*Stella facem ducens multa cum luce cucurrit;
Illam, summa super labentem culmina tecti,
Cernimus Idæa claram se condere silva,
Signantemque vias:*

Addamus quod in Oriente & locis Syriæ vicinis, per amica silentia Lunæ, & hac defi-

deficiente, affulgentibus stellis itinera fieri debebatur; quia Solis ardor nimis molestus, & aliquando lethalis erat; unde *lues vastans in meridie* Psalm. XCI. vs. 6. & *expandit nubem pro tegumento, & ignem ad illustrandam noctem* Psalm. CV. vs. 39. Neque stellæ, ut Helice & Cynosura, navium tantum rectrices, sed qui iter terrestre per loca arenosa, montesque ingesto pulvere cumulos, faciebant, nullis aliis viæ signis exstantibus, ex Sole interdiu itineris rationem observabant, astris vero noctu pro ducibus utebantur, uti Freinshemius ad Curtium docuit, ubi is de Bactriana terra ita scribit lib. VII. c. 4. *Qui trans-eunt campos, navigantium modo, noctu sidera observant, ad quorum cursum iter dirigunt, & propemodum clarior est noctis umbra, quam lux: ergo interdiu invia est regio, quia nec vestigium, quod sequantur, inveniunt, & nitor siderum caligine absconditur.* De Syrte minore Plinius lib. V. Hist. nat. c. 4. *E terra, siderum observatione, ad eam per deserta arenis, perque serpentes iter est.* De Pompejo Florus lib. III. c. 5. *In Septentrionem Scythicum iter, tanquam in mari, stellis secutus.* De Ammonitide Silius lib. III. vs. 662.

Has observatis valles enavimus astris:

Namque dies confundit iter, peditemque profundo

E 3

Er-

*Errantem campo, & semper media arva
videntem*

Sidonius Cynosura regit fidiſſima nautis.

Lucanus lib. IX. vſ. 493.

*Jamque iter omne latet, nec ſunt diſcri-
mina terræ*

*Ulla, niſi æthereæ, medio velut æquore,
flammæ;*

Sideribus novere viam.

Veniamus ad Perſas, Parthos & Medos, quibus ſub uno imperio una etiam religio fuit. Hi ceteris gentibus hætenus fuerunt ſapientiores, quod neque deſunctos adorant, neque Diis ſtatuas aut aras erexerunt, ullæſve numinis imagines habuerunt. *Perſas ſcio, his inſtitutis uti, neque ſtatuas, neque templa, neque aras exſtruere conſue-
runt, ſed & facientes ſtultitiæ accuſant: ut
mibi videtur, quod non crediderint, ut
Græci, Deos eſſe forma humana, ait He-
rodotus lib. I. c. 31.* Eadem tamen inſania, qua ceteri, naturam ejuſque partes, Ignem Tellurem & Ventos, quam maxime vero Solem & Lunam venerati ſunt, ut teſtis oculatus Strabo refert lib. XV. pag. 732. Cumque ſine Deorum auxilio nihil rite & providenter inchoari crederent, itinerum ſuorum initia ab iis cœperunt. Cyrus plus ſemel in procinctu, & alias, Jovem patrium, id eſt cœlum, & heroas terræ præſides

fides precatus esse fertur apud Xenophon-
tem lib. I. II. III. & VII. παιδ. in it. Μετὰ δὲ
ταῦτα αἰτησάμενος Δία πατρίων ἡγεμόνα εἶναι & σύμμα-
χον, ἀνέβαινεν ἐπὶ τὸν ἵππον. *Posthac, implora-
to Jove patrio, ut & dux & opitulator
esset, equum ascendit.* Nondum tunc no-
rat Cyrus, Deum esse unum mundi opi-
ficem & verum numen vialē, qui ipsi praei-
ret, & inaequalia omnesque vias ejus aequa-
ret, ut ait Esaias cap. XLV. vs. 2. 4. 13.
etli id postea ab Hebræis, una cum animo-
rum immortalitate, didicisse videatur, Es.
XLI. vs. 25. & Joseph lib. XI. c. 1. Cyri
pater Cambyfes, cum Persiam relinqueret,
similiter Deos tutelares rogabat, ut faverent
& feliciter propositum iter conficere pate-
rentur, apud Xenophontem lib. I. & Xer-
xes, expeditionem adversus Græcos parans,
Deos præsides terræ Persidis salutavit,
auctore Herodoto lib. VII. Quinam au-
tem fuerint Dii isti, docet Curtius lib.
III. cap. 3. *Patrio more Persarum tradi-
tum est, orto Sole demum procedere.* Ait
orto Sole, quia is dux exercituum & via-
rum præsēs. Hesychius sane Mithram
πρῶτον ἐν Πέρσαις θεόν, *primum Persarum Deum*
vocat; & Justinus ex Trogo lib. I. cap.
10. *Solem unum Deum esse credunt, &
equos eidem deo sacratos ferunt.* Non
equidem me fugit, Virum Cl. Thomam

Hyde, in historia relig. vet. Pers. cap. IV. totum in eo esse, ut falsum hoc idololatrarum de Persis iudicium demonstret, cum ipsi eorum sacerdotes affirmant, veteres Persas Soli Deo cultum divinum, Mithræ vero & Igni civilem tantum præstitisse, & falli contrarium affirmantes. Sed quia his nec libet nec licet immorari, tantum dicam, quod Cyrus apud Xenophont. lib. V. Memorab. pag. m. 830. *Mitbren juratus testatur*, & Statius Thebaid. lib. I. fin. Mithræ & Titanem, & Apollinem, & Osirim eundem esse, ait. Mithræ quoque cultus duravit apud Romanos, donec Hieronymi & Prudentii tempore tolleretur. Plura de Mithre vide apud Gyrald Synt. VII. Hist. Deor. Voss. lib. II. de orig. & progr. idol. c. 9. Reines. cl. I. Inscript. 48. & addelis quæ contra Hydium disputavit Philippus a Turre ad tabulam Solis Mithræ c. 2.



CAPUT V.

DE DIIS VIALIBUS GERMANORUM, GAL-
LORUM, BRITANNORUM, HISPANORUM,
INDORUM, TURCARUM ET MOS-
COVITARUM.

*Sol Germanorum Deus universalis; Be-
lenus deus vialis topicus Noricorum, apud
Tertullianum. Luna Germanorum dea,
interpretatione Romana Isis, sub specie
capitis bubuli culta, tanquam dea via-
lis. Monumentum Childerici illustratur.
Dea Nebalennia Zelandorum. Hercu-
les Deusoniensis. Quercus Jovi sacra.
Tamsana cujas. Germani & Galli Teu-
tatem coluerunt, tanquam viarum &
itinerum ducem; quem Cæsar & Tacitus
minus recte sua lingua Mercurium expli-
carunt. Quando hostiis humanis ei lita-
tum. Tuislo, dux Germanorum, & be-
ros insignis, cur terra dea editus, ac in-
ter Deos sit relatus. Irmensula, an Her-
mæ, Harminio, vel Hermioni posita;
ejus columna & effigies. Marti Gal-
lico, apud Ulpian. tit. 22. §. 6. memorato,
votum pro reditu factum. Mercurii &
Herculis cultus quando translatus ad Gal-
los, Germanos, Britannos, Hispanos,
Danos & Sueonas. Slavorum Suantevi-*

*tus & Radegastus. Sol indorum Deus vialis. Luna Turcarum. Zlotobaba Rus-
sorum.*

INjurius sim in populos Europæos, si Deos eorum viales tacitus prætermisero. Et primum quidem Majores nostri, cum omnem, qua late patebat, orbem sint pervagati, nec prorsus religionis fuerint negligentes, vix est, ut sibi non constituerint Deos, viarum duces. Hos autem priusquam videamus, Dii eorum dividendi sunt in Catholicos & Topicos; sive in universales, qui ab universa gente, & particulares, qui in certo tantum pago & tractu colebantur, v. Cl. Keyssleri Antiq. select. Sept. & Celt. pag. 297. De antiquis Germanis certum est, quod in cælum suspicientes, eadem superstitione, qua ceteri populi, obstupuerint conspectu Solis & Lunæ, iisque divinitatem inesse, juxta cum aliis, arbitrati sint. Auctorem habeo Cæsarem, lib VI. de bello Gall. cap. 21. *Germani*, inquit, *deorum numero eos solos ducunt, quos cernunt, & quorum opibus aperte juvantur, Solem, & Vulcanum, & Lunam: reliquos ne fama quidem acceperunt.* Maximus ergo Deorum Sol erat, cujus cultus, in illa temporum caligine, donec Christianæ do-
ctri-

strinæ lux affulgeret, apud eos remansit. Saxones, quum in Angliam venissent, à Rege Britonum de religione interrogati, respondent: *Si vero de religione quæritur, noveris nos, juxta morem paternum, Solem adorare.* v. Werner. Rolevincc. de situ & mor. Westphal. lib. I. cap. 6. Boji similiter, qui in agrum Noricum transierant, eundem sub nomine Beleni colebant. Tertullianus in Apologet. cap. 24. *Unicuique etiam provincie & civitati suus Deus est, ut Syria Atargatis, ut Arabia Dufares, ut Noricis Belenus.* Antiqui Codices non *Belenus*, sed *Tibilenus* præferunt, quos sequuti Fabritius origin. Saxon. lib. I. & Hector Gothofredus Mafius in Schediasm. Hist. de Diis Obotritis, seu Idolis Mecklenburgens. cap. 2. §. 3. eum malum esse Dæmonem autumant, quem Slavi *Zeerneboch* appellabant, quique adhuc Tibileni nomine, *Dievcl, Duvil, Teuffel.* Germanis vocatur. Sed Jac. Nicol. Loënsis, Miscellan. Epiphillid. lib. V. cap. 15. Petrus Pithœus lib. I. Advers. cap. 4. & Pamelius, in notis ad Tertull. *Belenus*, vel *Dius Belenus*, vel *Belinus* legendum esse monuerunt. Pro quibus facit, quod ab Aquilejensibus, in agro Carnorum vicinis, id nominis acceperet Norici; illi vero Apollinem suum Belenum appellarunt. Vide-

desis Capitolin. in Maximinis cap. 22. Herodian. lib. 8. cap. 3. & Gruter. pag. 36. n. 12. ubi ex saxo veteri hæc adfertur inscriptio:

A P O L L I N I
B E L E N O
C. A Q V I L E I E N S
F E L I X.

Numinis hujus originem Vossius ab Hebræo *Beel*; Ludovicus Thomassinus ab *βελ*, seu *sole* derivat; Pithæus à *βελ*, *sa-gitta*, sive radiis solaribus; Jac. Boulduc a *Bel-Enos*, seu deo Enoschi; Reinesius e Græco *βελ* vel *βελ*; denique Seldenus et Bochartus a *Belo* deducunt; quorum sententiam physiologice veram esse concedit Philippus à Turre, in monum. vet. Antii, Historice vero Belenum *Helenum* illum esse putat, qui Trojanis ducibus, capta urbe fugientibus, divino instinctu ad lætas uberrimasque sedes viam monstravit. Ego autem putem, Belenum, sive à Græcis, sive a Gallis primum ita appellatum, nil aliud, quam Solem flavum, et auricomum, aut, quasi a *βελ*, splendorem Solis notare, eumque ceu *viarum præsidem*, sub eo nomine, apud priscos Venetos, Germanos, et, ut statim dicemus, Gallos, cultum fuisse. Plura de Beleno, locali et adscititio Germanorum deastro, congestit vir

vir multijugæ eruditionis, Thomas Reinefius ad Cl. I. Inscript. n. 51. cui addatur Fabrettus c. 4. Inscript. pag. 325. ubi Eliæ Schedii hac in re errorem castigavit. Hæc de Sole.

Luna, ejus æmula, pari superstitione apud majores nostros fuit celebrata: neque enim fas, nec consuetudo iis erat, ante novam Lunam prælio contendere, ut scribit Cæsar lib. I. de bell. Gall. c. 50. Immo non Germani solum, sed populi omnes Boreales, Lunam magis, quam Solem venerati, & in ea, tanquam in *πανδίω* & totius virtutis cœlestis receptaculo, reliqua numina complexi fuerunt. Hinc nox diem non subsequebatur, sed ducebat; cumque aliis tres Soles sint tres dies, illi per noctes computabant, more apud Anglos adhuc hodie usitato, *senigt*, id est *septem noctes*; festorumque solennitates, pariter ac Hebræi, a vespera præcedente inchoabant. Atque hæc est Isis illa, cui partem Suevorum sacrificasse putat Tacitus de morib. Germ. cap. 9. *Pars Suevorum & Isidi sacrificat. Unde caussa & origo peregrino sacro, parum comperi; nisi quod signum ipsum in modum liburnæ figuratum, docet adveſtam religionem.* Isis enim Luna erat, auctore Porphyrio apud Eusebium l. III. præparat. c. II. & tanquam Dea navigationi

tionis præfecta, honorabatur. Non tamen cum Bocharto Geogr. sacr. p. 2. lib. 1. c. 23. Germanorum originem ex Ægypto idcirco derivare ausim; quam Scythicam esse vix quisquam nunc ambigit: neque in animum meum induco, Germanos indigenas Ilidis numen, cujus tam fera Græcis & Romanis notitia, coluisse; quæ tamen de ea fabulantur, ad Lunam referre possumus: & quamvis insigne fuerit discrimen, quod Germani idolum Lunæ viri specie finxerint, & cum Hebræis masculino genere dixerint, tamen Romani ex suo ingenio deæstros effinxere, quorum aliquam cum suis similitudinem deprehendebant. An apud Gallos Ilis fuerit cognita aut adorata, dubitat vir eruditus in Histor. Acad. inscript. t. 3. pag. 296. sed post adventum Romanorum LUNAE ET ISIDI in inscriptione Nemaufensi votum solvitur, apud Grasser. in antiq. Nemauf. ejusdemque cultum similiter Germani recentiores, per manus aliorum accepisse videntur, quia in saxo apud Schedium ISIDI, et in alio apud Mabillon itin. Germ. sub fin. ISI MYRIONIMAE vota solvuntur. Ut adeo quod de Iside Apulejus ait lib. II. Miles. *cujus numen unicum, multifor-
mi specie, ritu vario, nomine multijugo totus veneratur orbis*, etiam in nostris videamus.

Fran-

Franci vero non liburnæ signo, sed bubuli capitis imagine Lunam efformarunt, Illustre ejus rei documentum præbet Childerici I. Francorum regis thesaurus sepulchralis, quem Tornaci Nerviorum A: 1653. effossus, libro commentario illustravit Joh. Jacobus Chifletius, cui titulus *Anastasis Childerici*. Repertum enim inter alias reliquias sepulchrales exhibet bubulum caput, ex auro obryzo totum, Solis imagine in fronte notatum, adjectis aureis apibus, plusquam trecentis. Nemo ibit inficias hunc vel esse Ægyptiorum Deum illum, qui à fanaticis Israëlitis ac Ægyptiaca religione imbutis, tanquam Deus vialis, colebatur, vel Isidem, ceu Lunam, quæ apud Plutarchum *ἡ ἑσπερία* appellatur, ob cornuum emblema. Ælianus lib. X. de animal. cap. 27. *Isim bubulis cornibus Ægyptii & fingunt & pingunt*. Porphyrius lib. de carn. abstin. *Ægyptios Lunæ Apim consecrasse, Solis & Lunæ signa gestantem*. Bovi sunt apes additæ, quia has in totum amissas ventribus bubulis recentibus reparari posse, præter Virgilium & Plinium, tradit Ovidius lib. XV. Metam. vs. 364.

*I quoque delectos, mactatos obrue tauros,
(Cognita res visu) de putri viscere
passim*

Florilegæ nascuntur apes.

Nec

Nec dubium est, quin apes Lunæ sint consecratæ. Ex omni enim volatiliū & insectorum genere solæ hæ Dianæ Ephesinæ erant adscriptæ, & ternæ utrinque, latera Deæ muniebant, tanquam *duces* deductæ Ephesum coloniæ, ut tradit Philostratus lib. II. Icon. n. 8. Id quod, à Bellorio, in notis ad Numismata Ephesiorum apibus insignita, præteritum, monuit δ πένν ad Callim. p. 86. Addo Porphyrium de Antro Nympharum p. m. 262. *Lunam Apim vocabant, quam & alio nomine Taurum dixerunt. Et exaltatio Lunæ est Taurus: Bovigenæ autem apes sunt.* Idolum igitur hoc *populorum omnium numen*, ut ait Mela lib. I. cap. 9. in sacra sua adscivit Childericus, tanquam bellicarum expeditionum comitem, ducem et *Larem Vialem*. Pulchre Chifletius, in Anastasi, monstravit, eum fanaticum adorasse idola, ac avium bestiarumque finxisse formas; rectius prisca Germani arbitrabantur, Deos in humani vel bruti oris speciem assimilare, ex magnitudine cœlestium non esse. Rorico lib. I. de Meroveo Rege: *Hic genuit Childericum, patrem Clodovei Regis excellentissimi. Erant autem Franci tunc fanatici, adorantes idola, & non agnoscebant Regem cœli, qui creavit omnia.* Liqueat itaque ex his satis, non prisca tantum Germanos, sed

sed & recentiores, Solem & Lunam pro Diis Vialibus habuisse.

Ad Lunam referenda videtur dea Zelandorum Nehalennia, cujus statuas, aras, aliaque monumenta, A. 1647. Domburgi reperta, Boxhornius & Keislerus illustrarunt. Imagines deæ Olivarius Vreedius, in Addit. ad prodromum II. Historiæ Comitum Flandriæ, & Montfauconius tom. II. Antiq. pag. 444. dederunt. Neque enim illis assentimur, qui vocis originem ab Hebræo *nabal*, vel a Syro *Nebalin*, vel a Græco *νία ἐλύν*, vel a Belgico *neelke*, vel a *nebis*, aquaticis Nymphis Celtarum, vel denique a *neu* novus, & *ben* vetus, cum Pezron. Antiq. Celt. pag. 341. & 355. repetunt, postquam Menso Altingius, majori veritatis specie, a Germanico *nie bel*, quod novum lumen indicat, nomen Divæ descendere conjecit, in Notit. inf. Germ. p. I pag. 101. cujus sententiam Cl. Gundlingius p. xxv. Obs. 3. ex Cæsare lib. I. c. 50. & Tacito de M. G. cap. XI. firmavit, ubi: *coëunt certis diebus, cum aut inchoatur Luna, aut impletur*. Addo Plinium lib. XVI. c. ult. qui Gallis sextam Lunam principia mensium & annorum fecisse, testatur. Fuisse autem deam hanc vialem, ex eo liquet, quod reduces in portum, vota in itinere suscepta, ei solvebant; id quod vel una in-

F

scriptio

scriptio docet, apud Vreedium, Sponium, Reinesium aliosque memorata, quamque doctissimus Keisslerus de dea Nehalennia §. 18. & 45. 46. 47. pluribus illustravit:

DEAE NEHALENNIAE
OB MERCES RECTE CONSER-
VATAS SECVND. SILVANVS
NEGOTIOR CRETARIVS
BRITANNICIANVS
V. S. T. M.

Quamvis autem Nehalennia numen Zelandorum *Ἡρακλέων* fuerit, alibi tamen non prorsus ignota fuisse videtur: nam & Nemausi deam cum iisdem symbolis observarunt Galli eruditi, & DEA NEHA, apud Gruter. p. 89. n. 1. non alia esse videtur. Lapis ille repertus est in oppido Deusonis, *Duits*, à quo *Hercules Deusonienfis* in nummis Postumi, apud Smetium, nomen accepit, quia eodem in castello, sicut alibi Hercules *Ogmius*, *Magusanus* & *Ilunus* in Gallia colebantur, extra municipium suum, apud alias nationes non honorati; vid. Montfaucon t. 2. Antiq. p. 251. et Auctor libri de la religion des Gaulois lib. II. c. 10. et 11. ubi Lucianum erroris accusat, et lib. IV. c. 17. 18. In Hassia, haud procul Geismaria, altissima quercus Jovi sacra, a peregrinantibus colebatur, ex Druidum instituto, quibus, ut Plinius scribit lib. XVI.

c. 44. *robore nihil fuit sacratius*; Lucanus *robora sacra*, & Claudianus *robora numinis instar* cecinerunt. Quercus in tutela Jovis est, eique sacra & fatidica, ait Servius ad Ecl. I. vf. 17. & III. vf. 13. Quomodo arborem illam Bonifacius destruxerit, aliaque ad quercus cultum pertinentia Nobiliss. Schminckius, in erudita dissertatione, de cultu religiosæ arboris Jovis, explicavit. *Lucos ac nemora consecrant, deorumque nominibus appellant secretum illud, quod sola reverentia videtur*, ait Tacit. de M. G. c. 9. ubi de Tanfanæ, campestris deæ templo, erudite disseruit Clariss. Ditmarus, in notis: sed an numen illud mere Germanicum sit dubito, propter inscriptionem Gudii p. 55. n. 11.

TAMFANÆ SACRVM
DECVRIONES INTERAMN
QVINQVENN SIG. D. D.

Quid autem est, quod Tacitus ait de Moribus Germ. cap. IX. *Deorum maxime Mercurium colunt, cui certis diebus humanis quoque hostiis litare fas habent*. Num forte falsus est Cæsar, qui Solem & Lunam solos esse Germanorum Deos existimavit? an vero Cæsaris tempestate Mercurius nondum erat cognitus, qui postea per hospites demum innotuit? Ita conjectant Lipsius ac Salinerius, & facere pro his videtur ipse

Cæsar, lib. VI. de bello Gallico cap. 16. ubi vicinis Gallis Mercurium summum quoque Deorum ac *Viacum* fuisse, scribit. Verba ejus sunt ista: *Deum maxime Mercurium colunt. Hujus sunt plurima simulacra: hunc omnium inventorem artium ferunt; hunc VIARUM ATQUE ITINERUM DUCEM, hunc ad quæstus pecuniæ mercaturasque habere vim maximam arbitrantur.* At quis credat, Mercurii planetam majori & Germanos & Gallos in veneratione habuisse, quam Solem & Lunam? Hos certe siderum principes maximo cultu sunt venerati: at quia eos diversimode expresserunt, ideo diversis quoque Deorum suorum nominibus, eos appellarunt scriptores Romani; parum tamen apposite! cum satius fuerat barbaras appellationes retinuisse, ut Vollius monuit lib. I. de orig. & progr. idolol. cap. 37. Suis enim nominibus Deos Deasque suas vocabant Germani, *Sunna, Mana, Tuisto, Wodan, Thorons, & Freya*, nec eadem Galli, quæ Græci & Romani, colebant numina: nam Mercurius apud Lucian in Jove Tragædo negat, a Diis Gallorum se posse intelligi, nec se ipsum eos intelligere posse. Quemadmodum vero Romani, Galliam occupantes, *Taranim* Jovem tonantem, *Esum* Martem, & *Teutam* Mercurium, licet tales

ANOR.

o cap. 16.
 mum quo-
 , scribit.
xime Mer-
ima simu-
artium se-
UE ITI-
ad quæstus
vim maxi-
edat, Mer-
anos & Gal-
uam Solem
n principio
at quia eo-
deo diversis
inibus, eo-
; parum tr-
rat barbari
ollius monit-
dol. cap. 3.
Deasque sum-
ana, Tuiſſa-
nec eadem
colebantur
acian in fore-
rum se posse
elligere posse.
, Galliam oc-
nantem, Eſum
urium, licet
tales

tales non essent, interpretabantur; ita apud Germanos veteres, qui distincta deorum signa non habebant, nec eos in ullam humani oris similitudinem adsimilabant, Tacitus, ex cultus similitudine vel muneris paritate, eosdem fecit Deos, quos Quirites in patria colebant. Aliter Warnefridus de gest. Langob. lib. I. c. 10. *Wodan*, ait, *quem adjecta litera Govodan (à Woden, ferocire, quia Martis Deus) dixerunt ipse est, qui apud Romanos Mercurius dicitur, & ab universis Germaniæ Gentibus ut deus adoratur.* Ipse Tacitus de M. G. cap. 43. *Deos*, inquit, *interpretatione Romana, Castorem & Pollucem memorant.* hoc est, Deos quosdam, quos Romani eosdem esse, ac Castorem & Pollucem judicant. Neque aliter accipiendum est, quod idem Tacitus de M. G. c. 3. ait: *Herculem primum omnium virorum sortium ituri in prælia canunt.* Quamvis enim *silva Herculi sacra* ad Visurgim, ab eodem memoretur lib. II. Annal. c. 12. & Herculis Magusani, Deusonienſis & Alemannici alii mentionem fecerint, illa tamen appellatio a Romanis est profecta, Germani nullum Herculem Tyrium, Ægyptium, vel Thebanum deum viælem novere. Vid. Cl. Clericus Art. crit. p. 11. f. 1. c. 13. n. 11.

Similiter Cæsar, cum numen aliquod

ἀγεμόνιον, bonum faustumque iter præstans, à Gallis coli videret, facili lapsu ex ritu gentis suæ Mercurium est interpretatus; quod tamen ex mente Gallorum Sol erat, & sub Beleni nomine in Aremorica provincia Galliæ celebrabatur. Id enim non modo constat ex Gregorio Turonense de glor. conf. c. 5. ubi montis Belenatensis, a Beleni templo dicti, meminit, sed etiam ex inscriptione apud Simeoni, in descript. Avern. pag. 113.

ALLIA. T. LA
BIENI UXOR
BELLINO D. D.

Aufonius præterea, de Professoribus Burdigalensibus carm. 4. *Beleni sacratum ducis è templo genus.* & carm. 10. *Qui Beleni ædituus.* Atque hic fortassis est Apollo, quem à Gallis cultum idem Cæsar tradit lib. VI. c. 17. Ipli vero illum, qui viis præerat, patria lingua, Teutatem appellabant, eique humanis litabant hostiis. Lucanus lib. I. vers. 444.

*Et quibus immitis placatur sanguine diro
Teutates.*

Lactantius lib. I. c. 21. *Galli Hesium, atque Teutatem humano cruore placabant.* Hic autem nomen traxisse quibusdam videtur à *Tbeut*, vel *Tbait*, quod Aremorica lingua & Britannica veteri, quarum utraque

que a Gallica manavit, viam significat : ita ut Teutates idem sonet, ac *Deus via*, sive *Evidis*, auctore Cambdeno in Britann. pag. 13. & Huetio dem. Evang. prop. IV. c. 7. §. 3. Mihi vero magis placet eum derivare, a *Teut*, terra, ditio, populus, & *Tata* pater, ut notet populi patrem : sicut *mammās atque tatas* habes apud Martialem, id est matres atque patres, lib. 1. Epigr. 101. Cæsar vero, cum sciret, Thoth Ægyptiorum apud Græcos Mercurium esse, Teutamem quoque Gallorum Mercurium est interpretatus ; qui tamen nihil habet quo jungatur cum Ægyptio illo literarum repertore, sive cum Phœnicum *Taauto*, præter solam vocis similitudinem, quæ in significationibus diversissimis apud alias aliasque gentes non potest non existere, ut Grotius recte monuit in proleg. ad Hist. Goth. pag. 21. Cicero lib. III. de Nat. Deor. c. 22. *Mercurium Ægyptii Thoth appellant.* Philo Byblius, apud Euseb. præparat. Evangel. lib. I. cap. 9. *Ægyptii Thoyth vocarunt, Alexandrini Thoth, Græci Hermen, hoc est, Mercurium interpretati.* Servius in IV. Æneid. vs. 577. *Mercurius in Ægypto invenisse primum disciplinam literarum & numerum dicitur, qui lingua Ægyptiorum Thoth appellatur.* Tertullianus etiam Apologet. c. 9. *Teu-*
F 4 *tatem

tatem Mercurium interpretatur, & Minucius in Octavio c. 30. *Mercurio Gallos humanas inhumanos hostias cadere.* Non soli vero Galli, sed etiam Germani, & inter hos *Franci, Heruli & Saxones Deos suos humana credebant cade mulceri*, teste Ennodio invita S. Antonii; nec tamen perpetuo, sed tunc maxime, quando ex bello, pestilentia, aut frugum inopia, publicæ metuerentur calamitates, carissimorum aliquis, publicis suffragiis, ad placandam deorum iram, delectus mactabatur, Tacit. I. Annal. c. 61. more antiquissimo, forsan ex Abrahami historia profecto, & Cananæis, Pœnis, ipsisque Romanis usitato. Scriptor Sapientiæ eos *τίκτων φονίαις ἀνιχέμενας*, *immisericordes liberorum interfectores* appellavit cap. XII. vf. 5.

Quemadmodum vero Galli, apud Cæsarem lib. VI c. 17. se omnes a Dite patre prognatos prædicabant, ita Tuisto, pronuntiatione tantum a Dite diversus, Germanorum conditor & Deus Vialis laudatur à Tacito de morib. Germ. cap. 2. *Celebrant carminibus antiquis Tuistonem Deum, terra editum, & filium Mannum, originem gentis conditoresque.* Forsan autem Tacitus carmina Germanorum male interpretatur: nam Teuto, Teutates, vel Tuisto fuit nomen Herois, qui Celtas, quorum principes erant Germani, ex Scythia edu-

eduxit, eodemque fato, quo alii colonia-
rum ductores, ob beneficia, pro deo habitus
est. Ita Veller. lib. III. Rer. Boic. Brun-
ner. lib. IV. Ann. Boic. & Leibnit. t. I.
Misc. Berolin. Cl. Gundlingius vero p. VIII.
Obs. I. Tuistonem gigantem fuisse, ait, atque
ideo terra editum vocari: *nam & vulgus*
terræ filios vocat, quorum genus incertum,
ait Tertullian. Apol. c. 10. Sed magis putem,
hic latere vestigia confusa creati ex terra
Adami, & Noachi, ejusque trium filiorum:
nam idem Tacitus de M. G. c. 39. de Sem-
nonibus: *per humum evolvuntur, eoque*
omnis superstitionis respicit, tanquam inde ini-
tia gentis. & cap. seq. de Suevis: *In com-*
mune Hertum, id est terram matrem co-
lunt, eamque intervenire rebus hominum,
invehi populis arbitrantur. Terram ergo
coluerunt, tanquam principium universi,
& initium gentis suæ, terrigenæque ducis;
a terra quoque, (olim *tud, thiod, diet,*)
Teudisci, ipseque Tuisto nomen tulerunt.
De cultu terræ apud Asiaticos & Septen-
trionales Grot. ad Judic. II. vf. 13. Olaus
Rudbeek Atlant. part. 11. c. 6. & Worm.
lib. I. mon. Dan. c. 5. conferantur. Græcis
quoque & Romanis Tellus MATER DEVM
SUMMA PARENS, vocatur, in lapide apud
Reines. epist. 69. pag. 630. *Alma parens*
Virgilio; *hominum Divûmque æterna crea-*

trix Statio dicitur, & Plin. lib. II. cap. 65. *Terræ, uni naturæ, eximia propter merita in nascentes, natos, semel editos, & jam a reliqua natura abdicatos, nomen indidimus maternæ venerationis.*

Abunde ex his apparet, quam accurate Tacitus dicto cap. 9. primum Germanorum Deum, Romana lingua Mercurium appellarit, qui Deorum minister tantum fuit & MENESTRATOR appellatur apud Spon. Misc. f. 111. pag. 91. Liqueet etiam, quam inepte Gobelinus, Fabritius & Turckius in fastis Carolinis, *Irminful*, vel *Hermensful*, Saxonicae gentis vetus idolum, ab *Hermmin* & *Suyle*, quasi *Mercurii columna* deducant; cum potius *Harminio*, id est Hermannio, vel Irmino Cheruscorum duci, ac Germaniæ liberatori, Romanis bellis exercito, dedicata videatur: nam Regino lib. II. ad A. 772. eam *Hermensaul* appellavit. Deinde, ut ineptias compositionis ex voce Græca & Teutonica præteream, apparatus idoli, prout a Munstero in Cosmogr. l. III. c. 433. minus tamen recte, & velut ex recente Heraldorum officina, est descriptus, nihil habet ad Mercurium spectans, Martem sonant omnia; ideoque Spelmanus in Gloss. Martis columnam tutelarem interpretatur. Posset quoque dici, eam *Hermioni*, si modo Tacitus eum recte Man-

Manni filium facit, positam esse, secundum Aventini sententiam lib. I. c. 6. & IV. c. 2. Annal. Bojor. quam Ill. Leibnitius calculo suo probavit, in notis ad Taciti Germaniam, tomo I. Scriptor. rer. Brunf. pag. 9. Columna illa olim Eresburgi, quod nunc Stadtberga dicitur, conspicua fuit, deinde a Carolo dejecta & Corbejæ defossa, sub Ludovico Pio autem eruta, et Hildesiam translata est, ubi, in memoriam sublatæ superstitionis, festum anniversarium celebratur. v. Meibom. et Wasserbach. de Irmenfula, juncto Calværio Sax. inf. fol. 43.

Nullus ergo proprius Mercurius, Germanorum et Gallorum Deus vialis, antiquis istis temporibus reperitur. Si quis vero, post crebra illa cum Romanis bella, commercia et colonias deductas, Mercurium, Herculem ceterosque Deos sensim admixtos, et tam ante Cæsarem, quam post Galliam subactam, civitate donatos esse, cum Montfauconio tom. II. p. 2. antiq. pag. 414. contendat, ei non admodum refragabor. Julius fane Cæsar Mercurio aram in Gallia crexit, quæ demum à D. Materno eversa fuit. Plinius lib. XXXIV. c. 7. scribit, Zenodorum, Mercurio facto in civitate Galliæ Arvernus, per annos decem, h. s. cccc. manipretio, postquam satis ibi artem probaverat, a Nerone Romam acci-

cum

tum esse. Ulpianus Martem in Gallia, a civibus Romanis, heredem institui concessum ait, tit. XXII. §. 6. nec mirum! Nam Tencterorum legati apud Tacit. lib. IV. Hist. c. 64. *præcipuum inter communes deos Martem* celebrant; et Pomponius, Atellanarum poëta, huic, à Gallis Transalpinis, votum pro reditu factum, memoravit, apud Gellium lib. XVI. c. 6.

Mars tibi voveo facturum, si umquam redierit, bidenti verre.

Tres Dii viales Hercules, Mercurius, Castor et Pollux cum equis, in antiqua inscriptione, Viennæ Allobrogum reperta, memorantur apud Joh. Poldum in antiquitat. Nemauf. pag. 53. sed pro *carpusculis* Casaubonus et Salmalius in ea malunt *carpisculis*, ad Vopisci Aurelianum c. 30. ubi: *Carpisculum genus calciamenti esse, satis notum est.* In Germania quoque Mercurii cultum ostendit, statua ejus Niwenheimii in Palatinatu, et ara Rorbachii MERCURIO TIMONIA VITTVO inscripta, auctore Frehero p. II. Orig. Palat. p. 186. Chaucos item, Germaniæ populos, in honorem Mercurii, Viarum præsidis, lapidum acervos congestisse, Schildius auctor est de Chaucis II. 3. *Videre est, ait, eximie celsitudinis tumulos Bremam inter & Præsulis arce nobilem Fordum, è lapidibus accumulatos, & quidem*

dem *indies*, hoc est in ipso propemodum militarium margine viarum. Tum § ii, quibus iter isthac faciundum est, ut solent saepe tedia viarum non fabulis modo dispungi comeantium, sed § repetitis è domestica antiquitate ludicris levavi, suum quisque colliculis istis lapidem adjiciunt, § *indies* è magnis faciunt majores.

Cum Romanis & Saxonibus Mercurii iste cultus migravit in Britanniam. Testis Cambdenus, vir doctissimus, in tractatu *Germani in Britannia* scribens: *Ejus, Mercurii, statuæ quadratæ, Hermæ dictæ, olim ubique per vias dispositæ fuerunt.* Et huc referrem lapides illos ingentes, in planitie Sarisburienli congestos, vulgo *Stone-beng* dictos, de quibus Idem de *Stoneheng*. Britan. p. m. 102. Du Frene quoque *Erminstreat*, unam e quatuor Angliæ viis militaribus, a Mercurio, *Irmæn*, quod viis præesse crederetur, dictam esse putat, sed Spelmannus *Ermundstraet*, quali viam Martis immunem, ex L. L. Eduard. confess. c. 12. interpretatur.

Celtæ cum moribus suis ac religione Mercurii Viales tumulos intulerunt in Hispaniam; ibi enim prope Carthaginem novam, egressus Scipio in tumulum, quem Mercurii (alii Mercurium Teutatem) vocant, animadvertit, multis partibus nudata defensori-

foribus mœnia esse, scribit Livius lib. XXVI. cap. 44. Similiter promontorium Africæ, quod vulgo nunc *Cap de bon* vocant, *Mercurii promontorium* a Plinio, *Hermæum* a Ptolomæo, & *pagus Mercurialis* vocatur, in inscriptione Tunetana, apud Sponium *Miscell. erud. antiq. pag. 191.* Accitani quoque, Hispaniæ populus, simulacrum Martis, radiis ornatum, magna religione colebant, *Neton* vocantes, auctore Macrobi. lib. 1. *Saturn. c. 19.* Et cui denique ignotus est *Hercules Gaditanus*? ab Ulpiano inter deos illos relatus, qui jure liberorum a Senatu, vel a Principe accepto, heredes institui poterant tit. xxii. §. 6. Fanum ejus apud columnas a Phœnicibus conditum esse, Appianus de Bell. Hisp. pag. 256. hoc argumento probat, quod ad suam usque ætatem Tyrius in eo Hercules, Phœnicio ritu colatur. Mela lib. III. cap. 6. *Templum Ægyptii Herculis, conditoribus, religione, vetustate, opibus illustre Tyrii condidere.* Adde Strabon. lib. III. & XVI. Plin. lib. II. Hist. Nat. c. 97. Dani præterea, ac ceteræ gentes, a Germanis oriundæ, Mercurium coluerunt. vid. Olai Wormii monum. Dan. lib. 1. cap. 4. Sueonas, aliosque ad Septentrionem vergentes, Deos ac genios quosdam marinos coluisse, post Tacitum de M. G. in fin. auctor est Procop.

cop. lib. II. rer. Goth. c. 15. Neptunus ipsis *Neckur, Neccim, Neccus, Nocca* vocabatur, Wormius d. l. & Loccen. Antiq. Sueo Goth. p. 17. Slavorum dii præcipui fuerunt Suantevitus & Radegastus; ab utroque bellorum et pacis arbitro itinerum et bellorum auspicia sumebant; Ritus, quo prior confuleretur, descripsit Saxo Grammaticus lib. XII. Hist. Dan. c. 2. De posteriore Ditmarus lib. VI. Chron. Merseb. p. 136. *Hunc ad bella properantes salutant, illum prospere redeuntes muneribus debitis honorant.* Vid. Ill. Ludewigium de Idolis Slavor. t. 2. Opusc. p. 525. et 530.

Verbum adjiciemus de Indis, Turcis, Arabibus et Russis, qui itidem Deos suos viales maxima cum superstitione semper coluerunt, et nunc venerantur. Refert Hugo Lindschottanus itin. Ind. p. m. 69. quosdam Indiæ populos, ad omnes montes, petras et speluncas Idola sua excisa habere, juxta et lintrem aqua refertum; ubi viatores transeuntes ablutis pedibus Deastro supplicare, et nonnunquam sacrificii aliquid offerre consueverunt. Hæc autem signa Soli et Lunæ esse consecrata, neminem latere arbitror; siquidem ab antiquo loca sacra ἐπ' ὀνόματι τιμῶσιν ἡλίου καὶ σελήνης, ait Photius apud Ctesiam in Indicorum opere. Clemens Alexandrinus in Protrept. καὶ προ-

σεκύνησαν ἥλιον ὡς Ἰνδοὶ, καὶ σελήνην ὡς Φρύγες. *Et adorarunt Solem, ut Indi; & Lunam, ut Phryges.* Adde Philostratum de vita Apollonii lib. III. cap. 33.

Ad Turcas Lunæ cultus per Arabes & Saracenos venit, cujus corniculatæ effigies, velut sacrum quoddam insigne in templis, turribus, & forte viis, conspicitur. Apud hos vero lapides jaciendi consuetudo, in honorem Veneris, sive Lunæ, obtinet ex prisco ritu, quem eleganter descripsit homo Christianus, verbis Arabicis, quæ Latine reddita legere est apud Vincentium Bellovacensem lib. IV. Speculi Histor. & sunt hujusmodi: *Duarum Indiæ gentium, quæ vocantur Zebiam & Albarackuma, antiqua consuetudo fuit, nudos & decalvatos, magnisque ululatibus personantes, simulacra dæmonum circumire, angulos quoque osculari; & projicere lapides in acervum, qui quasi pro honore diis exstruebatur. Inde est, quod in libro Salomonis dicitur: qui projicit lapidem in honorem Mercurii. Faciebant autem hoc bis in anno; Sole scilicet existente in primo gradu Arietis, & rursus, cum esset in primo gradu Libræ: hoc est, initio Veris & Autumni.* Denique in confinibus Lithuanorum ac Moscovitarum Zlotababa statua certis munusculis à viatoribus est placanda, si quam

velint suscepti itineris securitatem. Olaus Magnus de ritibus gent. Septentrion. lib. III. c. 1. in fin.

CAPUT VI.

DE JOVE, GRÆCORUM ET ROMANORUM
SUMMO VIARUM PRÆSIDE.

Athenæ & Roma urbes religiosissima, & omnium deorum cultrices. Monstra Ægyptiorum Romæ publice adorata, eorumque symbola ibi recepta. Sed Juppiter princeps Deus peregrinantium, & terræ, & mari: inde Servator, Hospitalis, Redux & Tempestatium potens audit. Marmora antiqua, Horatius & l. 25. §. 6. D. locati illustrantur. Bruta deorum vialium symbola; hinc taurus in navis prora Jovis index. Ab avibus auspicia itinerum capta. Columbæ, cygni, accipitres & corvi a diis missi, viarum duces. Aquila, Jovis ales, dux viæ & insigne principatus Romani. Proprium hoc legionum numen a Persis desumptum. Aquilarum militarium religio & cultus. Vulgata lectio legis. 7. §. fin. D. ad l. Jul. maj. vindicata. Serpentes, lupi & arietes viarum duces.



atis, opinor, evicimus plerasque
 gentes, & veteres & recentiores,
 Deos suos viales ad Solem, Deas
 vero ad Lunam retulisse. Nunc
 ad Græcos & Romanos propius acceda-
 mus, qui iisdem tenebris immerſi, vix alios,
 quam qui in oculos incurrerent, fidereos
 deos cognovere. Inter Græcos religione
 eminebant Athenienſes, quorum urbem
 Aristophanes in Equit vs. 579. *ιερωτάτην*,
sanctissimam, Æschylus Eumen. vs. 872.
θιοφιλεστάτην *Deo acceptissimam*, Sophocles
 Oed. Col. vs. 264. *θεισεβεςτάτην* *pietissimam*
 appellarunt: gravi ratione, quod cives ejus
in Deorum cultu erant religiosissimi, Isocra-
 tes in Panegyrico; & *majorem pietatis ra-
 tionem habebant erga Deos*, Paulan. Attic.
 c. 3. Inter propria enim illius Reip. insti-
 tuta fuit omnibus numinibus hospitium præ-
 bere publicum, & θεὸς ξένους colere quam
 plurimos. Hesychius θεοὶ ξενικοί, παρὰ Ἀθη-
 ναίοις τιμῶνται, ὥς καλεῖται Ἀπολλοφάνης ἐν Κηρίναις.
 Adeo ut aram θεῷ ἀγνώστῳ erexerint, ne quis
 deorum incultus maneret Act. XVII. vs.
 22. ubi Paulus, in medio Areopago, *Viri
 Athenienses*, ait, *conspicio vos quasi reli-
 giosiores; inveni enim aram, cui inscriptum
 erat IGNOTO DEO*. Similiter Roma singu-
 lari quodam Deorum cultu passim com-
 men-

mendatur, & *numinum cunctorum cultrix* vocatur apud Arnob. lib. VI pag. 195. Minucius in Octavio: *Dum undique hospites Deos querunt, & suos faciunt, dum aras exstruunt, etiam ignotis Numinibus & Manibus, sic, dum universarum gentium sacra suscipiunt, etiam regna meruerunt.*

Ipse Ægyptia sacra, quibus stultiora nulla sunt, quæque *omnigenum Deum monstra* Virgilius appellavit, lib. VIII. Æneid. vs. 698. sensim non modo licita, sed & publice recepta fuerunt, uti ex Varronis aliquot locis Colerus ad Valer. Max. lib. i. c. 3. ex Minucio Ampl. Bynkershoekius probavit, de relig. peregr. dissert. 2. Inde tam multa Isidis, & Osiridis, ejus mariti, & Serapidis templa, in variis urbis regionibus, multique ejus cultores, apud Juvenal. Sat. VI. vs. 529. & IX. vs. 22. Sueton Domit. c. 1. Othon. c. 12. Lamprid. Comm. c. 9. Spartian. Carac. c. 9. Gruter. pag. 22. 32. 85. n. 2. 3. 4. 8. & Fabrett. Inscript. pag. 488. memorantur. Hinc etiam Romæ, pariter ac Athenis, eadem rursus, aut certe iis, quæ apud tot gentes supra vidimus, non dissimilia Deorum vialium symbola deprehendere licet. Lunæ quippe, non secus, quam Isidi apud Ægyptios, boum cornua sacrata fuerunt, in vestibulo

templi Dianæ montis Aventini: id quod ex vetustissimo ritu per manus tradito, non casu, ut Plutarchus censet, factum esse, opinor. Livius lib. I. cap. 45. *Fixa per multas ætates cornua in vestibulo templi Dianæ, monumentum ei fuere miraculo.* Apium sub forma Musæ duxisse coloniam scribit Philostratus Iconum lib. 11. 8. Ἀθηναῖοι τὴν Ἰωνίαν ὅτε ἀπώκισον, Μῦσαι ἡγῶντο τῇ ναυτικῇ, ἐν ἰδίᾳ μελιτῶν. *Cum Athenienses Ionicas colonias deducerent, Musæ classis duces fuere, sub apum forma.*

Ut autem via quadam & ordine, in tanto Deorum vialium numero, nostra procedat tractatio, primum in memoriam revocanda est varia Deorum divisio, ex Tertulliano lib. II. ad nationes c. 11. in majores & minores; veteres & novitios; mares & feminas; cives & peregrinos; nominatos & innominatos. Dii majorum gentium pro iisdem haberi possunt apud Græcos & Romanos, quia deorum cultus Romæ ex Græcorum ritibus maxime est institutus. Inter hos vero primum locum tenet Juppiter, quasi *Jovis*, Deorum atque hominum *Pater*, ab Hebræorum *Jehovah*, dictus, ut nonnulli voluerunt. Hinc OPTIMVS MAXIMVS CAELVS AETERNVS IVPITER apud Grut. p. 4. n. 12. & SYMMVS, EXSVPERANTISSIMVS, θεὸς ὑψιστός, in

in inscriptionibus apud Sponium pag. 71. 72. 345. vocatur. A Jove ergo principium Musæ! Athenienses ἱερὸν ἔ Διὸς ἔ Σωτῆρος, ædem Jovis Servatoris habuerunt, auctore Strabone lib. IX. pag. 396. Romæ quoque IUPPITER OPT. MAX. CONSERVATOR crebro occurrit, apud Gruter. p. 18. & in argenteis Philippi & Maximiani nummis: eique templum omnium magnificentissimum, in monte Tarpejo, fuit dedicatum, in quo Imperatores, ad bellum ituri sacra faciebant, & vota nuncupabant, Lib. lib. XLII. c. 49. victores quoque reversi, triumphali pompa, ad vota solvenda, eo deducebantur Virgil. lib. VI. Æn. vf. 837. Idem quoque peregrinantium præses jura hospitibus dedisse creditur: hinc αἰνῶ Ζεὺς apud Homerum Odyss. ξ. vf. 55. & 283. & *Juppiter hospitalis* apud Plinium vocatur lib. 37. H. N. c. 5. Virgil. I. Æneid. vf. 735.

Juppiter; hospitibus nam te dare jura loquuntur.

Eidem tonanti Jovi Augustus ædem consecravit, liberatus periculo, cum expeditione Cantabrica per nocturnum iter leticam ejus fulgur præstrinxisset, Sueton. lib. II. c. 29. Idem quoque PEREGRINVS, SALVATOR & SERENATOR dicitur in mar-moribus literatis apud Gruter. p. 18. 19. seqq. et Gudium pag. 4. 7. 8. 21. 23. Juppiter

CVSTOS a Petro Bellorio p. 2. n. 1. et Leon. Augustino p. 1. n. 106 notatus est. Alibi I. O. M. ET FORTVNÆ REDVCI PRO SALVTE ITV ET REDITV votum solvitur, Grut. 8. n. 2. PRO REDITV IMP. CAESARIS, JOVI OPTIMO MAXIMO ludi votivi facti, Grut. XI. n. 1. Rursus PRAESTITI IOVI PROFICISCENS aram ponit Grut. 22. n. 1. Pro salute et reditu caesaris, templum IOVIS REDUCIS exornatur, Grut. 22. h. 3. I. O. M. PEREGRIN RED. est apud Gudium 7. n. 4. ubi Juppiter redux, est qui reducit, ut apud Ovid Ep. 13 vs 50.

Et sua det reduci vir meus arma Jovi.

Neque tantum qui terra proficiscebantur, sed etiam qui fluminibus aut mari iter instituebant in tutelam Jovis, Optimi patris, quem Æschylus apud Pausan. lib. II. c. 24. *maris regem* vocat, sese commendabant. Indicat hoc monumentum antiquitatis pulcherrimum, in choro Ecclesiæ Cathedralis Parisiensis A. 1711. inventum, quod Baudelotii, Malturii, Leibnitii & Eccardi ingenia exercuit. In primo ejus lapide hæc occurrit inscriptio, apud Anonymum de la religion des Gaulois, t. 2 cap. 11.

TIB. CAESARE
AUG. JOVI. OPTUM.
MAXUMO. M.
NAVTAÆ. PARISIACI.
PVBLICE. POSIERVNT.

Apud

Apud Sponium Sect. 3. p. 76. legio tertia Augusta JOVI. O. M. TEMPESTATIUM DIVINARUM POTENTI votum solvit: Jupiter enim æther est, et possidet tempestates, ita ut eas vel immittere, aut versis aquilonibus serenitatem præstare possit. Ist hæc est vis *major et divina*, quam Græci *θεῶν βίαν* l. 25. §. 6. *D. locati*; Ovidius *iram Jovis*, Capella *vim sacram Jovis* appellavit. Sponius recte infrequens hoc Jovis epitheton vocat; sed eodem loquendi genere utitur Horat. Epod. 18. vs. 1. *Sylvarumque potens Diana*. Idem l. 1. Od. 3. vs. 1. *Sic te diva potens Cypri*, id est quæ potestatem habes in Cyprum, et Od. 5. *potenti maris deo*. Multa id genus alia Græcorum et Romanorum testimonia congerere facili negotio liceret, ex quibus constat, Jovis planetam bonum, uti in omnibus rebus suscipiendis, ita etiam a nautis imploratum esse, v. gr. Euripid. in Troad. vs. 78. Lycophron. Cass. vs. 512. Virgil. IX. Æneid. vs. 614. sed animalia deorum viarium symbola et ministræ alites nos monent, ut semel hoc loco de iis dicamus.

Refert Diodorus Siculus lib. 1. c. 87. Ægyptios religiosa veneratione canes esse profecutos, quod Isidi, Osiridem investiganti, duces fuerint. Apollonius etiam, apud Philostratum lib. VI. c. 19. ait, Ægyptiis

lupum Solis, noctuam Palladis, canem Mercurii symbolum fuisse: & notum est, imitatores eorum Græcos similiter lupi simulacrum in Delphico templo posuisse, atque noctuam Palladi, Mercurio canem junxisse. Juppiter autem sub tauro, in quem mutatus, adumbratus, ταῦρος Gregorio Nazianzeno dicitur. Hinc Lycophron Cass. vs. 1299. Europam, ait, raptam navi ταυρομόρφῳ, cujus in prora pictus fuerit taurus. Isidorus lib. 8. Orig. de Jove: *Impudicus in extraneis, quem modo Taurum fingunt, propter Europæ raptum, fuit enim in navi, cujus insigne erat taurus.* De eadem re apertius Festus, in *Europam*, inquit; *Nave, quæ Jovis tutelam effigie tauri habuerit, in eam regionem esse delatam; & Fulgentius Planciades lib. 1. Mythol. Europam in tauro rapuisse fertur, id est, in nave, tauri picturam habente.* Taurus ergo hæc navis dicta, à figura, qua prora fuit adornata, sicut Virgil. X. Æneid. vs. 166. navim, cujus rostrum in similitudinem tigridis erat, tigrin appellavit:

Massicus arata princeps secatur aquora tigris.
Sic Bacchi navis, in prora, ad aureæ pantheræ formam efficta dicitur, apud Philostrat. lib. 1. Icon. 19. & Alexius belluarum capita, auro exornata, navium rostris adaptavit, teste Anna Comnena Alexiad. pag. 335.

Fre,

Frequentius autem in navium ornamentis aves deligebantur; tum quia has e cælo missas viarum putabant esse duces; tum etiam, quod navigandi artem ab avibus aquaticis didicerant; quamobrem integra navis, avi similis, & rostra habet, & alas, ut Maro cecinit: *velorum pandimus alas*. Quemadmodum ergo *multas volucresque ferarumque Ægypti posuere deos*, auctore Lucano lib. X. vs. 158. & Romæ, qui auspiciis operam dabant, spectare solebant, an aves abdixissent, nec ne; ita Græci non nisi ab avibus auspicati ad iter terrestre vel maritimum sese accingebant, ut tradit Aristoph. in Avib. vs. 718. & 596. ubi ait:

Προερεῖ τις αἰὲ τῶν ὀρνίθων μαντευόμενον περὶ ᾧ πλεῖ,
 Νυνὶ μὴ πλεῖ, χειμῶν ἔσαι νυνὶ πλεῖ, κέρδος ἐπέσαι.

*Predicet semper quædam ex avibus homini
 auspicium capienti de navigatione*

*Nunc ne naviges, hyemabit; nunc naviga,
 nam lucrifacies.*

Eminebant inter has columbæ, quas Homerus aves boni ominis, Plinius lib. X. c. 37. in rebus magnis *internuncias* vocat. Vellejus Paterculus lib. I. cap. 4. *Nec multo post Chalcidenses, Hippocle & Megasthene ducibus, Cumas in Italia condiderunt. Hujus classis cursum esse directum alii columbæ antecedentis volatu ferunt.* Virgil. VI. Æn. vs. 194. de iisdem;

*Estē duces, o, si qua via est, cursumque
per auras*

Dirigite in lucos.

Propertius lib. II. El. 20.

Dux erat ignoto missa columba mari

Et l. IV. Eleg. 1.

O quali ducta est Dardana puppis ave.

Columbam Græcis quoque e navi dimittere moris fuisse; in omen felicitis reditus, discimus ex Apollonii Scholiaste, quia avis illa ad domicilium gestit reverti. Huc quoque pertinet, quod Auctor magni Etymologici navem Cygnum, ait, appellatam, quod cygnos habeat effigiatos in prora. Verba ejus sunt quæ sequuntur: ἐστὶ καὶ εἰδὼς πλοῖσι; ὀνομάζεται δὲ, ὅτι κύκνος ἔχει ἐντετυπωμένους ἐπὶ τῆς πρῶτης. Cygni enim ab Apolline divinationem habere credebantur, & in Veneris marinæ tutela erant, unde nautis augurium faciunt apud Virgilium lib. I. Æneid. 392.

Ni frustra augurium vani docuere parentes,

Aspice his senos letantis agmine cygnos.

Vetus Poëta in Ὀψιθογονίᾳ:

Cygnus in auguriis nautis gratissimus augur,

Hunc optant semper, quia nunquam mergitur undis.

Hinc Stephanus Vinandus Pighius, in Hercule Prodigio, lucem adfert celeberrimæ illi historiæ vel fabulæ, quam de principe

cipe familiæ generisque Clivienſis Helia à Graele ferunt ſcriptores. Hunc enim anno poſt Chriſtum natum DCCXI. navicula, quam cygnus aurea catena collo vinctus trahabat, appulſum ad caſtrum Neomagenſe, ibique Theoderici unicam filiam, & Clivienſis ditionis heredem, matrimonio ſibi junxiſſe perhibent. Redolet vero hæc narratio cygnum navis inſigne, quod Ælius ille Princeps Romanus, ex majorum inſtituto, navigio ſuo ita præfixit, ut natæ & aurea catena navem trahere videretur. Accipiter porro Ἀπολλωνος ταχὺς ἄγγελος, *Apollinis velox nuncius* vocatur, apud Homèrum *Odyſſ.* 6 vſ. 526. Idem Minervam, ait, boni ominis cauſa, miſiſſe δεξιὸν ἱερὸν ἐγχεύς ὁδοῖο, *dextram ardeam prope viam*, *Iliad.* 4 vſ. 274. Corvum denique ſacrum Apollini fuiſſe, ait Ælianus, & comitem, & divinationis ſymbolis aptum lib. I. Hiſt. anim. c. 48. Hunc ergo Cyrenæis ducem itineris miſit, eumque intelligit Papinius lib. IV. *Silv.* 8.

*Tu ductor populi longe emigrantis Apollo,
Cujus adhuc volucrem, læva cervice ſedentem,*

Reſpiciens blande felix Eumelis adorat:

Aquila vero, avium regina, Jovi ſacra, ejuſque nuncia, plus ceteris avibus in auguriis valebat: unde Priamus, Græco-

corum classem adoriturus, Jovem rogat, ut in bonum omen alitem illam mittere dignetur, apud Homerum Iliad ω vf. 310.

Πέμψον δ' αἰωνὸν ταχὺν ἄγγελον, ὃς τίσει αὐτῶ

Φλατατος αἰωνῶν, καὶ ὃ καὶ ἄριστος ἐστὶ μέγιστον,

Mitte autem alitem velocem nuncium, qui tibi ipsi

Gratissimus alitum, & cujus robur est maximum.

Ovidius lib. V. Fastor. vf. 732.

Grata Jovi fulvæ rostra videbis avis.

A Jove ergo velut missa dux itinerum habebatur, apud veteres, qui nihil fere majoris rei, publice privatimque, nisi auspicato gerebant. Tacit. I. Hist. c. 62.

*Latum augurium Fabio Valenti exercituique, quem in bellum agebat, ipso profectio-
nis die, aquila leni meatu, prout agmen in-
cederet, velut dux viæ, prævolavit.* Suetonius Vitellio cap. 9. *Præmisso agmine latum
evenit auspicium. Siquidem à parte dextra
repente aquila advolavit, lustratisque signis
ingressos viam sensim antecessit.* Cicero I. de divinat. c. 15. de Dejotaro: *Nihil un-
quam, nisi auspicato gerit, qui cum ex iti-
nere quodam proposito & constituto rever-
tisset, aquilæ admonitus volatu: conclave
illud, ubi erat mansurus, si ire perrexisset,
proxima nocte corruit.* Merito igitur Se-
neca Nat. quæst. II. c. 32. dixit, Aquilæ hunc
hono-

honorem datum esse, ut magnarum rerum faceret auspicia, ejusque rei exempla plura Alexander collegit dier. genial. V. c. 13.

Romanis aquila insigne principatus erat, & omen victoriæ, quoscunque bello peterent; quod & sit validissima, & universarum avium regnum tenebat, ut ait Joseph de bell. Jud. l. III. c. 8. & Spanhem. de præst. & usu num. diss. IV. pag. 171. & VII. pag. 431. pluribus illustrat. In singulis quoque legionibus singulæ Aquilæ castrorum numina erant, & militum præsides viales. Germanicus apud Tacitum II. Annal. 17. *Irent, sequerentur Romanas aves, propria legionum numina.* Jupiter imaginis auctor fertur, quod illa ipsi contra Saturnum omen victoriæ fuisset. *Ζεύς αἰτὸν ἔλετο, Jupiter aquilam delegit*, ait Aristophanes, in Equit. Multi, cum Aldrovando, ipsos Romanos ejus signi inventores faciunt; sed Lipsius, ad Taciti Germaniam, a Persis usum derivat: nam Xenophon. lib. VII. *παῖδ.* initio refert, Cyro majori signum fuisse aquilam auream in hasta longa extensam; & lib. I. *ἀναβάσ.* pag. 271. Cyro minori, ait, *βασιλεὺς σημεῖον*, regium insigne fuisse, aquilam auream, in hasta extensam. Idem quoque lib. II. *παῖδ.* pag. 59. augurii, ab aquila capti meminit; ut inde usus aquilarum ad Romanos manasse videat-

videatur. Multa de harum religione, fascello altaribusque dici possent, nisi Lipsius de Mil. Rom. IV. d. 5. & Cuperus IV. Obs. c. 19. pleraque occupassent. Apud eas Imperatores concionabantur, jus dicebant, legebant literas, ibi juramenta & nonnunquam animadversiones exigebantur, uti Bernartius ostendit, ad Statii illud *domumque verendam signorum* lib. X. Thebaid. vs. 171. Per aquilas has milites jurabant Liv. l. XXVI. c. 48. easque, cum reliquis signis & Cæsarum imaginibus, non secus ac deos, adorabant. Sueton. Calig. c. 14. Jacobus Gothofredus ad Tertull. lib. I. ad nat. c. 12. ad eas referendum existimavit, quod Modestinus ait, in l. 7. §. fin. D. ad L. Jul. maj. *Crimen majestatis facto, vel violatis statuis, vel imaginibus, maxime exacerbatur in milites*: nam pro *statuis*, reponit, *signis*; quia hæc violasse militi maxime crimini fuit, et Vegetius lib. II. de re mil. c. 6. Aquilam *præcipuum signum*, in Romano exercitu appellavit. Verum si prior particula *vel* per *veluti* explicetur, neque hac, neque aliorum mutatione opus est. Videtis plura, quæ ad hunc locum dixi, in Præfat. ad tom. II. Thes. juris Rom. pag. XIX. Alia vero id genus exempla avium, vel quadrupedum, quæ nutu divino itinerum duces se præbuisse creduntur,

tur, collecta & illustrata invenies apud Scaliger. ad Catalecta pag. 281. Victorium lib. III. var. lect. c. 14. Spanhem. ad Callimachi Hymn. in Apollin. vs. 66. Brouckhuf. ad Propert. lib. IV. Eleg. I. &, qui recentiora adjecit, Rupert. ad Vellej. Patere. lib. I. c. 4. Adde quod Antinoe serpentem itineris ducem secuta fertur, apud Pausan. lib. VIII. c. 8. & Festus in *irpini* ait: *Samnites, lupum ducem secuti, agros occupavere*. Servius denique ad IV. Æneid. vs. 196. Herculem, in Libyæ desertis, arietem ducem secutum narravit.



CAPUT VII.

DE APOLLINE, BACCHO ET JANO

Triplex Theologia apud Græcos & Romanos, fabularis Poëtarum, civilis Vulgi, & naturalis Philosophorum. Secundum hos Sol fuit omnia & Juppiter ipse. Apollo Sol, Dianæ Lunæ frater, inde Didymæus appellatus apud Uipian. tit. 22. §. 6 Idem deus averruncus, σωτήρ, defensor & tutelar. A cura itinerum, & terra & mari, dictus Agæus, ἐπιβατήριος, αἰχμηγός & navalis. Aræ Athenis ei ante fores posita; inde θυραῖος, περὺλαιος & Vicinus. Plauto lux. Spanhemius, Seldenus & Helladius notati. Columna ei posita, cur obeliscata & lapidea. Bacchus, cum taurinis cornibus, dux viæ, idem qui Sol, λαμψέος & ignigena vocatur. Janus, rector viarum, Solem notat; an quasi Eanus? cur Biceps, Quadrifrons & Claviger.



Idimus Jovem patrem, deum summum, & superstitiosæ gentilitatis choragium ducentem: nunc ad varios ejus liberos, sive ministros, potestates & præsides proficiscimur, quorum

rum frequentior, quam ipsius Jovis, in viis & compitis occurret cultus, quia vulgus visibilibus eorum symbolis, Soli, Lunæ & Planetis magis inhærebat, atque hæc ab ipsis rursus deorum ministrantium idolis plerumque in templis, sacrificiis, marmoribus & nummis distinguebat. Non aliter Poëtæ Solem & Apollinem, Lunam & Dianam, velut diversa numina, subinde depingunt: sed Philosophi, rerum naturam investigantes, rectius Apollinem pro Sole, Junonem pro aëre, Neptunum pro mari, Vulcanum & Vestam pro igne, Magnam matrem pro terra, Cererem pro frugibus habuerunt, atque ita multiformem theologiam per elementa explicarunt, ne despectui haberetur. Quum enim Poëtæ, qui apud Græcos Sapientum nomen meruerant, narrationes de diis ambagibus longis de industria involvissent, nec posteriores de rebus divinis aliter, quam a majoribus acceperant, diu exponere ausi fuissent, Zeno, Chrylippus, alique Stoici philosophi, quos pudebat numerosæ deorum gentis, carmina Homeri, Heliodi & Orphei de universo interpretati sunt. vid. Pausan. lib. VIII. c. 8. & Tertullian. lib. I. adv. Marcion. c. 13.

Quo igitur omnis illa veterum religio melius intelligatur, omnino hic observan-

H

da

da est distinctio in Theologiam fabularem, civilem & naturalem, ad quam prævit Q. Mucius Scævola, Publii filius, cujus iudicium dein Terentius Varro in libris Divinarum secutus est. Hunc vero Tertullianus lib. 2. ad Nationes, Augustinus lib. IV. VI. VII. de Civit. Dei & Lactantius, libris tribus prioribus Institutionum divinarum refutarunt. Et sane fabulari illa Poëtarum Theologia ipsis Gentilibus nihil insulsius magisque nugatorium videbatur, quod multa de Diis indigna, furta & adulteria fingit. Nec usquequaque placebat civilis, quæ tamen, ne apud vulgus Deorum majestas evilesceret, retinebatur; unica vero naturalis Philosophis sufficere visa fuit, & diis immortalibus digna. Ad hanc referebant physiologicas naturalium rationum interpretationes, corpora in cælis eminentia, quæ nominibus eorum, quos ingens evehit ad æthera virtus, denotabantur. Laboravit in hac doctrina Porphyrius, in opere περὶ τῆς ἀλληγορημένης Ἑλλήνων καὶ Αἰγυπτίων θεολογίας, cujus Julianus meminit, & ex quo Eusebius quædam excerpfit. Quid multa? Sol erat omnia: *Sol Juppiter ipse*, est in Catalectis Virgilii, et multis Macrobius disputat lib. I. Sat. c. 23. Hinc in inscriptionibus tam Græcis, quam Latinis sæpe legas ΔΙΙ ΗΑΙΩ ΜΕΓΑΛΩ ΣΑΡΑΠΙΔΙ, et ὡς Ζεὺς Σά-
ραπις,

εαπς, unus est Jupiter Sarapis, vel Jovi SOLI INVICTO SARAPIDI; unde quoque lucem accipit inscriptio, prope hoc Trajectum reperta, apud Spon. Miscell. pag. 72. et Reines cl. I. Inscr. 244.

JOVI O. M. SUMMO
EXSUPERANTISSIMO
SOLI INVICTO. APOLLINI
LUNAE. DIANAE etc.

Plerique igitur qui Solem et Lunam adorabant, illum Apollinem, hanc Dianam appellarunt. Cicero lib. III. de Nat. Deor. *Solem Deum esse Lunamque: quorum alterum Apollinem Græci, alteram Dianam nuncupant.* Sallustius Philosophus de Diis cap. VI. Ἀπόλλωνα γὰρ ἡ Ἄρτεμις ἀντὶ ἡλίου ἡ σελήνης λεγέται. *Apollinem & Dianam pro Sole & Luna desumimus.* Horatius carm. sæc.

*Phæbe, silvarumque potens Diana
Lucidum cæli decus, o colendi
Semper & culti, date quæ precamur
Tempore sacro.*

Utrumque numen uno Latonæ partu editum credebatur; quamobrem Apollo *Didymæi*, id est gemini, nomen adeptus est, apud Ulpian. tit. XXII. §. 6. Plinium lib. V. H. N. c. 24. et Sueton. Calig. c. 21. juncto Macrobi. lib. 1. Sat. c. 17. Utriusque templa quoque congrue erant juncta; Æneas enim, cum vix arces, quibus altus

Apollo praesidet, petiisset, mox subiit Triviae lucos, apud Virgil lib. VI. *Aeneid.* vs. 9. 13. et paullo post vs. 35. *Phœbi Triviaeque sacerdos.* Utrumque etiam itinerantium credebant esse numen tutelare, vicis et compitis praefectum; sive quod interdiu et nocte eorum beneficio invia et tenebrosa loca penetrare liceret, sive quod essent ἀποτροπαῖοι et ἀλεξίκακοι, Dii *averrunci*, mala quævis à viatoribus propellentes, ut Comici Scholia et Eustathius voluere. Aperte Pausanias initio Attic. πρὸ δὲ τῷ νεώ, ἃ μὲν Λεωχάρης, ὃν δὲ καλεῖσιν Ἀλεξίκακον, Κάλαρις ἱπαίησε. *Calamis vero pro foribus dicitur feciss.* *Apollinem unum Leochares, alterum Alexicacon cognomento;* quod est ac si *Averruncum* dixeris, ab avertendo: *Deus, qui eis rebus praest, Averruncus,* ait Varro lib. VI de L. L. *Apollo malorum avertendorum potens est,* scribit Servius ad X. *Aeneid.* vs. 738. Inde Græcorum quidam ab ἀπαλλάττειν, ab abigendis malis, Apollinem, Medicinæ deum, dictum volunt, apud Eusebium lib. III. de præp. c. 1. Latinis ab *apellendo* dictus creditur apud Macrobi. lib. I. Saturn. c. 17. ΑΠΟΛΛΩΝ ΣΩΤΗΡ vocatur, in nummo Lappitharum, apud τὸν πᾶν Spanhem. diss. VII. de præst. pag. 416. quo nomine, a Jove sumto, Apollo quidam sapientissimus et de genere humano

no bene meritus homo dictus, eodemque elogio Sol etiam apud Megalopolitas Arcadas cultus fuit; teste Pausan. lib. VIII. pag. 507. *Is vero est Soter, qui salutem dedit*, ait Cicero in Verr. IV. c. 63. Plautus Merc. IV. sc. 1.

Apollo, quæso te, ut des pacem propitius, Salutem & sanitatem nostræ familiæ.

Hinc PRO. SALVTE. AVGG. APOLLO: DEFENSOR invocatur apud Gruterum pag. 37. 9 Idem SALVTARIS, in nummis Volusiani, et TVTELARIS nuncupatur in marmore Grut. pag. 77. 1. Sed ad rem.

A curatione viarum Apollo Græcis vocatur Ἀγνιδεύς, *viarum & vicorum præses*. Pausanias in Atticis cap. XXXI. p. 78.

Ἡς δὲ Ἀρχαῖαι δῆμοι. Οὗτοι θεῶν Ἀπόλλωνος τιμῶσιν Ἀγνιδέα καὶ Ἡρακλέα. Rursus in Corinthiacis cap. 19. et in Arcadicis, cap. 53. apud Tegeatas signa Ἀπόλλωνος Ἀγνιδεῖς dedicata refert, et Megalopolitanis Deos, ait, esse ἐ quadraticis lapidibus, quos inter Minerva Ergane et Ἀπόλλων Ἀγνιδεύς, *Compitalitius Apollo*. Apud Demosthenem quoque adversus Midiam, et Xenophontem lib. II. Κύρου καὶ αἰδ. id nominis ei tribuitur; et Stephano Byzantino auctore, Apollo dicitur Ἀγνιδεύς, et Ἀγνιδεύς, τῆς ἐν ἐφόδῳ, quasi *viarius*. Horatius ad Apollinem lib. IV. Ode 6.

Doctor argutæ fidicen Thalīæ
 Phœbe, qui Xantho lavīs amne crines,
 Dauniæ defende decus Camænæ,
 Levis AGTEV.

Nominis rationem adfert Phurnutus de natura Deorum cap. XXXII. Ἀγυιεύς δ' ἐπονομάζεται διόντως, ἰδρυθεὶς ἐν ταῖς ἀγυιαῖς. Καταυγάζει γὰρ ταύτας, ἃ πληροῖ φωτὸς ἀνατέλλων. *Agyieus* putatur, quod vicos & vias luce sua illuminet, & propterea in viis ei statuæ ponuntur. Exoriens namque eas luce sua illustrat, atque implet, Statius eum ductorem appellat lib. IV. Silv. 8.

Tu ductor populi longe emigrantis Apollo.
 Virgilius etiam viis præficit lib. XII. *Æneid.* vers. 405.

*Nulla viam fortuna regit, nisi auctor
 Apollo
 Subvenit.*

Vir illustris Ezechiel Spanhemius, in epistola ad Begerum II. Apollinem quidem a viis extra urbem arcet, solisque urbanis viis eum præpositum fuisse contendit; verum Æschylus Agamemn. vs. 153. eum a Græcis quoque invocatum scribit, ne, quæ navigationi difficultates & remoræ crearentur. Apud Træzenios ἐπιβατηρία Apollinis ædes fuit, qui præerat portu solventibus, auctore Pausania. Erat & oraculum Apollinis Ἀρχηγίτης, ductoris Principis: Thucy-
 di

dides lib. VI. de Sicilia agens: *Chalcidenses*, inquit, *Græcorum primi*, *Apollini Archigeta aram posuerunt*, ubi quoties & *Sicilia solvunt*, *oracula petituri*, *primum sacrificant*. Apud Apollonium lib. 1. v. 359. ingressuri mare Apollini Embasio faciunt, idemque Νηοσκόο, *navium servator* eidem vocatur lib. 2. Actius, Actiacus & Actæus dicebatur a Romanis, ob devictum ad Actium navali prælio Antonium. Virgil. VIII. *Æneid.* v. 704.

Actius hæc cernens arcum tendebat Apollo
Propertio navalis dicitur lib. IV. Eleg. 1.

Atque ubi navalis stant sacra palatia Phæbo.
 Athenis autem maxime viis præesse credebatur urbanis, intra urbis pomœria. Macrobius lib. I. Sat. cap. 9. ex Nigidio: *Apud Græcos Apollo colitur*, qui *ὑπαῖος* vocatur: *ejusque aras ante fores suas celebrant*, ipsum exitus & introitus demonstrant: *s potentem*. Idem Apollo apud illos & Ἀγυῖος nuncupatur, quasi viis præpositus urbanis. Illi enim vias, quæ intra pomœria sunt, ἀγυῖα appellant. Porphyrio, Horatii Scholiastes, ad lib. IV. Od. 6. v. 28. *Agviæ Atheniensi lingua vici dicuntur*. Varro ait, quod ex responso sui oraculi, in viis publicis urbis suæ, Athenienses statutis altaribus sacrificare Apollini instituerunt & Agyieum appellavere. Alius Cruquii

Scholias tes ibid. *Villane Apollo, quod in villis & vicis ejus statuæ erant.* Pulchre Aristophanes in *Vespis* vers. 870. ad Apollinem Pythium:

ὦ Διοσκούτ' ἀναξ, γῆτον Ἀγυιεύ δ' μὰ προθύρην πρὸς
πύλας

Δέξαι τελετὴν καὶ νῆν, ὦ νᾶξ, ἣν τῇ πατρὶ καίνετο-
μῦθον.

O Rex here, vicine & Agyeu, pro fo-
ribus vestibuli hujus

*Accipe hæc nova sacra meo nunc instaurata
parenti.*

Hinc Plauto lux in *Bacchid.* Act. II. sc. I.
ubi Chrysalus in patriam redux, pro itu &
reditu gratias agit Apollini Agyeo:

Herilis patria salve! quam ego biennio

*Postquam hinc in Ephesum abii, conspicio
lubens.*

Saluto te, vicine Apollo, qui ædibus

Propinquis nostris accolis, & veneror.

*Vicinus Apollo, quia ante fores vicini con-
stitutus, unde Thyraeus dictus.* Tertul-
lianus de idololatria cap. XV. *Etiam apud
Græcos Apollinem Thyraum, & Antelios*

dæmonas, ostiorum præsides legimus. περὶ
πύλαιον vocavit Aristides hymno ad Miner-
vam, & προσατήριον Sophocles Electræ vers.

639. ὅτι πρὸ τῶν θυρῶν ἴδρυται, quoniam ante
fores constituitur. Inde & *Prostans* nuncu-
patur in saxo vetere, ex emendatione Gudii

apud

apud Gruterum pag. 38. n. 8. APOLLINI. PROSTANTI. In vestibulis namque ædium, in vicis & angiportibus aræ & columnæ obeliscatæ in ejus honorem erant collocatæ, quod jam binis locis supra pag. 23. & 39. variorum testimoniis probatum dedimus, quibus nunc accedat Hesychius:

Ἀγυιὺς ὁ περὶ τῶν πυλῶν ἐστὶς βαμὸς ἐν χήματι κίων.

Eustathius ad Iliad. B. pag. 166. Ἀγυιὺς,

κίων ἱερὸς Ἀπόλλωνος περὶ πυλῶν ἐστὶς, λέγεται εἰς ὅξυ.

Perperam Seldenus ex his colligit, Apollinis statuam fuisse lapidem, basi circulari, in conum desinentem: neque enim Apollo tali forma cultus, sed aræ & columnæ ei sacræ fuisse dicuntur. Suidas Agyieum, cono similem turbinatam columnam interpretatur, Apollini sacram, quæ ante fores aularum statui solet; laudato simul Sophoclis fragmento quodam fabulæ Laocon-tis, ubi Athenientium ritus ad Trojam refert:

Λάμπει δ' ἀγυιὺς βαμὸς, ἀτρίζων πυρί,

Σμυρνης θαλαγμοῖς, βαρβάροις ἐνασμίαις.

Meminit quoque harum ararum Helladius in Chrestomathia circa finem, sed perperam Loxiæ Apollini adscribit: *Loxiam*, inquit, *adorabant, quem pro foribus singuli ponebant. Præterea aram ibi rotundam collocabant, & myrteis coronabant, cui prætereuntes adstabant; aram autem*

illam ἀγυιὰν λοξίαν vocarunt, hoc dei nomen aræ tribuentes. At κισσῶ ἀγυίᾳ apud Hesiodum significat, diis sacrificare. De iisdem denique aris fidem facit Plautus Mercat. Actus IV. sc. 1. ita Dorippam loquentem introducens:

Qui hanc vicini nostri aram augeam, Syra.
 SY. *Da sane hanc virgam lauri.* DO.
abi tu intro. SY. *eo.*

DO. *Apollo, quaeso te, ut des pacem propitius,*

Salutem & sanitatem nostræ familiæ.

Columnæ illæ autem obeliscatæ erant, quia Apollini i. e. Soli sacrae: hujus enim simulacrum, quod Phœnices *Elagabalum* vocant, eandem figuram, velut Solis radium, repræsentabat, auctore Herodiano lib. V. cap. 3. λίθος τις ἐστὶ μέγιστος, κατὰθεν περιφερὴς, λέγων εἰς ὀξύτητα. Κτισθεὶς αὐτῷ σχῆμα, μέλαινα τε ἡ χροιά, διοπετῆτε αὐτὸν εἶναι σφαιρολογεῖσι.

Lapis est maximus, ab imo rotundus, & sensim fastigiatus, propemodum ad coni figuram. Niger lapidi color, quem etiam jactant cœlitus decidisse Plinius lib. XXXVI. cap. 8. obeliscos Solis numini consecratos. Ex lapidibus vero factæ columellæ, non tantum ob durationem, sed quod ignem Solarem è silice excussum sibi persuaderent. Ita apud Justinum Martyrem in Dialogo cum Triphone pag. 296. illi qui

Mi-

Mitbræ initia tradunt, è petra eum natum memorant. Commodianus instruct. 13.

*Inviçtus de petra natus, si deus habetur
Nunc ergo retro vos de istis date priorem,
Vicit petra deum, quærendus est petra
creator.*

Illud denique hic non prætereundum est, quod licet plurimi soli Apollini Ἀγνίας consecratos memorent, Comici tamen Scholiastes, &, qui eum exscripserunt, Harpocratio & Suidas in ἀγνίας, alios existimare scribant, columellas istas, vel soli Baccho, vel simul Baccho & Apollini fuisse dedicatas. Verba prioris in Vespas, vers. 870. sunt ista: Ἰδίας δὲ φάσιν τὰς ἀγνίας εἶναι Ἀπόλλωνος, οἱ δὲ Διονύσου, οἱ δ' αὖτις. Id vero recte sese habet. Bacchus enim continuis itineribus totum terrarum orbem peragravit, quæ Nonnus Panoplitæ descripsit; ideoque à mercatoribus pro deo viali habitus, ejusque columnæ & imagines ad exitum januarum, qua itur in viam publicam, politæ fuerunt, ipseque περιήγορος dictus. Apud Arabas vero Δευσαίης nominabatur, teste Hesychio, Suida & Tertulliano, quod simulacrum ejus lapideum, quadratum, nullam figuram habens, aureæ basi impositum colebatur. Confer Boissardum A. R. Tom. III. fig. 143. Ægyptiorum ritu taurinis cornibus fingebatur, & ταῦρος dictus fuit
Ly-

Lycophroni vs. 209 aliisque Poëtis; etiam tauriformi habitu apud Cyzicenos cultus. Porphyrius de abstinent. lib. III. §. 16. *Græci Bacchi simulacbro tauri cornua affixerunt.* Sive quod primus boves sub jugum misit; sive quod Ammonis credebatur filius; qui taurorum cornibus insignis; sive quod poculorum vice iis utebatur; sive deinceps quod vinolentia proterviam parit. *Cornua Libero patri tribuuntur, eo quod homines nimio vino truces sunt,* ait Festus, & Poëta Sulmonensis lib. I. Art. amat. 239.

Tunc pauper cornua sumit.

Liber autem & Phœbus idem antiquis Deus; idem qui Sol & Apollo; uti ex Eumolpi carminibus Bacchicis refert Diodorus Siculus lib. I. & ex Aristotelis Theologumenis Macrobius lib. I. Sat. cap. 18. Ægyptii ipsum luminis inventorem credebant, & cum face accensa in manu repræsentabant. Græcis *λαυσιπύος*; Ovidio *ignigena* vocatur, non solum quod a fulminata Semele sit genitus; aut propter igneam vini naturam; sed quod sit ipse Apollo; quæ de re Petrus Seguinus, in select. numism. n. 28. videatur. Optime Julianus Cæsar in orat. IV. quæ est de Solis laudibus: *Ita Sol Jovis vim effectricem continet, Apollinis eandem intelligendi simplicitatem, substantiæ stabilitatem & actionem, Bacchi*
ve-

vero multiplicabilem & divinam efficien-
tiam. Ita ut hæc & alia Deorum nomina
in singularem & primariam unitatem Sol
componens, omnia perficiat, fecundet &
alat. Arnobius lib. III. p. m. 119. Nam si
verum est, Solem eundem Liberum esse,
eundemque Apollinem, sequitur, ut in rerum
natura, neque Apollo sit aliquis, neque Li-
ber. Ad Solem enim omnes dii relati,
ut I. Cuperus, in Harpocrate, pag. 87.
& seqq. ostendit. Hinc in aliis lapidibus
SOLI INVICTO MITHRAE, in aliis IOVI SOLI
INVICTO SARAPIDI, in aliis vero APOLLINI
INVICTO MITHRÆ legitur, apud Grut.
pag. 22. n. 9. 10. 11. & Gudium pag. 23.
& 24. quibus Montefauconius jungatur tom.
II. Antiq. tab. 121. 122. & Reines. ad cl.
I. n. 236. qui solem *invictum*, ex Homero
& Heliado dici monstravit. Servius ad
lib. VI. Æneid. vs. 78. *Idem*, ait, *est A-*
pollo, qui Liber pater, qui Sol. Unde
Lucanus lib. V. Phars. vs. 73.

*Mons Phæbo Bromioque sacer, cui numine
mixto*

*Delphica Thebanæ referunt Trieterica
Bacchæ.*

Nunc etiam patet, cur Janus in numero
Deorum vialium, & *rektor viarum* lau-
detur, apud Macrobius lib. I. Sat. c. 9.
Nigidius enim Figulus pronunciavit: *A-*
pol-

pollinem esse Janum : Dianamque Janam.
 Et Janum Solem esse Aleander in tab.
 Heliaca & Vollius lib. II. de idolol. c. 14.
 pluribus monstrarunt. Unde *biceps* finge-
 batur, quia Sol Orientem respicit & Oc-
 cidentem. In foro Nervæ quoque fuit sta-
 tua & ædes Jani *Quadrifrontis*, qui hastam
 manu tenens in numismate Hadriani cer-
 nitur, quo itinera ejus ad remotissimas
 imperii regiones denotari, D. Boze, in-
 erudita de Jano dissertatione existimavit.
 Quinimo sicut Michras apud Montfaucon.
 diar. Ital. c. 14. manu clavem gerit, ita Ja-
 nus dextra baculum, clavem sinistra tenet,
 quasi *ἡγούμενος θεός*, & omnium portarum cus-
 tos, qui *viam pandere Deorum ad audien-
 tiam credebatur*, ait Arnob. lib. III. Ovid.
 lib. I. Fast. vf. 99.

*Ille tenens dextra baculum, clavemque si-
 nistra,*

Edidit hos nobis ore priore sonos.

Forte etiam Janus quadrivius est deus qua-
 driviorum, vid. Gruter pag. 84. n. 5. et si
 sæpius significet transitiones pervias & for-
 nices, in modum crucis politos, in quibus
 sedebant mercatores, ab imbribus & inju-
 riis tuti. Hujusmodi Janos Quadrifrontes
 sex & triginta Victor in descript. urbis
 Romæ celebravit. vid. Casaubon. ad Sueton.
 lib. II. c. 31. & Cuper. monum. antiq. pag.
 208.

208. A Jano etiam fores ædium *janua*, & ipse Janus, quasi *Eanus*, ab eundo dictus, auctore Tullio lib. II. de nat. Deor. cap. 27. quem ridet Cornificius apud Macrobi. d. I. sed Servius ad lib. VII. *Æneid.* vs. 610. similiter alios sentire refert: *Quidam Janum Eanum dicunt, ab eundo.*

CAPUT VIII.

DE DIANA, HECATE, VENERE ET ISIDE.

Diana, dea Luna, νυκτιλαμπής, Φωσφόρος, *Lucifera* & *Lucina*. *Deus Lunus in Oriente a Græcis* μήν *vocatus. Luna, ad Isidis similitudinem, cum taurinis cornibus. Fuit viarum dea, clavigera, cujus symbolum pedes. Ideo Sospita, Redux, Enodia, Hegemone, Trivia* & *Trioditis appellatur. Columna Herodis Attici illustrata. Eadem est Hecate, cujus simulacra ante ædium anuas, sed plura in triviis, compitis* & *silvis. Hecates triformis, triplicis* & *tergeminæ tria corpora ex uno trunco. Athenagoræ lectio firmata. Holstenii, Cuperi, Spanhemii* & *Seguini sen entia excussæ. Canes quare Dianæ sacri, eique immolari. Hecates cœna, cur in triviis tempore novilunii posita, & a pauperibus consumpta.*
He-

Hecate denique portuum inspectrix; a qua Venus & Isis, navigantium dea, physice non differunt.



Enimus ad Apollinis sororem Dianam, siue Lunam, quæ, tanquam vicaria Solis, idem viatori- bus officium noctu præstat, quod Sol de die; ideoque modo cum una, modo cum duabus facibus accensis, in multis Græcorum & Romanorum nummis armata cernitur. Græcis inde appellatur Νυκτιλαμ- πής apud Dionys. Halicarn. de colloc. verb. in fin. θεὰ νυκτιλάμπεα, apud Pausan. Attic. f. 59. φασφόρος apud Athenæum lib. VII. p. 325. φασφόρος, apud Callimachum in Dianam v. 204. ἀμφίπυρ apud Sophoclem Trachin. v. 218. Ab eadem ratione Plautus in Curcul. Act. I. sc. 3. vs. 40. Venerem *Noctuvigilam*, Varro. lib. 4. de LL. *Luna*, quod *sola lucet noctu*, dicta *Noctiluca* in *Palatio*. Horatius *lucidum cœli decus*, carm. fæc. vs. 2. & *rite crescentem face noctilucam*, lib. IV. Od. 6. Tertullianus lib. II. ad nat. c. 11. *Candeliferam*; Capella lib. II. de nupt. Philol. *Lucesiam*, & Servius ad lib. II. AENEID. vs. 116. *Luciferam* appellarunt. v. Reines. ad cl. I. Inscript. 57. & Spanhem. ad Callimachum pag. 132. In nummis aliquot Faustinae et Juliae Piæ DIANAE LUCIF.

et LUNAE LUCIFERAE nomine signatur; quorum explicationem vide apud Begerum p. II. 683. & III. 160. In inscriptionibus apud Gruterum pag. 41. DIANA. LVCIF. LUNAE, & DIANA. LVCINAE. INVICTAE. Apud Guditum pag. 30. n. 7 & 8. NOCTILUCAE DIANA. & DIANA LUCIFERAE vota fiunt aut solvuntur. Luna ergo à *lucendo* nominata, vel potius a λένος, quod idem valet ac λάμπεον, eademque est Lucina; *Itaque ut apud Græcos Dianam, eamque luciferam, sic apud nostros Junonem Lucinam invocant*, inquit Cicero lib. II. de N. D. c. 27.

Scribit Macrobius lib. III. Sat. c. 8. Lunam & feminam & marem habitam fuisse; eique sacrificium facere viros cum veste muliebri, mulieres cum virili, *quod eadem mas aestimetur & femina*. Spartianus quoque refert, in vita Caracallæ cap. 6. eum Luni dei gratia Carras venisse, die natali suo, & cap. 7. joco addit, illos, qui Lunum marem crediderint, uxoribus dominari, at qui Lunam femineo nomine ac sexu nuncupent, eos mulieribus addictos semper fervire, & *quamvis Græci vel Ægyptii eo genere, quo feminam hominem; etiam Lunam deam dicant, mystice tamen deum dicunt*. Sane in Oriente Luni dei cultus

frequens erat, & Græce μὲν vocabatur. Hinc μηνὸς κόρη, Menis, Phrygiæ pagus, in quo Lunæ templum, apud Athenæum lib. 2. c. 5. memoratur. In nummis quoque multarum Lydiæ & Pisidiæ urbium idem deus Lunus occurrit, cum inscriptione ΜΗΝ ΑΣΚΗΝΟΣ, tiara Phrygia hastaque munitus, apud Rev. Montefauconium supplem. Antiq. t. 1. lib. 6. c. 3. & Clariss. Liebe, in Gotha numaria c. 4. §. 9. pag. 120. 121. Græci verò & Romani, cum Ægyptiis, Lunam deam colebant, cujus eadem, quæ Apidis in dextro latere, & Isidis in capite, Lunæ scilicet bicornis simulacra, ut notat Plutarchus de Iside pag. 372. & ex Isidis imagine, apud Cuperum in Harpocr. pag. 109. cernere licet. Quemadmodum ergo Ovidius huic *lunaria cornua* tribuit, ita Diana βυκέειρα παρθένος *virgo cum bovinis cornibus*, apud Eustathium ad Periegetem p. 19. & *siderum regina bicornis* ab Horatio in carm. sæc. vocatur. Curru etiam bijugibus tauris juncto vehens cernitur in Deliorum nummo, apud Goltzium Tab. Inf. 18. & tauro vecta, velut deductæ Miletum ab Atheniensibus coloniæ *dux*, visitur in nummo insulæ Icariae, apud Harduinum, de Num. antiq. Unde à tauris hæc Dea non ταυρικὴ solum, sed & ταυροπέλας, ejusque templum in ea insula ταυροπέλιν dictum, prout eru-

erudite ex Sophoclis Ajac. v. 172. Euripid. Iphigen. v. 1450. & Strabonis lib. XIV. monuit Illustris Spanhemius, in Hymnum Callimachi in Dianam.

Viarum certe præsidem eam fore Jupiter auguratur, in laudato Callimachi hymno, vers. 39.

- - - - - ἢ μὲν Ἀγυιάς

ἔσση, ἢ λαίμεσσιν ἐπίσκοπος.

- - - - - Erisque

Et præfecta viis & portibus.

Festus: Juvenalia fingebantur Diana simulacra, quia ea ætas fortis est ad tolerandam viam. Diana enim viarum putabatur Dea. B. Augustinus lib. VII. de C. D. cap. 16. Dianam similiter Lunam & viarum præsidem: unde & virginem volunt, quia via nihil pariat. Nomen habet ab eundo, & quemadmodum Apollo dicebatur Janus, sic et Diana quasi Diva Jana, κατὰ συγκατάληψιν, auctore Macrobio lib. I. cap. 9. Deinde sicut Janum supra clavigerum vidimus, sic Orpheus & Euripides in Iphigenia in Tauris vs. 132. Dianam κληδόνον vocant, uti Cl. Wesselingius lib. I. Obs. c. 3. contra Barnesium erudite disputavit. Porro sicuti ceteris Diis sua simulacra et symbola adfingebant, Jovi fulmen, Cereri spicas, Veneri pomum, Marti ensen, Minervæ aures, Mercurio linguam, Palladi

hastam, thyrsum Baccho; Apollini sagittam, Herculi clavam, ita Dianæ appingebant pedes, quod viarum dux et præses esset. Adhæc venationi præerat alte succincta, montium custos nemorumque domina, unde his quibus per invios saltus iter faciendum, utilis habebatur. Hinc Probus, in Bucol. Virgilii, ex Varrone refert: *Antiquos agrestes, venandi peritos, cum plurimum in sylvis agerent, quod velut Diana duce ad investigandas feras paterent, Devianam appellasse Deam, mox Dianam.* Dicebatur et *ἀγροῖα*, velut rura silvasque colens, aut, ut alii, ruri culta, apud Xenophont. lib. IV. Hist. Græc. Maro lib. IX. *Æneid.* vers. 403.

Suspiciens altam Lunam & sic voce precatur:

Tu, Dea, tu præsens nostro succurre labori,

Astrorum decus, & nemorum Latonia custos.

Seneca in Hippolyto v. 406.

- - - *Sola quæ montes colis,*

Et una solis montibus coleris Dea.

Atque ita facile apparet ratio, quare Diana, inter infinita cognomenta alia, quibus ab Ethnicis Theologis *πολύωνυμος* est honorata, dicatur *Sotera*, *Sospitatrix*, *Servatrix* et *Sospita*; vel cur aras ejus,
lu-

lucos et statuas in veterum monumentis reperire liceat tam multas; cui et Theseus è Creta redux templum dedicavit, quo documentum daret, se divina ejus providentia labyrinthi difficultates superasse, auctore Pausania in Corinth. DIVAE DEANAE SERVATRICI, in lapide Romano legitur, apud Gudium pag. 31. n. 7. DIANAE REDUCI est in nummo Postumipatris, apud Smetium in Antiq. Neom. p. m. 241. Nec aliam ob causam vocatur *Enodia*, licet Stephanus in *τρίοδος*, cum Theocriti Scholiaste, ita appellari eam existimet, quod ab Inacho in via reperta et nutrita fuerit. Herodes Atticus, vir doctus et antiquitatis amans, Trajani temporibus, inter alias inscriptiones, in villa Triopia positas, in una, Ionicis literis, Enodiam hanc viarum præsidem, ad lapidem tertium, in via Appia, adversus eos in testimonium vocavit, qui statuas Cereri, Proserpinæ et diis Manibus dicatas, loco moverint: ΜΑΡΤΥΣ ΔΑΙΜΟΝ ΕΝΗΘΙΑ, id est *μαρτυρὴ δαίμων Ἐνὸδία* apud Gruter. pag. 27. et Montfaucon. Palæogr. lib. 2. pag. 141. Curiosas hæc columnas Salmalius olim explicavit, quæ vel ob antiquissimam scripturam et eruditionem auctoris sui maximi sunt faciendæ. Eidem Enodiæ, quæ in via posita aut amissa essent, consecrat Plato lib.

XI de LL. Νομίζων φυλάττειν Ἑοδίαν δαίμονα τὰ
 τριαῦτα. *Existimantes Deam itinerariam ta-*
lia custodire. Phurnutus de nat. Deor. cap.
 XXXIV. Ἑοδία δὲ ἐστὶν ἐν δὲ ἄλλό τι ἢ διότι ἔ-
 Ἀπόλλων Ἀγυεύς. Etiam sub Ἡγεμονῆς, *Ducis vi-*
arum nomine templum habuit apud Arca-
 das, cum prope Acacesion, tum apud Te-
 geatas, Pausanias lib. VIII. cap. 36. Apud
 Ambraciotas item, in templum Dianæ He-
 gemones confugit Deidamia, teste Polyæno
 stratag. lib. VIII. c. 52. & apud Athenien-
 ses quoque Ἡγεμόνη Diana culta; cujus au-
 spiciis deductam à Neleo Miletum colo-
 niam, hanc Præsidem suam eo nomine ad-
 scivisse, fulius ex Callimacho in Dianam v.
 227. & ex Polluce, lib. VIII. 9. ostendit
 Spanhemius ad Aristophanis Plutum vers.
 1160.

A triviis, quibus præsidebat, dicta est
 TRIVIA. Hinc Flaminius Priscus, cura-
 tor & magister TRIVII VICI Aurelii,
 apud Gudium pag. 26. n. 6. TRIVIAE.
 DIANAË, IVNONI, PROSERPINAE.
 INVICT. SACRUM. fecit. Rursus apud
 Holstenium in adnotat. ad Cluverii Ital.
 antiq. pag. 1179. & eundem Gud. pag. 26.
 n. 7. est DIANAË TIFATINAE TRI-
 VIAË; sic enim legendum esse, Viri Cl.
 Koolius & Hesselius, in notis ad Gudii
 corpus docuerunt. Diana quoque *Titanis*
 Tri-

Trivia apud Ennium vocatur, quod eam Latona Titani filia genuit. Varro lib. VI. de LL. *Titanis Trivia, Diana est, ab eo dicta Trivia, quod in trivio ponitur fere in oppidis Græcis: vel quod luna dicitur esse, quæ in cælo tribus viis movetur.* Ita quod Plinius nemus *Dianæ* vocat lib. XXXV. c. 7. id Silius lib. VIII. *Triviæ nemus* appellavit. Catullus in carm. Sæc. ad *Dianam* 35.

Tu potens Trivia, & notho es

Dicta lumine Luna.

Ovid. lib. IV. Trist. Eleg. 4. vs. 73. *cruentæ*, & lib. III. ex Ponto epist. 2. vs. 71. *immitis Triviæ* aræ meminit; & erat quondam templum apud Achæos *Dianæ Triclarix* dedicatum, in quo quotannis virgo & puer, forma præstantiores immolabantur, ob causam a Pausania lib. VII. c. 19. expositam. Prudentius lib. I. in Symm. v. 365.

Denique quum Luna est, sublustri splendet amictu:

Quum succincta jacet calamos, Latonia virgo est,

Quum subnixæ sedet folio, Plutonia conjux

Imperitat Furiis, & dictat jura Megæra.

Si verum queris, Triviæ sub nomine dæmon

Tartareus colitur.

Eadem ratione à Græcis passim vocatur
 Θεὸς ἐν τριόδῳ, & Τριодίτις. Phurnutus de na-
 tura Deorum cap. 34. Εὐλεῦθεν δ' ἤδη καὶ Τριодίτις
 ἐπεκλήθη, καὶ τῇ τριόδῳ ἐπὶ πόλιν ἐνομίση, διὲς τὸ τριχῶς
 μεταβάλλειν. *Hinc etiam Diana Trivia cognom-
 inata est, putaturque viarum esse præses,
 quod ternam accipiat mutationem.*

Nec differt à Diva nostra Hecate triformis, quæ idem nocturnum sidus, Lunam scilicet designat, ut ἑκατὶς diurnum, Apollinem, scilicet, quem Simonides, Poëta Lyricus, magnæ laudis loco, ἑκατὸν appellavit, auctore Juliano Imp. epist. 24. Sic Triviæ religionem, quam in Stratonicensium civitate cultam ait Tacitus, Hecatæ adscribit Strabo lib. XIV. & ululatus nocturnos, à matronis, vel ut Turneb. ait, lib. 15. Adv. c. 8. à veneficis in honorem Dianæ factos, Virgilius Hecatæ sacros facit IV. Æneid. vs. 609.

*Nocturnisq; Hecate triviis ululata per
 urbes.*

Eadem quoque διπύρως ἀνέχουσα λαμπάδας, *dup-
 lices tenens faces*, apud Aristophan. Ran. vs. 1406. describitur, & δαδύχος nominatur apud Lycophron. Alex. vs. 710. Εὐοδίαν vocat Artemidorus II. c. 42. & Sophocles Antig. vers. 1213. ubi Scholiastes: Εὐοδίαν Θεὸν, τὴν ἑκατὴν, ἣ τὴν Περσεφόνην. & Demetrius Triclinius ibidem: Εὐοδίαν δὲ τὴν Περσεφόνην λέγει,

την ἐν ταῖς τριόδοις πορευομένην. ἡ αὐτὴ γὰρ ἐστὶ τῇ Ἑκάτῃ.
Enodiam vero dicit Proserpinam, quæ in
triviis versatur: nam hæc ipsa est Hecate.
 Meursius lib. I. Miscell. Lacon. c. 2 ean-
 dem Deam Lacedæmoniiis asserit ex Athe-
 nagoræ legat. pro Christian. initio: Λακεδαι-
 μόνιⓈ Ἀγαμέμνονα Δία, καὶ Φυλοτόν, καὶ τὴν Ἐνοδίαν·
 At Suffridus Petrus mavult ὁδίαν, compita-
 lem Proserpinam, sicut Mercurius ὁδίους δι-
 ctus est, viarum præses. Optime vero
 Gesnerus & Dechairius τίνην ὁ Τενίδιος, ex
 Ciceronis lib. III. de Nat. deor. ibi legen-
 dum esse ostenderunt, ut nihil ille locus
 ad viales deos facere videatur.

Hecatenporro θεὸν ἐν τριόδοις appellat The-
 ocritus Idyll. β' vers. 36. quia uti Scholi-
 asta ibi addit, in viis urbanis ante fores
 colebatur: ἰδρύνοντο, inquit, δὲ Ἑκάτην καὶ πρὸ
 τῶν θυρῶν, ὡς φησὶν ΑἰχὺλⓈ,

Δέσποιν' Ἑκάτη, τῶ βασιλείῳ.

ΠρόδομⓈ μελάθρον.

Idque firmat Hesychius: περὶύλαια, ἡ Ἑκάτη.
 Ab eodem Aeschilo Sept. Theb. v. 455.
 περυσατρεῖα: περθυριδία apud Sextum Empiri-
 cum adv. Mathem. p. 340. & περθυραία
 apud Lycophronem appellatur. Aristo-
 phanes in Vespis vers. 798.

Καὶ τοῖς περθύροις ἀνοικοδομήσθ' πᾶς αἰτῆς,

Ἄντῳ δικαστηρίῳ μικρὸν πάνυ,

Ὡς περ Ἑκάτατον παλαιὰ πρὸ τῶν θυρῶν.

I. 5

Et

*Et unus ante quisque caufidicum fores
Strueret tribunal oppido parvum, velut
Hecataum ubique delubrum ad fores
solent.*

Frequentius autem Hecate extra urbes, ruri, in silvis, compitis & triviis culta, & sicut Diana à triviis Trivia, ita ex τριόδου, τριωδῖτις dicta est. Athenæus lib. VII. Δίσπονι' Ἐκάτη τριωδῖτι, τριμορφῇ, τριπρόσωπε. *Dominæ Hecate, Trivia, triformis, triplici facie.* Causa nominis est, quia τὴν Ἐκάτην ἐν τοῖς τριώδοις ἱστῶμεν τοπαλαῖν, διὰ τὸ τὴν αὐτὴν Σελήνην, ἢ Ἀρτέμιδα, ἢ Ἐκάτην καλεῖσθαι. *Hecaten antiquitus coluere in triviis: propterea quod eandem & Lunam & Dianam, & Hecaten vocarent*, ait Aristophanis Scholiastes in Plutum Act. II. sc. 5. Heic loca umbrosa, luci & nemora, cum aris & facellis, Dianæ Hecatæ erant consecrata; ut supra pag. 31. multorum testimoniis confirmavimus. *Trivia lucos, lucosque Dianæ generaliter memorat Virgilius: quos apud Ephesios, Epidaurios & Aricinos signat* ὁ πᾶν ad Callim. pag. 156. Ariciam silvam Martialis lib. IX. ep. 65. *Trivia nemorosa regna vocat, & Lucanus lib. III. vf. 86.*

*Qua sublime nemus, Scythica qua regna
Dianæ,
Quaque iter est Latiis ad summam fascibus
Albam.*

In

In triviis etiam simulacrum ejus trifor-
me statuebatur, trinis capitibus & multis
manibus horrificum: vel ob triplicem, qua
pollet, nascendi, valendi & moriendi po-
testatem: vel quia supra terram est Luna,
in terris Diana, sub terris Proserpina: vel
ob varias, quas Luna induit, figuras; vel
denique quod omnium prope deorum po-
testas triplici signo ostenditur; ut Jovis
trifidum fulmen, Neptuni tridens, Pluto-
nis canis triceps, quoniam *Numero Deus
impare gaudet*, ait Poëta Ecl. 8. vs. 75.
Atque ita Servius ad Ecl. V. vs. 66. ex Por-
phyrio docet, *Apollinis triplicem esse po-
testatem, & eundem esse Solem apud supe-
ros; Liberum patrem in terris; Apollinem
apud inferos.* Præ ceteris autem deastris
tergemia Diana laudatur, ob triviorum cu-
ram, cui etiam *τρίγλη* sacra fuit, ut Voss.
in syllog. Epist. Matthæi p. 102. ostendit.
Inde *τρίμορφος* apud Chariclidam, in lauda-
to loco Athenæi; *Hecate triformis* à Sene-
ca in Hippolyto, & TRIPLEX DIANA;
in epigrammate aræ veteris, apud Grute-
rum pag. 28. n. 6. nuncupatur. Ovid. lib. 1.
Fast. vs. 387.

*Quæ semel est triplici pro virgine casta
Diana,*

*Nunc quoque, pro nulla virgine, cer-
va cadit.*

Idem

Idem Heroid. epist. XII. vs. 79.

*Per triplicis vultus arcanaque sacra
Diana,*

Et si forte alios gens habet ista deos.

Quæ autem Deæ hujus tergeminae fuerit forma, de eo non convenit inter eruditos. Lucas Holstenius, vir doctissimus, in explicatione picturæ veteris Nymphæum referentis, tria diversa ejus fuisse corpora existimat, proindeque Deorum trigam, uno ibi facello dedicatam, Hecaten triformem interpretatur. At hujus sententia repugnat statuis, nummis & infinitis Veterum locis, qui Dianam nunquam *trigeminam*, aut *tregeminam*, ut in l. 3. D. si pars berpet. sed ter geminam vocant, id est triplicem & triformem. Sic Lucretius *tergeminis vis Gryonai*, & Catullus de Cerbero, *cui tres sunt lingue tergeminumque caput*. Adde Cl. Dukeri, collegæ nostri, notas ad Florum lib. I. c. 3. Rectius ergo Vir multarum atque adeo reconditarum litterarum noticia Illustris, Gisbertus Cuperus, in Monum. antiq. p. 206. unum tantum corpus, cui tria capita fuerint imposita, ei assignat; partim quia ab Orpheo, in Argonauticis *τριστοκέφαλον* appellatur, & Artemidorus lib. II. cap. 47. *Ἐκάτῃ τριπρόσωπον*, super basi stantem, peregrinationes indicare scribit, partim etiam quod Virgilius IV, Æneid. vers. 511.

Ter-

Tergeminamque Hecaten ; tria virginis ora Dianæ.

Et Ovidius lib. I. Fast. vf. 141.

*Ora vides Hecates in tres vergentia partes,
Servet ut in ternas compita sessa vias.*

Plenius autem sic dicendum videtur. Tria Hecatæ fuisse corpora, non diversa tamen, sed ex uno trunco formata, quibus singulis suum caput, à ceteris separatum. Huc enim primo epitheta ista nos ducunt: *Diva triformis*, apud Horat. III. Ode 22. Valer. Flacc. VII. vf. 395. & Silium I. vf. 120. *Tergemina Hecate*, apud Ausonium grypho v. 18. *Ternas Hecate variata figuras*, apud Claudianum de raptu Proserp. lib. I. vf. 15. Idem præterea multæ illæ (puta sex). manus, quibus eam horrificam fuisse, Minucius in Octavio cap. XXI. prodit, indicare videntur. Illustris porro hanc in rem est locus Pausaniæ in Corinthiacis, pag. m. 72. ubi hæc leguntur verba: Θεῶν δὲ Αἰγινήϊ ἡμῶθεν Ἑκάτῃ μάλιστα, ἣ τελετῇ ἀγνοεῖν ἀνὰ πᾶν ἐστὶ Ἑκάτης, Ὀρφικά σφίσι τὸ Θράκα καταστήσασθαι τὴν τελετῇ λέγουσιν. τῇ περιβολῇ δὲ ἐπὶ τῆς ναὸς ἐστὶ. ξόανον δὲ ἔργον Μύραν, ὁμοίως ἐν πρόσωπόν τε, ἣ τὸ λοιπὸν σῶμα. Ἀλκαμένης δὲ (ἱμοὶ δοκεῖν) πρῶτον αἰγᾶματα Ἑκάτης τρία ἐποίησε προσεχόμενα ἀλλήλοις, ἣν Ἀθηναῖοι καλεῖσιν Ἐπιπυργιδίαν. *Præ ceteris vero Diis in primis Hecaten colunt Æginetæ, cujus initia quotannis celebrant. Initiorum auctorem Thracem*
Or-

*Orpheum perhibent. Maceria templum ambitur; in eo ligneum signum factum à Myrone, cujus unicum os, ut corporis truncus unicus. Nam primus, uti ego existimo, Alcamenes Atheniensibus triplex fecit junctis proxime corporibus Hecates signum, quam Epipyrgidian Athenienses appellant. Egre-
gie quoque hoc ipsum patet ex Abraxeis figuris, apud Chifletium n. 56. 57. in quibus unico corpori tria capita & sex brachia afficta cernuntur. Fabrettus item c. VII. inscript. pag. 535. lapideam Hecaten ex museo suo produxit, tergemina manu instructam. Optime vero, ad mentem nostram Rev. Montfauconius tom. I. Antiq. pag. 152. ex Peirescii gaza, triplicem repræsentat, ita ut tres figuræ à dorso mutuo jungantur, & ora exterius exhibeant, cum cane adstante. Denique sententiam hanc confirmant bini nummi, in quibus tres figuræ muliebres exhibentur, obversis tergis junctæ, tribusque capitibus impositis, quarum pedibus canis assistit. Alterum Philippi Junioris protulit Petrus Abbas Seguinus, in selectis suis num. alterum Ezech. Spanhemius in lib. de Cæs. Imp. Jul. fol. 84. Uterque eos ad Furias pertinere credidit; sed ad Hecaten referendos esse, ex aliis ejusdem generis simulacris, ostendit Michaël Angelus Causeus de la Chaussée, in Deorum simulacr. tab. 13.*

Pro-

Proxime Dianam Triviam fingebantur canes, tanquam assidui ejus in via comites, ut ex laudatis aliisque nummis signisque antiquis videre est in notis ad Callim. pag. 457. & Cuper Monum. antiq. pag. 197. ubi dea, cum cane ludens, Hecate Enodia esse videtur. Origo hujus rei rursus ab Ægyptiis est repetenda; cum enim Isis Osirim quæreretur, canes eam juverunt, quos ideo in festo Isidis pompam præcedere, Diodorus lib. 1. & Ælian. lib. v. Hist. anim. c. 45. memorarunt. Similiter Plutarchus, in libro de Iside, tradit, canes Dianæ sacratos esse; qui Idibus Augustis in ejus festo coronabantur. Papinius lib. 3. Silv. I. v. 57.

- - - ipsa coronat

*Emeritos Diana canes, & spicula tergit
Et tutas sinit ire feras: omnisque pudicis
Italia terra focis Hecatæas excolit Idus.*

Veri quoque canes, non solæ Furia, ut Servius non inscite, Turnebo judice lib. xiiii. advers. c. 12. interpretatur, Hecates sacris aderant. Virgilius VI. Æneid. v. 25.

- - - visæque canes ululare per umbram
Adventante dea

Tibullus lib. I. eleg. 2.

Sola feros Hecatæ perdomuisse canes.

In ejus sacrificiis canes immolabantur, non tantum in Samothracia, sed apud Græcos quo-

quoque & Romanos; uti ex Livio, Plinio, Luciano aliisque Bochartus docuit lib. II. de animal c. 56. Pausanias lib. III. cap. 14. *Θύοι γὰρ, ἃ Κολοφώνιοι μέλαιναν τῇ Ἐνὸδιῳ σκύλακα. Mactant etenim & Colophonii dea, quam Enodiam appellant, nigrum catulum.* Ovidius lib. I. Fastor. vers. 389.

Extæ canum Triviæ vidi libare Sapphos,

Et quicunque tuas accolit Hæme nives:

Hesychius ideo etiam canes vocat *Ἑκάτης ἄγαλμα*, gaudium *Hecates*. Plutarchus probl. cap. 51. *Græci Hecata, seu Proserpina canem immolabant pro domi nascentibus.* Et Lycophron denique, in Alexandra; eandem vocat *κυνοφαγῇ*, canum mactatricem, vers. 77.

Ζήνυνθον ἄντρον κυνοφαγῆς θεᾶς λιπών.

Zerynthi hiatum virginis canariæ linquens.

Ubi interpretes canes ei sacros fuisse scribit, quod ipsorum latratus incantationes solvit & monströfas visiones. At Plutarchus probl. 67. purgationis causâ id factum autumat. Quidni & ideo, quod canis amicū viatoribus est animal, comes fidelis; custos incorruptus & vindex constantissimus? Narrat Diodorus lib. I. Anubim Deum canina facie repræsentari apud Ægyptios, quod canis Isidi peregrinanti fuerit corporis custos, dux & focius. Et quāvis Plutarchus, in lib. de Iside & Osir. ve-

nerationem illam Ægyptiorum circa canes admodum deminutam esse, scribat, ex quo Cambyfes occisum a se Apim disjici jussit, & ex omnibus animalibus solus canis ad carnes ejus edendas accurrit: id tamen ad quosdam tractus restringendum videtur, nam

- - - *Hic piscem fluminis, illic*

Oppida tota canem venerantur, nemo Dianam:
Juvenal. Sat. 15. vs. 8. cecinit. Denique nonne canis, ut viæ focius Mercurii Dei Viaci, in nummorum lapidumque monumentis conspicitur? Ovidius lib. v. Fastor. vers. 140. de Lare compitalitio cum cane stante:

Compita grata Deo, compita grata cani.

Ceterum illud jam omnibus notum est, Hecates istud sacrificium perparcam fuisse & impendio frugalem cœnam, quam ditiores quique pauperibus diripiendam in triviis ponebant, trigesimo cujusque mensis die. Athenæus lib. VII. cap. 21. Demosthenes adversus Cononem pag. 693. & Pollux lib. X. c. 23. ex Sophocle *Ἑκαταίας μαγίδας δορπῶν*, *Hecataea magidis cœnam* celebravit. Optime Comici verbis rem omnem declarabimus in Pluto Actus II. Scena V. vers. 594.

- - - *ὅθεν τῆς ἑκάτης ἕξεν τὸ πυθίθαι,*
εἴτε τὸ πλεῖστον, εἴτε τὸ πεινῆν βέλτιον. φησὶ γὰρ
αὕτη

K

τῶ

Τὸς μὲν ἔχοντας ἢ πλατυῦντας δαΐκνον κατὰ μῆνα
προσέμπειν.

Τὸς δὲ πένητας τῶν ἀνδρῶπων ἀρπάξιν πρὶν κατα-
θῆναι.

- - *ex Hecate hoc scire licebit,*

*Utrum satius sit ditem, quam inopem vi-
vere. Nam ipsamet, inquit,*

*Opulentos & dites quovis mense sibi ap-
ponere cœnam.*

*Inopēs vero & egenos prius auferre hanc,
quam pœne feratur.*

Ubi Scholiastes multis tradit : antiquitus cultam in triviis Hecaten, eo quod Luna, & Diana, & Hecate vocabatur. Quolibet autem novilunio divites vesperi cœnam, ut sacrificium, Hecatæ obtulisse, & in triviis collocasse, ubi tum pauperes famelici accedentes oblata comedebant, dicentes, Hecaten illa comedisse.

Ceterum in triviis magis, quam in biviiis vel quadriviis, hæc cœna parabatur, quia Luna tres formas generalissimas ostendit, curvatam, dimidiatam & plenam, & tribus nominibus Lucina, Diana & Hecate appellatur. Tempore *novilunii*, quia hoc Lunæ erat sacrum, quasi Numini mensium præsidii; notum enim est menses ad Lunæ cursum fuisse dimensos. Intelligitur autem hic tam ultimus mensis dies, quam primus sequentis : quia tum vetus Luna desinit,

finis, & nova incipit crescere ac reparari. *Pauperes* eam comedebant, quia è vilissimis cibis erat instructa, quos inter placentas vidimus supra pag. 59. ex farina, melle et oleo confectas. Erant et fictores sacerdotum, a fingendis libis ita dicti; hæc vero à *λεῖβω*, stillo, quia pars in ignem sacrificii injecta, diis libabatur. Plane Diogenes apud Lucianum, in dial. Diog. et Polluc. Hecates cœnam inter Cynicorum cibos refert, et cum purgamentis conjungit, quæ in lustrationibus ejiciebantur: hæc vero vel calcasse nefarium et inauspicatum habebatur. Inde et Petronius cap. 135. de muliercula pauperrima ait: *Digna sacris Hecates*. Beatiores enim, qui cœnam inferebant, ipsi nihil inde gustabant, propter tumultum et fumum, ut prodit Plutarch. Sympof. lib. VII. Atque hæc quidem de Hecates cura itinerum terrestrium sufficiant.

Priusquam vero hinc discedamus, paucis monendum est, Dianam non minus navigationis præsidem et adjutricem fuisse: unde *λιμενοσκόπος*, portuum inspectrix, et *λιμένεσσαν ἐπίσκοπος* dici meruit apud Callimach. hymn. in Dian. vs. 39. et 259. ubi notat δὲ πᾶν, tot portuum ac urbium maritimarum nummos, sicut Ephesi, Smyrnæ, Cummæ, Mytilenes, Cyzici, Byzantii, Amis-

fi, Syracusarum, Messinæ, Neapoleos, Massiliæ, cum sculptis in iisdem Dianæ, tanquam tutelaris Deæ, iconibus, in pretiosis nummorum cimelarchiis hac propter reperiri. Nec aliam ob causam ἑξήκοντα χορήτιδας Ὠκεανίνας, *sexaginta Nymphas Oceani-
nas*, tanquam comites et pedissequas, petiisse dicitur, apud eundem Callimachum v. 13. et v. 230. μέλιον ἀπλοίας placamen-
tum impeditæ navigationis eidem offer-
tur. Hesiodus Theogonia v. 440.

Καὶ τοῖς οἱ γλαυκὴν δυσμέμφελον ἐργάζονται,
ἔνυχοντα δ' ἑκάτῃ, ἣ ἱριτύπῃ Ἐννοσιγαίῃ

*Et his qui cæruleum mare trajectu diffi-
cile exercent,*

*Votaque faciunt Hecate, ὧς valde sonan-
ti Neptuno.*

Venus porro, sive eadem sit, quæ Lu-
na, auctore Macrobio lib. VIII. cap. 4
sive stella salutaris, à nautis observata, et
PELAGIA dicta est, in lapide Reines. cl. I.
n. 93. et apud Artemidorum lib. II. c. 42.
qui eam, in somnis visam, navigantibus
et peregre ituris bonam esse scribit. φιλοερμί-
σης, *navium stationi præfecta* dicitur à Phi-
lodemo Anthol. I. c. 31. ep. 5. Gnidii *Eup-
plæam* vocarunt, à prospera navigatione.
Ad ejus quoque simulachrum Herostratus
Naucratices, cum tota vectorum turba,
sæviente tempestate et navi periclitante
con-

confugiens, servatus putabatur, apud Athenæ. lib. XV. c. 6. *Marinam Venerem* celebrat Horatius, alii *Pontiam* appellant, quod ortum habet ex spuma maris, et sustentata à Tritonibus in cochlea; cujus fabulæ pompam et magnificentiam Rev. Montfauconius repræsentavit tom. 1. Antiq. pag. 166. Huc etiam referri debet, quod supra pag. 68. jam attulimus ex Varonis secundo rerum divin: *Ex quo de Troja est egressus Æneas, Veneris eum per diem quotidie stellam vidisse, donec ad agrum Laurentium veniret, in quo eam non vidit ulterius.* Unde apud Virgilium lib. I. Æneid. vf. 381. hanc matrem suam ducem laudat Æneas:

*Bis denis Phrygium conscendi navibus
æquor,*

Matre dea monstrante viam.

Et lib. II. vf. 801.

*Jamque jugis surgebat Lucifer Ida,
Ducebatque diem.*

Isidis denique numen navigantibus maxime salutare habebatur, non tantum apud Ægyptios, sed et Græcos atque Romanos. Erat illa ipsa Natura mater, quæ rerum omhium generationem et conservationem in se continet. *Ego sum omne quod fuit, est & erit*, templo ejus inscriptum fuisse memorat Plutarchus de Iside. Apud Græ-

cos Megarenſes, Pauſanias in Atticis Iſidis ædem memorat, et in Corinthiacis pag. 48. propter inventam navigationem, eam Pelagiæ nomine honoratam tradit. Nam prope Acrocorinthum *ἔστιν, inquit, Ἰσίδος ταμὴν ὡς τὴν μὲν Πελαγίαν τὴν δὲ Αἰγυπτίαν αὐτῶν ἐπωνομαζέειν, sunt Iſidis fana, alterum Pelagiæ, alterum vero Ægyptiæ cognomento.* Quantus apud Romanos ejus fuerit cultus, vel ſolæ ſtatuae coloffeæ evincunt, quas Montſauconius tom. II. Antiq. & diligentius atque elegantius tom. II. ſupplem lib. 6. c. 1. exhibuit. Licet enim Piſo & Gabinus Conſules, A. V. c. 696. ſacra ejus Urbe ejeciſſent, mox tamen vicit ſententia, ut publice coleretur, auctore Dione lib. 40. & 54. idque præter multitudinem templorum & cultorum, de quibus ſupra dixi pag. 99. vel hoc unum evincit, quod quotannis menſe Martio, navigium Iſidi dicari, onuſtumque muneribus largis pelago committi ſolebat. Lactantius lib. I. c. 11. *Certus dies habetur in Faſtis, quo Iſidis navigium celebratur: quæ res docet non tranſiſſe illam, ſed navigaſſe.* In Kalendario enim ruſtico apud Fleetwodum pag. 60. feſtum legitur menſis Martii, quod *Iſidis Navigium* appellatur. Qui mos una cum dea ab Ægyptiis petitus. Auctore enim Fulgentio I. lib. Mythol. *Navigium Iſidis Ægyptus colit.*
&

& Lucianus in Navigio testatur, Ægyptios naves suas grandiores Isidis sæpe nomine appellasse, ejusque effigiem in prora ac pupi effinxisse. Hujus etiam tutelæ commissos fuisse navigantes, idem in dialogis Deorum scribit; sisfrumque ejus vim sedandi tempestates habuisse, doctissimus Tristanus tom. I. Comment. p. 726. ex hoc Petronii loco evincit, cap. 114. *Tu Encolpi, succurre periclitantibus, id est, vestem illam divinam sisfrumque redde navigio*, ubi simul egregio Commodi nummo lucem scenerat, in quo Isis sisfrum sinistra, dextra fasciculum frumenti porrigit Commodi, qui navigio pedem impositum habet, quasi promittens tutam navigationem classi Africanæ. Inde Delia item sacra ejus obit, peregre mari abituro amatore, uti Turneb. lib. XVI. Advers. c. 4. Propertium recte explicavit lib. I. Eleg. 3. Valerius etiam Flaccus lib. IV. Argonaut. ventorum & maris imperium à Jove ei datum multis describit, atque in hoc finit vs. 352.

- - *Juvet nostros nunc ipsa labores,
Immissisque ratem sua per freta prove-
bat Euris.*

CAPUT IX.

DE MERCURIO.

Mercurius ἰδὲ⊙, ἰνὸδ⊙, ἰνὸδιος, & ἡγεμὶν⊙
Græcis, *Latinis Viacus*, non autem *Deus*
Vius appellatur, uti *Scaliger* voluit, cu-
 jus emendationes rejiciuntur. *Mercurius*
 pro *Sole* censitus & magna religione a
 plerisque cultus, a *Comicis* vero convul-
 tiis proscissus. *Variae* rationes, cur *via-*
rum cura ipsi propria, & mari & ter-
 ra. Fuit petasatus, deorum internun-
 tius, in triviis cultus, ultor injuriarum
 viatoribus illatarum. *Parœmia* ἑρμῆς
 κοινὸς ex jure *Romano*, *Theophrasto*, *Pbur-*
nuto, *Seneca* & *Novella Leonis* illustra-
 ta. *Hermæ* in biviiis & triviis, a *Pe-*
lasgis petiti; cur quadrati, sine lacertis,
 & veretro longo. *Iidem* ante januas æ-
 dium privatarum, & ante portas ur-
 bium. In aliis nulla, in aliis una, in
Hipparchicis vero duæ inscriptiones. *Jer.*
XXXI. v. 21. explicatus. Quid sit ἑρμαῖον,
 κτιστῶν ἀγνοῖας, & ἑρμῆς τρικέΦωλ⊙. *Acerui*
Mercuriales in viis ambiguis accumulati.
Ad hos minus recte referri *Proverb.*
XXV. v. 8. a *Beda*, *Vossio* & *Lipfio*.
De etymo Mercurii aliorum & nona sen-
 tentia allata. *Mercurius* κερδῶ⊙, ἰμπολαῖ⊙,
 ue-

*negotiator, mundinator, deus mercimonii,
ἱερὸν & dives, cum marsupio.*

Post Apollinem & Dianam in viis
& semitis nobis occurrit Mercurius, Jovis & Majæ filius, gentium universarum deus, qui vias, non modo urbanas, sed & publicas ac militares iter facientibus monstrat, indeque ὁδοῦ, *vialis*, seu viam monstrans, ἀπὸ τῆς ὁδοῦ, Græcis dictus est, auctore Hesychio et Stephano, in ὁδοῦ; nonnunquam etiam ἰνὸδοῦ, in *via sese offerens* vocatur, iisdem et Phurnuto testibus, cap. XVI. ubi in Aldina est ἰνὸδοῦ, *bonum faustumque iter parans*. Vocatur et ὁδηγός, ὁδότης et ἡγεμόνις apud Aristophanem in Plut. act. V. sc. 1. vers. 1156. et 1160. Arrianus de venatione cap. 36. inter alia numina à venatoribus haud negligenda, Ἑρμῆ ἰνὸδῶν καὶ ἡγεμόνις, Mercurii viarum ducis præsidisque meminit; item, Pausania teste, lib. VIII. apud Megalopolitanos quadrangula figura colebatur Ἑρμῆς τε ἐπὶ κλησὶν Ἀγῆλας, Huc etiam alludit Maximus Tyrius dissert. IX. init. ἡγεμόνας παρακαλέσαντες τῆς ὁδοῦ Ἑρμῆν τὸν λόγιον, καὶ Πειθῶ &c. *duces viæ nobis assumamus facundiae præsidem Mercurium, Suadam &c.*

Latinis dicitur *Viacus*, in inscriptione pervetusta, in Hispania Zamoræ reperta,

quam Surita inseruit præfat. ad Comm. in itin. Ant. p. m. 164. & exscripsit Gruterus pag. 55. n. 5.

DEO. MERCURIO

VIACO

M. ATILIVS

EX. VOTO

De eodem accipiendus videtur lapis, in Brigantum Britannicorum agro inventus, qui est in appendice ad marmora Oxonienlia n. 4. pag. 309. & apud Reinesium classe 1. n. 141.

DEO. QVI. VIAS

ET SEMITAS. COM

MENTVS. EST. T. IR

DAS. S. C. F. V. L. L. M.

Nam apud Theocritum Senecio Herculi, de Augæo sciscitanti, ait Mercurii auspiciis vias esse munitas. Apulejus lib. XI. Miles. & in Apolog. *Deum Superum & Inferum commeatorem* appellavit.

Quod si Josephum Scaligerum audimus in Catal. Virg. p. m. 242. idem dictus est Deus *Vius*. Ita enim colligit ex Epigrammate de mercatore decimas persolvente Fortunæ Prænestinæ, quod vet. Epigr. lib. IV. sic edidit Pithæus & Boissard. T. VI. 81.

*Fortunæ simulacra colens & Apollinis aras
Arcanumque Vii.*

Ve-

Verum in inscriptionibus Mazochii & aliorum est *Arcanumque Jovem* : apud Pighium Herc. Prod. pag. 345. & Smetium, testes oculatos, exstat *Ægeriumque Jovem* : atque ita in collectione Gruteriana pag. 72. 5. relatum est. Nec magis audiendus est Scaliger, cum deos *Vios* apud Servium nobis obtrudit, ad Æn. VII. 678. ubi pro verbis: *Erant etiam fratres, qui DIVI appellabantur*, reponi jubet *Dii Vii*, & apud Solinum cap. 2. ἀνὶ τῶν *Fratrum Digitiorum*, legi vult: *Fratrum Indigetum Viorum*. Reclamant enim Codd. Ms. ut ipse agnoscit, & post Vossium de idol. lib. VIII. cap. XI. ostendit Cl. Heninius, ad Bergierii lib. IV. Sect. 43. Hæc de nominibus Mercurii.

Nunc causas videamus, cur stellæ Mercuriali viarum cura tribuatur: sine his enim putidius forsitan videri possit, stellæ minutæ & rarius apparenti, eum honorem esse delatum. Sed multis argumentis ostendit Macrobius lib. I. Sat. cap. 19. secundum gentium Theologiam, Mercurium pro Sole esse censitum, ejusque cultum ab eruditis hominibus ad Solis fidus reduci: hæc vero cum plebs nesciret ex planeta isto singularem sibi Deum vialem effinxit, & NUMEN SANCTISSIMUM, uti in voto quodam Maximiani Herculi, vel MAXIMUM CONSER-

SERVATOREM ORBIS, ob proventus mercaturæ appellavit, apud Reines. cl. I. n. 81. Neque mirum videri debet, quod Aristophanes in Pluto vs. 1138. & seqq. licentia Comica eum, ut famelicum e trivio lurconem, mangonem fraudulentum, fordidumque propolam perstringit: nam & Sophocli apud Athenæ. lib. IX. pag. 409. *βοικλεψ*, *houm fur*, & *δολος* eidem in Philoct. vs. 134. *φλητῶν ἀναξ*, *furum rex* Euripidi Rhæf. vs. 217. vocatur; quia una ex Mercurii artibus furtum esse credebatur, uti deorum irrifor Lucianus in Cataplo t. I. p. 423. pluribus monstravit.

Porphyrus vero apud Euseb. lib. III. præparat. Evang. cap. 11. ostendit, Lunam quandoque per Mercurium intelligi, & Hecaten nominari: hæc vero *ινωδία* erat, ut Mercurius *ενωδιος*. Julianus Imp. Epist. 20. *Ducet autem te publicus cursus uno vehiculo & parhippo. Quod si est præterea optandum aliquid, Enodiam tibi amicam; Enodiumque accersivimus.* Inde Porphyrius eorum sacra conjungit lib. 11. de abst. §. 16. *Unius cujusque mensis noviluniis Mercurium & Hecaten, coronis ornare & nitidos reddere, quinetiam ture, libis placentis Deos colere.* Patet ergo hio iterum, quam vere Augustinus dixerit, quicquid de viarum prælidibus finxerunt gen-

gentiles, ad Solem & Lunam esse referendum. Præsto tamen sunt & aliæ rationes peculiare, cur vulgus felix faustumque iter ab eo expectarit. Credebatur enim esse Deorum nuntius, alato qui pede carpit iter, unde Camillum alii, alii in marmore Felsineo p. 190. *menestratorem* appellarunt. Loquelæ præerat, ut viam indicare posset; hinc ἡγεμόνι⁹ audit, & Lystrenses Paulum credebant esse Mercurium, quoniam præibat in loquendo Act. XIV. v. 12. Idem ardentem facem manibus gestans solutas corpore animas ducebat illuc, unde negant redire quenquam; auctore Homero, Virgilio, Petronio aliisque. Hiuc Græci ψυχοπομπὴν, Latini *Orci satellitem* vocant, quod animas vehit vel revehit. Ajax quoque gladio incubiturus, apud Sophoclem, invocat πομπαῖον ἑρμῆν καὶ χθόνιον, & femina Ceensis, mortiferam non prius dicitur hausisse potionem, quam *defusis Mercurio delibamentis*, & invocato Numine ejus, ut se placido itinere in meliorem sedis inferna partem deduceret, apud Valer. Max. lib. II. c. 6. n. 8. Denique mercatorum habebatur Deus, qui ejus instinctu, ad commerciorum utilitatem, vias munitas esse, ejusque ope fures & latrones arceri vulgabant, ut infra pluribus ostendam.

Ob hæc igitur rationes Mercurius homines

mines ducere credebatur in via, ejusque erga viatores studium Homerus Iliad. XXIV. prolixè commendavit: Juppiter enim, de Hectore sollicitus, cum misit viæ ducem Priamo, ad Achillem tendenti, illumque ita alloquitur vs. 437.

Σοὶ δ' ἂν ἰγὼ πομπὴς ἢ κελευτὸν Ἄργῳ ἰκοίμην,
εὐδουκίως ἐν νηὶ θοῇ ἢ πρὸς ὁμαρτίων.

*Tibi vero ego viæ dux, vel ad inclytum
Argos proficiscerer,*

*Sedulo in navi veloci aut via terrestri co-
mitans.*

Ait navi, aut via: nam θαλάτῃ, dicitur Eustathio & aliis apud Begerum num. fol. 87. omnesque libri loquuntur, astrorum rationes cum Ægyptios docuisse, quod & Manilius cecinit lib. 1. pr.

*Tu princeps auctorque sacri, Cyllenie,
tanti,*

*Per te jam cælum interius, jam sidera
nota,*

Major uti facies mundi foret.

Sæpius vero peregrinantis habitu petasatus exhibetur in nummo gentis Mamilix, apud Fulvium Urfinum in hac gente pag. 163. & Choulum pag. 139. in cujus altera facie viator cum baculo & cane, vel, ut alii volunt, Ulysses tot peregrinationibus nobilis, & ut multoties alibi, pileatus, ex Nicomachi instituto, conspicitur. vid. Vitruv. lib.

b. VII. c. 5. Plin. lib. 35. c. 10. Fabrett.
e col. Traj. cap. 7. & in addend. ad tab.
liad. pag. 379. De Mercurio Arnobius lib.
VI. pag. 188. *Cum petaso gnatus Maja,*
tanquam vias aggredi præparet, & Solem
pulveremque declinet. Athenæus lib. XII.
eidem petasum in capite, & caduceum in
manu tribuit. Petasatos autem esse solitos,
qui longo itinere se darent, Petrus Victo-
rius lib. 1. var. lect. c. 24. ex Ciceronis lib.
XV. Epist. 17. declaravit; & vel ex uno
Plauto petasum peregrinantium fuisse li-
quet, Pseud. Act. II. sc. 4. ubi fallax ser-
vus, ut peregrinus videretur, inquit:

Etiam opus est chlamyde, & machera,
& petaso.

Nuntiis præerat, quia ipse *internuntius* fuit
deorum, auctore Servio, ad lib. VIII. Æ-
neid. vf. 138. Æschylus *διάκονον*, Euripides
λάτρων appellavit. Ipse quoque bonis se nun-
tiis homines afficere affirmat, apud Plau-
tum in prolog. Amphitr.

Nam vos quidem id jam scitis concessum
& datum

Mibi esse ab aliis Diis; nunciis præsim
& lucro.

In triviis & compitis idcirco cultus a via-
toribus, quibuscum, ut Homerus ait d.
lib. XXIV. vf. 334. ipsi consuescere volupe
erat. Orestes *σωτήρ* nomine cum invocatur,
apud

apud Æschylum initio Choëph. Vetus Palladæ epigramma in Antholog. lib. 1. cap. 38. n. 9.

Τὸν Διὸς ἐν τριόδοισιν ἰθαύματα χάλκιον υἱᾶ
Τὸν πρὶν ἐν εὐχαιαῖς, νῦν παρσελεπτόμενον.

*Jovis intriviis admiratus sum æneum filium,
Cui prius supplicabant, jam vero abjectum.*

Idem severe vindicabat in eos, qui viam errantibus non monstrassent, quod olim in diris erat; & injurias viatoribus illatas ulcisccebatur: nam ira exæstuat apud Theocritum Idyll. 25. v. 3. ubi viatorem lædi videbat:

Ἐκ τοι ξεῖνε πρόσφρων μνησόμεαι ὅσθ' ἐρετίνεις,
Ἑρμῆα ἀζόμενον δεινὴν ὅπιν εἰνιόδοιο.

Τὸν γὰρ Φασὶ μέγιστον ἱππευμάτων καχλῶσθαι,
Εἶκεν ὁδῶζα χρεῖον ἀνήνηται τις ὁδότην.

*Tibi vero, hospes, libens aperiam quæcunque quæris,
Mercurii gravem iram timens itinerum ducis:*

Hunc enim ferunt maxime e cælestibus irasci,

Si quis indigentem itineris aversetur viatorem.

Ab eo etiam proverbium Græcis ἑρμῆς ποιοῦς, de re quam forte in via invenissent, & ἑρμαῖον, lucrum insigne, forte objectum,

jectum, & insperatum, quod ἱερμῆς δῶρον vocat Libanius in epist. 149. ad Belæum, & Mercurio tribuebatur, non tantum quia ἐνόδιον & viarum præfectus erat, sed etiam LUCRORUM POTENS in vet. inscript. apud Spon. Misc. pag. 91. & *Inventor* vocatur, apud Festum, voce *Herma*. Hinc Veteres, in jactu quodam, boni ominis causa, Mercurium præfari solebant, teste Hesychio, & res inventas ipsi sacras fuisse, Stanlejus ad Æschyli sept. contra Thebas 514. ostendit, qua de re etiam in fine capitis sequentis quædam dicemus. Phurnutus cap. XVI. Διὰ τὸ κοινὸν αὐτὸν εἶναι ἐν τε ἀνθρώποις πᾶσι καὶ πᾶσι τοῖς θεοῖς, ὅπόταν τις εὐρηῇ περὶ ἡγῶν ἐν ὁδῷ, σύνηδες ὑπὸ φθέρῃ, κοινὸν εἶναι τῷ ἱερμῇ ὅς δὴ συνίστωρ ἐστὶ τῆς εὐρέσεως, ἐνόδιον ὦν, ἐμφαίνοντες ὅτι κοινὸν ἀξιοῦσιν εἶναι, καὶ τῷ εὐρημῶν, ἐνδοῦθεν καὶ τῶν εὐρημάτων ἱερμαίων λεγομένων. *Ideo autem quod communis tam deorum quam hominum sit minister, si quis iter faciens forte fortuna quid invenit, consuetudo inolevit, ut inventor exclamet: Rei inventæ partem etiam Mercurio competere. Inventionis enim adjutor est, cum sit viarum præses. Proinde merito acclamant, se rei inventæ Mercurium participes facturos: Hinc Græci omnia, quæ forte fortuna reperiuntur, ἱερμαῖα, id est, Mercurialia appellant.* Non me fugit tritum illud, apud Ægyptios, Judæos, Græcos

& Biblios celebratum: *Quod non posuisti, non tollas*, de quo Josephus, Aelianus, Laertius alique: sed mens hujus legis erat, ne quis animo retinendi tolleretur, quod ipse non posuisset, sed alius amisisset: talem enim rem qui lucri faciendi causa tollebat furti erat reus, etiam Romæ l. 43. §. 4. *D. de furt.* & Gell. lib. XI. c. 18. Quod autem Plato lib. XI. de LL. hujusmodi res ne quidem tangi, sed numinis vialis custodiæ relinqui jubet, id nimis Platonice est; cum ubivis gentium res nondum occupatæ vel derelictæ ab inventore tolli, & cum fociis itineris acclamantibus dividi potuerint. Eleganter ad hunc morem alludit vetus Epigrammatista, cujus versus Antholog. lib. VII. ep. 44. videri possunt; & Persius Sat. VI. *Sum tibi Mercurius*. Alio quidem paræmiam traxit Simplicius in Epict. c. 72. ὁ μὲν λόγος κοινὸς Ἑρμῆς ἐστὶν πᾶσι κατὰ τὴν παροιμίαν. *Ratio quidem communis omnibus est Mercurius, ut proverbio dicitur.* Usus etiam vocabuli ἑρμαιον tam late patet, ut non modo lucrum adventitium, sed rem omnem commodam & utilem notet, uti ex Platone & Athenæo docuit Stephanus, in animadvers. ad Erasmi adagia. Verum Apostolus triplicem ἑρμαιῶν significatum, quem omnem explicabimus, recte distinguit, cent. 9. Ἑρμαιον κοινόν, & Ἑρμῆς κοινός] Ἐπὶ τῷ εὐρόντων τι κέρ-

Ἰσοπεδόκληρον, ἢ κοινὸν ποιησαμένον. ἢ ὅτι τ' ἐν ταῖς ὁδοῖς τιθιμύριον ἀπαρχῶν, ὥς οἱ ὁδοιπόροι καλεσθῆσι. ἢ ὅτι τ' σωρῶν, οἱ τῷ Ἑρμῇ ἀνέκλειντο. *Mercuriale commune, & Mercurius communis*) *De iis, qui lucrum aliquod præter opinionem nacti sunt, idque in commune partiuntur. Aut de primitiis, quæ in viis ponuntur, quas viatores comedunt. Aut ab acervis, qui Mercurio dedicabantur.*

Mercurius ergo Communis proclamabant focii itineris & inventoris, non dissimili parcœmia, qua nunc pueri in Germania utuntur, *Halb fund ist mein*. E Græcis hunc morem notarunt Lucianus in *Votis*: Κοινὸς Ἑρμῆς, Φασί, ἢ ἐς μέσον κατατίθῃ φέρων τὸν πλῆτον. Hefychius: Κοινὸς Ἑρμῆς, παροιμία ὅτι τ' κοινῇ τι εὐελασκόντων. Theophrastus in *charact. Eth. cap. XI*. Καὶ τῶν εὐελασκομένων χαλκῶν ἐν ταῖς ὁδοῖς πρὸς τ' οἰκετῶν, δεινὸς ἀπαιτῆσαι τὸ μέρϑ, κοινὸν εἶναι φήσας τὸν Ἑρμῆν. *Quod si quos pueri nummos æreos, ut fit, in via repererint, partem inde sibi poscet (avarus) illud usurpans, Mercurium esse communem.* ubi Casaubonus in commentario addit ex Leonis constit. Nov. 70. *Itinerum comites cum sæpe fortuito in rem quampiam incidunt, tametsi uno illo momento pariter non conspiciant, ejus tamen jus, propter itineris communionem, inter se communicant.* De Romanorum non ablimili formula, Phædrus lib. V. fab. 6.

*Invenit calvus forte in trivio pectinem,
Accessit alter, æque defectus pilis,
Eja, inquit, in commune quodcunque est lucri.
Ostendit ille prædam, & adjecit simul.*

Seneca epist. 119. *Quotiens aliquid inveni,
non expecto, donec dicas, in commune: ipse
mihi dico.* Vide ibi Gronovium in notis,
Spanhem. ad Callim. hymn. in Dian. v. 70. & Clar. Noodt lib. II. probabil. cap. 6.

Porro in biviviis, triviviis atque quadriviviis in honorem Mercurii erigebantur statuæ quadratæ, quibus impositum caput humanum, infra autem epigramma inscriptum erat, quod viatorem doceret, quo lingulæ viæ ducerent. Phurnutus de N. D. dict. cap. XVI. ἱδρύται δὲ καὶ ἐν ταῖς ὁδοῖς, καὶ ἐν ὁδοῖς λέγεται, καὶ Ἡγεμόνι, ὡς ἂν τῷ εἰς πᾶσαν περᾶν ἡγεμόνι χρῆσθαι. Mercurius vero etiam & in viviis collocatur, & Enbôdius dicitur & Hegemonius, sive Dux Viatorum, quia eo duce & auspice ad omne negotium utuntur. Simulacra ista Hermas appellant Thucydides lib. VI. & Andocydes orat. περὶ μυστηρίων. Usus eorum non ab Ægyptiis, sed a Pelasgis Græcos mutuatos esse, scribit Herodotus lib. II. c. 51. Modum eosponendi & dedicandi elixis leguminibus, Comicus indicat, in Pace pag. 660. Cur quadrati fuerint cubi specie, optime explicat Sui-

Suidas in Ἑρμῶν. Quare brachiis & pedibus caruerint Servius disquirat ad VIII. Æneid. vs. 138. Causam rigentis fascini, a feminis, procurandæ sibi fecunditatis causa, culti & exornati, Plutarch. libello περὶ προσκυτέρῳ πολιτευτίῳ & Macrobius lib. I. Sat. c. 18. dederunt. Philippus Athenienses statuis his comparabat, quæ tantum os habebant & magna pudenda, auctore Stobæo Serm. 2. Strabo lib. XV. hominem brachiis truncatum Hermam appellat; Dio lib. 54. Μεράκιον ἄνευ ὤμων, ὅτις τὸς Ἑρμᾶς ὀρωμέν. *Adolescens sine humeris, quales Hermas videmus.* denique Pausanias ἀκάλως ἑρμᾶς vocavit lib. I. c. 4. Depinxit eos, post Sponium Miscell. sect. 1. art. 4. ex gemmis, nummis ceterisque monumentis, Montfauconius tom. I. Antiq. pag. 136. & supplem t. III. lib. 2. c. 6. n. 6.

Ante januas ædium privatarum, aut in earum atriis & vestibulis, ὅπῃ τῆς αἰυλῆς, in primo domus aditu, sub dio, eosdem viros, docent Athenæus lib. X. c. 10. Cornelius Nepos in Alcib. cap. III. Plutarchus in vit. ejusdem c. 31. & Heraclitus Ephesius apud Clement. Alexandrin. protrept. ad gentes p. 33. ed. Morell. quorum verba huc adducere nihil attinet. Hinc Comicus in Pluto vs. 1154. Mercurium σροφαῖον vocat, sive quod fures a foribus repelleret;

ut Scholia ibi putant, five potius quod *ερεφους* de cardine ædium vulgo diceretur, qua ratione festi Dianæ *ερεφαιας* etiam meminuit Athenæ. lib. VI. pag. 259. Et forsitan, si conjecturis indulgere placeat, hinc ratio petenda est, cur convivæ discessuri, ultimum poculum, quod *ε'ρμης*, dicebatur, ei libarunt, teste Athenæo & Polluce. Vid. Meurf. l. III, animadv. c. 19. & Casanbon. ad Athenæ. lib. I. c. 25. Audiamus Ælianum lib. II. cap. 41. *καὶ τὸν σίφανον λαβὼν, ὅτε ἱπανίης μετὰ τὸ δεῖπνον, τῷ Ἑρμῇ τῷ πρὸ τῶν θυρῶν ἐστῶτι ἐπέθηκεν αὐτὸν, καὶ τὸ ἔθθος ἑμτροσθεν ἡμερῶν.* *Sumta corona, cum à cena reverteretur, Mercurio, qui stabat ante fores, eam imposuit, juxta priscam consuetudinem.* Veteres Critici ad Comicum Σφηκ. 699. *ἴδους ἄχον Ἑρμῆν ἰδρύοντες πρὸ τῶν θυρῶν, erat iis in more, Mercurium erigere ante fores ædium.* In vestibulo Cœli, & in aditu Dionysii regis, ejusdem *πρωπυλαίης* statuam exstitisse, docet Virorum maximus ad Callimachum pag. 231. Scholiastes Juvenalis ad Sat. VIII. vers. 49. *Hermas Athenienses ante januas pro religione positos habuere.* Athenis item ad porticum, Mercurius ex ære fuit, *Ἑρμῆς ὁ πρὸς τῇ Πυλίδι, Mercurius, qui ad portulam* dictus; cujus Demosthenes contra Euergum, Pausanias, Harpocration & Suidas meminere. Alius erat Mer-
cu-

curius, in Delphinio, ante templum positus, qui Ἑρμῆς ἐπ' Αἰγέως πύλαις, *Mercurius ad Ægei portam* dicebatur, auctore Plutarcho, in vita Thesei.

Duas vero inscriptiones statuæ hæ Mercuri aliquando habebant, unam in sinistro latere, quæ exponeret, cur in medio Urbis staret populivæ, alterâ, quæ præceptum aliquod sapientiæ contineret, ut *Nosce te ipsum, Ne quid nimis*. Auctor hujus rei fuit Hipparchus, Pisistrati filius, quo eos, qui in agris habitabant, erudiret, si in Urbem venissent, ut Plato in Hipparcho pluribus docuit, allatis etiam inscriptionum exemplis v. c.

Μνημα τὸδ' Ἰππάρχου εἶχε δίκαια Φρονῶν.

Præceptum Hipparchi est, Justitiam colito,

Verum hoc accipiendum est de Mercuriis, qui Ἰππάρχιοι Ἑρμαῖ apud Harpocratio- nem, Suidam & Hesychium dicuntur. In aliis vero una, in aliis nulla inscriptio legebatur. Ulpianus Demosthenis Scholiastes: Πύλα ἢ λίθοι τετραγῶνοι ἦσαν, ἔχοντες ὅψιν Ἑρμῆ ἐπάνω, κάτω δὲ ἐν τῷ πλάτει τὰ ἐπιγραμματα. *Hermæ erant stipites, aut lapides quadrati, habentes sursum vultum Mercurii, deorsum, in latiore trunco, inscriptiones.*

Illud non prætereundum est, quod ad hosce Mercurios Junius & Tremellius re-

tulerint צִנִּים statuas, Jeremiæ XXXI. vñ. 21. *Statue tibi bermas, dispone tibi pyramidas, adhibe animum tuum ad istum aggerem, qua via ivisti: revertere virgo Israelis*; alii vero ex nexu intelligunt statuas sepulchrales, de quibus Nicolaus de sepulchr. Ebræor. l. iv. c. i. Ego commendo Siculi Flacci monitum de condit. agror. p. 4. consuetudines Judæorum intuendas esse: *quoniam, inquit, sepulbra in extremis finibus facere solebant, & cippos ponere, ne aliquando cippus pro termino, aut herma errorem faciat: nam & in locis sacrosus & sterilibus sepulbra faciunt.* Notum est illud Maronis:

*Monte sub hoc lapidum tegitur Ballista
sepultus.*

Ad Hermulas Græcorum porro in viis, ad recreandos viatores, & in honorem Mercurii, primitiæ apponebantur, quemadmodum ad Hecates statuas cœna. Suidas: ΕΡΜΑΙΟΝ, τὸ ἀπροσδόκητον κέρδιον ὡς τὸ ἔν ταις ὁδοῖς τιθεμένων ἀπαρχῶν, ὡς οἱ ὁδοιπόροι κατεσθίουσι. HERMAEUM, *lucrum insperatum ex positis in viis primitiis, quas peregrinantes comedunt.* Vicorum quoque Iustratio Atheniensibus oraculo mandata ad statuas has fiebat. Demosthenes adv. Midiam: χορὴς ἵσταναι κατὰ τὰ πατρία, κλισσῶν ἀγυιάς. *Choros ritu patrio instituere, vicos nidore implere.* Quod Ulpianus

anus, doctissimus ejus Scholiastes, explicat, sacrificare ad statuas Mercuriales. *ἀγυῖας* enim vocabant Mercurios per privationem; eo quod neque pedes, neque membra haberent, *γυῖα* enim membra sunt, & hæc non solum in genere, sed pedes in specie ita dici, notant Nicandri Enarratores ad Ther. p. 56. *γυῖα δ' οὐν τὰς πόδας.* quod Vlpiani explicationem valde confirmat, quia Hermæ sine pedibus fuerunt. Harpocratio tamen, in v. *ἀγυῖας*, circumflectendum putat, tanquam deductum ab *ἀγυεύς*, juxta Atticorum dialectum: tunc vero significabit Apollinis columnas, ante fores collocatas. Ceterum ejusdem phraseos meminit Aristophanes, in Equitibus vs. 1317. & Avibus vs. 1233. Apud Lucianum quoque Prometheus inter alias rationes, cur ignem e cælo sustulerit, & hominibus usum ejus indicaverit, hanc adfert, *ὅπως ἔχοιεν κλισίαν ἀγυῖας*, quo in biviis & ante fores adium, Diis nidorem pararent. vid. Pollucem lib. 1. sect. 28.

Ad Hermas porro quod attinet, illi unum plerumque caput æneum vel marmoreum habebant, auctore Cicerone ad Attic. I. 7. & Juvenale Sat. VIII. vers. 53. bifrontis autem Mercurii meminit Nazianzenus ad Nemesium, & Athenis Mercurius, ex instituto Patroclidæ, ad viam Vef-

tam, tribus capitibus fuit cultus; vel quia rem habuit cum Hecate tricipiti, atque tres ex ea filias sustulit, vel quia in trivio positus, uti τετράκεφαλῳ in quadriviis, & in singulis capitibus inscriptionem habebat, quo duceret hæc via, quo rursus illa. Meminit Etymologici Auctor in τελέκεφαλῳ ὁ Ἑρμῆς, Apostolius Cent. XIX. Prov. 51. Suidas, & plenissime Harpocraton: τελέκεφαλῳ ὁ Ἑρμῆς ὡς περ διδάσκων τὰς ὁδούς, καὶ ἔχων ὑπογεγραμμένῳ, πᾶ μὲν αὐτῇ φέρει ἡ ὁδός, πᾶ δὲ ἐκείνη. ἴσως δὲ πρὸς ἐκείνῳ ὁδὸν κεφαλῶν εἶχεν. ἔστι δὲ ὁ ἀναθεὶς τὸν Τελέκεφαλον Ἑρμῆν (ὡς φιλόχῳος φησιν ἐν τείνῃ) Πατροκλείδης, Ἰππάρχῃ ἐραστῆς. *Triceps Mercurius, ut monstrator viarum, & cui subscriptum, quoniam hæc via, & quoniam illa duceret. Forte autem caput ad viam unamquamque conversum habuit. Qui Mercurium Tricipitem dedicavit, ut Philochorus refert libro tertio, est Patroclides, Hipparchi amator.*

Circum Hermulas, aut si illi deficiebant, loco eorum accumulabantur acervi lapidum; quos paucos primum coniectos ac dispositos, dein ex pietate, an superstitione, viatorum quisque præteriens crebro jactu, in honorem Mercurii, augebat; eos vero Ἑρμαῖα, Ἑρμαῖας λόφους, & Ἑρμακας vocabant, ut Etymologici Magni auctor, Suidas & Eustathius docuerunt. Meminit

eorum Strabo lib. XVII. pag. 1173. Homer Odyss. II.

Ἦδη ὑπὲρ πόλιος, ὅθι δ' Ἑρμαῖος λόφος ἐστίν.

Jam ad locum urbi imminentem, ubi Mercurialis est acervus.

Tzetzes Chiliad. XII.

Ἑρμῆς καὶ σύμπας ἀνδραῖς, καὶ ὁ σωρὸς τῶν λίθων.

Herma est, & omnis statua, & acervus lapidum

Hesychius: Ἑρμαῖος λόφος, τῆς σωρὸς τῶν λίθων Ἑρμῆς τῆς ἐν ταῖς ὁδοῖς ἡγουμένης εἰς τιμὴν δ' Θεῷ, Ἑνέδιος γὰρ ἐστίν. *Mercuriales acervi. intellige acervos lapidum Mercurii, qui fiunt in viis, ad honorem ejus dei; est enim Deus Vialis.* Ipse cumulus de se ita loquitur in Anytæ epigrammate IV. Antholog.

Ἰερὸν Ἑρμείη με παρὰσείλοντες ἔχθραν

Ἀνδρῶποι λίθινον σωρὸν - - -

Sacram Mercurio me prætereuntes fuderunt

Homines lapidum congeriem.

Quemadmodum innumeræ terminorum erant differentię, ita similes acervis his erant monticelli, pro terminis erecti, quos Auctores de agris limitandis vocant *scorpiones*, quia in metam desinebant. Siculus Flaccus pag. 4. de condit. agror. *Alii congeries lapidum pro terminis observant, & scorpiones appellant.* Sed horum lapides semel congerebantur, acervi autem Mercuria-

riales sensim ex jactu prætereuntium cre-
scebant, ut cecinit Severus Aëtna vs. 104.

- - - *Qualis acervus*

Exilit, imparibus jactis ex tempore saxis.

Loca ubi congerebantur erant viæ ambi-
guæ, trivía & quadrivía, etiam collum
montiumque cacumina, quo è longinquo
videri possent, teste Frontino, de coloniis,
& Isidoro in Glossis: *Mercurius*, inquit,
lapidum congeries in cacumine collum. Ru-
pertus ad Flor. l. i. c. 7. mavult in *cacumen*
collum, id est, in formam cacuminis col-
lium; sed forsân aliter fuit apud alios, &
plerique acervi in viis planis, rariores in
collibus: nam, ut jam observavit Alean-
der, Mercurius in clivo quodam positus ita
conquerens inducitur eod. lib. IV. Antho-
log.

*Non enim montibus delector Hermes, nec
in collibus versor summis*

Sed ut plurimum itineribus gaudeo.

Ἑρμᾶκης dicuntur Nicandro in Theriaca, ubi
Scholiastes explicat ἁδὲς σεσωρεθμῆνυς εἰς τιμῶν &
Ἑρμῶν. Rabbiniis מרקוליס *Merkolis*, sive *Mar-*
colis, voce ex Mercurii nomine depravata,
ut omnes facile agnoscent. R. Maimonides
de idololatria cap. III. §. 2. ex interpreta-
tione Dionysii Vossii. *Mercurius* cujus cul-
tus in eo erat, quod lapides in eum conje-
rent, vel coram eo spargerent. Ad hunc
mo-

morem respexisse sapientissimum Israëlitarum Salomonem Proverb. XXV. vf. 8. existimat vulgatus interpres, quem tuetur Martinus Delrius in Adagial. sacris. Nec ab eo discedunt Beda, Vossius lib. II. de idol. cap. 32. Lipsius cent. v. epist. 5. aliique Sed varie is locus translatus est a Græcis, & interpretum recentiores, vocem Hebræam מרגמה *Margemach*, cum Chaldæo *fundam* aut *balistam* transtulere; nec quicquam ille Sapiens de profano hoc ritu. Vide Selde- num De Diis Syris Synt. 2. cap. 15.

Ceterum causas horum λόφων ἑρμαίων Mythologi gentilium attulerunt non unas, quas ipsis eorum verbis proponam. Et ecce tibi Phurnutum dicto cap. XVI. cujus verba, quia prolixiora sunt, semel, id est, latine tantum, ex versione Conradi Clauseri appo- fuisse sufficiat; sunt autem ista: *Statuis Mercurialibus accumulans lapides. Quilibet namque eorum, qui ejus statuam prætereunt, lapidem adjicit. Causæ autem ejus rei sunt plurimæ. Una est, quod quilibet utile quiddam faciat, quod ad communem omnium spectet utilitatem, dum viam purgat. Altera, quod obtestetur Mercurium lapidis adjectione, & suum declaret in ipsum honorem, quasi nihil nunc occurrat quod offerat. Alia est, quod statuam Mercurialem prætereuntibus manifestiorem faciat adjectione lapidum.*
 Por-

Porro alia est, ut per lapides significetur, ex parvis & modicis partibus consistere orationem. Addamus Eustathium ad Odyss. π. vers. 111. Οἱ δὲ φασιν, ὅτι Ἑρμαῖος λόφος ἔσθ' ὃν ἐστὶν ἐν ὁδοῖς; καὶ βωμὸς ἢ λόφος ὑποκαείμενος Ἑρμῇ ἀνδραγαθή. Ἄλλοι δὲ νοῦσιν Ἑρμαῖος κοινῶς λόφος, σημεῖα ὁδῶν κατὰ ποσὶν ἵνα διάσασιν μιλασμῶν τυχόν ἢ σαδισμῶν. Ἑρμῆς γὰρ φασὶ πρῶτος, οἷα κήρυξ καὶ διάκτορ καθήρας τὰς ὁδούς, ἥπερ λίθος ὄρεν ἀπέλθαι ἐξ ὁδοῦ. ὁθεντὸς τοιούτων τι ποιῶντας, καὶ τὰς ὁδούς τῷ Ἑρμῇ, ὡς διακτόρ ἐκκαθαίροντας, εἰς τιμὴν Ἑρμῆ τὸς τοιούτων λίθων σαρξὲς Ἑρμαῖα ἢ Ἑρμαῖος λόφος καλεῖν. Hoc est: *Alii dicunt, quod Mercurialis tumulus sit acervus lapidum, in via collocatus, aut ara, aut tumulus Mercurii subjectus statuae. Alii vero Mercuriales communiter accipiunt tumulos pro signis viarum, juxtam aliquantam earum intercapedinem, milliari fortean, aut stadio respondentem. Ferunt enim primitus Mercurium, tanquam caduceatorem & internuntium, purgandis itineribus lapides, si quos inveniret, extra viam seposuisse: unde existimant, si qui id imitentur & internuntio Deorum Mercurio vias expurgent, eos in honorem Dei ejusmodi strues Hermæa, vel colles Hermæos appellare.* Plura de his annotarunt Stephanus in Thes. linguæ Græcæ, Aleander in exposit. Tab. Heliaçæ, sub titulo *Cumuli lapidum*, Bergierius de publ. & milit. imp.

imp. R. viis lib. IV. c. 43. & ad eum Hen-
ninius, Ouzelius ad Minutium, & quos
præterea longa referre mora est. Addo
tantum verba laudati Aleandri, solertissimi
antiquitatum indagatoris, dicto loco: *Ce-
terum profanus hic mos ad hanc usque diem
viget quibusdam locis penes rusticos, ac
prorsus ignaros homines: Siquidem iter fa-
cientes saxa aut glebas ad sacella congerunt,
quæ in triviis aut quadriiviis excitari solent.
Interrogati quidam in agro Patavino, cur
id agerent? nimirum responderunt, ut viæ
fastidium allevetur. Idque agebant ab an-
tiquis quasi per manus traditum.*

Antequam Mercurium mittamus, non
injucundum erit vidisse, unde is nomen
tulerit, id quod a viris doctis nondum fa-
tis demonstratum est. Qui a *margemab*
deducunt nimis aberrant. Plerique quasi
mercium curam dictum volunt. Servius ad
Virgil. lib. VIII. Æneid. v. 138. quosdam
ait, *Mercurium*, quasi *Medicurrium*, a
Latinis dictum velle, quod inter Cælum
& Inferos semper incurrat. Doctissimo
Thomassino placet radix *machar*, vendi-
dit, unde & *mercari* derivat, non incon-
cinne! nisi majori jure verbum רכח *Rachal*
ejus originem ultimam sibi vindicare pos-
sit: a rachal enim in usu est *marcoletb* ne-
gotiatio. Abjecto *chau* ultimo restat *mar-
col*,

col, aut *mercol*, quo magis an quid cum *mercur* conveniat, viderint Eruditi. Mecum sane hanc conjecturam, inter familiares sermones, olim communicavit Vir. Cl. Joh. Philippus Heinius, cui hæc *μηνυλα* lubens meritoque solvo, nullusque dubito, quin plures mecum habiturus sit adstipulantes. Neque enim vendentibus tantum, sed omnibus negotiantibus præest Mercurius, propter eloquentiam: atque ideo *Deus mercimonii* apud Servium ad VIII. *Æneid.* vs. 138. *NEGOTIATOR* in lapide Gruteri 1. pag. 55. & in alio *NUNDINATOR* appellatur. apud Reines. cl. I. *Inscr.* 80. & Spon. *Miscell.* pag. 92. Græcis *ἑρμῆς ἐμπολαῖος*, *ἀγοραῖος*, *κερδαῖος* & *ἐμπολαῖος* dicitur, apud Aristophan. in *Pluto* vs. 1156. *Lycophron.* in *Cassandr.* vs. 208. & *Aristidem*, hymno in *Mercur.* p. 26. In nummo *Postumi* marsupium tenet, ut & in statua, apud Gallos reperta, quam *Chamillardius* singulari dissertatione illustravit. *Τῶν ἐμπορευῶν Εφορὸν ὄθεν τὸ ἀγαλμα, αὐτὴ ἰσῶσι βασιλῆον μάριπον*, ajunt *Suidas* & *Codinus*. *Κερδαῖον ἐν ἀνθρώποις νόημα*, *lucrosissimum inter homines ingenium* vocatur *Oppiano* αἰλιου. III. 9. *Nauficles*, mercator *Ægyptius*, sacrificat *ἑομῇ ἀγοραῖῳ* ἢ *ἐμπορευῶ* apud *Heliod.* lib. V. *Æthiop.* c. 4. *ιερένι*, *valde utilis* apud *Homer.* *Iliad.* ω. vs. 457. & in vetere
in-

inſcriptione apud Fleetwood pag. 50. dicitur; quam Reineſius illuſtrat ad cl. 1. n. 81. Auſonius in epiſt. ad Pauſlinum *Divitem* appellavit. Eidem mercatores Romani; ad aram Cyllaram, in via Appia, prope Almonem fluvium, maſtabant agnum. reperta fuit ara illa in vinea Valentinorum, cujus inſcriptio eſt apud Gudium pag. 36. n. 3. Ovid. lib. V. Faſtor. vſ. 671:

*Te quicumque ſuas proſitetur vendere
merces,*

Ture dato tribuas ut ſibi lucra; rogat.

Eſt aqua Mercurii portæ vicina Capenæ:

Si juvat expertis credere; numen habet.

Denique pulcra eſt inſcriptio; Lugduni in Gallia reperta prope portam; apud Menetr. præp. hiſt. Lugd. p. 36. &, qui eam explicat, Fleetwoodum pag. 167.

MERCVRIVS HIC LVCRVM
PROMITTIT APOLLO SALVTEM
SPTUMANUS HOSPITIUM
CUM PRANDIO QUI VENERIT
MELIVS VTETVR POST
HOSPES VBI MANEAS PROSPICE.

CAPUT X.

DE HERCULE.

*Inter deos medioximos, virtutis ergo, in
 cœlum receptos, eminet Hercules, ab Ha-
 rochel, mercator, Tyriis dictus. Rela-
 tus est inter deos viales, quia viatoribus
 iter aperuit, & Physice idem est, qui
 Sol. Cur Tricofus & Astrologus dictus.
 Ab auxilio, quod viatoribus præstabat,
 σύμμαχος, σωτήρ, ἀλεξίκακος & Servator
 vocatur. Quare tituli Marti proprii,
 Pollentis, Inviicti & Defensoris ei tri-
 buti. Sæpius Comes, Conservator, Cu-
 stos & Claviger appellatus. Hercules
 sanctus, & sanctissimus, idem qui Semo-
 Sancus, in lapide, perperam a Justino
 martyre descripto. Cur Saxanus dica-
 tur variorum sententiæ excussæ. Templum
 & aræ ejus in viis, ripis & litoribus
 maris; nec tamen proprius deus marinus.
 Ara ejus Maxima Romæ, in foro boar-
 rio, ad quam viatores pro itu & redi-
 tu, mercatores pro lucro, & Imperato-
 res ex spoliis decimas vovebant. Ejus
 rei origo nunc a Judæis, an vero a Ty-
 riis. Herculis quæstus maximus, ex de-
 cimis solenniter ipsi solatis. l. 2. §. 2. D.
 de*

de pollicit. explicatur. Sacrificium propter, id est, prope viam, cum Paschate collatum, ad Exodi XII. vs. 10. Macro-
bii locus corruptus, ab Erasmo non intel-
lectus. Statuæ Herculis in biviiis, Her-
mis similes, vel ob muneris affinitatem
statuis Mercurii junctæ. Hercules ^{νεβδω}
à studiosis rei faciendæ cultus, tanquam
dator thesaurorum, qui idcirco Dei be-
neficium ^{θεσ δωρον} appellantur; in l. un.
C. de thesaur. [¶] Nov. Leon. 61:



narravimus principes viarum Deos,
qui ad Solem & Lunam referun-
tur. Nunc & heroës; semidei &
indigetes, propter virtutes cœ-
lo recepti, in tabulas mitti postulant. Qui
enim de genere humano bene erant meriti,
Viri præstantes, foeda adulatione, apud
Græcos & Romanos, in Deos refereban-
tur. Cicero lib. I. de nat. Deor. cap. 15.
Perseus, Zenonis auditor eos, dicit, habi-
tos Deos, à quibus magna utilitas ad vitæ
cultum esset inventa, ipsasque res utiles
& salutare Deorum esse vocabulis huncu-
patas. & lib. 11. de Nat. deor. c. 24. Sus-
cepit vita hominum consuetudoque communis,
ut beneficiis excellentes viros in cœlum fama
ac voluntate tollerent. Hinc Hercules, hinc
Castor & Pollux. Plinius lib. 11. Hist. nat.

c. 7. *Deus est mortali juvare mortalem, & hac ad eternam gloriam via. Hac proceres iere Romani. Hic est vetustissimus referendi bene merentibus gratiam mos, ut tales numinibus adscribant.* Maxime vero urbium & civitatum conditores Divis adscripti. Justinus lib. 42. c. 3. *Jasoni totus ferme oriens, ut conditori, divinos honores &c.* Aurelius Victor, de Constantino: *pro conditore, seu deo habitus.* Hi medii inter homines & deos, plus ab homine habere credebantur; sed quia majoris staturæ & virtutis, post mortem suam in cœlum recepti, Diis medioxumis, ceu terrestribus accensebantur. Pausan. Eliac. 11. 5. Serv. ad 1. Æn. v. 200. Aliter etiam, quam diis Olympiis & Inferis, ipsis sacrificabatur, v. Spanhem. ad Julian. orat. 1. p. 67. & Cuper. lib. 111. Obs. c. 16.

Primi nominis hos inter fuit Hercules, cui hoc caput destinavimus. Nomen ejus, quod pauci sciunt, sed docuit Cl. Clericus ad Seldeni diss. de decimis sect. 3. compositum est ex Phœnicio רוכל *Rochel*, *mercator*, & articulo demonstrativo ה *He*, ut sit quasi הרוכל *Harochel*. Phœnices enim & Tyrii, avida quæstus, avaraque admodum gens, ad pecuniam cogendam quasi a natura facta, sicut contemptu periculorum maris & navigandi peritia reliquas
gentes

gentes superarunt, &, Tibullo teste: *prima ratem ventis credere docta Tyrus*; sic & eorum mercatores longinquis profectio- nibus, & coloniis deductis, marisque im- perio adeo erant celebrati, ut Lucianus in Toxari scribat, nullos esse *θαιοτέρους εμπόρους* *diviniores mercatores* Phœnicibus. Strabo lib. XVI. pag. 749. eos *εμπορεῖν*, Ælianus lib. IV. c. 20. *εμπόρους* appellavit, & studium mercaturæ in iis Homer. Odyss. o. vs. 414. & Josephus lib. I. contra Apion. celebra- runt. Eorum itaque fama per colonias Phœ- nicum in Cypro, Ægypto, Bithynia, Græcia, Illyrico, Sicilia, Hispania, Gal- lia, Africa & alibi divulgata, atque indies magis magisque increbescente, Mercato- rum ac peregrinantium Præses, à genere vitæ, *Hercules* dictus est. Dein cum *omnes qui fecerant fortiter, Hercules vocaban- tur*, ut Varro ait apud Servium ad VIII. Æn. 564. numerus eorum ad tres & qua- draginta excrevit, et Herculum Argivi, Libyci, Tyrii, Ægyptii, Thebani et aliorum, qui feruntur, facta cœperunt in- tēr se confundi. Quapropter Græci uni Thebano omnium res gestas, cum Phœni- cio hoc nomine, tribuerunt, non tam ge- nus vitæ, quam famam respicientes. Var- ro lib. IV. de LL. Herculis vocem Græ- cam esse, ait, sed iplis Græcis ejus vocis

significatio latebat; unde tam varias et frivolas etymologias commenti sunt; quarum copiam videre est apud Ælium lib. II. cap. 32. ubi suadeo ut videas, quæ annotavit Eruditissimus Perizonius in notis. Illud constat, quod Thebanus iste, dum inter homines egit, ab infantia dictus est. Ἀλκαίδης, *Alcides*; παππωνυμικός, ut Suidas ait, ab avo scilicet, patre Amphitryonis, qui nonnullis Ἀλκαῖος, vel Ἀλκός dicitur. A robore et viribus qui nomen ei inditum volunt, refelluntur à Servio ad VI. Æneid. vs. 392. *Sane Alciden volunt quidam dictum, ὡς τῆς ἀλκῆς, id est, à virtute, quod non procedit: quia, à prima ætate hoc nomen habuit ab Alceo patre Amphitryonis. Et sci- mus agnomina ab accidentibus dari.*

Hic vero Hercules per apotheosin etiam inter deos viales est relatus; quod credebatur peragrasse totius universi terras, vias munisse & stravisse, ac latrones, belluas, monstra, hoc est tyrannides, vitia & quidquid viatoribus infestum esse potest, domuisse. Eleganter Dionysius Halicarnass. lib. I. Antiquit. cap. 41. non ex fabulis, sed ex opinione vulgata, quæ ad veritatem propius accedit; *Hercules*, inquit, in editione Joannis Hudsoni, *quum omnium suæ ætatis imperatorum esset præstantissimus, magnasque copias ducaret, peragravit quidquid*

*quid terrarum Oceanus cingit, evertens omnem tyrannidem, si qua populis subjectis gravis ac molesta esset, aut si quæ civitas suis contumeliis ac injuriis vicinos principatus investaret immanis vitæ genere, & nefariis hospitem cædibus gaudens: & regna legitima & moderatas respublicas constituit, & mores humanos ac sociabiles in vitam induxit. Præterea versatus est cum Græcis & barbaris, cum maritimis & mediterraneis hominibus, qui ante sine fide & sine ullis contractibus commercium inter se habebant: & in locis desertis urbes condidit & fluvios aver-
 tit, qui campos inundabant; & in montibus, ad quos nullus patebat aditus, rupes secuit;
UT VIATORIBUS ITER APERIRET;
 & cetera molitus est, ut omnis terra & mare omnibus commune esset, omniumque usibus inserviret.*

At vero quod Macrobius ait lib. I. cap. 17. *appellationes Deorum ad Solem, certa & ARCANÆ ratione referri*, id & in nostro Heroë observare licet. Tot enim fabulis & mendaciis historica fide comitis est involutus, ut vix dignosci queat. Ipse à vanis triciis *Tricosum* se appellatum conqueritur, in epigrammate vetusto, sub signo ejus in basi marmorea Romæ, Grut. pag. 50.

ALCMENAE. JOVIS. ET. MAGNI
FORTISSIMA. PROLES
TRICOSUS. SUBITO. POST. MEA
FACTA. VOCOR

Si vero sublati Poëtarum involucri, mis-
saeque historia, rem phylice consideremus,
Hercules nil aliud est, quam Solis vis, po-
testas & varia virtus in inferiora mundi
corpora. Inde *Astrologus* appellatur, et
stellifer, et horarius in statuis repræsentat-
ur, qui cœlum gestat, astra temperat,
atque diei stationes æquas partitur. Inde
Græcis Ἡροκλῆς, quasi Ἡερος κλέος, *aëris de-
cus & gloria* dictus apud Macrobi. lib. I.
cap. 20. et labores duodecim sunt totidem
Zodiaci signa, quæ annuo circuitu Sol
perambulat. Eusebius lib. III. Præparat.
Evangel. admiratur impudentiam Ethnico-
rum, qui *solem, modo Apollinem, modo
Herculem, modo Bacchum* dicere non ve-
reantur. Non aliam vero ob causam sagit-
tis et arcu armatur. vid. Hieronymum A-
leandrum in exposit. tab. Heliacæ, sub. tit.
Hercules Sol, Voslium lib. II. de orig. idol.
cap. 15. & Pighii Hercul. Prodic. p. 257.

Non mirum ergo, quod Hercules, pa-
riter ac Apollo, peregrinantium socius, sa-
telles, comes & custos habitus est, ac σύμ-
μαχος Apollodoro I. Biblioth. Σωτήρ ἢ Πρασά-
της Pausaniæ Eliac. I. II. χρηστὸς ἢ σωτήρ.
τῆς

τῆς ἀνθρώπων, *benignus & salutaris hominibus*
 Philostrato vocatur, vit. Apollon. lib. 8. c. 7.
 In nummis quoque Thaliorum, Stympha-
 liorum Arcadium, et Smyrnæorum ΗΡΑΚΛΕΩΣ
 ΣΩΤΗΡΟΣ memoria occurrit, apud Vaillant.
 num. Græc. Imp. p. 26. eamque appella-
 tionem ipsi Dio Chrysostomus, ut Ty-
 rannorum everfiori, alii ut Soli vindica-
 runt. Is enim radiis suis, potentia ac ca-
 lore viatores comitatur, mala quævis dis-
 pellit, ac novas vires corporibus fessis in-
 fundit. Unde et Hercules non minus atque
 Apollo, ἀλεξικακός appellatur, apud Lucia-
 num, Hesychium et Macrobiū; ὑποτροπαῖος
 apud Philostratum dict, c. 7. ibique Olea-
 rius in notis. Porphyrius apud Euseb. III.
 Præp. καθ' ὃ ἡ ἀλεξικακὸς ἐστὶ τῶν Πηγαίων ὁ ἥλιος,
 Ἡρακλῆα αὐτὸν περιέπων, *eo quod mala ab infe-*
rioribus hisce Sol procul expellat, Hercu-
lem ipsum dixerunt. Hinc quoque Hadria-
 nus Augustus, in nummis HERCULES
 SERVATOR, sive AVERRVNCVS di-
 ctus est, quod provincias circumiens Pro-
 curatores et Præsides, quovis monstro sæ-
 pe deteriores, severissimis suppliciis affe-
 cit, *nec quisquam fere principum tantum*
terrarum tam celeriter peragravit, ait
 Spartianus in Hadriano cap. 13. ubi plura
 Casaubonus notavit, Spanhemio suffragan-
 te Diss. XII. de Præst. p. 492. Alibi titulis

Marti propriis ornatur, quia Martis planeta a multis Herculis stella dicebatur, ut Plinius, Apulejus & alii docuere. Inde HERCVLI. POLLENTI. POTENTI dedicatur inscriptio apud Gruter. pag. 50. 3. & pag. 315. 7. locus sepulturæ cultorum HERCVLIS. DEFENSORIS. POLLENTIS. INVICTI memoratur. Severus *HERCVLIS DEFENSORIS* elogio honoratus est, in antiquo numismate, apud Tristanum t. III. p. 71. sicut vero Herculi deo, cognomine eodem, gratum se præstat redux viator, apud Gruter. pag. 45. 12.

HERCVLI. DEFENSORI
PRO. REDITV. ET. ITV
D. CLODI. SEPTIMI

Sæpius Hercules *Comes & Custos* dicitur. Ineditam adfert Celeb. Grævius, in præfat. ad tom. X. Thes. Antiq. Rom.

HERCVLI. COMITI
CONSERV. SACR

L. AELIVS. L. F. ESQ. PENIO
MIL. COH. VI. VIG. EX. V. S.

Similes complures dedit Gudius pag. 32. & 33. ubi n. 4. L. Curius Asper. PRÆFECT. PEREGRIN. HERCVLI CUSTODI. COMITI. CONSER. ita COMES OMNIUM DEORUM vocatur in marmore antiquo Synt. Reinesii pag. 112. COMES
ET

ET CONSERVATOR DOMINORUM
NOSTRORUM, apud Grut. p. 45. n. 7.
COMES ET CUSTOS n. 8. & pag. seq.
46. n. 10. Fabianus & Firminus pro salute
Antonini, *Herculi invicto, quod profici-*
scientes expeditionibus sacris voverant, re-
gressi cum commanipulis, libentes votum sol-
verunt. COMES AUGG. appellatur, in
nummo Maximini, quia Imperatores ejus
signa in expeditionibus secum ferebant.
Custos dicitur in fragmento veteris Calen-
darii: HERCULI MAGNO CUSTODI
IN CIRCO FLAMINIO, & apud Ovi-
dium Fast. VI. 209.

*Altera pars Circi custode sub Hercule
tuta est,*

Quod deus Euboico carmine munus habet.

Idem Naso lib. XV. Metam. vf. 248. *Clav-*
vigerum vocat; quemadmodum supra pag.
126. & 131. Mithram, Janum & Dianam
clavem gerentes vidimus:

*Vulnera clavigeri quæ fecerat Herculis
arcus.*

Et Ib. vf. 255.

*Quantaque clavigeri Pæantius Hercules
heres.*

Saxanus cognominatur in Tiburtino lapide
vetere Grut. pag. 49. n. 3.

HERCULI. SAXANO. SACRUM
 SER. SVLPICIVS. TROPHIMVS
 AEDEM. ZOTHECAM. CVLINAM
 PECVNIA. SVA. A. SOLO. RESTITVIT.
 IDEMQVE. DEDICAVIT.

Cui similem inscriptionem adfert Illustris
 Cuperus monum antiq. pag. 228.

HERCVLI. SAX

SANTO. SACRVM

Et tertiam Montfauconius tom. II. suppl.
 Antiq. lib. 3. c. 2. ex ara A. 1721. prope
 Mullipontum effossa:

I. O. M. ET. HER-

CVLI. SAXA

SACRUM

Herculem vulgo *Sanctum*, *Sangum*, vel
Sancum vocari, ex Phædro ac Propertio
 constat, & proprium à lingua Sabina id no-
 minis ei fuisse, scribit Varro lib. IV. de L. L.
 SANCTISSIMUS dicitur apud Reines. cl.
 I. n. 64. 65. & Gudium pag. 33. n. 5.
 SANCTUS pag. seq. n. 6. sicut DIANA
 SANCTA apud Reines. d. cl. I. n. 260. Ro-
 manos utique *Semonis Sancti* appellatione
 Herculem coluisse, notum est, ex inscrip-
 tione, apud Gruterum relata, pag. 96. n. 5
 eidemque sacrificium *propter viam*, seu
 proficiscendi gratia factum esse, tradit Festus.
 Dudum vero erroris accusatus est Justinus,
 quod in Apol. 2. pro Christianis c. 34. adfir-
 ma-

mavit, populum Romanum Simoni Samaritæ, infami mago, temporibus Claudii, statuat ad Tiberim posuisse, cum hac inscriptione SIMONI DEO SANCTO. Idem persuasum fuit Tertulliano, Eusebio & Augustino, ejusque fabulæ defensionem nuper suscepit Styanus Thierlebius, in edit. Justinii pag. 40. sed infelicitè! cum in basi, ad Tiberim reperta, legatur: SEMONI SANCO DEO FIDIO, & hac de re inter Eruditos satis constat. vid. Muret. lib. III. epist. 82. Reines. ad cl. 1. inscr. n. 1. Fabric. Cod. apocr. novi test. tom. 1. pag. 419. & Interpretes ad illud Ovidii Fast. lib. VI. vs. 213.

*Querebam Nonas Sanco Fidione referrem,
Antibi, Semopater: cum mihi Sancus ait:
Cuicumque ex illis dederis; ego munus habeo.*

Nomina trina fero: sic voluere Cures.

Cur vero Hercules *Saxanus* appelletur, de eo in omnia alia abeunt eruditi. Ill. Cuperus à loco quopiam, cui *Saxani* nomen, epitheton illud derivat. Aleander Junior in exposit. Tabulæ Heliacæ, à magna vi lapidum, quibus ille hostes fugasse in fabulis memoratur, repetit: vel à lapidibus, quibus in obsidione Ilii aram Herculi excitavit Telamon. Nicolaus Bergierius de publ. & mil. viis lib. IV. sect. 43. inde causam petit, quod vias muniverit

rit in difficilibus accessu montibus, & saxa aperuerit; vel quod ei acervi lapidum & saxorum congeries per vias dedicarentur. Marcus Zuierius Boxhornius Quæst. Rom. I. quod in faxeto coleretur, ut faxetanus dixit Martialis lib. VII. Sed Stephanus Vinandus Pighius in Hercule Prodicio pag. 394. Saxanum Herculem, ait; esse Tiburis Deum tutelarem, qui HERCULES TIBURT. VICT. in alia inscript. Grut. p. 49. n. 6. dicitur, & ideo Saxanum nuncupatum; quod ejus ædes in edito saxo posita fuerat: diversa enim cognomina vel a factis, vel à locis, in quibus colebatur, fortitus. Apud Iberos Gaditanus, apud Zelandos Magnusanus, vel Macusanus, à *μακκ*, rex, alibi Deufonienfis, à castro Duiz; apud Argentines Krutzmannus, id est, vir magnus et validus, Monæctus apud Ligures, Baulius et Surrentinus apud Campanos, et ita Tiburs, vel Saxanus, apud Tiburtes dictus est; ipsumque Tibur, dei hujus sacris initiatum, vicissim *Herculeum*, et colles Tiburtini *Herculei* nominantur. Thomas vero Reinesius simpliciter intelligit; Herculem è saxo Tiburtino factum, *saxeum*; ut Mars *argenteus* dicitur, et Venus *Gabinia* ex lapide Gabino formata. Utrique sententiæ favet ac pondus addit Cl. Grævius in Proleg. Thes. tom. V. Opti-

Optimum forsan est; ut Herculem, exemplo Tiburtini, Saxanum appellari dicamus, ubicunque in saxis & rupibus positus colebatur: nam & Bonæ deæ *Subsaxanæ* ædícula erat Romæ, sub rupe montis Aventini, & apud Insubres Mediolani, a situ templi, *Hercules in petra* dictus est, in lapide Grut. pag. 49. n. 2. Neque Tiburi tantum ejus templum fuit, sed & passim per vias; uti supra pag. 29. vidimus, ædes ejus extra portas Collinam & Latinam exstructas. Fani modici, sed multitudine adorantium viatorum ferventis, meminit Martialis III. 47.

Et qua pusilli fervet Herculis fanum.

Dionysius lib. I. Rôm. Antiq. cap. 40. aras addit: *In multis etiam aliis Italiae locis templa huic Deo (Herculi) sunt consecrata, & in urbibus, ac in ipsis VIIS ARÆ sunt erectæ, nec facile reperias ullum in Italia locum, ubi deus iste non colatur.* Sic aram insignem Herculi Saxano sacram, in Lotharingia prope vicum Norri repertam, explicavit Auctor eruditus Gallici operis de religione Gall. lib. III. c. 9. Aliam, ob difficilis itineris memoriam, in Alpibus reliquerant Graji; de qua Cornelius Nepos in Alcibiade & Petronius cap. 12.

*Alpibus aëreis, ubi Grajo nomine pulso
Descendunt rupes, & se patiuntur adiri,
Est*

Est locus Herculeis aris sacer.

Idem in littoribus & portubus fuit adoratus; tanquam navigationis deus; cui etiam Tyrii navem sacram habuerunt; teste Arriano lib. II. de Exped. καὶ τὴν ναὺν τὴν τυρίαν, τὴν ἱερὰν δὲ Ἡρακλῆος, ἐνλίνα' ἐν τῷ Θήπλω ἔλαβε; καὶ ταύτῃ τῷ Ἡρακλεῖ ἀνέθηκε, καὶ Θήγγραμμα ἐπ' αὐτῇ ἢ αὐτὸς ποιήσας, ἢ ὅτε δὴ ἄλλος ποιήσαντος οὐκ ἄξιον μνήμης τὸ Θήγγραμμα, διὰ τῆτο καὶ ἐγὼ αὐτὸ ἀναγράψαι ἀπηξίωσα. *Navem etiam Tyriam sacram Herculi, quam navali incurfione ceperat, Herculi dicat, cum inscriptione; quam sive ipse, sive alius quispiam fecerit; quod nihil habeat memoria dignum, commemorandam minime putavi.* Idem Marcum Octavium contra piratas defendit, si audimus Servium ad Æneid. VIII. vs. 363: qui ex Mafurio Sabino apud Macrob. lib. III. Sat. c. 6. refert: *Marcus Octavius Hersennus, in prima adolescentia tibicen, postquam arti suæ diffusus est, mercaturam instituit: bene re gesta decimam Herculi dicavit; postea cum navigans hoc idem ageret, à prædonibus circumventus fortissime pugnavit & victor recessit, quem in somnis Hercules docuit sua opera servatum, cui Octavius, impetrato à Magistratibus loco, ædem cum signo sacravit.* Quid? quod Virgilius VIII. Æneid. vers. 542. Æneam profecturum ignes Herculeos, id est, per Hypallagen,

aras Herculeas, in quibus ignes erant sopiti, fuscitasse canit:

*Et primum Herculeis sopitas ignibus aras
Excitat, besternumque Larem parvosque
Penates*

*Lætus adit, mactant lætæ de more bidentes
Evandrus pariter, pariter Trojana juven-
ventus.*

*Posthinc ad navis graditur sociosve re-
vifit.*

Denique Herculis Macusani figura, prout a Cl. Keislero depicta est, cum furca loco tridentis, cum delphino in dextra, alioque pisce marino ad pedes ejus, satis indicat, ipsum, una cum dea Nehalennia, ab illis, qui se mari committebant, invocatum esse. Proprie vero Hercules non erat nautarum præses, sed terræ firmæ affixus. Fuit is quidem prope portus, navalla, fluminumque præcipitia cultus, sed vulgo ut alveum compesceret, & agros ab inundationibus tueretur. Statius lib. 11. Silv. 2. villam Surrentinam Pollii sui describens:

*Ante domum tumida moderator cærulæ
undæ*

*Excubat, innocui custos laris: hujus amico
Spamant templa sale; felicia rura tuetur
Alcides, gaudet gemino sub numine portas;
Hic servat terras, hic sævis fluctibus obstat.*

N

Inter

Inter aras ergo omnes veneratione præcipua erat, ingens illa & Maxima, quæ in foro boario, post januas Circi maximi conspiciebatur, cujusque, præter Livium & Tacitum, meminere Virgilius lib. VIII. *Æneid.* v. 270.

*Et domus Herculei custos Pinaria sacri,
Hanc aram luco statuit, quæ Maxima semper*

Dicetur nobis, & erit quæ maxima semper.
Ovidius lib. I. *Fastor.* v. 581.

*Constituitque tibi, quæ Maxima dicitur,
Aram,*

Hic ubi pars Urbis de bove nomen habet.

Alii eam non ipsi Herculi a semet, ut cum Nasone Propertius ait, sed Jovi inventori ab Hercule dicatam, alii Evandrum Herculi dicasse volunt. Dionysius dicto cap. 40. Ὁ δὲ βοῶνς, ἐφ' ᾧ τὰς δεκάτας ἐπίθουεν Ἡρακλῆς, καλεῖται μὲν ὑπὸ Ῥωμαίων Μίγιστος, ἔστι δὲ βοαρίας λεγομένης ἀγορῆς πλησίον, ἀγισθόμηνος εἰ καὶ ἡς ἀπὸ ὑπὸ τῆς Ἑλληνικῆς. Ὅσοι τε γὰρ ἐκ αὐτῆς ἢ συνθήκαι τοῖς βελομήοις βεβαίως τι διαπράττειν, ἢ δεκαθῶνας χρημάτων γίνονται συχνὰ κατ' ὅχλῳ. *Ara vero, supra quam Hercules decimas obtulit, a Romanis Maxima vocatur, estque prope forum, quod Boarium appellatur, quam regionis illius incolæ, si quam aliam, venerantur. Qui enim aliquid firmi ac validi transigere volunt, ad hanc aram & jusju-*
ran-

randum & pactum faciunt, hic etiam suarum facultatum decimas ex voto saepe offerunt.

Enimvero auspicatissimum & fortunatissimum ducebant viatores, mercatores & alii, *decimam* partem bonorum, lucri aut fructuum Herculi vovere, ut ejus favore fierent auctiores. Diodorus Siculus lib. V. cap. 2. Pulcherrima est lamina ærea, in Latio reperta, apud Vignolium inscript. select. pag. 337.

CN. FLACCUS. Q. FVL. F. DE
CUMAM. PARTEM. HERCU-
LI. ET. PRO. REDITV. FELI-
CISSIMO. EX. AFRICA. VI-
BI. FRATRIS. ET. PRO. SAL-
PETINAE. MATRIS. SIGNA.
AVREA. FORTVNAE. PRAEN-
ET. FERONIAE. SANCTIS-
SIMAE. D. D. T. VINIO. COS.

Hæc vero consuetudo *decumam*, id est *decimam* bonorum suorum partem donandi, non inde nata est, quod Hercules moriturus dixerit, eos opulentos fore, qui sibi *decimam* bonorum suorum partem consecrassent; neve quod is boum, quos Geryoni abstulerat, in Palatino *decimam* partem immolarit; vel quod Romanos ab He-

truscis decimari solitos liberaverit, ut Plutarchus Problem. . c. 17. existimavit: potius enim mos ad Græcos & Romanos a Judæis manavit, qui ex Mosis instituto, in usum Levitarum, decimas colligebant: quinimo antiquissimum Abrahami exemplum initium potuit fecisse consuetudini decimæ partis spoliolorum consecrandæ, nisi malis ipsum morem inter Chananæos receptum observasse. Diodorus enim Siculus lib. XX. c. 14. Tyrriorum inventum facit, quorum coloni Carthaginienses quotannis decimam omnium proventuum Tyrum mittere solebant, quod etiam Polybius Excerpt. leg. 114. & Justinus lib. 18 c. 7. scripsere. Inde ergo ad alios usus forsan perlatum est: Apollini enim in insulam Delum quotannis decimas missas, auctor est Callimachus hymn. in Delum v. 278. eidem Dictator Camillus, ex præda Veienti, eas vovit, apud Livium V. cap. 21. & Crotonienses apud Justinum lib. XX. cap. 3. Ex Arabum lege, omnes thuris mercatores thus suum ad metropolin Sabothan ferre cogebantur, ejusque decimam deo ejus Sabi prius offerre, quam illud venderent, auctore Plinio lib. XII. H. N. c. 14. De fano Dianæ in Scilunte & consecratis ei fructuum agri decimis, agit Xenophon *Luc.* l. V. pag. 350. Minervæ decimas Athenis
con-

consecratas tradit Demosth. adv. Timocrat. p. 447. Similia id genus exempla Seldenus in diss. de decimis, plena manu collegit, quocum omnino Spencerus de LL. Mosrit. l. 3. c. 10. jungendus est, qui etiam in rationes Pythagoricas numeri denarii inquisivit.

Sed nostræ Herculis decimæ licet neuti-
quam ex Jure Civili aut Pontificio solve-
rentur, magis tamen erant vulgares & quo-
tidianæ. Plautus eas Trinummo Actus II.
Sc. 7. vs. 11. *Herculaneam partem vocat.*
& in Mostell. IV. Sc. 2. vs. 68. *Herculis*
questum pro magno ponit, eumque ex in-
numerabilibus decimis conflatum à Tranio-
ne, servo facerrimo, & maxime prodigo,
ait, conteri posse. L. Mummius cum Co-
rinthum cepisset SANCTO SEMIPATRI DE
DECUMA DONVM DEDIT MORIBVS ANTI-
QVEIS, teste inscriptione Gruter. pag. 69.
Decimationis illius, tum ex spoliis, tum ex
lucris mercaturæ consecratio, Romæ apud
Maximam aram, quam supra vidimus, ri-
tu solenni & cum hilari convivio fieri so-
lebat, ita ut convivæ laurea, in honorem
Dei, redimiti cubitum mitterentur. Huc
pertinet, quod Varro ait, apud Nonium, in
caudum: Majores solitos decumam Herculi
vovere, nec decem dies intermittere, quin
pollucerent, populumque ἀσόμελον cum coro-

na laurea demitterent. Cicero lib. 1. de offic. cap. 17. *Orestis nuper prandia in SEMITIS, decumæ nomine, magno honori fuerunt.* & Octavius Herennius, auctore Macrobio lib. III. sat. cap. 6. *Instituit mercaturam, & bene re gesta decimam Herculi profanavit.* Atque ad hæc, pro arbitrio, ob rem bene gerendam, votas, non ad nostri ævi decimas, ut Accursius volebat, referenda est l. 2. §. 2. D. de pollicitat. *Si decimam quis bonorum vovit, decima non prius in bonis esse definit, quam fuerit separata. Etsi forte qui decimam vovit decesserit, ante sepositionem* Quæ posteriora verba Jacobus Gutherius lib. IV. de vet. jure Pont. cap. 23. ex Nævio interpretatur: Si prius mortuus fuerit, quam tibia publicando epulo Herculi decumasset; Ita enim ille in Colace, apud Priscianum lib. IX. *Qui decumas partes quantum alieni fuit polluxit, tibia publicando epulo Herculis decumas.* Varro lib. V. de L. L. *Profanum quod in sacrario pollutum, atque inde Herculi decuma data ab eo est, quod sacrificio quodam sanatur.* Plautus in Bacchid. act. IV. Sc. 4. vs. 15.

Si frugi est Herculem fecit ex patre: decumam partem ei

Dedit, sibi novem abstulit.

Præ-

Præterea ad aras ejus, ubivis positas, sacrificia & cœnæ à peregrinantibus offerebantur. Festus: *Propter viam fit sacrificium, quod est proficiscendi gratia, Herculi aut Sanco, qui scilicet idem est Deus.* Tunc: *Profecturi viam Herculi aut Sanco sacrificabant;* ubi propter viam est prope, juxta, secundum viam, ut Varro apud Nonium: *propter Fortune aram eâ hostia caesa erat.* Lucret. lib. IV. vs. 1018. *aut fontem propter amœnum adsidet.* Laberius Paupertate, apud Nonium: *Visus hac nocte bidente propter viam facere.* Græcis subinde hoc dicitur τὰ ἱερνεία δέναι; eoque referenda est *culina*, quam supra ex Tiburtina inscriptione vidimus ædi Herculis junctam, ut in eâ sacrificia pararentur: nam quod Sponius Voyage de la Grece tom. III. pag. 47. ex Festo eam ad locum, in quo dapes funerum parabantur, retulit, non placebit omnibus. Vide Turre de diis Aquilej. pag. 308. Quicquid autem ex pollucta dape supererat, non pauperibus relinquebatur diripiendum, ut in Triviæ sacris, sed flammis absumebatur. Hæc enim lex erat sacrificii ad agendas gratias, etiam apud Hebræos, Levit. VII. vs. 15. & scite Grotius ad Exodi XII. vs. 10. observat, Pascha quoque naturam ἀχαιεύς habuisse, ex quo non remanebat quicquam usque mane, verum

rum si quid residuum esset, igne comburebatur. Philo Pascha *διακατήριον*, id est prosectivum appellavit, sive *propter viam*, ut Latini loquuntur. Macrobius locus Sat. II. cap. 10. eam in rem illustris est, & à multis observatus, hic tamen minime omittendus: *Sacrificium*, inquit, *apud veteres fuit, quod vocatur propter viam*. In eo mos erat, ut, si quid ex epulis superfuisset, igne consumeretur. Hinc Catois jocus est. Nam Q. Albidium quendam, qui sua bona comedisset, & novissime domum, quæ & reliqua erat, incendio perdidisset, propter viam fecisse dicebat; quod comesse non potuerit, id combussisse. Vulgo hic *proterviam* legitur, quam lectionem secutus est Erasmus, in adagio *Proterviam fecit*, recte jam olim a Paulo Leopardo eapropter notatus lib. XV. Emend. cap. 19. Etiam Turnebus lib. IX. Advers. cap. 4. monuit, unius Festi auctoritatem satis causæ habere, cur lectionem illam esse mutandam putemus: sed in medium præterea venire jubet Scæparnionis jocum in eos, qui naufragium omnium bonorum fecerant, apud Plautum Rudente I. sc. 2. v. 61.

S. Propter viam illi sunt vocati ad prandium.

D. Qui. S. quia post cenam credo laverunt.
Denique præter aras & templa, statuæ
in

in honorem Herculis collocabantur, quarum trunci quadratis Mercurii Hermis erant per-
 similes. Pausanias in Corinthiacis, in Gymna-
 sio Sicyoniorum videbatur, ait, Ἡρακλῆς τὰ κάτω
 τοῖς ἑρμαῖς τοῖς τετραγώνοις ἐκκευμήθη. *Hercules in-*
feriore trunci parte quadratis Mercurii fi-
gnis persimilis. Cicero eas *Hermeracclas* vo-
 cat ad Attic. I. ep. 18. *Signa nostra & Her-*
meracclas, cum commodissime poteris, velim
imponas. Hujusmodi Herculem, quadrati
 Hermæ figura factum, Romæ in ædibus Ja-
 cobi Benzonii delineavit, & operis sui fron-
 tispicio expressit Pighius, cui subscriptum
 epigramma Græcū, quod is ita latine
 reddit:

Solibus exiguis puerum me noscite. Felix
Herculeum signum collocat, & Prodicti.

Recte *Prodicti.* Nam Hercules Prodictius
 à Prodicto Sophista fingitur in bivio dubius,
 quam vivendi viam ingredi melius esset, &
 quia virtute ducē optimam elegit, hinc
 postea quasi Deus vialis in biviis celebratus.
 Ad illum certe alludit Persius sat. V. vs. 34.

Cumque iter ambiguum est, & vita nescius
error

Diducit trepidas ramosa in compita mentes
Me tibi suppositus.

Conjunctio autem Mercurii cum Hercule
 in una statua, quam Pausanias refert, idem

designat munus. Ita ille Antholog. lib. I. cap. 38. n. 4. viatores affatur :

Ἦ τὰν δ' εὐχόμενος ἀτάρπιον οἷ τε ποτ' ἀγρῶς
 Δαμόθεν, οἷ τ' αἰκ' ἀγρῶν νῆθε ποτ' Ἀκρόπολιν.
 Ἄρμεες ὄραν φύλακες, δισσοὶ θεοὶ, ὧν ὁ μὲν Ἑρμῆς
 Οἶον ὁρῆς μ' ; ἔτ' δ' ἄτερ' Ἑρακλῆος.

*Qui hanc properatis viam, sive ad agros
 Ex oppido, sive ab agris tenditis ad urbem,*

*Nos terminorum custodes, duo dii, quorum
 hic quidem Mercurius,*

Ut vides me, hic autem Hercules. &c.
 Iidem quoque juncti conspiciuntur in lapide, ante veteris portæ Capenæ situm; ad ipsam viam Appiam effosso, cum inscriptione: III VIVM EX VOTO RESTITUIT apud Fabrettum de col. Traj. c. 6. pag. 174. Rursus civitas Corcyra Marcum Patronum et benefactorem, sorte iter reipublicæ nomine suscepturum, ΕΡΜΑΙ ΗΡΑΚΛΕΙ *Mercurio & Herculi* commendat, apud Spon. Miscell. erud. Antiq. Sect. I. pag. 14. Idem porro Hercules pariter ac Mercurius à studiosis rei faciendæ fuit cultus, & quæ in terræ visceribus invenirentur, eorum gratia illi habita, auctore Horatio lib. II. sat. 6. ubi stultus ita vovet: vs. 10.

*O si urnam argenti fors qua mihi monstret!
 ut illi,*

*Thesauro invento qui mercenarius agrum
 illum*

*Illum ipsum mercatus aravit, dives amico
Hercule.*

Sicut enim Mercurius apertis lucris & negotiationi præest, ita Hercules opertis lucris, sive thesauris, si veteribus Scholiastis ad hunc locum credimus; Arnobius vero lib. IV. adv. gent. utrumque lucra promovere monuit, & Philostratus, in Sophistis, *θησαύριον* appellavit thesaurum, in ædificio reperi-
tum. Plerique etiam utrumque justo cultu, ut *κερδῶν* & *πλοδογῶν* venerabantur, Herculem quidem hac insuper ratione, quia divitiæ non sine virtutibus acquiruntur, quodque Hercules labore proprio adeptus est omnia. Alludit Pers. sat. 2. vs. 10. in voto avari: *O! si sub raistro crepet argenti mihi seria, dextro Hercule!* Ex quo loco, uti & ex illo Horatii discimus, quis ille fuerit deus, cujus liberalitati thesauri, tanquam *Dei beneficia*, tribuuntur in l. 63. §. 1. D. de A. R. D. l. 3. C. Tb. l. un. C. de thesaur. *θησαύριον* eos Leo vocavit Nov. 61. Alibi Juppiter quoque thesaurorum inventor laudatur, ut in inscriptione de thesauris Decebali, in medio flumine Sargelia absconditis, & a Trajano, indicio proditoris repertis, quæ a Johanne Trö-
stero laudatur lib. I. Daciæ c. 13. sed cu-
jus fidem non levi ratione suspectam habet
Marqu.

Marqu. Gudius in corp. inscript. pag. 2.
n. 7. Verba ejus hæc sunt:

IOVI. INVENTORI. DITI. PATRI

TERRAE. MATRI.

DETECTIS. DACIAE. THESAURIS.

CAESAR. NERVA. TRAJANVS.

AVG. SAC. POS.

CAPUT XI.

DE LARIBUS VIALIBUS ET GENIIS VIARUM.

*Lares viatorum dii, quia Mercurio geniti.
Varia Larum genera, Cœlestes, Dome-
stici, Militares, Rurales & Publici,
quorum imagines argenteæ. l. 6. & 19.
D. de auro & arg. leg. elucidatur. La-
res viales proprie sunt animæ defuncto-
rum, qui vivi vias curassent. Horum
sepulchra ad vias. Alias dicuntur Manes,
Heroës & Genii. Tres horum classes.
Genius loci, Genius viarum est angelus
vialis Gen. 24. vers. 7. Mal. 3. vs. 1.
Psalm. 91. vs. 11. & liber Tobie illustra-
tur. Larum vultus & sigillaria deo-
rum vialium gestabant peregrinantes:
nummus Augusti & Horatius exponuntur.*

Au-

Augustus Divus, dum vivus. Mos viatorum ~~valentes~~ *capsulas & parva templa secum ferendi, ad Amos V. vs. 26. & Act. XIX. vs. 24. Publici lares fingeantur habitu peregrinantium, cum cane adstante. Cœna & sacrificia eorum cibus prope vias. Culinae in sepulchris. Compitalia illorum festa, non stata, sed conceptiva. quanta cum religione illa celebrata. l. 12. C. Tb. de pagan. multa luce donatur.*

Jure quidem suo & merito nunc Lares nobis memorandi sunt, viarum & compitorum dii incerti, plebeji & inferioris ordinis, semideis certe minores, quos Charinus itineri accinctus compellat apud Plautum Mercat. V. sc. 2. vs. 23. *Invoco vos, LARES VIALES, ut me bene juvetis.* & Milite. glor. IV. sc. 8. Palæstrio, rebus omnibus ad iter compositis, ad Larem:

Etiam nunc saluto te, familiaris, priusquam eo.

Conservi conservaëque omnes bene valete & vivite.

Demipho apud Terentium Phormione Actus II. sc. 1. vs. 81. primâ post reditum prece, quasi de via, ut explicat Donatus, Lares & Penates it adoratum:

At

At ego deos penates hinc salutatum domum

Devortar: inde ibo in forum

Claudianus lib. I. de laud. Stilic. vf. 118.

Vixque salutatis laribus, vix conjuge visa.

Inscriptio apud Gruterum pag. 78. 1.

FORTUNAE
REDUCI, LARI
VIALI. ROMAE
AETERNAE.

Recte Turnebus lib. VII. Advers. cap. 15. suspicatus est, Lares viales esse, qui viis praesunt, quosque invocant, qui peregre profisciscuntur; at causam muneris addit nullam. Vulgi iudicium adfert Arnobius lib III. advers. gentes: *Lares*, inquit, *arbitratur vulgus vicorum atque itinerum deos esse, ex eo, quod Graeci vices cognominant lauras*. Sed voces populi vanæ non sunt audiendæ. Veram rationem ex Theologia Romana nobis indicat Ovidius lib. II. Fast. vf. 615. quod Lares ex furtivo concubitu Mercurii, Viarum praestitis, cum Lara Nympha sunt procreati. Hanc enim, dum ad inferos ob garrulitatem deferre iussus, reluctantem violat,

*Fitque gravis, geminosque parit, qui com-
pita servant,*

Et vigilant nostra semper in Urbe Lares.

Lar

Lar autem Hertrufca vox est, & principem, præstitem ac *πρωτεύων* significat, ut docuit vir summus Josephus Scaliger, in castigat. ad Propert. lib. IV. Glossæ Philoxoni: *Lares*, *θεοὶ κατοικίδιοι*. *Lares familiares*, *ἡρώες κατοικίδιοι*. Ovidius lib. V Fast. vers. 129

Præstitibus Majæ Laribus videre Kalendaræ

*Aram constitui, parvaque signa Deum.
Causa tamen positi fuerat cognominis illis,
Quod præstant oculis omnia tuta suis.*

Stant quoque pro nobis, & præsent mœnibus nostris

Et sunt præsentēs, auxiliūque ferunt.

Hinc variarum rerum Antistites Dei Lares dicebantur, quorum numerus et nomina sunt ignota: alios enim privatim, post fores, alios in atrio, aut vestibulo, alios in cubiculo, ad focum, vel in domo intima, & alios denique publice in templis colebant, Hieronymus in Esaiam: *Nullus erat locus, qui non Idololatriæ sordibus inquinatus fuerit, in tantum, ut post fores domorum Idola ponerent, quos domesticos appellant Lares, & tam publice, quam privatim animarum suarum sanguinem iis funderent.* Et primum quidem (ut lares permarinos, à Livio memoratos præteram, de quibus cap. 13. infra agam.) erant Lares Cœlestes, quos

quos versari credebant in eo spatio, quod Lunam & terram interjacet. *Inter Lunæ gyrum & nimborum ac ventorum cacumina aërias esse animas, sed eas animo, non oculis videri, & vocari Heroas, & Lares, & Genios*, ex Varrone scribit Augustinus lib. VII. de Civ. Dei c. 6 Tertullianus de spectac. c. 5. ex antiqua inscriptione, Romæ in Circo defossa: LARES. COILLO. POTENTES vocat, lapis vero Gruteri 6. pag. 1004. habet COMITIO POTENTES: inepte Salmas. Exerc. Plin. pag. 641. *colio potentes* legendum esse putavit. vid. Illustr. Spanhem. in Diatriba de Vesta cap. XV. Erant et lares *Familiares*, domestici, quæ foci, tecti & familiæ cura, de quibus in saxo Tiburtino, apud Gudium pag. 62. n. 10. DIIS DEABUS LARIB. FAMILIAR. Tertullianus Apol. c. 13. *domesticos deos*, Propertius l. IV. i. 133. *matris deos*, Tibullus lib. i. Eleg. XI. vs. 15. *Lares patrios*, Suetonius *Lares cubiculi* vocat, additque eorum custodiæ apponi solitum puerum, in Domit. c. 17. Erant lares *militares*, præfides eorum, qui castra sequebantur. Martianus Capella lib. i. de Philol. & Merc. nupt. *In secunda itidem*, inquit, *cæli religione mansitabant, præter domum Jovis, quæ ibi quoque sublimis est; ut est in omnibus prædiatus, Quirinus Mars,*
lares

lares militareis, Juno ibi quoque domicilium possidebat. Eosdemque esse puto, quorum meminit Livius, in devotione Decii, lib. VIII. c. 9. JANE, Juppiter, Mars pater, Quirine, Bellona, Lares, Divi Novensiles, Dii indigetes, Divi, quorum est potestas nostrorum, hostiumque Diique Manes, vos, precor, veneror &c. Erant præterea Lares Grundules, à grunniendo, & Rurales, agrorum præfecti, in lapide luculento Gruteri memorati pag. 251. vicus larum ruralium. Hi inter Deos CAMPESTRES referendi, quorum meminit lapis apud Fabrett. de aquæd. pag. 106. Virg. lib. III. Georg. v. 343. de pastore armentorum :

- - - Omnia secum

*Armentarius Afer agit, testumque, Lar-
remque,*

Tibullus lib. I. Eleg. I. v. 23.

*Vos quoque felicitis quondam nunc pauperis
agri*

Custodes, fertis munera vestra, Lares.

Calpurnius Ecl. II. v. 64.

*Nos quoque pomiferi Laribus consuevimus
horti*

*Mittere primitias, & fingere liba Pri-
apo.*

Denique erant quoque Lares Urbis Romæ, Senatus auctoritate consecrati: Patrii penates familiaresque, qui huic Urbi & Rei-

Reipublicæ præsidetis, Cicero in fit pro domo c. 57. & *Hostilii*, urbium custodes, à quibus hostes arcebant. Atque hi sunt *Publici* illi, de quibus pulchra inscriptio existat apud Gruterum pag. 106. n. 4. LARIBUS. PUBLICIS. SACRUM. & alia apud Spon. Misc. erud. antiq. pag. 114.

GENIO. DOMNOR. CERERI

T. POBLICIUS. CRESCENS. LARIBUS
PVBLICIS. DEDIT. IMAGINES. ARGEN-
TEAS. DUAS

Imagines enim eorum erant ex argento. Petronius cap. 29. *Præterea grande armarium in angulo vidi, in cujus ædícula erant Lares argentei positi.* Ubi clarissimus Burmannus in notis erudite monuit, ad lares hosce pertinere quod Marcellus scribit in l. 6. in f. D. de auro & arg. leg. *Heredem meum volo fideique ejus committo, ut in patriam meam faciat porticum publicam, in qua poni volo imagines argenteas.* & in l. 19. eod. *Sed nec candelabra, nec lucernæ argenteæ, vel sigilla, quæ in domo reposita sunt, vel imagines argenteæ argenti appellatione continentur.* Hinc in veteri lapide LARIBUS PUT. CIV. apud Grut. pag. 10. & apud eundem pag. 174. n. 7. quidam municipibus Rheginis legat inter alia LARES. ARGENTEOS. SEPTEM. Horum quo-

quoque fuit *facellum Larium* Romæ, de quo Tacitus XII Annali 24. & AEDES. LARUM IN. SUMMA SÆCRA. VIA., cujus in fragmento Ancyrano meminit Augustus.

Ad hos etiam publicos referendos puto, *Lares illos viales*, quibus publicum sacrum fiebat, à Servii Tullii temporibus, ut statim dicemus. Primitus quidem omnis Larium cultus privatus fuit & domesticus. Unusquisque enim in sua familia, animas majorum, qui prioris vitæ adjuti fuerant honestate, in Lares convertit, easque, tamquam auxilium laturas, est veneratus. Servius ad VI. Æn. v. 152. *Apud majores omnes in suis domibus sepeliebantur; unde ortum est, ut Lares colerentur in domibus.* Post vero animæ Heroum, virorum illustrium & Imperatorum, qui regia, vel Optimatum, vel populi auctoritate in Deos relati essent, inter Lares cultæ. Festus in *laneæ*: *Lares animæ putabantur esse hominum reductæ in numerum Deorum.* Divus Augustinus lib. IX. de Civ. Dei cap. II. ex Plotino, insigni Platonico tradit: *ex hominibus fieri Lares, si meriti boni sunt.* Apulejus de Deo Socratis scribit, animam defuncti larem dici, *si quieto ac pacato numine domum possidet.* Eos vero qui male vixissent, aut violenta morte periissent, in malos dæ-

monas converti, quibus loco carnificum Dii utantur, in puniendis flagitiosis & impiis hominibus, secundum Plutarch. Quæst. Rom. 51. communis opinio erat, quam etiam in Christianis Antiochenis Chrysostomus reprehendit, homilia 11. in Lazar. Servius ad III. Æneid. vers. 168. *Labeo, in libris, qui appellantur, De Diis Animalibus (quibus origo animalis est) in quibus ait: Esse quædam sacra, quibus animæ humanæ vertantur in Deos, qui appellantur animales: quod de animis fiant. Hi autem sunt dii Penates & VIALES.* Ecce lares Viales animas, ait, humanas esse, nempe eorum, qui, dum in vivis essent, viarum fuerant curatores. Jam autem Viocurorum quantum apud Romanos fuit numerus! quo enim quisque pietate in patriam magis valuit, eo majorem in viis muniendis & sternendis operam impendit. Prætereo Appios, Gracchos & Cottas, ipse Julius Cæsar viæ Appiæ curator fuit; Augustus viarum, quæ circa Romam, curator constitutus milliarium aureum fecit; Claudius vias, inter montes excisas, maximis impendiis fecit, Trajanus κατ' ἀρχὴν dicitur curator viarum, apud Gruterum pag. 199. n. 1. & quotquot ad Constantinum usque fuerunt Imperatores, vias vel novas fecerunt, vel veteres collapsas instaurarunt; ut parte II. hujus opuscu-

opusculi, pluribus congestis veterum testimoniis, ostendam.

Horum igitur animas cœlo locatas, tanquam deos tutelares, colebant, qui peregre proficiscebantur. Hesiodus *ἔργ.* 123. alique Græci *δαίμονας* appellant homines, aureæ ætatis ævo functos. Glossæ veteres interpretantur *ἡρώας κατοικιδίους*; Censorinus de die nat. cap. 3. scribit: *Eundem esse Genium & Larem, multi veteres memoriæ prodiderunt.* Id vero an recte fecerint, dubitari posset, nisi diversas vocis Genii significaciones distinguamus: nam genii viventium sunt. GENIO ET LARIBUS est in lapide Reinesii cl. 1. n. 158. & alibi in descriptione Urbis in Quirinali Reg. VI. ædicula GENII LARUM memoratur. Optime vero Apulejus de Deo Socratis ostendit, Genium aliquando accipi pro animo humano, exuto corpore suo, & libero stipendiis vitæ, quem plerique immortalem esse, alii ad extremam mundi conflagrationem durare existimabant. Hunc veteres Lemurem, vel Deos Manes honoris gratia vocabant, eumque posterorum suorum curam agere, & nunc pacato quietoque numine domum possidere, nunc sepulchra inhabitare & lucos juxta vias, ibique viatoribus prodelle sibi persuadebant. *In lucis habitant manes piorum, qui Lares viales sunt,* ait Serv. ad

III. *Æneid.* vi. 302. Maxime autem animas melioris meriti, & Divis adscriptas, θεῶν vel θεῶν, vel ἡρώων; vocabant, uti Xiphilinus de Augusto et Hadriano id testatur: At Plinius lib. VII. cap. 55. irridet *vanitatis humanæ conamina, sensus inferis dandi, & Manes colendi, deumque faciendi, qui jam etiam homo esse desierit.* Alius hujus nominis significatus est, ut Genii sint mediæ quædam potestates inter summum æthera & infimas terras, in isto intersiti aëris spatio, per quas desideria nostra & merita ad Deos commeent, qui ultro citroque portent hinc petitiones, inde suppetias, ceu quidam utrinque interpretes & salutigeri: talem cuique a Jove attributum esse præsidem duceinque futurum, ait Marcus Antoninus lib. V. §. 27. Hominum custodes eos vocat Hesiodus, *præstites* Minucius Felix, quod præsent hominum actionibus; Plinius vero rursus innumeros deos reprehendens lib. II. c. 7. ait: *Major cœlitum populus, quam hominum intelligi potest, cum singuli quoque ex semetipsis totidem deos faciant, Junones Geniosque adoptando sibi.* Tertius denique intellectus est, ut Genium accipiamus pro Deo, qui vim obtineret rerum omnium gerendarum, quique cuivis Numini, populo, loco, urbi, & viæ, tanquam gubernator, præses & custos tutela-

tellaris adscriptus est. Hinc GENIO VIARUM Lutatius in via Appia posuit apud Reines cl. 1. n. 299. & L. Lucretius Faustianus, in lapide Vorburgi in Hollandia effosso, copulat Larem vialem cum genio loci apud Spon. Miscell. pag. 113. & Matth. Sylloge. epist. 66. FELICITATI. LARI VIALI ET GENIO LOCI. Multa de geniis dixi in Dissert. *De perjurio per genium Principis cap. 2.* & alia plura monuerunt eruditione præstantes viri, sed unus nobis sufficiet Prudentius, qui lib. II. contra Symmach. vs. 444. omne hac in re Romanorum studium complexus est:

- - - *Cur Genium Romæ mihi fingitis unum?*

Cum portis, domibus, thermis, stabulis soleatis

Adsignare suos Genios, perque omnia membra

*Urbis, perque locos Geniorum millia multa
Fingere, ne propria vacet angulus ullus ab umbra.*

Ut vero triplex ille Genii significatus, in hac Deorum vialium materia, clarior evadat, sciendum est, veteres cum Hebræis scivisse, omnia Angelorum ministerio geri, atque hos comitari iter facientes. Abrahamus servo suo, uxorem Isaaco petitureo Genes. 24. vs. 7. inquit: *Jehova, cælorum Deus,*

mittet Angelum suum ante te. Psaltes c. 91. vs. 11. Angelis suis præcipiet de te, ut conservent te in omnibus viis tuis. Malachias 3. vs. 1. Ecce ego missurus sum Angelum meum, qui expediat viam ante me.. Angelus Dei quoque antecessit castra Israëlitarum Exod. XIV. vs. 19. & XXIII. vs. 20. Mitto angelum ante te, ut te custodiat in via, & ducat in locum illum, quem præparavi. Plurima etiam de Raphaele, angelo viali, fabulis ex Persarum superstitione adpersis, reperiuntur in libro Tobiae, cujus votum erat c. 5. vs. 24. Qui in cælo habitat Deus, prosperet iter vestrum, & Angelus Dei proficiscatur vobiscum. Ex his desumptum & depravatum est, quicquid gentiles de geniis viarum, & diis deabusque præsidibus provinciarum somniarunt; nam & animas, corpore solutas, in cælum se conferre, & interpretes inter deos & homines agere, Geniosque toti mundo & cuivis loco præfidentes, hominum votis adesse, prout quique egerent in vita, tradiderunt, uti ex Platone, Maximo Tyrio, Jamblichio aliisque vulgatum est. Diogenes Laert. lib. VII. segm 151. de Stoicis: Quosdam item esse daemones dicunt, qui hominum affectibus tangantur, inspectores humanarum rerum. Heroas quoque relictas proborum animas. Virg. lib. VII. Æneid. vs. 135.

--- fron-

- - - *frondenti tempora ramo*
Implicat & Geniumque loci , primamque
deorum
Tellurem , Nymphasque & adhuc ignota
precatur
Flumina.

Horat. lib. II. ep. 2. vf. 187.

Scit Genius , natale comes , qui temperat
astrum ,

Natura Deus humana.

Calpurn. Ecl. V. vf. 25.

- - - *tum cespite vivo*
Pone focum , Geniumque loci , Faunum-
que Laremque
Salso farre voca.

Petronius genium loci absolute *tutelam* vocat c. 57. *Ita tutelam bujus loci habeam propitiam.* Inscriptio Grut. pag. 105. n. 2. DEO TUTEL. GENIO LOCI. In alia Fratrum Arval. apud Turre pag. 389. SIVE DEO SIVE DEAE IN CUJUS TUTELA HIC LUCUS LOCUSVE EST. Sed quod Raphaël apud Tobiam ait, c. 12. vf. 15. unum se esse ex septem angelis illis, qui referunt preces sanctorum & egrediuntur coram gloria sancti, ex eo, ut & ex septem spiritibus, qui in conspectu throni Agni missi dicuntur in omnem terram, apud Johann. Apoc. I. vf. 4. & V. vf. 6. scriptores Ecclesiastici quidam sep-

tem finxerunt supremos & generalissimos totius universi administratores, τὰς τῶν μεγίστων δυνάμεων ἐχούσας, ut Clemens Alexandrinus ait, lib. VI. Strom. Eusebius lib. IV. Præparat. Evang. c. 7. verba Mosis Deut. 32. vs. 8. ad hosce Genios transtulit; Origenes Principes Tyri, Persarum & Græcorum, apud Ezechielem & Danielelem memoratos, gentium dæmonas interpretatur, homil. 35. in Lucam, eosque *communes mundi aurigas*, Homil. 14. super Num. appellavit Vid. Reines. ad cl. 1. Inscr. n. 4. Antiqui vero Astronomicæ disciplinæ magistri Genios soli tribuebant, uti ex Macrobi. lib. 1. sat. c. 19. & Firmico lib. IV. c. 11. ostendit Petrus Daniel Huetius ad Origenis pag. 212. Atque hæc de Geniis viarum sufficiant.

Nunc alia non minus amœna observatio sequatur, eos, qui iter fusciperent, Larum, deorumque vialium & viocurorum vultus, in nummis signatos, νομίσματα χαλκὰ ut vocat Chrysostomus, aut sigillaria, id est, parva minutaque simulacra, salutis causa secum tulisse, quod crederent ab iis se juvari. Monuit hoc doctissimus Chislettius in Anastasi c. 4. ubi nummum exhibet, a duobus amicis divisum, cujus partem dextram, Augusti capite signatam, servabat, qui Romæ manebat, sperans Augustalis vul-

vultus, ut publici Laris cultu, amicum
 abeuntem in itinere suo felicem fore. Si-
 nistram cum Agrippæ effigie secum ferebat
 proficiscens, se fortunatum putans, si hunc
 in pera haberet viarum curatorem. Sic
 Plutarchus de Sylla scribit, eum imaginem
 Apollinis secum tulisse. Alexander M. Her-
 culem & comitem occasus secum portabat &
 ortus, auctore Statio lib. IV. Sylv. carm. 6.
 Virgilius lib. 1. Æneid. vs. 382. pium Æne-
 am raptos ex hoste Penates secum vexisse
 refert, quos Varro *figilla lignea* vocat.
 Seneca epist. 40. ait, amicos peregre eun-
 tibus imagines dedisse. Plinius lib. 35. c. 2.
*Vultus Epicuri per cubicula gestant ac cir-
 cumferunt secum.* Sic numismata amuleti
 inservientia habebant foramen ad trajicien-
 dum funiculum, quo ad collum gestarentur,
 & credebantur *juvari in omni actu suo, qui
 Alexandrum expressum vel auro gestitant vel
 argento*, scribit Trebell. Pollio in trig. ty-
 rann. c. 14. fin. Asclepiades Philosophus idem
 moris habuit, teste Ammian. Marcellino lib.
 xxii. *Deæ cælestis argenteum breve figmen-
 tum quocunque ibat, secum efferre.* De se A-
 pulejus in Apol. *Morem mihi habeo, quoquo
 eam, simulacrum alicujus Dei inter libellos
 conditum gestare, quem mox Mercuriolum
 vocat.* Sic quoque ille nummi divisi por-
 tator in pera viatoria gestabat simulacrum

viocuri. De Augusto Suëtonius cap. 30. *Desumpta sibi Flaminia via Arimino tenus munienda, reliquas triumphalibus viris ex manubiali pecunia sternendas distribuit.* et cap. 47. *Non est, ut opinor, provincia, excepta duntaxat Africa & Sardinia, quam non adierit.* Ad illius quoque publici beneficii memoriam apud posteros propagandam, multi nummi sunt cusi, cum Augusti effigie, & titulo ab una parte; ab altera cum arcu dithyræo, vel bifori, id est duarum portarum, in via super pilas fornicatas posito, in cuius supremo fastigio victoria quadrigam triumphalem agitans conspicitur, causa honoris adscripta his verbis: QVOD. VIAE. MVNITÆ. SINT. Sed nummus ille, de quo loquimur, simul præfert effigiem Agrippæ, viri citra controversiam optimi, Augusto socero, Senatui ac populo gratissimi, qui que stupendis sumtibus vias fecit ac refecit. Laudat eum Strabo lib. IV. quod viis militaribus Galliam munivit. Dio lib. XLIX. *Agrippa ultro factus Ædilis, omnia ædificia publica omnesque vias privatis impendiis refecit.* Mirum in modum explicationem hanc confirmat inscriptio apud Gruterum pag. 106. & Gudium pag. 63. n. 4. LARIBUS. AVGVSTIS. Alia apud Spon. Miscell. pag. 114. LARES. AVGVST: AGRIP-

GRIPPA. Ovidius non modo lib. 11. Fast. v. 634. & seqq. Augustum Laribus adjungit, sed etiam in quovis compito & lario domestico cum duobus Laribus ejus Genium fuisse, tum alibi, tum lib. v. Fast. 145. notat:

Mille Lares, Geniumque ducis, qui tradidit illos,

Urbs habet; & vici numina tria colunt.

Appianus lib. v. Bell. civ. p. 746. scribit, Augustum *oppidatim inter deos tutelares consecratum esse*, cum Pompejum fugasset ex Sicilia & Lepidum in ordinem rede-gisset. Sed Horatius lib. IV. Ode 5. *ad Augustum*, diferte cum Laribus inferi, & ab unoquoque inter Deos viales coli, scribit:

Te multa prece, te prosequitur mero

Defuso pateris: & LARIBUS tuum

Miscet numen; uti Græcia Castoris

Et magni memor Herculis.

Ubi in transcurso observandum est, Poetas esurientes & superstitiosos provinciales Augustum adhuc viventem pro Deo habuisse, eique aras, templa, quæque alia in adulationem maximi Principis excogitari poterant, exhibuisse, cum apud Senatum, & in publico civium cultu, non nisi post apotheosin, Divus fuerit. Horat. lib. 11. ep. 1. eum ita alloquitur:

Pre-

*Præsenti tibi maturos largimur honores,
Jurandasque tuum per nomen ponimus a-
ras.*

Virgilius Eclog. I. ubi de eodem sermo est:

- - - Deus nobis hæc otia fecit:

*Namque erit ille mihi semper Deus: il-
lius aram*

*Sæpe tener nostris ab ovilibus imbuet a-
gnus.*

Non finit argumenti affinitas, ut tacito pede hic præteream morem Veterum, qui præter imagines Deorum eorumque symbola, etiam *ναῖσκις*, ædículas, capsulas, parva templa & tentoria in peregrinationibus suis circumferre solebant, ut magis sibi propitios haberent deos, viarum & periculorum suorum comites. Huc enim tendit obscurus Amos locus cap. 5. vs. 25. 26. *An sacrificia & munus obtulistis mihi in deserto quadraginta annis, domus Israël? Immo portastis tabernaculum Molochi vestri, & Kiun imaginem vestram stellæ, deos vestros, quos fecistis vobis.* Omnes in eo consentiunt per *כִּיּוֹן* hic intelligi *οὐρανὸν*, tabernaculum instar nostrorum papilionum factum; atque ita LXX. vertunt & Stephanus Protomartyr exponit Act. VII. vs. 43. In hoc autem Judæi, incertis laribus oberantes, & hospites portarunt simulachra Solis et Saturni, tanquam lares aut penates,

tes, Ægyptiorum vel Phœnicum more. De utrisque Servius ad vi. Æneid. vf. 68. ubi *errantes Deos* interpretatur *ἑόρα*, id est *simulacra brevia*, quæ portabantur in le-
cticis, & ab ipsis mota infundebant vatici-
nationem, quod fuit apud Ægyptios & Car-
thaginienſes. Ad Carthaginienſes, Tyrio-
rum colonos, & Chijun Saturni cultores,
pertinet Hannonis oratio Punica apud
Plautum in Pœn. act. v. ſc. i. quam Petitus
lib. i i. Miscell. c. i. ita Latine reddit:

*Et hospitalis tessera, Saturni imago (hanc
fero)*

*Inter nos: Eſto aliquis finis itineris mei,
quo tandem integritati meæ requies
concedatur;*

*Ne ſolus, & miſer, afflictuſque errem
huc illuc.*

Sic Philistæos idola ſecum in prælium du-
xiſſe, conſtat ex 2 Sam. v. vf. 21. & Ephesi
venundata eſſe argentea Dianæ templa,
ναὺς ἀργυρῆς Ἀρτέμιδος, in quibus iter facientes
parvula deæ vialis ſimulacra, & admodum
minuta, ut puparum ſupellex, ſecum por-
tarunt, auctore Luca Act. xix. vf. 24.
ubi plura dabunt eruditi Interpretes, qui-
bus jungatur Spencerus de LL. Hebr. rit.
l. i i i. c. 3. diſſ. i. & Cuper. Harpocr. p. 131.

Nos vero ut in viam, ad Lares Græco-
rum & Romanorum revertamur, ſatis ex
num-

nummo Augusti supra explicato ostendimus, non tantum Deos animales, sed & indigetes ac majorum gentium Deos à familiis in tutelam esse adscitos. ΕΦΕΣΙΟΝ ΔΙΑ memorat Sophocles in Ajace Flagellifero vs. 494. Rubria familia Herculem et Mercurium, Cordia Castorem et Pollucem inter Penates adoptavit, ut ex eorum denariis apud Fulvium pag. 248. et 83. colligit Philippus à Turre de inscriptione M. Aquilii cap. 1. Idem confirmat Macrobius lib. III. Sat. cap. 4. et Arnobius Jovem, Minervam, Apollinem, Neprunum et Cererem in hanc classem refert lib. 3. cis. fin. Nolim tamen inde colligas, Lares hos simul viales fuisse, quilibet enim pro lubitu sibi Lares et Penates adsciscebat: Vitellius Narcissi et Paltantis imagines inter lares coluit, Sueton. cap. 2. et Severus Alexander, ut scribit Lampridius c. 29. *In larario suo & divos principes, sed optimos electos, & animas sanctiores; in queis & Apollonium, Christum, Abraham, Orpheum & hujusmodi ceteros habuit.* Præter hoc alterum ei lararium fuit, in quo præclaros viros locabat, Virgilium, Ciceronem aliosque; cujusmodi lararium Antonini Philosophi Capitolinus quoque in ejus vita memoravit.

At Lares viales proprie erant animæ eorum,

rum, qui vias curassent, dum inter homines agerent; & horum cultus & figura singularis, aut saltem a forma larum privatorum diversa fuisse videtur. Publicorum statuae, caese adstante, peregrinantium habitu fingeantur, pellibus amictæ. Plutarchus Problem. cap. 51. *Laribus, quos proprie vocant Præstites, canis præsticitur, ipsi autem caninis pellibus vestiuntur.* Secundum hanc formam Montfauconius unicum tantum Larem repertum putat, quem ex museo Ill. Boni exhibet tom. 1. Supplem. Antiq. lib. 5. c. 8. at simillimam ei imaginem æneam, prope Xantham effossam, Marcus Zuerius Boxhornius dedit, Quæst. Rom. 6. Perlius succinctos vocat Sat. 5. vs. 32.

Bullaque succinctis Laribus donata pependit.

Canis addebatur, tanquam liminum custos & fidelissimum animal, quod rem familiarem custodire solet; unde Græcis custos κύναι appellatur. Idem sunt pii in domum, & sagaces in hominibus cognoscendis; quapropter Ægyptii Anubim canino capite repræsentabant, non modo quod Osiridi & Isidi corporis fuerit custos, sed etiam quod canes Isidi, quando Osirem investigabat, duces fuerint, & fidos inquisitionis socios cum ululatu se præbuerint: idcirco etiam in Isidis festo canes pompam

P

ante-

antecedebant, auctore Diodoro lib. I. cap. 87. Ad rem præsentem maxime pertinet Ovidius lib. V. Fast. vs. 137.

At canis ante pedes, saxo fabricatus eodem,

Stabat: quæstandi cum Lare causa fuit?

Servat uterque domum, domino quoque fidus uterque,

Compita grata deo, compita grata cani.

Exagitant & Lar, & turba Diania fures:

Pervigilantque Lares, pervigilantque canes.

In foribus quoque & atriis domorum Lares, pariter ac Apollo et reliqui viales, salutati, ibique statuta lararia. Plautus Mercatore Actus V. sc. 1.

Limen superum inferumque salve, simul autem vale.

Hunc hodie postremum extollo mea domo patria pedem.

Dii penates, meum parentem, familieque Lar pater,

Vobis mando parentem meum, rem bene ut tutemini.

In portis etiam, vel prope portas urbium, signa eorum à proficiscentibus votis & precibus culta. Ad nostros enim refert Broukhufius illud Arethusæ, sive Læliæ Gallæ, pro reditu Lycotæ, apud Propertium lib. IV. Eleg. 3.

Omni-

Omnibus heu portis pendent mea noxia vota.

In sepulcretis, prope vias & compita, inferiæ, id est, sacrificia diis inferis ferebantur, quæ constabant ex hostiis mactatis, liquoribus sparsis, lacte item, melle, oleoque, quas libationes Græci *χοῆραι* appellant. Epulum quoque funebre Laribus ponebatur, à prætereuntibus diripiendum, idque *mensam ponere* vocabant. Sic apud Fleedwood pag. 346. Fabia Secunda filio suo dulcissimo *contra vot. mensam posuit*, id est, funebre convivium paravit, more apud ipsos Christianos diu adhuc usitato, & qui rursus illustrare potest quod supra pag. 60. ad Esaiam diximus. Catalecta vet. Poët.

Neque in culinam & uncta compitalia,

Dapesque ducis sordidas.

Cœnæ illæ variæ. Dabatur aliquando visceratio, id est crudæ carnis largitio, & cum ludis epulum funebre splendidum ac sumtuosum, à populo absumendum. Præcipuam, sive novendialem, Cicero contra Vatinius *epulas dignitatis* vocat; reliquas vero ab herede ad viam paratas, & *filicernium* dictas, pauperes rapiebant. Catullus carm. 59.

Uxor ne Meni, sæpe quam in sepulcretis

Vidistis ipso rapere de rogo cœnam.

Perlius sat. VI.

P 2

sed

- - - *sed cœnam funeris heres*

Negligit iratus.

Culinæ sepulcris hunc in finem applicabantur. Festus: *Culina vocatur locus, in quo epulæ in funere comburuntur.* Græci *ἔσση* vocant. Vide Scaligerum ad dict. loc. Catulli pag. 54. Umbris autem & Manibus cœnas has ferales apparabant, quod eas ex fumo victimarum ali credebant. Inde cum Charon rogasset, cur ad tumulos parentent, Mercurius, apud Lucian. in *Contemplantibus*, respondet; quia superstitibus persuasum est, umbras ab inferis reduces cœnare quidem utcunque liceat, circa nidorem volitando, bibere autem è foveis mulsum. Hinc etiam factum, ut in sacris literis, κατ' ἀνδρωποπάθειαν, sacrificia *lebbem*, panis & cibus Dei vocentur. Levit. III. vf. 11. Num. XXVIII. vf. 2. Ezech. XLIV. vf. 7.

Magis proprie ad nostros pertinent *uncta illa compitalia*, quæ cum culinis Poëta conjungit. Hæc enim, secundum Philoxeni glossas, sunt θεῶν αἰγυαίων ἑσπταί αἱ γινόμεναι ἐν ταῖς τελεταῖς, ὑπὸ τῷ περὶ τὸν νεκρὸν. *Compitalia Deorum viarum festa in triviis celebrari solita ab affinibus mortuorum.* Varro lib. V. de L. L. *Compitalia dies attributus Laribus, ut alibi: ideo ubi viæ competunt, tunc in compitis sacrificatur* Plinius

nus lib. XXXVI. 27. & Cicero in Pisonem cap. IV. *ludos* compitalitios vocant. Asconius ibi annotat, à magistris vicorum esse factos; etiam Calpurnius ecloga 4.

Ut quoque turba boni plaudat saginata magistri,

Qui facit egregios ad pervia compita ludos.

Hi quotannis non certo, sed incerto die concipiebantur, auctore Aufonio apud Pithœum l. l. Adversar. cap. 9. Festus: *Conceptivæ feriæ festa dicebantur, quæ incertis diebus servabantur quotannis, ut Sementinæ, Compitaliciæ.* Verba, quæ more majorum Prætor pronuntiabat, nobis ab interitu servavit Gellius lib. X. cap. 24. & Macrobius lib. I. Saturn. c. 4. ubi leguntur illa: DIE. NONI. POPOLO. ROMANO. QUIRITIBUS. COMPITALIA. ERUNT. QUANDO. CONCEPTA. FUERINT. NEFAS. Ciceronis ætate incidebant in IV. Non. Januar. ut ipse refert ad Attic. VII. ep. 7. Augustus *Compitales Lares ornare bis in anno instituit, vernis floribus & æstivis.* Sueton. cap. XXXI. In Fastis autem Kalendaribus, in feriis mensis Decembris LAR. legitur, quod Siccama cap. 18. *Laralia* interpretatur. Quanta cum religione illa fuerint celebrata Dionysius Halicarnass. tradit, lib. IV. cap. 14. *Servius Tullius per omnia compita jussit*

à vicinia Laribus propitiis sacella exstrui, & lege statuit, ut quot annis sacrificia fierent singulis familiis liba conferentibus. Illis vero qui pro vicinia sacra facerent in compitis, statuit non homines ingenuos, sed servos adesse, & illos in sacris faciendis adjuvare, quod famulorum ac servorum ministerium Laribus esset gratius. Quem diem festum Romani ad mea usque tempora constanter celebrabant, paucis post Saturnalia diebus, cum primis venerandum atque magnificum, à compitis Compitalia eum vocantes.

Magnificentia illa forte in lautis conviviis & multo igne consistebat; nam Sacrificia erant quali convivia deorum, & LUCERNA LARUM est in vetere inscriptione. *Larga festos lucet ad lares sylva*, inquit Martialis. Ceteroquin pro luxu istius temporis sat frugalia & rustica fuille videntur. Sextus Pompejus: *Pila & effigies viriles & muliebres, ex lana Compitalibus suspendebantur in compitis: quod bunc diem festum deorum inferorum (quos vocabant lares) esse putarent, quibus tot pila, quot capita servorum; tot effigies, quot essent liberi, ponebantur, ut vivis parcerent, & essent his pilis & simulacris contenti.* Ecce servos, qui nec caput, nec personam habebant, distinguit a liberis hominibus, atque illis pilas

pilas stramentitias aut scæneas, his vero effigies ex lana suspensas esse ait, quibus Merrillius lib. V. Obs. cap. 28. addit manias, id est, ficta quædam ex farina, in hominum figuras, ex Macrobio lib. 1 sat. c. 7. Menalcas apud Virgilium Ecl. V. 67. pocula bina novi lactis & pinguis olivi crateras eis promittit. Theodosius Imp. in l. 12. C. Th. de paganis, vetat, ne quis *secretiore piaculo Larem igne, mero Genium, Penates nidore veneratus, accendat lumina, imponat tura,serta suspendat*: quæ verba Carolus Annibal Fabrot. ad h. t. tom. 111. Thes. jur. civ. pag. 1121. & diligentior Jacobus Gothofredus, in comment. illustrant. Horat. lib. 111. od. 23.

Si ture placaris & horna

Fruge Lares, avidaque porca.

Idem lib. II. sat. 5. vs. 12.

- - - - *dulcia poma*

Et quoscunque feret cultus tibi fundus honores,

Ante Larem gustet venerabilior Lare dives.

Ipsi Lares vel focus eorum corona exornabantur. Plaut Trinum. 1. sc. 2. pr.

Larem corona nostrum decorari volo.

Cato de Re rust. cap. 143. monet villicum, ut *Kalendis, Idibus, Nonis, festus dies*

P 4

cum

cum erit, coronam in focum indat, perque eos dies Lari familiari pro copia supplicet.

Juvenalis sat. IX. vs. 137.

O parvi, nostrique Lares, quos ture minuto

Aut farre, & tenui soleo exornare corona.

Tibullus lib. I. eleg. 3.

At mihi contingat patrios celebrare Penates,

Reddereque antiquo menstrua tura Lari.

Lares etiam inungebant. Idem Tibull. lib. I. Eleg. 7.

*Illius e nitido stillent unguenta capillo,
Et capite & collo mollia fersa gerat.*

Neque manus a sanguine abstinebant, ut cum die natali munus annale Genio solverent: nam VERVECES LARIB. & MATRI LAR. OVES immolatas vetus fragmentum Arvalium inscriptio docet: agni meminit Plautus Rud. act. 4. sc. 6. *agne* Tibullus lib. I. eleg. 1. *porci* Propertius lib. IV, el. 1.

Parva saginati lustrabant compita porci.

Tabula marmorea Gruteri pag. 106. n. 13.

LARI.

LARIBVS

PRO. SALVTE. ET. INCOLU

MITATE. DOMVVS

Q. SERTORII

COMPETALIB. LVDS

ET. EPVLVM. VICINEIS

JVN. DONACE. DO-

MESTICA, EIIVS.

CAPUT XII.

DE SILVANO, PRIAPO, FORTUNA,
BIVIA, QUADRVIA, &c.

*Inter plebejos & patellarios deos, Silv-
nus fuit numen viale, quia finium tutor,
& deus silvarum, habitans in lucis &
montibus. Symbolum ei cupressus. Variæ
Inscriptiones, Cæjus lib. 1. Inst. tit. 2.
§. 2. & l. 17. §. 9. D. de act. emt. il-
lustrantur. Priapus hortorum deus, vias
monstrabat ad fontes excisos. Idem nau-
tarum, & piscatorum numen, deusque
litoralis. Fortuna Redux nondum Home-
ri ætate, sed diu ante Domitianum in
Dearum classẽ relata, quod Pitiscus ne-
gavit. Viatorum conservatrix, salutaris
& omnipotens credebatur; cum rota &
P 5 guber-*

gubernaculo picta. Reapse autem nihil fuit, ejusque cultores à sapientibus irrisi. Dea Bivia depravato Arnobii loco ex inscriptionibus redditur. Is Dea vialis Priscis ignota; contra Boxhornium. Dii Bivii, Quadrivii, Quadrivia, Dea Maira. Mater Stata, Adeona, Fessonia & Iterduca puerorum gressus custodiebant.

Hoc capite reliquos itinerum terrestrium Deos Deasque, Silvanum, Priapum, Fortunam, Biviam, Quadriviam, Matrem Statam, Adeoneam & Fessoniam, uno velut fasciculo complectar, nec ingrata, ut spero, varietas erit. Omnes hi plebeji & minorum gentium dii, de se ipsis apud veterem Poëtam ajunt; *Nos vappæ sumus, & pusilla culti Ruris numina.* Plautus Cistell. act. II. sc. I. vs. 45. *minutos & patellarios deos* vocat, quibus non in pateris, sed patellis epulæ appositæ. Martialis lib. VIII. Epigr. 50. *Plebem Deorum* dixit, imitatus Ovidium lib. I. Met. vs. 173. & in Ibin vs. 81.

*Vos quoque plebs superum, Fauni, Satyrique, Laresque,
Fluminaque & Nymphæ, semideumque genus.*

Quod Silvanus viatorum numen fuerit, ejus

ejus rei fidem facit lapis in via publica, qua
Tuderto Corbariam itur, apud Gruterum
pag. 62. n. 11. & Romæ inter marmora
exstat hoc, referente eodem pag. 63. n. 9.

SILVANO
AUG. SACR.
PRO SALUTE
ITUS. AC. REDITUS
IMP. CAES. DIVI. F.
AVGVSTI.

Aliud in vinea Julii tertii apud eundem pag.
1071. PRO. SALUTE. ITV. ET. REDI-
TU. BUTRÆ. N. SILVANO. ET. DI-
IS. OMNIBUS. Adde inscriptionem ele-
gantem à Guichenone Hist. Sab. & Jacobo
Sponio ignot. Deor. aris n. 7. allatam,
quæ in urbe Aixme Tarantasiæ in Alpi-
bus reperta:

*Silvane sacra semicluse fraxino,
Et hujus alti summe custos hortuli,
Tibi hasce gratas dedicamus musicas. (alii
maximas)*

*Quod nos per arva perque montis Alpico
Tuique luci suaveolentis hospites.*

*Dum jus gubernò, remque fungor Caesarum
Tuo favore prosperanti sospitas*

Tu me meosque reduces Romam sistito.

Daque Itala rura te colamus præside.

Ego jam dicabo mille magnas arbores

T. Pomponii Victoris Proc. Augusto.

Ejus-

Ejusdem Silvani nomen, cum Herculis & Liberi nominibus, circulo inscriptum legitur, apud Prideaux Marmor. Oxon. pag. 308. ne deorum cuiquam loci prærogativa daretur. Ita enim cum Seldeno sentit Jac. Gothofred. de jure præc. p. III. c. 4. Verum Reines. ad cl. 1. n. 108. id nimis argutum vocat, cum clypei figura aliter inscribi nomina deorum non patiatur. Alias vero id fieri solitum, docet Aufon. de ludo sept. sap. *Ut in orbe tereti nomina eorum inscriberet, Ne primus esset, ne velimus quisquam.* Sic etiam explicari debet, quod Cajus, lib. 1. Inst. tit. 2. §. 2. ait, neminem servorum liberum esse, quorum manumissio in circulo adscripta est: etsi Joseph. Nerijs lib. 1. Anal. c. 27. & Merit. lib. VII. Obs. c. 40. cum locum aliter interpretentur.

At quid illud monstri Silvanus? Latinum numen erat, rusticum, silvaticum & agreste, finium tutor. Virgilius lib. II. Georg. vf. 493.

*Deos qui novit agrestis,
Panaque, Silvanumque senem
Nymphasque sorores.*

Idem lib. VIII. Æn. vers. 600.

*Silvano fama est veteres sacrasse Pelasgos
Arvorum pecorisque Deo, lucumque
diemque,*

Qui

Qui primi finis aliquando habuere Latinos.

Alibi, in monumentis lapideis sub CAMPESTRIBUS diis comprehenditur, apud Gruter. pag. 1015. n. 2. & Spon. Miscell. p. 107. Vetus scriptor agrorum in collectione Goesii pag. 294. tres Silvanos facit: *Omnis possessio quare Silvanum colit? quia primus in terram lapidem finalem posuit. Nam omnis possessio tres Silvanos habet: unus dicitur domesticus possessioni consecratus: alter dicitur agrestis, pastoribus consecratus: tertius dicitur orientalis, qui est in confinio luci positus.* Cum enim Silvano five Pani, velut universali materiario, omnia subiacere crederent, hinc possessiones suas, in tres classes distinctas, secundum aruspices, totidem Silvanis, velut præsidibus, adsignabant. SILVANI DOMESTICI meminerunt lapides apud Grut. p. 64. n. 12. & Reines. cl. 1. n. 102. 103. Atque hic à Lare non multum differebat, & familiæ curam habebat, uti ex ambarvali sacrificio, Marti Silvano facto, apud Caton. de R. R. c. 141. intelligitur: *Pastores pecuaque salva servassis* &c. Alterum agrestem Servius ad Virgilii lib. 1. Georg. vf. 20. *deum sylvarum*, Ovidius lib. I. Metam. vf. 192. *monticolam* appellavit:

*Sunt mihi Semidei, sunt rustica numina
Nymphæ, Fau-*

*Faunique Satyrique & monticolæ Silvani:
Quos quoniam cæli nondum dignamur honore
Quas dedimus, certe terras habitare si-
namus.*

Tertius autem, in luci confinio sepositus, idem est, qui *tutor finium* appellatur Horatio Epod. II. vs. 22. Silvanus autem non a silvis, sed ἀπὸ τῆς ὕλης, quod universæ materialis substantiæ dominator censeretur, nomen accepit, secundum Macrobi. lib. I. Saturn. c. 22. isque velut universæ rei rusticæ, silvarum & viarum DEUS SILVANUS, SALUTARIS, SALUTIFER; ELEUTHERIUS, itemque SILVANUS CUSTOS in antiquis Inscriptionibus appellatur, pag. 64. & 65. Gruteri, & Gudii pag. 42. n. 6. Jungitur quoque Herculi & Mercurio, tanquam muneris sociis, apud Gruter. p. 62. n. 7. 8. & Gud. pag. 41. n. 5. 6. Symbolum ejus cupressus, quam amabat, ut Apollo daphnin, Pan fyingam. Virgil. lib. I. Georg. vs. 20.

*Et teneram ab radice ferens, Silvane,
Cupressum.*

Alium vero habitum ei dedit Ecl. x. vs. 24.

*Venit & agrestis capitis Silvanus honore
Florentis ferulas & grandia lilia quassans.*

In primis autem Larum Præstes erat, ut Pluto Manium, Juppiter Deorum, & Janus Geniorum: ita sane Meursius putat exercit.

ercit. crit. part. 2. c. 1. Hinc apud Gruter pag. LXV. 2.

SILVANO
SANCTO. SACRO
LARUM. CAESARIS
N. ET COLLEGI MAGNI

Ubi male Reinesius ad cl. 1. n. 101. *sacro larum* invertit, legendo *scholarum*: male etiam Scaliger Silvanum Larum, corrum-pendo aliam inscriptionem Gruteri pag. 66. n. 1. sibi fingit, Prideaux applaudente in append. marm. Oxon. pag. 113. Fabretus enim in II. Dissert. de aquæd. n. 190. & de col. Trajan. cap. 7. ostendit, Silvanum collegii magni Larum & Imaginum tutelarem fuisse, sic enim lapis ab eo prolatus: SANCTO. SILVANO SACR. EUTYCHES COLLEGII. MAGNI. LAR. ET. IMAG. Cur vero Silvanus fodalicii hujus tutor lectus sit, ratio esse potest, quod & Lares & Manes cum Silvano in nemoribus, lucis & silvis habitare credebantur. Propertius lib. III. El. 1.

Callimachi manes & Coi sacra Philetæ

In vestrum, quaeso, me sinite ire nemus.
Atque ex his lucem accipit Galli Favonit
Jocundi testamentum, quod exstat apud
Gruter. pag. 871. n. 2. & Brissonium de
form. lib. VII. pag. 674 in quo is filios,
Jocundum & Pudentem, ea conditione he-
redes

redes instituit, ut ossa ejus intra quinquennium à Lusitania exportent, & via Latina condant; sin fecus, omnia *templo Dei Silvani reparando* inferri, *manesque* suos opem Pont. Max. implorare jubet, ut sacerdotes *Dei Silvani* ossa in urbem referant, & sepulchro condant. Ceterum illud obiter addam, apud Ulpianum in l. 17. §. 9. *D. de act. emt.* personas, ex quarum rostris aqua salire solet, Cujacium lib. XI. obs. c. 2. explicasse Tullios & Silvanos, Lucretii, Festi & Celsi auctoritate; sed quia rostrum non convenit rustici illius numinis figuræ, alibi rectius eos interpretatus est *Silanos*, lib. XIV. obs. cap. 13. nam veteres Glossæ silanum *σπίλον* vertunt, et meliores illorum Auctorum Codices non *Silvanos* habent, sed *silanos*, id est fistulas, unde aqua salit.

Inter rusticos Lares porro fuit Priapus, hortorum Deus, dextra tenens falcem, ut avibus et furibus terrorem incuteret. Unde *custos furum atque avium cum falce saligna* vocatur apud Maronem IV. Georg. 110. Horatius. Epod. 2. vs. 19.

*Ut gaudet insitiva decerpens pyra,
Certantem & uvam purpurea,
Qua muneretur te, Priape, & te, pater
Silvane, tutor finium.*

Ti-

Tibullus lib. I. El. 1.

*Pomosisque ruber custos ponatur in hortis,
Terreat ut sæva falce Priapus aves.*

Virgilius Ecl. VII. 33.

*Sinum lactis, & hæc te liba, Priapè, quot-
annis*

Expectare fas est: custos es pauperis horti.

Prudentius l. I. contra Symm. vf. 111.

*Hic Deus, & patrio prænobilis Helleponto,
Venit adusque Italos sacris cum turpibus
hortos*

*Sinum lactis, & hæc votorum liba quotannis
Accipit, ac ruris servat vineta Sâbini.*

In aditu enim hortorum ad fures, ut dixi, abigendos collocabatur prope viam; unde simul inter Deos viales honoratus. Apud Horat. lib. I. ferm. Ecl. 8. vf. 3. Priapus de se

- - - *Deus inde ego, furum aviumque*

Maxima formido: nam fures dextra coercet.

Inde & in lucis colebatur, sicut *Miphletæth* apud Judæos idololatrias; vid. III. Reg. 15. & II. Paral. XV. 16. ubi in Latina, quæ Hieronymo tribuitur, versione legitur: *quod fecisset in luco simulacrum Priapi.* Seniores vero idolum hoc Astartem interpretantur: alii Belum Phegorium Priapum fuisse crediderunt, qua de re Seldenus de diis Syris Synt. I. cap. 5. & II. c. 2. 5. adeundus est.

Q

Porro

Porro quia Priapus juxta vias, ideo apud auctorem carminis liberi in Priapejis 29. ignarus viarum inquit:

*L'alce minax & parte tui maggiore, Priape,
Ad fontem, quæso, dic mihi qua sit
iter?*

pariter etiam ac Hermæ in compitis, triviis & quadriviis ponebatur, cum virga in manu, quæ monstraret iter. Quin ipsis Mercuriis & Terminis Vialibus veretra longa & immania, ut Priapis, attribuebantur, quod Scaliger in notis ad h. 1. Romæ in ædibus Cardinalis de Cæsiis se vidisse testatur. Inde &, ut puto, in Elide apud Cyllenenses Mercurius specie membri arrecti cultus, auctore Pausania in Eliac. 11. & Artemidoro l. 1. 47. Εἶδον, inquit: δὲ καὶ ἐν Κυλλήνῃ γειόμενον, Ἐμὲ ἀγαλμα, εἰδὲν ἄλλο ἢ αἰδέϊον δεδημιυγμένον λόγῳ τινὶ φυσικόν. *Sed & quum Cyllenæ essem, vidi Mercurii simulacrum, nihil aliud quam pudendum: fabricatum ratione certa naturale.* Fontes autem ad restringendam sitim viatoribus excisos, ne quis dubitet, en! adscribo venustum epigramma quod Ocricoli, ad fontem oppido illi vicinum, conspici refert Henr. Salmuth ad Panciroll. lib. I. tit. 21.

*Monte sub hoc triplici cunctis fluit unda sal-
lebris*

*Quæ levet arentem, si cupis, unda sitim.
Siste*

*Siste gradum, repara vires, hoc fonte,
viator*

Dic, precor, ut vireat mons simul iste diu.
Prorsus ut Ovidius lib. III. Amor. eleg. 6.
ad amnem propter viam fluentem:

Quis te tum potuit sitiens haurire viator?

Quis grata dixit voce: perennis eas?

Denique sicut Priapum a nautis et piscatoribus adoratum, ex Theocrito et Pindaro discimus, ita eundem portuum præfidem et litoralem Deum fuisse, Jac. Nic. Loënsis lib. III. Miscell. c. 15. ex Græcorum Epigrammatibus probavit. Antipater Sidonius:

Λαίφεα δ' ἐνύφεα περ τονίζεται ταῦθ' ὁ Περίηπτος

Ἕρμιν Βρομίταις παῖς ἐνέπο Βρομίου.

*Vela bene texta rudentibus tendite, hæc
ego Priapus*

Puer Bromii vobis nactis portum dico.

Marcus Argentarius:

- - - τῷ σὺ Περίηπτε

Παιδόμηνος παῖς ἄπτεο ναυήλης.

- - - tu Priapo

Fretus omnem arripito navigationem.

Satyrus Thyllus:

ταῦθ' ὕμιν πλώσσειν ἐπ' ἱμπορίῳ ὁ Περίηπτος

Ὁ λιμνορμήτης ναυτιλίῃ τρέφομαι.

*Sic vobis navigantibus ad portum ego
Priapus*

Portuum appulser a nauticis feris.

Idem quoque marinum munus, ut cetera Epigrammata Græca, a Loënsē conductā mittam, ex Petronio cognoscere licet cap. 104. *Videbatur mihi secundum quietem Priapus dicere, Encolpion, quod quaris, scito a me in navem tuam esse perductum.* Catullus denique, in carmine de Priapo, apud Maurum Terentianum in carmine de Metris, omni eum oræ Hellepontiacæ præficit:

Hunc lucum tibi dedico, confecroque, Priape,

Qua domus tua Lampsaci sita est, quaque Priape

Nam te præcipue in suis urbibus colit ora Hellepontiacæ, ceteris ostreosior oris,

Nunc nullis Diis istis nimium masculis ad Deas accedamus. Quas inter eminet Fortuna Redux, majorum gentium Numinibus adscripta. Prostant de ejus itinerum tutela testimonia complura; at Dioni primas dabo, ut statim moneam tirones, ne cum Samuele Pitisco in lex. Antiq. sub Domitiano demum id cognominis Fortunæ tributum existiment. Dio enim lib. LIV. hunc in modum de Augusto scribit: *Obreditum ejus, ac propter ea, quæ absens egisset, multa ævaria in honorem ejus decreta sunt: quorum ille nihil accepit, nisi quod Fortunæ Reduci aram consecrari, diemque sui redditus inter serias referri, & Augustalia dici*

ci passus est. Martialis VIII. 65. ob Domitiani reditum :

*Hic ubi Fortunæ Reducis fulgentia late
Templa nitent , felix arca nuper erat.*

Claudianus Hon. Cons. VI.

*Aurea Fortunæ Reduci si templa priores
Ob reditum vovere ducum , num dignius
unquam*

*Hæc dea pro meritis amplas sibi posceret
ædes?*

Eandem obsecrat Horatius , ut Cæsarem conservet in Britannos iturum lib. I. Ode 35.

*Serves iturum Cæsarem in ultimos
Orbis Britannos , & juvenum recens
Examen , Eois timendum*

Partibus , Oceanoque rubro.

Item in Catalectis Virgilianis p. m. 242. & apud Pighium Hercul. Prodic. pag. 385. T. Cæsius primus negotiator frumentarius , ex voto centenas coronas annuatim donabat Fortunæ Prænestinæ , in epigrammate sequente :

*Omnibus hic annis votorum more suorum
Centenas adicit numero crescente coronas ,
Fortunæ simulacra colens & Apollinis aras.*

Veterum quoque monumenta , & nummi Augusti , Getæ et Gordiani ; tum gemmæ , apud Augustinum , Tristanum , Gronovium , Gorlæum & Choulium FORTUNAM REDUCEM nobis exhibent , modo cum

gubernaculo, modo cum rota: illud iter maritimum, hæc terrestre designat; ubi vero rota & gubernaculum conjunguntur, iter mari terraque peractum intelligitur. Vide Cl. Henninium, in notis ad Bergierium lib. IV. sect. 43. ubi ex Boissardo A. R. VI. fig. 114. & Baudelotio de Dairval Util. des Voyages tom. I. pag. 337. ejus figuras repræsentat, cum inscript. SALVOS. IRE. SALVOS. REDIRE. Denique marmora antiqua plus vice simplici ejus meminere. Gruteriana 2. pag. 8.

I. O. M. ET
FORVUNAE, REDUCI
PRO. SALUTE. ITU. ET.
REDITU

In 1. pag. 88. junguntur lares viales:

FORTUNAE
REDUCI. LARI
VIALI. ROMÆ
AETERNAE

In lapide 4. pag. 8. *genius loci*. in 8. 50. *Deus Mercurius*: in 6. pag. 77. *Juppiter Serenus* eidem associantur. Apud Cl. Hesselium, in appendice præfationis, ad Gudii corpus Inscript. n. 10. talis invenitur, ex bali columnæ marmoreæ, in horto Turcici cujusdam gynæcei, Constantinopoli descripta:

FORTUNAE REDUCI
OB DEVICTOS GOTHOS

&

& ab altero latere

^Ω IC ^Ω XC NI KA

Sed omnes elegantia superat epigramma vetustum, quod Cl. Grævius in Proleg. ad tom. X. Thes. & Ill. Gudius pag. 49. n. 4. ex Ligorio, cum orbe erudito communicarunt:

FORTUNAE. REDUC. VIATOR

CONSERVATRICE. SACR.

SEX. PERCILIUS. SEX FIL.

PRISCUS. MAGISTER

VICI. NOVANI. FABRICI

EX. V. S.

Vides Fortunam reducem *viatorum conservatricem* vocari. Hoc enim ut alia infinita cognomenta accepit, postquam Servius vim ejus divinam extulit cœloque locavit, auctore Plutarcho in Quæst. Rom. cap. 71. & 72. Homëri ætate nondum illa in deorum numerum erat relata, uti Pausan. lib. IV. c. 30. & Macrobius lib. V. sat. c. 16. monuerunt; posteris autem temporibus late regravit apud Græcos & Romanos, omnisque Italiæ ora maritima, ab Antio ad magnam Græciam, inter communes Deos & familiares eam retulit, ut ex Cæsio Prisco tradit Arnobius lib. 3. & Plutarchus de fort. Rom. Inde *Torquatiana* & *Tulliana* dicitur in faxis

Q 4 apud

apud Sponium sect. 3. n. 73. Idque nummus Pertinacis ostendit apud Oiselim tab. 42. n. 3. in quo visitur Fortuna, dextera navis gubernaculum tenens, cum inscriptione DIS CUSTODIBUS. Vocatur ADJUTRIX & SALUTARIS in lapidibus antiquis. *Omnipotens & rerum humanarum domina*, apud Virgilium VIII. *Æneid.* & Ciceron. pro Marcello. Inscriptio apud Reines. cl. I. inscr. 119. Fabrett. c. 10. n. 107. & Gudium pag. 47. n. 6.

FORTUNAE. AUG.
PRO. SALUTE. ET. REDITU.
DOMINORUM. N
SEVERI. PII. ET. AN-
TONINI. PII. AUG.

Si quis autem ex me quærat, quid Dææ hujus nomine intellexerint veteres? ei respondebo verbis Democriti apud Eusebium: *τύχης εἰδωλον πλάσαντο, πρόφασιν ἰδὴς ἀγνοίης. Finxerunt idolum Fortunæ, propriæ ignorantie velamentum.* Antiphon orat. adversus Herodem, eam opponit Providentiæ; contra Pindarus in numerum Parcærum retulit. Pausanias dearum potentissimam in rebus humanis prædicavit: aliis *τύχη* vocatur. Quidam quoque ei, ut ceteris diis, apud Martial. lib. I. ep. 13. & Sueton. Vespas. c. 10. exprobant, si minus secundam experirentur. Peto Albinovanus Eleg. I. vs. 371.
Fortu-

*Fortuna arbitriis tempus dispensat iniquis,
Illa rapit juvenes, sustinet illa senes.*

*Quaque ruit, furibunda ruit, totumque
per orbem*

Fulminat, & cæcis cæca triumphat equis.

Regna deæ immitis parce irritare querendo,

Sollicitare animos parce potentis heræ.

Qui vero citra certi alicujus Dei vialis invocationem iter faustum essent experti, ad hoc, quod ipsi ignorabant, numen recurrerant; unde FATUM BONUM ei junctum in 7. pag. 1017. & ipsa Fortuna BONA vocatur in lapide 5. pag. 74. nam omnem Deum, quem sibi propitium & faventem vellent, aut jam essent experti bonum vocabant: ut *bona Juno* apud Virgil. 1. Æneid. vf. 738. *precor Lympham & bonum eventum* apud Varron. lib. 1. de R. R. init. Vide Joh. Clerici art. crit. p. 11 f. 1. c. 9.

Cicero quidem in Topicis cap. XVII. *Latent, inquit, quæ subjecta sunt Fortunæ, cum enim nihil sine causa fiat, hoc ipsum est Fortunæ eventus, obscura, quod latenter efficitur.* Sed Aristoteli absurdum videbatur Fortunam esse Deam: quia ubi plurimum est mentis, ibi minimum sæpe Fortunæ, ubi autem plurimum Fortunæ, ibi minimum mentis. Ipse Plinius vesanos ejus cultores irridet lib. 2 cap. 7. *Toto quippe mundo & locis omnibus, omnibusque horis,*

Q 5 omni-

omniumque vocibus Fortuna sola invocatur. Una nominatur, una accusatur, una agitur rea, una cogitatur; sola laudatur, sola arguitur, & cum convitiis colitur; volubilis, à plerisque vero & cæca existimata, vaga, inconstans, incerta, varia, indignorumque fautrix. Huic omnia expensa, huic omnia feruntur accepta; & in tota ratione mortalium, sola utramque paginam facit. Adeoque obnoxii sumus sorti, ut Sors ipsa pro Deo sit, qua Deus probatur incertus. Juvenalis etiam per vulgi imprudentiam inter numina illam relinquì indicat sat. X. in fin.

*Nullum numen abest, si sit prudentia:
sed te*

Nos facimus Fortuna Deam, cæloque locamus.

Fortunam excipiet Dea Bivia, quæ in biviis, ubi carri & cisia conducebantur, antiquitus fuit celebrata. Arnobius lib. IV. adversus gentes: *Ab erroribus viarum Dea Bivia liberat.* Editio Batava habet *Vibilia*, quod placuisse Cl. Scriverio ex notis ejus oræ adscriptis vidi inter MStos illustris Mastrichtii, Reip. Bremensis nuper Syndici, quem propter singularem pietatem, variam eruditionem & compluria in me merita, ample satis laudare non possum. At quia de *Vibilia* altum apud omnes est.

filen-

silentium, ego olim legendum suspicabar *Vitellia*; hanc enim multis locis pro numine cultam, scribit Suetonius. In variantibus Arnobii lectionibus video & legi *Upilia* vel *Upibilia*. Sed nunc omnino cum Scaligero legendum puto *Bivia*, quæ bivius præfuit, ut Diana Trivia trivius. Sic enim in titulo apud Gruterum 5. pag. 84.

H. D.

IS. DEA

BIVIS. TRIVIS

QUADRIVIS. AVREL

VICTORINUS &c.

Marcus Zuerius Boxhornius, in Quæst. Rom. 12. elegantiae causa à milite Deam IS hic fictam putat, ~~sed~~ & *ire*, quod forsitan videret *is* in sequentium vocabulorum syllaba postrema id denotare, quod aut ire aut viam dicimus. Verum optime vidit eruditissimus Reinesius, in epistola 27. ad Rupertum, legendum esse I. H. D. D. DIS. DEAB *in honorem divinæ domus, diis Deabus*. quam emendationem amplectuntur Marquardus Gudius in not. & Joh. Georg. Grævius in proleg. thes. tom. V. Certe IS DEA omnibus gentibus & seculis est ignota: Dii autem Deæque semitales, Bivii, Trivii & Quadrivii in alia inscriptione pag. 1015. 1. nominantur apud Gruterum:

IN.

IN. H. D. D.

BIVIIS. TRIVIIS.

QUADRIVIIS. &c.

Quadriviis vicani Bibienses statuam, aut tale quid, ponunt, in hoc epigrammate apud Reinesium Cl. 1. n. 140.

DIIS. QUADRIVIIS VICANI

BIBIENSES. D. S. P.

Aliud prope Viennam Austriae effossum apud Jacobum Sponium Miscell. pag. 84. & ignot. Deor. ar. 7. eadem seminumina præfert:

SILVANAB. ET

QUADRIBIS. AVG. SACRUM

C. ANTONIVS. VALENT.

cetera.

Huc etiam quodammodo pertinent tres Dæ Mairæ campestræ, quibus Metenses, in pacis vico habitantes, votum faciunt apud Boissardum:

IN

HONOREM

DOMUS DIVI

NAE DIIS MAIRABUS

VICANI VICI PACIS.

Eodem referenda est *Mater Stata*, quæ stratis viarum præfecta. Festus: *Statae Matris*

*tris simulacrum in foro colebatur, postquam id collustravit, ne lapides igne corrumpere-
rentur, qui plurimus ibi fiebat nocturno
tempore. Magna pars populi in suos quis-
que vicos retulerunt ejus deæ cultum. Scaliger
pro collustravit legi jubet Cælius stravit.
Nonnulli Vestam intelligunt, quæ a sisten-
do Statæ nomen acceperit, 'Ἑστία ἡ τὸ ἑστᾶ-
σαι; sed invito Lipsio, de Vesta & Vestal.
cap. 1. Illud liquet, hanc vicorum Deam
fuisse, & Fortunæ Statæ meminit lapis Roma-
nus Grut. p. 79. n. 5.*

*His addam denique minutas quasdam pue-
rorum Deas, quodammodo ad classem via-
lium pertinentes, ex Augustino lib. IV. de
civ. Dei cap. 21. ubi magnam Deorum tur-
bam ridens, Quid necesse erat, inquit, Opi
deæ commendare nascentes, deo Vaticano va-
gientes, deæ Cuninæ jacentes, deæ Rumi-
næ sugentes, deo Statilino stantes, deæ A-
deonæ adeuntes, Abeonæ abeuntes? Et: Cur
enim esset invocanda propter fessos diva Fes-
sonia? lib. VII. cap. 3. Juno selecta & re-
gina, Jovisque soror & conjunx, hæc ta-
men Iterduca est pueris, & opus facit cum
deabus ignobilissimis Abeona & Adeona.
Alius forsan Afræ, non Romanæ supersti-
tionis pusilla hæc numina esse putarit, sed
Attica juvenus per Hegemonen, velut co-
mitem & ducem suam jurabat, auctore Pau-
sania*

fanía in Bœoticis & Polluce l. 8. c. 9. & sicut Janus *Patulcius* vocatur Ovidio, ita *Junonis Patulciæ* meminit Titus Fabatius, Procurator Fischi, in lapide apud Reines. cl. i. n. 33. Nec aliter *Pandam* vocabant, quæ Tito Tatio, ut Capitolinum caperet collem, viam panderat, auctore Arnobio lib. iv.

C A P U T XIII.

DE NEPTUNO, DIOSCURIS ET CETERIS DIIS MARINIS.

Via, iter & cursus de navibus. Oceanus & Thetys deorum marinorum antiquissimi: tum Neptunus, majorum gentium Ponti deus. Feriæ & ludi in ejus honorem celebrati. Ei supplicabant navigantes, gratias agebant, & vota solvebant. Neptunus Redux, Conservator & Σωτήρ dictus. Dii Cabiri, nec non Castor & Pollux nautarum servatores; templa & cultus eorum. Horum stellæ non nisi in extremo periculo apparebant; quotquot illis initiati a naufragio tuti; vota iis soluta. Dii marini minores Glaucus, Proteus, Nereus, Panoëa, Portunus, qui & Melicerta. Nereides Nymphæ in classes divisæ. Dii marini in imo mari, senes

& cœrulei, an a diis littoralibus diver-
 si. Flumina, Venti, Fluctus & Tempe-
 states inter divos. Victimæ Diis marinis
 oblatae, aliis nigrae, aliis albæ. Neptuno
 taurus, Thetidi juvenca, ceteris bœdus.
 Extâ in mare projecta: vinum in fluctus
 fusum. Quomodo tutela navis differat ab
 ejus insigni, & ubi collocata. Actor.
 XXVIII. cf. 11. illustratur. Navium
 nomina a signis animalium. Navigantes
 irato mari unguēs ressecabant & capil-
 los. Naufragorum tabulae & vestes in
 templis & arboribus suspensæ.



Hactenus de diis & deabus, quæ iti-
 nera terrestria aperuere, nunc
 Deos marinos, majorum gentium
 & medioximos, inania nautis
 præsidia, ut paucis explicemus, superest.
 Proprie quidem Dii viales, ut via, ad
 terram pertinent; at *curfus, currere, iter*
 & *via*, apud Homerum, Aristophanem,
 Virgilium & Catullum nautis crebro tri-
 buuntur, uti Cerda ad III. Æn. vf. 190.
 n. 4. observavit: quinimo sicut Græ-
 ci naves *currus* & *vehicula marina* appel-
 larunt, teste Polluce lib. I. c. 9. ita Var-
 ro apud Nonium, nautas *equifones nauticos*
 dixit, & Prætor edicto vetuit, *ne iter in*
flumine fiat deterius. Virgilius: *Tendit iter*
velis,

velis, portumque reliquit, lib. VII. *Æneid.*
 vf. 7. Cum ergo veteres hæc nautarum itinera,
 velut rem diram, contemplarentur,
 & mortem in aquis scdam haberent, quotquot
 dolato confisi ligno vitam fluctibus
 committebant, & vim tempestatum nulla
 ope humana superabilem experiebantur,
 Deorum sibi auxilio opus esse videbant,
 ut à naufragio, fyrtribus, scopulis & aliis
 mille, quæ navigantes comitantur, Scyllæ
 & Charybdis periculis essent tuti. Horatius
Ode I. 14.

- - - *non tibi sunt integra lintea,*

Non Dî, quos iterum pressa voces malo.

Propert. III. Eleg. 20.

*Ergo ego nunc rudis Adriaci vebar æquoris
 hospes,*

Cogar & undifonos nunc prece adire deos.

Statius lib. II. *Achill.* vers. 297.

*Tunc ex more deis (ita namque monebat
 Ulysses)*

*Æquoreis, Austrisque litat, fluctuque sub
 ipso*

*Cæruleum regem tauro veneratur avumque
 Nerea, vittata genitrix placata juventa est.*

Hic spumante salo jaciens tumida exta profatur.

Quamquam porro alii fuerint Dii Viales
 terrestres, alii marini, & à neutris id quod
 non suæ sit potestatis & muneris postulatum,

tum, Sol tamen & Luna, sub Apollinis & Dianæ nomine, in hac rursus classe principatum tenent, velut communes peregrinantium duces, ut supra vidimus pag. 119. & 147. Mercurio item & Herculi navigantes commendatos fuisse, ostendimus p. 158. & 192. Silvanum denique & Priapum, tanquam ab hoc munere non alienos, depinximus capite præcedente. Oceanus autem & Thetys Deorum marinorum antiquissimi memorantur, quia veteres credebant universa ex aqua principium habere; quam ob rem eosdem, ut communes deorum hominumque parentes coluere, sicut Pötterus ad Lycophron. Cass. vf. 145. ex Orphei Hymno in Oceanum & Homeri Iliad. ξ. monstravit. Juniores quoque deos magno in honore eos habuisse Ovidius indicat II. Metam. vf. 509.

- - - *Et ad cœnam descendit in æquora
Thetyn,*

*Oceanumque senem, quorum reverentia
movit*

Sæpe deos.

Deinde primus inter pelagi Deos fuit Neptuneus, a *nuptu* dictus, quod terras ac maria obnubit; vel *Ὠκεὶς ὁ ὑπέρτατος*, ut Scaliger lib. 2. de caus. plant. vel ab Ægyptiorum *νέφθου*, quod terræ extrema & mare contingentia notabat, interprete Plutarcho de

R

Iliid.

Isid. & Osirid. nam quod Cicero a Latino
no vel *nato* derivat, nimis longe petatum
 est. Ita ille lib. 11. de nat Deor. c. 26.
Datum est Neptuno, alteri Jovis, ut vo-
lunt, fratri maritimum omne regnum: no-
menque productum, ut Portunus à portu,
sic Neptunus à nando, paululum primis lit-
teris immutatis. Muneris originem nobis
 refert Diodorus Siculus lib. v. cap 69. *In-*
ter alios Deos, Saturno & Rhea genitos,
ajunt Cretenses, Neptunum primum maris
negotium tractare cœpisse, classisque insti-
tuisse, hanc præfecturam à Saturno adeptum.
Ideoque fama apud posteros increbuit, quæ
in mari geruntur, in hujus arbitrio esse: &
propterea eum sacrificio nautæ honorant.
 Ipse de se apud Virgilium 1. *Æneid.* 137.

Maturate fugam, regique hæc dicite vestro:
Non illi imperium pelagi sævumque tri-
dentem,

Sed mihi sorte datum.

Inde Neptunalia in ejus honorem X. Kal.
 Augusti navigiis celebrabantur, teste Kalen-
 dario vetere. **DIES NEPTUALIO-**
RUM vocatur apud Gruter. pag. 460. n. 3.
 eoque ferias institutas tradit Varro lib. 5.
 de L. L. & Aufonius in Ecloga de feriis 17.

Aut duplicem cultum, quem Neptunalia
dicunt,

Et quem de Conso, consiliisque vocant?

Festa

Festa hæc navigiis, aut quæ celebrata quadrigis

Jungunt Romanos, fuitimosque duces.

Eidem itineris duci, ut Scipio apud Livium vocat lib. 26. c. 45. supplicabant nautæ, *νοσὲν ἐπεργουμένους δόματα, ut reditum velit laborantibus reddere*, Orpheus Argon. vf. 1365. Ei faustum iter tribuebant, Homer. Iliad. 1x. vf. 362. & qui ex itinere maritimo salvi redierant, gratias habebant maxumas eidem. Plaut. Trinumm. actus IV. 1.

*Salsipotenti & multipotenti Jovis fratri
& Nereo Neptune,*

Lætus, lubens, laudes ago, & grates gratiasque habeo & fluctibus salsis

Quos penes mei potestas boni, navisque foret & meæ vitæ

Quod suis me ex hinc in patriam urbisque mœnia reducem faciunt.

Atque ego, Neptune, tibi ante omnes alios Deos gratias ago atque habeo summas.

Rurfus Gripus piscator Rudent. IV. sc. 2. vf. 1.

Neptuno has ego meo patrono gratias,

Qui salsis locis incolit pisculentis,

Cum me ex suis pulchre ornatum expedit

Templis reducem, plurima præda onustum.

Eidem votum solvebant ex itinere reduces.

Marmor Caputæ, via publica in basi seu ara apud Gruterum 62. n. 6.

NEPTUNO
SACRUM
VOT. IN. SICULO. FRETO
SUSCEPTUM. SOLVIT.

Huic etiam propitio & benevolenti, pro salute L. Minicii Fundani, Proconsulis Asiæ sub Hadriano, L. Marius ex voto posuit hanc pag. 1014. 6.

D. M. PROPI... OLENT
NEPTUNO. SACR.
PRO. FELICI. ITU. AC. RED.

Nec mirum ergo est, quod Neptunus REDUX, ET CONSERVATOR, in nummis Augusti, Titi & Postumi vocatur. Et sicut propriam Deorum appellationem apud Græcos vocat Euripidis interpres, ut *Ἀνακτες*, hoc est *Σωτῆρες* dicerentur, ita Neptunum *σωτῆρα* dictum, apud Herodotum legas, lib. VII. c. 193. eique ædem hoc nomine apud Artemisium erectam; nimirum, ut ipse de se loquitur, apud Lucianum, in Jove Tragædo t. II. pag. 141. *σώζων τὰς πλείονας*, *servans navigantes*. Vid. Spanhem diss. VII. de Præst. & usu num. p. 416. Eidem *reduci*, id est, *reducenti*, etiam positus lapis, Ostiæ erutus, adfertur à Grævio in præfat. ad tom. X. Thesaur. Antiq. Fabretto c. 5. pag. 405. & Gudio pag. 41. n. 4.

NEP-

NEPTUNO. REDUC.

SACRUM

Q. MANILIUS. Q. F. PAL.

SEVERIANUS.

VI. VIR. AUG. ET. FLAM.

TITIAL. V. S. L. M.

Rursus eidem Neptuno propitio semper deo Antipatri filius, in inscriptione Chalcedonensi, libens posuit ΑΓΛΘΗΣ ΣΤΥΜΒΟΛΟΝ ΕΤΠΑΟΙΗΣ, *felicis symbolum navigationis*. Uterque, & Sponius in Miscellan. pag. 332. & Wehlerus vidit & exscripsit hoc monumentum; sed non unis oculis: utriusque explicationem conjunxit Fleedwoodus syll. inscript. pag. 52. 53. Dligentius vero eandem emendavit, exposuit & Euripidis simili loco in Troadibus vs. 78. illustravit vir Cl. Gottlib. Sigefridus Bayer, de diis vial. Græcor. c. 7.

Proximos Neptuno facimus Deos Cabiros fratresque pileatos, Castorem & Pollucem, qui θεοὶ μεγάλοι, Διόσκυροι, Ἀνακτες, *Dii magni, DioscURI, Anaces*, sive *Anactes* dicuntur apud Ælium Dionysium, Pausaniam, Plutarchum & Varronem lib. IV. de L. L. Historia eorum ex Pindaro & Theocrito petenda est. Varias eorum classes tradit Cicero in III. de N. D. c. 21. Διόσκυροι apud Grajos multis modis nominantur. *Primitres, qui appellantur Anactes, Athenis*

ex Jove, rege antiquissimo & Proserpina nati, Tritopatreus, Eubuleus, Dionysius. Secundi duo, Jove tertio nati & Leda, Castor & Pollux: Tertii dicuntur a nonnullis Alco & Melampus, Emolus, Atrei filii, qui Pelope natus fuit. Plures Dioscuros recensent Damascius apud Photium cod. 242. Euseb. de præp. Evang. l. 1. c. 7. & Eustathius ad Odysl. A. pag. 438. at de ingente narrationum diversitate queritur Strabo lib. X. & Varro lib. IV. de LL. vulgi errorem notat, quod Dioscuros Cabiros, seu Deos Magnos Samothraces, cum Castore & Polluce confundat. Sed nobis sufficit, quod utrique & Cabiri & Gemelli ad numina nautarum vialia pertinent, ideoque missis reliquis, quæ Bochartus in Chanaan l. c. 12. Fabrett. de col. Trajani c. 3. Vossius de orig. & progr. idol. lib. 11. c. 36. & Tobias Gutberlethus, in dissertatione, de Mysteriis deorum Cabirorum, summa diligentia dixerunt, quæ ad institutum nostrum pertinent, prosequemur.

Et primum quidem Samothraces illos *Cabiros*, id est potentes, lingua Ebraica, vel *Divipotes*, ut Varro & Tertullianus interpretantur, navigantibus omnibus utiles visos fuisse, preces ad eos missæ, et tabulæ pictæ, et cæsaries ipsis oblata apud Orpheum Argonaut vs 465. Apollonium

Ionium Argonaut lib IV: vs: 1548: Callimachum epigr. 51. & Ciceron. de N. D. lib. III. c. 37. satis ostendunt. Castor quoque et Pollux; postquam a Jove patre ad superos relati (sunt enim Indigetes et adscriptitii Dii) istiusmodi sibi stationem impetrarunt, ubi commode navigantibus præessent. Quare θεοὶ σωτῆρες appellantur apud Artemidorum Oneir. II. c. 42. et Aelianum lib. 1. Hist. c. 30. et lib. 4. cap. 5. Tzetzes in Lycophronem: διὰ καὶ θαυμάσαντες αὐτὰς οἱ Ἀθηναῖοι, Ἀνακτας, ἤτοι θεοὺς, καὶ σωτῆρας ἐκάλεσαν. *Quapropter admirati eos Dioscuros Athenienses, Ἀνακτας, id est Deos & salvatores, appellarunt.* Pausanias in Corinthiacis: *In basi, inquit, Neptuni insculpti sunt οἱ Τυνδαρεω παῖδες, ὅτι δὴ σωτῆρες καὶ ἤτοι νεῶν, καὶ ἀνθρώπων εἰσι ναυτιλλομένων.* *Tyndari filii, quod ipsi quoque salutaria creduntur navibus & vectoribus numina.* Hesperum et Luciferum Ledæos juvenes vocant nonnulli. Quidam Geminos esse in Zodiaco putant. Hinc Homerus ἑτερομήγεας eos vocat, aitque alternis diebus vivere ac mori. Sidera appellantur apud Petronium cap. 99. *Ego cum Gytone, quicquid erat, in altum compono, & adoratis sideribus intro navigium.* Nam veluti stellæ supra navigia apparebant. Seneca I. Nat. Q. 1. *In magna tempestate apparent quasi stellæ velo insidentes:*

dentes: adjuvari se tunc periclitantes existimant, Pollucis & Castoris numine. Optimum enim omen si gemini ignes vili. Theocritus Idyll. 23. de Dioscuris:

·ΑΛΛ' ἔμπης ὑμῖν τε καὶ ἐν θυτῷ ἔλκετε νῆας
 αὐτοῖσιν ναύταισιν ἐιομένοις θανέεσθαι.

Λίψα δ' ἀπολήγοντ' ἄνεμοι, λιπαρά δὲ γαλάνα
 Ἀμπέλαγος, νεφέλαι δὲ διέδραμον ἄλλυδις ἄλλαι.
 Ἐκ δ' ἄρκτοι τ' ἐφάνησαν ὄναι τ' ἀνὰ μέσσοι ἀμαυρῇ
 Φάτην, σημαίνεσθαι τὰ πρὸς πλοῖον εὐδία πάντα.

*Attamen vos etiam ex profundo retrahitis
 naves,*

*Una cum ipsis nautis, qui se morituros
 esse putabant.*

Statim vero venti desinunt, & mitis tranquillitas

*Per mare, nebulaeque diffugere alie alio
 Et rursus apparent ursae, atque inter
 medios asinos obscurum*

Prasepe, significans ad navigationem serenata omnia.

Imitatus est Horatius lib. I. Carm. Ode 12.

Dicam & Alciden, puerosque Leda:

Hunc equis, illum superare pugnis

Nobilem; quorum simul alba nautis

Stella refulsit.

Defluit saxis agitated humor,

Concidunt venti, fugiuntque nubes

Et minax (quod sic voluere) ponto

Unda recumbit.

Hinc

Hinc in nummis aliisve antiquis monumētis, vulgo cum duabus stellis conspici; *astroque comantes Tyndarides* à Valerio Flacco lib. V. vs. 367. et *fratres Helenæ, lucida sidera* ab Horatio Ode I. 3. 1. appellantur. Vide Spanhemii Observat. in hymnum Callimachi in Pallad. vs. 24. pag. 557.

Hos statuis, lucis, templis, festis et sacrificiis perfectis dignati sunt, non tantum Samothraces, sed et omnes Græciæ populi, ut Pausanias passim docet, et ex aliis ejusdem bonæ notæ scriptoribus ostendit Meursius lib. IV. Græc. feriat. et Petrus Castellanus de festis Græc. in *Ἀνάκτα*. Insigne quoque monumentum reperias apud Montfauconium supplem. antiq. t. 1. lib. 4. c. 4. ex quo discimus, Dioscuros Cabiros, ut magnos deos, Athenis cultos fuisse. Quod Gemelli etiam *Dii magni* apud Romanos dicti fuerint, inscriptio Gruteri ostendit pag. 98. n. 9. CASTORI ET POLLUCI DIIS MAGNIS. Servius ad III. Æneidos v. 12. *Varro unum esse dicit Penates & magnos Deos. Nam & in basi scribebatur MAGNIS DIIS. Et idem Varro & alii complures magnos Deos affirmant simulacra duo virilia Castoris & Pollucis, in Samo-Thracia ante portum sita, quibus naufragio liberati vota sol-*

uebant. Hos quoque, tanquam imperium in ventos et nubes habentes, multa prece, & publica & privata, Romani colebant. *Æthicus in Cosmograph. de Tiberi: Insulam facit inter portum urbis & Ostium civitatem, ubi populus Romanus cum Urbis præfecto, vel Consule, Castorum celebrandorum causa egreditur, solemnitate jucunda.* Iisdem ædes duæ erant dedicatæ, altera in foro Romano, altera in circo Flaminio, ut notum est. Hos etiam adorabant navigia intrantes, ut æquora panderent, ac iter per ea suaderent. Plinius lib. II. H. N. 37. *Polluci & Castori id numen assignant, eosque in mari deos invocant.* Statius Propeemptico Metii Celeris:

- - - proferte benigna

Sidera, & antennæ gemino consistite cornu

Oebalii fratres: vobis pontusque polusque Luceat

Rutilius lib. I. Itin. v. 155.

Pande precor gemino placatum Castore pontum.

Temperet aquoream dux Cytheræa viam.

Non autem nisi in supremo discrimine apparebant, cum vel metus vel periculum præcellisset, cumque nautæ nullum, nisi à Numinis auxilio, exitum sperare poterant. Unde *ἡμεῖς πορεύομεν θεοῖς* à Laconibus dissol-

eti, ut observavit Isaacus Vossius ad Catullum pag. 289. ubi is ad Manlium carm. 68. v. 63.

*At velut in nigro jactatis turbine nautis
Lenius adspirans aura secunda venit.*

*Jam prece Polluces, jam Castora implo-
rante,*

Tale fuit nobis Manlius auxilium.

Addo Arrianum lib II. in Epictet. cap. 18.

τῶ θεῷ μέμνητο, ἐκείνον ὀπικαλῶ βοηθὸν καὶ παρο-
στάτην, ὡς τὸς Διοσκόρους ἐν χειμῶνι οἱ πλείοντες. *Dei
memento, illum adjutorem invocato & com-
militonem, ut Castorem & Pollucem, qui
in tempestate navigant.* Aristophanes Pa-
ce v. 221.

Ἄνδρες τι πεισόμεθα νῦν ἀγὼν μέγας:

Ἄλλ' εἴ τις ἡμῶν ἐν Σαμοθρακίᾳ τυγχάνῃ

Μεμνημῆς, νῦν ἐστὶν δοῦξασαι καλόν.

*Nunc viri aliquid patiemur; nunc ma-
gnum certamen:*

Sed si quis nostrum in Samothracia est.

Initiatus, nunc orare tempestivum est.

Ubi Scholiastes oi, inquit, ἐν κινδύνοις γενόμενοι
ἐπεκαλῶντο τῆς τὸς Δαίμονας, τὸς ἐν Σαμοθρακίᾳ, τὸς
τε Κορύβαντας, καὶ τὴν Ἑκάτην. *In periculo consti-
tuti invocabant Samothracum Deos, &
Corybantas, & Hecaten.* Quod initiatos
Cabiris, ait, contra tempestates maris tutos
esse, id etiam tradit vetus Apollonii inter-
pres ad lib. I. vf. 917.

Ἀρήκτες αἰγανῆσι τελεσφορίῃσι θεμίτας

Σωότεροι κρυόεσσαν ὑπεῖρ ἄλλα ναυλίκαιιντο.

Intemerandis legibus imbuti & severis initiati cultibus

Certiori cum incolumitate formidolosum navigarent mare.

Ubi Scholium: τὰς τελετὰς λέγει, τὰς ἐν Σαμοθράκῃ αἰγανῆας, αἶς, εἴ τις μνηθεῖη, ἐν τοῖς κατὰ θάλασσαν χειμῶσι, δὴ σώζεται. *Initiationes dicit, quæ celebrantur in Samothrace, quæ si quis initiatus fuerit, in tempestatibus in mari conservatur.* Propertius etiam, multum sæviente tempestate, parum à morte remotus, diu optatos querit Tyndaridas lib. 1. El. 17. Horatius l. IV. Od. 8.

Clarum Tyndaridæ fidus ab infimis.

Quassas eripiunt æquoribus ratis.

Claudianus de bello Gildon. vf. 210.

Sic cum præcipites artem vicere procellæ,

Affiduoque gemens undarum verberè nutat.

Descensura ratis cæca sub nocte vocati

Naufraga Ledaï sustentant vela Lacones.

Qui ab itinere erant reduces, vota ante discessum, vel in periculo nuncupata, iis solvebant. Orpheus alterο κρητῶν hymno vf. 4.

Ὅσοι Σαμοθράκην ἱερὴν χθόνα ναιετάοντες

Κινδύνοις θνητῶν ἀπερύχετε παντοπλανήτων.

Quique Samothracum habitacula sacra colentes

Casibus eximitis per cæcula velificantes.

Eude-

Eudemus, cum salvus procellas effugisset, navim donavit Cabiris, apud Callimachum Epigramm. 51.

Θῆκε θεοῖς Σαμόθραξι: λέγων ὅτι τὴν δὲ κατ' εὐχὴν
Ω λαοί, σωθεῖς ἐξ αἰλῶς ᾧδ' ἔθετο.

*Donavit Diis Samothracibus, dicens quod
hanc ex voto,*

O populi, servatus ex mari hic posuit
Sic etiam Fl. Valerius Rufus, legatus provinciae Galliae Narbonensis, *Magnis diis votum quod abiens fec. post. reditum de suo solvit*, in marmore apud Gruter. pag. 1019. 1. & in alio pag. 1016. 3.

CASTORI. ET. POLLUCI.

SACRUM.

OB. FELICEM. IN. PATRIAM.

REDIT. TOT. SUPERAT.

NAUFRAGII. PERICULIS.

- - EX. VOTO. CUM.

SOCIIS.

L. M. P.

C. VALERIUS. C. F. AGELL.

Pelagi quoque imperium tenuere Glaucus, Panopea, Melicerta, Thetis, & Nereus, qui θεοὶ θαλάσσιοι, ὑπάλιοι, διαπόντιοι Græcis, *La-res permarini* Livio lib. XL. cap. 52. Servio sæpius *Dii marini* dicuntur, ad V. *Æneid.* vi. 241. & 824. De his quoque
Stra-

Strabo ait, lib. VI. commemorat pag. 277. Senatum Romanum, cum a Tito Flaminio, Siciliae Prætor, certior esset factus periculorum maritimorum, missis legatis, rem sacram procurasse τοῖς τε καὶ ἀλγιδονίοις θεοῖς καὶ τοῖς θαλάττιοις, diis Manibus & Marinis. Apud Pollucem lib. I. c. I. n. 23. inter alia deorum cognomina referuntur θαλάττιοι, καὶ εἰ αὐτοὶ ἐνθαλάττιοι, Marini, qui & Pontici. Plerosque complexus est Lucillius:

Inoque, Glaucoque & Nereo, dein Melicertæ,

*Et Samothracum diis, æquoreoque Jovi,
Servatus dicat è pelagi Lucillius undis:*

*Hos crines, aliud namque habet ille
nihil.*

Virgilius I. Georg. 437.

*Votaque servati solvent in littore nautæ
Glauco & Panopeæ & Inoo Melicertæ.*

Melicerta Latinis Portunus vocatur, quia portuum præses, apud eundem lib. V. vs. 239.

*Dixit, eumque imis sub fluctibus audit
omnis*

*Nereidum Phorcique chorus Panopeaque
virgo;*

*Et pater ipse manu magna Portunus
euntem*

Impulit.

Ubi Servius notat.: Portunus Deus marinus,

mus, qui portubus præest. Dicebatur *Portunus et Portumnus*: nam in tribus lapidibus apud Gadium pag. 3. n. 6. est *ÆDITUUS PORTUMNI* & pag. 59. *PORTUMNO. BONO. DEO. TRANQUIL.* verum pag. seq. n. 1. legitur *PORTUMNO & PORTUNAE TRANQUILLAE SACRUM*: Arnobius lib. III. pag. m. 113. *Per maria tutissimas præstat Portunus commeantibus navigationes: & cur insanum mare tam frequentes exposuit crudelium naufragiorum ruinas?* Festus cum, tanquam maris & portuum curatorem, clavim manu tenere, in voce claudere scribit: *Portumnus clavim manu tenere fingeatur, & Deus putabatur esse portuum.* Alios id genus Virgilius recenset dict. lib. V. vf. 822.

*Tum variæ comitum facies, immania cete;
Et senior Glauci chorus Inousque Palæmon,
Tritonesque citi; Phorcique exercitus omnis.
Læva tenent Thetis & Melite Panopeaque
virga,*

Nesæe, Spioque, Thaliaque Cymodoceque.
Valerius Flaccus lib. I. vf. 188.

*Tum leti statuunt aras, tibi, rector aquarum,
Summus honos: tibi cæruleis in littore
vittis*

*Et Zephyris Glaucoque bovem, Thetique
dique juvencam*

Dejicit

Dejicit Ancaeus.

Nereides erant Nerei e Doride filiæ, quas *centum aquoreas Nereo genitore puel- las* Catullus; *Nymphas natantes incolasque aquatiles* Prudentius *αἱ νεφεληγεγενημέναι* appellavit. Nomina earum retulit Homerus Iliad. 18. Schemata & classes dedit Montfaucon. tom. 1. Ant. p. 385. qui etiam in supplem. t. 1. lib. 2. c. 7. figuras deorum marinorum ex pavimentis aliquot musivi operis expref- sit. Squamis quibusdam in facie & in pe- ctoribus eos, velut peculiari nota distinctos, Fabrettus repræsentavit de col. Trajan. c. 9. pag. 308. DII AQUATILES vocan- tur in lapide Reinesii cl. 1. n. 69. Omnes vero in imis voraginibus antrisque ma- ris habitare credebantur, uti Turneb. lib. xvi. advers. cap. 32. cum Servio expli- cavit illud Virgilii lib. 1. Æneid vs. 125. *imis stagna refusa vadis.* Manilius lib. V. vs. 11. de urinatoribus:

*Corpora qui mergunt undis, ipsumque sub
antris*

*Nerea, & aquoreas conantur visere
Nymphas.*

Omnes præterea senes dicebantur, quod capita eorum alberent spumis aquarum, auctore Servio ad lib. iv. Georg. vs. 403. Amictus cœruleus; unde! *Glauci cœruleati* meminit Vellejus Paterculus lib. 11. c. 83.
&

et Apulejus lib. IV. de comitibus Veneris: *Adfunt*, inquit, *Nerei filia;* *chorum canentes*, & *Portunus cæculis barbis bispidus*. De omnibus denique hisce marinis notandum, eos fere inter deos plebejos & pusilla numina referendos esse; quia, pariter ac Larès supra, erant homines beneficio mortalium in Deos relati. Unde *Medioxumi* vocantur, ut Illustris Cuperus lib. III. obs. c. 16. docuit ex isto Servii loco ad III. Æneid. vs. 134. *Quidam aras superiorum deorum volunt esse: Medioxumorum, id est marinorum, focos*.

Ceterum an iidem fuerint dii *marini* & *litorales* quæsitum est; Jacobus Nicolaus Loënsis lib. III. Miscell. c. 15. Apollinem Actium & Hellespontiacum Priapum intelligit per deos litorales Catulli carm. 4. Turnebus lib. 25. Advers. c. 21. Glaucum, Panopæam & Melicertam interpretatur, ex Virgilii lib. I. Georg. 436.

Votaque servati solvent in litore nautæ

Glaucò, & Panopæa, & Inoo Melicertæ.

Gervartius ad Statium Deos *marinos* à *litoralibus* distinguendos esse contendit, cum hi potissimum fuerint Dii Cœlestes, ut Apollo Ἰσάκτιος apud Apollonium, & *Pallas litorea* apud Statium 1. Achill. Vossius autem ad d. 1. Catulli nullum fere deorum majorum minorumve esse, ait, cui sana

in litoribus sacrata non fuerint; & quamvis marini dii plerumque pro turba innominata, imis in gurgitibus habitante, & pro medioximis ponantur, nil tamen video, quod obftet, quominus omnium Deorum, qui nautis præfunt, simulacra, templa & aras in litoribus posita credamus Virgilio lib. V. *Æneid.* vs. 237. Dionysius enim Halicarn. lib. I. cap. 38. similiter scribit, veteres cuique deorum loca convenientissima dedicasse, montes & nemora Pani, Nymphis prata & loca virentia, at *litora & insulas marinis numinibus.* Apud Boissardum quoque Antiq. tom. VI. p. 30. Satyrus colliculo insidens dextram porrigit mulieri nudæ, addita subscriptione:

SILVANO. LITORALI. ET.
MUSAE LACHES

Sicut porro Veteres Oceanum religiose colebant, tanquam Deum, ita fluvios quoque Deos & Diis sacratos legimus. *Ægyptii* Nilo, *Indi* Indo fluvio sacra faciebant, auctore Philostrato lib. II. de vita Apollon. c. 19. & 31. *Persæ* in fluvium non immejebant, nec in eo lavabant, aut abluiebantur; nec cadaver injiciebant, nec alia immunda; quia aquam, ut numen, colebant, Herod. lib. I. cap. 138. & Strabo lib. XV. extr. Apolloniatae, Epiri cives, *Ælanti* fluvio, ab Epidamniis sibi in adjuto-

torium misso, *ut Deo immolaverunt*, eo-
 que duce in omnibus deinceps præliis uti
 instituerunt, Valer. Max. lib. 1. c. 5. n.
 ult. In Umbria, fons & fluvius Clitumnus,
præsens numen, atque etiam fatidicum, sor-
 tes indicasse dicitur, apud Plin. lib. viii.
 epist. 8. De Romanis Cicero lib. iii. de N.
 D. c. 20. *Fontis delubrum Maso ex Corsica*
dedicavit, & in augurum precatone Ti-
berinum, Spinonem, Anemonem, Nodinum,
alia propinquorum fluminum nomina vide-
mus. Germanorum Deus & numen patri-
 um censebatur Rhenus, uti ex reperto
 apud Coloniam Agrippinensem sigillo æ-
 neo, ad figuram Tiberini patris, monuit
 Freherus; ejus inscriptio erat: DEUS RHE-
 NUS. Maxime vero ex specu nascentes pro
 Diis celebrantur, eisque aræ statuebantur.
 FONTIBUS DIVINIS SACR. est in la-
 pide Brixiano apud Gruter pag. 172. n. 7.
 Seneca epist. 41. *Magnorum fluminum ca-*
pita veneramur, subita ex abdito vasti
amnis eruptio aras habet; coluntur aqua-
rum latentium fontes, & stagna quædam
vel opacitas vel immensa altitudo sacravit.
 Hanc ob rem *sacra*, *lucos* & *aras*, patriis
 omnibus dicata, memorat Tacitus lib. I.
 Annal. c. 79. & in fontibus fluminum na-
 tare nefas erat. Idem lib. 14. Ann. c. 22.
 de Nerone, qui cum fontem aquæ Marcie

ad urbem deductæ nando incesſerat, *videbatur potus ſacros & ceremonias loci corpore toto polluiſſe, ſecutaque anceps valetudo iram Deum affirmavit.* Immo in quibuſdam navigare vetitum. Plinius lib. VIII. epiſt. 20. de lacu Vadimonis: *nulla in hoc navis: ſacer enim eſt.* Hinc etiam fluvios tranſituri adorabant, uti ſupra cap. 1. pag. 10. ex Heſiodo, Arriano, Virgilio & Silio vidimus; iisſque in trajiciendo equos vel tauros conſecrabant & immolabant, Sueton. lib. 1. c. 81. & Plutarch. in Lucullo. Iiſdem quoque, ut Diis, parvi nummi ærei, quos ſtipes vocabant, honoris cauſa, vulgo injiciebantur. Seneca lib. 4. Qu. nat. 2. de Nili venis, inter ſcopulos erumpentibus: *In hac ora ſtipem ſacerdotes, & aurea dona præſecti, quum ſolenne venit ſacrum, jaciunt.* Plinius dict. epiſt. 8. Clitumni gurgitem, ait, adeo purum & vitreum fuiſſe, *ut numerare jactas ſtipes poſſis.* Sueton. Aug. c. 57. *Omnes ordines in lacum Curtii quotannis, ex voto pro ſalute ejus, ſtipem jaciebant.* Ubi plura Caſaubonus, quocum Rupertus jungatur ad Florum lib. II. cap. 20. §. 7. & ad Valer. Max. lib. I. c. 4. qui horum numinum ſimulacra dormientia pingi ſolita, Tiberis & Maronis fluvii exemplis oſtendit. De fontis numine, videliſ etiam Grot. ad Marciani Capellæ

pellæ lib. 1. & Reines. ad cl. 1. n. 51. Inscript.

Venti denique, Fluctus & Tempestates, inter maritima numina, suas habebant aras, statuas & templa, in quibus navigaturi hostias offerébant ac precabantur: cum enim sæpe homines viderent, ex procellis & tempestatibus se nulla arte eluctari posse, ipsique votorum, quantum satis est, Diis fecissent, tandem ad harum invisibilium potestatum auxilium convolabant. Pausan. in Corinth. pag. 106. in Sicyoniæ regione Titane: *Ara est ventorum, ad quam nocte una quotannis sacerdos sacrum facit.* Herodotus lib. VII. cap. 178. *In delubro Thujæ ara est ventis constituta, iisdemque sacrificatum.* Quod Persæ Ventos coluerint, cum Herodoto lib. I. c. 131. tradit Strabo lib. 15. Lacedæmonios ventis equum immolare, et adolere in monte Taygeto, nos docet Festus, in voce *October*. Hesiod. *θεογ.* vs. 871. Boream, Zephyrum et Notum ex Diis ortos, ait, reliquos vero ex Typhæo. Athenienses Boreæ, tanquam adfini suo, templum apud Ilissum fluvium struxerunt, auctore Herod. VII. c. 189. et Pausania Attic. c. 19. *Thurii quoque τῷ Βορρæῖ ἱδρυται Boreæ rem divinam fecerunt, et decreverunt, ut ventus ille sit suus civis, domumque ei et agrum assignarunt, singulisque annis sacra ei fecerunt, teste Eliano*

lib. XII. c. 61. Idem Megalopolitas fecisse memorat Pausan. in Arcad. c. 36. Πεποιή-
ται Βορέα τῷ Ἀνέμῳ Τέμενθ, καὶ οἱ Μεγαλοπολίται
Θυσίας θύουσιν ἀνα πᾶν ἔτθ, καὶ θεῶν κτενὸς Βορέαν ὕστε-
ρον ἄγουσιν ἐς τιμὴν, ἅτε σωτῆρα γενόμενον σφισιν ὁπὸ Λα-
κεδαιμονίων τε καὶ Ἀγιδθ, *Factum est templum
Boreæ vento, & Megapolitani sacra illi
faciunt quotannis, nec quoquam Deorum
minus venerantur Boream, quippe qui ser-
vaverat eos à Lacedæmoniis & Agide.* Se-
neca lib. V. Natural. Quæst. cap. 17. *Di-
vus Augustus templum illi (Circio vento)
cum in Gallia moraretur, & vovit &
fecit.* In lapide apud Reinesium inscript.
pag. 186. navicularius mercator Orithyæ,
Aquilonis conjugii, votum solvit;

HORITHYÆ

L. BARBIVS, L. LIB.

THEOPOMPUS

NAV, MERKAT

V. S.

Horithya illa est Erechtei regis Athenien-
sium filia, amata raptaque ad Ilyssi ripas a
Borea Thracio; uti præter alios late de-
scribit Ovidius lib. VI. Metam. vs. 683. ubi
Boream deum vocat;

Dilectaque diu caruit Deus Orithyia.

Posses quoque, cum Reinesio, Ἀρεθναὶν
unam Nereidum Nympharum hic intelli-

ge-

gere, quam Homerus Iliad. ɔ. vf. 48. Hyginus fab. 1. & Suidas nominarunt. Vid. Meurf. de regib. Atheniens. lib. II. cap. 13. Certior ventorum cultus ex alio lapide, in Africa reperto, colligitur, apud Spon. Miscell. pag. 77. & Burcardum Gotthelfium Struvium V. Cl. ac de sacris hisce præclare meritum, Antiq. Rom. synt. cap. 1. pag. 169.

V I N T I S

BONARUM. TEMPE-
TATIVM. POTENTIBVS
LEG. III. AUG. DEDIC.
Q. FABIO. CALVITINO
LEG. AVG. PR. PR.

Venti bonarum malarumque tempestatum auctores sunt; sed JOVEM O. M. TEMPESTATIUM DIVINARUM POTENTEM, ex alia inscriptione supra vidimus & illustravimus cap. vi. pag. 103. quibus nunc accedat Virgil. lib. 1. Georg. vf. 27. ubi Augusto adulatur, eumque *tempestatum potentem* fore ait, instar Jovis, aut si velit, *An Deus immensi venias maris, ac tua nautæ numina sola colant.* Videas Cl. Turre de Diis Aquilej. pag. 296. & seqq.

Tot vero quæ de ventorum cultu jam adduximus loca convincere possunt Dacierium, qui ad Horat. lib. 1. carm. 25. fin.

non commemorat ventis quicquam dedica-
ri; at si illis immolatum est, cur non &
dedicatum? recte ipsi regerit Celeb. Bent-
lejus. Invocatos eos esse docet Propertius
lib. III. Eleg. 5.

*Di maris, Ægei quos sunt penes equo-
ra, Venti.*

Ubi in notis Cl. Broeckhusius addit Lu-
cretium lib. V. vs. 1225.

*Summa etiam cum vis violenti per mare
venti,*

*Induperatorem classis super æquora verrit,
Cum validis pariter legionibus atque ele-
phantis;*

*Non Divum pacem votis adit? ac prece
quest*

*Ventorum pavidus paces animasque se-
cundas?*

Fluctus placatos Cicero indicat lib. III.
de nat. Deor. c. 20. *Nostri duces, mare in-
gredientes, immolare fluctibus hostiam con-
jueverunt.* Et senex Charmides, apud
Plautum Trinum. Actus IV. sc. 1. grates
gratiasque habet *fluctibus salvis.* De Tem-
pestatibus loco eod. Tullius, rejiciens in-
finitam illam superstitionis rationem: *Quod
si nubes retuleris in deos, referendæ certe
erunt Tempestates, quæ populi Romani ri-
tibus consecratæ sunt.* His templum dedica-
vit L. Cornelius Scipio, Barbati filius;
teste

teste antiquissima inscriptione, quam Sirmondus & Anonymus doctis commentariis illustrarunt, in thes. Grævii tom. IV. pag. 1832. cum enim, capta Corsica Alériaque urbe, Scipioni magno constitisset victoria, ob Corsici maris rabiem, DEDIT. TEMPESTATEBUS. AIDE. MERITO, Tempestatibus ædem merito dedit, sive sacravit. Ad eandem ædem pertinet Ovidii locus, non vero ad illam, quam M. Marcellus, a periculo navigationis in Corsicam liberatus, struxisse fertur, extra portam Capenam, lib. VI. Fast. 193.

Te quoque, Tempestas, meritam delubra fatemur,

Cum pene est Corsis obruta classis aquis.
Epignomus apud Plaut. Stich. III. sc. 1. init.

Cum bene re gesta salvos convortor domum,

Neptuno grates habeo & Tempestatibus.

Astra, quæ ortu suo Tempestates, ut conitrua, fulmina, grandines & nimbos cicerent, Phænomena, scriptores appellant Arcturum, Hædos, Hyadas, Oriona, & Pleiadas; atque id de priore Apollon. lib. II. Argon. Aratus & Plautus Rud. Prol. v. 5. testantur.

*Nam Arcturus sum, signum omnium quam
acerrimum*

*Vehemens sum, exoriens cum occido ve-
hementissimum.*

De Hædis & Hyadibus Ovid. lib. 1. Trist.
Eleg. XI. vs. 13.

*Sæpe ego nimboris dubius jactabar ab
Hædis,*

*Sæpe minax Steropes sidere pontus erat
Fuscabatque diem custos Erymanthidos
Ursæ;*

Aut Hyadas feris hauserat auster aquis.

Statius Thebaid. IX. vs. 460.

- - - cum Plejadas haurit,

*Aut nigrum trepidis impingit Oriona
nautis.*

Contra Ursæ duæ, in Aquilonari regio-
ne, Helice & Cynosura, amicæ nautarum
fidissimæ, uti Barthius lib. 34. Advers.
c. 15. multis Veterum locis ostendit. Ovid.
IV. Trist. El. 3. vs. 1.

*Magna minorque feræ, quarum regit al-
tera Grajas,*

Altera Sidonias, utraque sicca, rates.

Idem Epist. 18. vs. 149.

*Nec sequar aut Helicen, aut, qua Tyros
utitur, Arcton:*

Publica non curat sidera noster amor.

Manil. 1. vs. 294.

*Summa tenet ejus miseris notissima nautis
Si-*

*Signa , per immensum cupidos ducentia
pontum ;*

*Majoremque Helice major decircinat ar-
cum ;*

*Septem illam stellæ certantes lumine si-
gnant ;*

*Qua duce per fluctus Grajæ dant vela
carinæ.*

Augusto Cynosyra brevi torquetur in orbe.
Valer. Flacc. lib. I. vs. 17.

- - - - *nec enim in Tyrias Cynosura
carinas*

*Certior , aut Grajis Helice servanda ma-
gistris.*

Cur autem noxiis Tempestatibus ædes
sacras & aras posuerint, in promptu ratio
est ; quia *Deos quosdam , ut prodesse ,
celebrabant , quosdam , ne obessent , pla-
cabant*, ait Gellius lib. V. c. 12. ubi Væ-
jovem deum, qui non juvandi potesta-
tem, sed vim nocendi haberet, eadem ra-
tione cultum fuisse, tradit. *Romani ve-
teres diis asperioribus sacrificabant , ne no-
cerent*, ait Servius ad III. Æneid. vs. 120.
Similiter eisdem, sub Palatio colle, Febris
& templum & aram ædificasse, scribit Æ-
lianus lib. XII. cap. XI. Idem tradit Va-
ler Maximus lib. II. c. 5. n. ult. & firma-
tur ex inscriptionibus Gruteri pag. 97.
**FEBRI DIVAE, SANCTAE, MA-
GNAE**

GNAE &c. Contumeliæ; Impudentiæ; Malæ Fortunæ & spurciorum fana Seldenus dabit de diis Syr. proleg. c. 3. Prudentius scabiem addit, Hamartigenia:

Par furor illorum, quos tradit fama dicatis

Confecrasse Deas, Febrem Scabiemque facellis.

Ceterum per mare iter facturi Neptuno taurum, Thetidi juvencam, bovem Glauco immolare solebant. Sic Homerus Alpheo & Xantho tauris factum ait, Iliad. XI. vs. 727. & XXI. vs. 131. Alexander tauros, Neptuno cæsos, in mare projecit, apud Indos, Arrian. lib. VI. pag. 415. Lucullus *Euphrati taurum immolavit, gratias ei pro transitu agens*, ut in vita ejus scribit Plutarchus pag. 507. Didymus ad Odyss. γ'. Ἐθνον ποσειδῶνι ταύρας μὲν δια τὸ βίαιον τῆς θαλάσσης, μέλανας δὲ δια τὴν χροίαν & ὕδατι τὴν ἐν τῷ βᾶθους. Virgilius lib. III. vs. 118.

*Sic fatus, meritos aris maculavit honores,
Taurum Neptuno, taurum tibi, pulcher Apollo;*

Nigram Hiemi pecudem, Zephyris felicibus albam.

Hoc ipsum quoque Servius multis locis explicavit ad Æneid. II. 202. III. 21. 85. & 118. IX, 627. nisi quod Paulo Leopardo lib.

lib. XX. Emendat. cap. 23. iusto concisior videtur. Cur vero tauros mari & fluminibus immolarint, ejus rei causam Eustathius pag. 1237. a mugitu petit, quem mare & fluvii imitantur: *μεμνηώς ἥτε ταύρων*, de Xantho fluvio cecinit vatum pater Iliad. φ. Eadem ratione taurina cornua fluvii appingi, notant veteres Critici ad Euripidem, Orest. vs. 1380. ubi Oceanus fluminum pater *ταυρόκεραν* vocatur. Inde & Neptunus *ταύρε* *Εννοσίγαι*, *Taurinus Neptunus* Hesiodo audit Scut. Herc. vers. 104. De Eridano Virgilius, *taurino cornua vultu*. De Tiberi Claudianus, *taurina levantur cornua*. V. Spanhem de præst. diss. VII. pag 394 Niger vero taurus Neptuno immolabatur, quod maris agitati fluctus ejus coloris esse viderentur, uti ex Homero, Virgilio aliisque probat Rad. Fornerius lib. I. Rer. quod c. 15. & 16. ut nobis persuaderet in l. I. §. 16. *D. de aq. & aq. pluvi.* pro aqua *increscit*, legendum esse *nigrescit*. Plane ratio victimarum fiebat pro qualitate numinum, & ad similitudinem quandam: nam inferis nigras pecudes, superis albas, ferenitati candidas, at procellosis ventis atrisque tempestatibus, quas Typhonas vocant, nigrum agnum immolabant; uti ex Aristophane in Ranis vs. 871. & ex Græcorum commentariis referunt Gyrat.

Gyraldus de Navigiis cap. 9. & Leopardus d. 1. Inter Latinos vero Servius monuit ad dict. vs. 118. Horatius Epod. X.

Libidinosus immolabitur caper :

Et agna Tempestatibus.

Tenii quidam nautæ, tempestatem passi, cum vix quinto die Athenas appulissent, diis vota reddunt hædo parvo & macilentto, quod qui ex hac causa sacra faciebant, quam minimo poterant sumtu pietatis officio defungi. Athenæus lib. IX. c. 6.

Πέμπτεω ἔθνον ἡμέραν οἱ Τήνιοι

Πολιοὶ γέροντες, πλὴν πολὺν πεπλωκότες

Λεπτὸν ἐρεφον, ἢ μικρὸν ἐκ λῶ ἐκ φορᾶ.

Quinto sacra die faciebant Tenii,

Senes cani, quod longa essent defuncti navigatione,

Gracilemque & parvum hædum immolabant, pelle detracta.

ubi perperam viri docti λευκὸν pro λεπτὸν scribi voluerunt, quod Casaubono displicuit, & ex superioribus refellitur: nam marinis numinibus atras victimas immolandas tradit Porphyrius apud Euseb. Præp. Evang. lib. IV. cap. 9. & Spanhem. ad Aristoph. pag. 311. Intestina autem in mare jaciebantur. Virgilius V. Æneid. 771.

Tris Eryci vitulos & Tempestatibus agnam

Cedere

*Cedere deinde jubet, solvique ex ordine
funem.*

*Ipsè caput tonsa foliis evinctus olivæ
Stans procul in prora pateram tenet, ex-
taque falsos*

Porricit in fluctus, ac vina liquentia fundit.
Apud Livium lib. XXIX. c. 27. Scipio, è
Sicilia in Africam trajecturus: *Secundum
eas preces, cruda exta, caesa victima, uti
mos, in mare porricit, tubaque signum
dedit proficiscendi.* Silius lib. XVII. vs. 48.

*Ipsè alacer Siculo discedens Scipio terra
Abcondit late propulsis puppibus æquor,
Cui numen pelagi placaverat hostia taurus,
Factaque cœruleis innabant fluctibus exta.*
Statius lib. II. Achilleidos 299.

*Cœruleum regem tauro veneratur, avumque
Nerea, vittata genitrix placata juvenca est.
Hic spumante salo jaciens tumida exta
profatur.*

Una cum extis simul etiam vina fundeban-
tur in fluctus. Virgilius lib. V. vs. 238.
& 776. & Statius lib. III. Silv. 2. in Pro-
pemptico Metii Celeris vs. 23. de classe Æ-
gyptiaca, quæ Palladi in Surrentino lito-
re positæ fecerat:

*Prima salutavit Capreas, & margine
dextro*

*Sparsit Tyrrhænæ Mareotica vina Mi-
nervæ.*

Navi-

3. "Navibus solutis , cum litorales Dii e
 conspectu fugissent , ad ea , quæ secum
 in navibus habebant , Deorum simulacra ,
 in amaris ponti periculis , confugiebant.
 Neque enim domus illæ fluctuantes Diis
 custodibus vacuæ esse debebant , undè ve-
 terum mos , etiam pueris notus , sculpen-
 di vel pingendi Deos in puppi , quorum
 tutelæ navigium erat consecratum. Dii illi
Tutela navis vocantur apud Senecam epist.
 76. & Petronium cap. 105. Virgilius lib.
 X. *Æneid.* 171. *aurato fulgebat Apolline*
puppis. Horatius lib. I. Ode 14. *Nil pictis*
tumidus navita puppibus Fidit. Lucanus
 lib. III. vs. 510. *non robore puto Ornatas*
decurt fulgens Tutela carinas. Papinius
 lib. VIII. Theb. vs. 269. *Solus stat puppe*
magister Peruvigil , inscriptaque Deus , qui
navigat , alno. Persius sat. VI. vs. 29. *Ja-*
cet ipse in litore & una Ingentes de pup-
pe Dii. Sed Ovidius lib. I. Trist. El. 10. pr.
 præterea *παράσημον* , quod in prora erat ,
 & nomen navi dabat , a tutela in puppi
 distinguit :

Est mihi , sitque precor flavæ tutela Mi-
nervæ

Navis ; & à picta casside nomen habet.

Valerius Flaccus lib. I. Argon. vs. 301.

Visa coronatæ fulgens tutela carinæ
Vocibus his instare duci.

tute-

Tutela autem Palladis erat simulacrum.
Idem lib. VIII. vf. 203.

*Puppe procul summa, vigilis post terga
magistri,*

Hæserat auratæ genibus Medea Minervæ.
Silius lib. XIII. Punic. vf. 78.

*Trojanam ostentat trepidis de puppe Mi-
nervam.*

Quandoque Deorum effigies in prora po-
sitæ, tanquam *παράσημον* & insigne, a quo
nomen navigio imponebatur. Sic verbi gra-
tia in Actis Apostol. XXVIII. vf. 11. na-
vis Alexandrina, qua D. Paulus Syracusas
a Melita vectus, erat *παράσημον Διοσκούροις*, cum
insigni Castorum. Ammonis in Græcia cul-
ti sacram triremem narrat Dinarchus apud
Harpocrationem : *Ἀμμωνίς ἡ δ' Ἀμμωνίου ἱερὰ
πρῆξις*. Prætoria navis, ab Ildis signo,
ISIS III. vocatur in inscript. vetere apud
Pighium Herc. Prod. pag. 367. & alia id
genus exempla congeffit Clarissimus Stanle-
jus in notis ad Æschyl. Sept. cont. Theb. vf.
214. Cave tamen cum eo credas, *παράσημον* &
Tutelam unum idemque fuisse. Optime hæc
distinxerunt Viri Cl. Josephus Scaliger in
Eusebianis ad A. 634. Meurs. ad Lycophron.
n. 1299 Salmasius Exercit. Plin. pag. 403.
Daniel Heinsius ad Silium lib. 14. vf. 543.
Selden. de Diis Syr. synt. 2. c. 16. Bo-
chart. lib. II. Geogr. c. 4. Fabrett. de
T. col.

col. Traj. c. 4. p. 112. Gud. ad Phædr. lib. IV. fab. 24. Schefferus lib. III. de milit. nav. cap. 1. & recentiores alii. Quamquam enim unum ejusdem Dei simulacrum nonnunquam in prora & puppi, plerumque tamen παράσημον animalis figura erat, aut heroïs, aut alterius rei; ut ærata tigris, immanis Triton, Phrygii leones, & centaurus apud Virgilium; capricornus in vetere inscriptione Gruteri pag. 1030. & pegasus in trierarchi nave, cujus filius ex *liburnæ parasemo nomen accepit*, ait Scholiastes Juvenalis Sat. IV. vers. 77. Quamvis etiam Lactantius lib. 1. cap. XI. Scholiastes Lucani d. I. & Glossæ Græco Latinæ παρᾶσημον tutelam vocarint, id tamen errori magis tribuendum videtur: sane bruta, Deorum vialium symbola, jam vidimus supra pag. 104. & seqq. quodque hisce temporibus multa navigia aves, vel quadrupedes in summo malo vel ejus vexillo pro signo gerunt, id a proris veterum fluxisse puto.

Denique, ut omnem nautarum cultum absolvamus, naufragium deprecaturi ungues & capillos refecabant, eosque iratis diis marinis, ceu ultimum votum offerebant, & naufragio liberati solvebant. Hinc naufragus quidam Anthol. lib. VI. cap. 21. ep. 1.

Γλαύκῳ, ἃ Νηρηΐ, ἃ Ινοῖ, ἃ Μελικέρτῃ

Καὶ Βυβίῳ Κρονίδῃ, ἃ Σαμέθρηξί Θεοῖς

Σωθεῖς ἐκ πελάγους Δακίλλῳ ὧδε κέκαρμαι

Τὰς τρίχας ἐκ κεφαλῆς, ἄλλο γὰρ ἕδεν ἔχω.

Glauco, & Nereo, & Inoi, atque Meli-
certæ

Et Saturnio marino, & Cabiris Samo-
thraciæ,

Salvus ex naufragio Lucillius, sic detondî

Crines capitis, aliud enim nihil habeo.

Idem tradit Lucian. in Hermotimo in fin.

& Artemidorus Oneirocrit. lib. 1. cap. 23.

Ναυαγίσαντες μὲν, ἢ ἐκ μεγάλῃ σωθέντες νόσῳ, ξυών-

ται οἱ ἄνθρωποι, *naufragi vel e gravi morbo*

liberati tondentur. Ex eodem more Casellius

Durantius lib. 11. Var. cap. 10. lucem affun-

dit Lucæ in Actis. Petronius cap. 63. rā-

furam *ultimum naufragorum votum* appel-

lat, & cap. 104 *Audiot enim n. n. licere cui-*

quam mortalium in nave, neque unguis

neque capillos deponere nisi quum pelago

ventus irascitur. Nonius: *Qui liberi sic-*

bant ea causa calvi erant, quod tempesta-

tem servitutis videbantur effugere, ut nau-

fragio liberati solent. Juvenalis sat. XII. v. 81.

Tum stagnante sinu gaudent ibi vertice
raso,

Garrula securi narrare pericula nautæ.

Qui ex undis & tempestate servati in tem-

plo Neptuni vel Isidis, una cum vestibus,

in quibus evaserant, tabellas dicabant, in quibus casus & naufragii pericula depicta. Multis hunc morem illustrat Ezech. Spanhem. ad Plutum Aristoph. vs. 938. nobis sufficient Horatius lib. I. Ode 5.

- - - me tabula sacer
*Votiva paries indicat, uvida
 Suspendisse potenti
 Vestimenta maris Deo.*

Juvenalis XII. vs. 27

*Et quam votiva testantur fana tabella
 Plurima, pictores quis nescit ab Iside
 pasci?*

Cicero lib. III. de Nat. Deor. c. 37. Tu, qui Deos putas humana negligere, nonne animadvertis ex tot tabulis pictis, quam multi votis vim tempestatis effugerint in portumque salvi pervenerint? In arboribus etiam antiquis ac ob vetustatem aridis Dis littoralibus dona votiva ac tabulas suspendebant. Virgilius lib. XII. Æneid. vs. 766.

*Forte sacer Fauno foliis oleaster amaris
 Hic steterat, nautis olim venerabile lignum:*

*Servati ex undis ubi figere dona solebant
 Laurenti divo, & votas susceperere vestis.*

CAPUT XIV.

DE FATIS DEORUM VIALIUM.

Sapientiores unum credebant numen supremum, etiam Jurisconsulti; sed vulgus ex operationibus ejus innumeros sibi deos effecit. Horum simulacra priscis invisa, & a Poëtis irrita. Cur aliquando Dii omnes, confessus & concilia deorum invocarentur. Quid sit ex visu votum facere. Numen, cujus sexus ignotus, Si deus, si dea, alloquebantur. Deus ignotus Atheniensium Actor. XVII. vs. 23. Dii locales & tutelares generaliter invocati. Dii municipales extra regionem non valebant. Lares & Penates domestica potestate tractati, pignerando & permutando. Tertullianus & l. 6. §. 3. D. de rer. divis. illustrata. Cultus lucorum & deorum vialium duravit ultra Caroli M. tempora; licet variis Principum edictis & Canonibus conciliorum ei obviam itum esset. l. 12. C. Tb. de paganis & Capitularia laudata. Sanctorum statuas in viis quibusdam hodiernis videri rudera deorum vialium, & nunc minus, quam in primis Christianis excusanda. Duo superstitionis exempla lepida. Conclusio cum monito.



Superest de fatis Deorum vialium quædam adjiciamus. Et primum quidem illud rursus pro certo hic est habendum, sapientioribus Græcorum & Romanorum, ex solo intellectus lumine, satis patuisse, a perfectione divina abhorrere, si plures uno Dii statuuntur: nam sicut admiranda mundi harmonia unum duntaxat ejus moderatorem arguit, ita contradictorium esse videbant, plura dari infinita, immo finitos fore Deos, si plures essent paris potestatis, qui & se invicem impedire, aut contraria velle possent. Hinc unum Deum, & mentem, & fatum, & Jovem, multisque aliis pro ratione officiorum nostrorum, appellari nominibus, docebat Zeno, auctore Laërtio lib. VII. c. 135. ejusque tota Stoicorum secta, ut ait Servius ad I. Georg. vs. 5. & IV. Æneid. vs. 638. Similiter unius Dei, numero singulari, ab his imbuti, Pomponius in *l. 2. de Just. & jur.* Ulpian. *l. 9 §. 3. de Rer. divis.* Paul. *l. 32. §. 4. D. de recept. qui arb.* & Marcianus in *l. 4. §. 1. ad L. Jul. pecul.* meminere. Hinc quoque Eleis, Arcadibus, Corinthiis & Lacedæmoniis *θεοὶ πάντες ἐν κοινῷ*, omnesque dii deæque *σύμβωτοι* colebantur, teste Pausania; perinde ac si unum deum, unumque sacrorum genus agnoverint. Vulgus

gus autem diversas Numinis virtutes & operationes, variis nominibus insignitas, abjecta ratione, pro totidem diis habebat, unde polytheismus hominum ridicule superstitiosorum latissime manavit. Huic etiam errori longo ævo firmato, gentilium prudentiores se accommodabant, omnem illam ignobilem Deorum turbam sic adorantes, ut meminerint, cultum ejus magis ad morem, quam ad rem pertinere, ut ait Seneca, apud Augustinum lib. v. de Civ. Dei cap. 10.

Altera observatio sit, vulgata licet, ipsos gentium saniores, non probasse morem simulacra deorum conficiendi & adorandi: Plato quippe lib. x. de LL. vehementer eos reprehendit, qui in omni trivio delubra & altaria exstruant, vana religione commoti; & Numa Pompilius, Romanorum rex, vetuit, hominis vel bestię forma, Deum in publico fingi; nefas esse putans, augustiora exprimere humilioribus, neque adspirari aliter ad Deum, quam mente posse, ut Plutarchus refert, in ejus vita. Varro quoque scribit, antiquos Romanos, plus quam annos centum & septuaginta, Deos sine simulacro coluisse; idque si porro mansisset, castius Deos observatos fuisse, exemplo gentis Judęę probat, & tandem concludit: *Qui primi simulacra*

*Deorum populis posuerunt, eos civitatibus
suis & metum demississe, & errorem addi-
disse, apud Augustin. de Civ. Dei lib. iv.
c. 31. Secundum hunc morem antiquum
Herculis Thebani & Ægyptii templa sine
idolis fuisse, tradit Philostratus, lib. v.
Apollon. cap. 5. & Silius lib. III. Punic.
vi. 30.*

*Sed nulla effigies, simulacrave nota Deo-
rum*

*Majestate locum & sacro implevere ti-
more.*

Rudes quidem ipsa numina in simulacris
habitare credebant, sed ipsi Poëtæ genti-
les largiter riserunt. Horat. lib. i. Sat. 8.
vi. 1.

*Olim truncus eram ficulnus, inutile li-
gnum:*

*Cum faber, incertus scamnum faceretne
Priapum,*

*Maluit esse Deum. Deus inde ego furum
aviumque*

Maxima formido.

De eodem Martialis lib. viii. Ep. 40.

*Non horti, neque palmitis beati,
Sed rari nemoris, Priape, custos,
Ex quo natus es, & potes renasci,
Furaces, moneo, manus repellas,
Fit sylvam domini focus reserves
Si defecerit hoc, & ipse lignum es.*

Tan-

Tantus porro, in tam diversis Paganismi regionibus, increverat Dæmoniorum numerus, eorumque potestates tam variæ erant & incertæ, ut misella plebs, præter Jovem, deos deasque omnes crebro invocaret, iisque donaria solveret, ne præteritum Numen aliquod iratum sibi sentiret. Sic Hippocratis discipuli, in noto jurejurando, post Apollinem Medicum & Æsculapium, θεὸς πάντας καὶ πάσας testes invocabant; & ritu vetere Romano, in omnibus sacris, post specialia, quæ ad ipsum sacrum, quod fiebat, necesse erat invocari numina, *omnes dii vel deæ confuse invocantur*. auctore Servio ad lib. 1. Georg. v. 10. Apud Gruterum pag. 2. n. 11. I. O. M. ET CONSESSVI DEORVM DEARVMQVE. pag. 3. n. 5. JOVI. O. M. ET DIIS DEABVSQVE IMMORTALIBVS & pag. 4. n. 7. IOVI. ET IVNONI REGINÆ, ET GENIO LOCI, ET D. D. OMNIBVS vota solvuntur. Sed nostro instituto maxime inservit lapis, apud Smetium & Gruterum mendose, integer vero exscriptus apud Mabillon. Itin. Ital. p. 1. pag. 46.

PRO. SALVTE. ITVS. AC. REDITVS
D. N. SANCTISSIMI. TI. AVG. ÆDICVLAM
CONCILII. DEORVM. DEARVMQVE

Quidam ne in sexu errarent, utrumque conjungebant. Ita Onomacritus in Hymnis, qui Orpheus vulgo creditur, Minervam alloquitur Ὁρσεω μὴ καὶ θεῆλας εἶπες. SIVE DEO SIVE DEÆ C. Terentius Dexter votum solvit apud Fleetwood. pag. 6. Livius lib. vii. c. 26. de M. Valerio pugnante: *Precatus deinde, si divus, si diva esset, qui sibi præpetem misisset.* Gellius lib. ii. c. 28. *Hostiam si deo, si dea immolabat.* Servius ad lib. ii. Æneid. vf. 351. ait, in Capitolio clypeum consecratum fuisse, cui inscriptum GENIO VRBIS ROMAE SIVE MAS SIVE FEMINA. Macrob. lib. iii. Saturn. c. 9. *Si deus, si dea es, cui populus civitasque Karthaginiensis est in tutela.* Alii vero, imitatione Græcorum, qui ὁ θεός & ἡ θεός dicunt, Deum, pro magno quovis numine, dicebant, ut Virgilius de Junone, vel Aleto: *Nec dextræ erranti deus absuit,* lib. vii. Æneid. vf. 498. ubi Servius numina utriusque sexus videri, ait, quia incorporea sunt, &, quod volunt, assumunt corpus. Sic Africani Astarten *Cælestum* appellabant, nec sexum idoli prisca gentium mysteria distinguunt, ut utriusque naturæ vis ineffabilis indicaretur. vid. Selden. de diis Syris proleg. c. 3. & synt. 2. c. 2. Lunam quoque feminam ac marem habitam, supra vidimus

mus pag. 129. In Cypro item simulacrum barbatae Veneris Ἀφροδίτης vocabatur; quia, ut Macrobius ait, putant *eandem marem ac feminam esse*; quæ corpore & veste erat muliebri, natura autem virili, eique viri in muliebri, mulieres in virili veste sacrificabant. Arnobius vero lib. III. adv. gent. recte paganos infectatur pag. 104. quod ita corpora crediderint Deum; eique genitalium membrorum partes dederint, ut sufficere prolem posset: *Non enim, inquit, deus mas est, sed nomen ejus generis masculini est; quod idem vos dicere in religione vestra non quitis: nam consueistis in precibus, SIVE TV DEVS ES, SIVE DEA, dicere: quæ dubitationis exceptio dare vos diis sexum, disjunctione ex ipsa declarat.*

Alii rursus, cum mente finita modum, quo Deus existit, non caperent, nec plura de eo perciperent, quam cæcus, cui natura lucis explicatur, Deum ignotum sibi colendum instituerunt. Plane Athenienses, receptis omnium Diis extraneis, ne forsan incognitus lateret, etiam ἀγνώστῳ θεῷ *ignoto deo* aram dedicarunt, auctore Paulo, in Actis apud Lucam xvii. vs. 23. Firmant hanc inscriptionem in numero singulari, tum scholia Græca, tum Lucianus & Laërtius, uti Drusius & Grotius ibi annotarunt: Pausanias vero, Philostratus & Ter-

tul-

tullianus, cum ἀγνωστῶν θεῶν aras fuisse ajunt, aut multas aras tali inscriptione, aut aliam pluraliter, præter illam singulariter inscriptam, intellexere. Nil sane opus est, ut cum Hieronymo ad Titum lib. I. dicamus, inscriptionem aræ non talem fuisse, ut Paulus asseruit, sed ita: ΘΕΟΙΣ ΑΣΙΑΣ ΚΑΙ ΕΥΡΩΠΗΣ ΚΑΙ ΛΙΒΥΗΣ ΘΕΟΙΣ ΑΤΤΙΚΟΙΣ ΚΑΙ ΞΕΝΟΙΣ. DIIS ASIAE ET EUROPAE ET AFRICAE DIIS IGNOTIS ET PEREGRINIS, Paulum vero, quia non pluribus indigebat Diis ignotis, cum veram religionem Athenienses edocere vellet, unum tantum ignotorum deorum suum esse Deum ostendisse; pia quadam vafritie, ab Erasmo omnibus commendata, quibus studium est, Ethnicos aut Principes mala educatione depravatos, ad pietatem adducere. Alii vero, cum Oecumenio, aliter verba inscriptionis referunt; alii eam primis Ecclesiæ seculis confictam volunt. Vide totam ejus historiam apud Meurs. de Piræeo cap. 10. & Sponium in dissertat. de ignotorum atque obscurorum deorum aris, in Thes. Gronovii tom. VII: pag. 233.

Ignoti porro plerisque peregrinantibus erant dii locales & regionum tutelares, quorum nomina non temere solebant divulgari, ut hostibus difficilior eorum evocatio

catio esset, ideoque generaliter invocabantur ab advenis, & in devotionibus urbium formula erat: *sive vos quo alio nomine fas est nominare*. Sic Hanno Plautinus, cum Calydonem venisset, *Deos Deasque* venerabatur, qui urbem eam incolebant. Virgilius lib. IV. *Æneid.* vs. 576. *sequimur te, sancte deorum, quisquis es*. Cydippe apud Ovid. *Epist.* XXI. vs. 91.

Protinus egressæ Superis, quibus insula sacra est,

Flava salutatis tura merumque damus.

Coloniæ plerumque metropoleon sacra retinebant, eosdemque loci præfides statuebant, uti ex antiquis Auctorum juxta ac Nummorum monumentis liquet. Municipia vero sua retinebant sacra, quæ ab initio habuissent, cum in civitatem reciperentur, auctore Festo, unde Cicero lib. I. de Nat. deor. cap. 29. *Alia species Junonis Argivis, alia Lanuvinis. Et quidem alia nobis Capitolini, alia Afris Ammonis Jovis*. In summa sua cuique non provinciæ modo, sed & civitati religio erat, & numina pagi ex Prudentio cognovimus, a quibus religio pagana est appellata. *Sacrorum Tusculanorum* meminit lapis Grut. pag. 479. n. 6. alius *Dei Nemausensis*, apud Poldum in Antiquit. Nemauf. pag. 180. alius *Surrentini Dei*, apud Spon.

Miscell.

Miscell. sect. III. pag. 114. *Genios civitatum & coloniarum* memorant Arnob. lib. 1. & Tertullian. de idolol. c. 22. GENIUS COL. PUT. apud Reines. cl. 1. n. 161. GENIVS LVGDVNI, in nummo Albin, apud Vaillantium. Æschylus in ἑπὶ τοῖς θεῶν, eos πολιούχους δαίμονας vocat, alias δαίμονες πολιῦχοι, vel θεοὶ πατρώοι, & πάτερες, qui a patribus nostris, & in patria coluntur, vel ἀπὸ πατέρων & ἐγγυῶνων dicuntur, in quorum tutela tota erat regio, eosque à proficiscentibus cultos ex Æschylo & Stephano Byzantino constat. Servius ad 1. Georg. v. 302. *Genium dicebant antiqui naturalem deum uniuscujusque loci, vel rei, vel hominis.* Catalogum deorum, qui peculiari cultu, singulis in civitatibus vel provinciis consecrati erant, videre licet apud Tertullian. apolog. c. 24. Lactant. lib. 1. c. 15. Prudent. in Symm. 11. & Sidonium carm. 9. ubi singulis versibus binos includit. Exstat etiam vetus epigramma, quo singuli singulis hunc in modum includuntur:

*Dodone tibi, Juppiter, sacrata est,
Junoni Samos & Mycena diti.
Unde Tanaros equorisque regi.
Pallas Cecropias tuetur arces.
Delphos Pythius orbis umbilicum,
Creten Delia, Cynthiosque colles.*

Fan-

Faunus Menalon Arcadumque silvas:

Est tutela Rhodos beata solis.

Gades Herculis, humidumque Tibur.

Cyllene Cereri dea nivosa.

Tardo gratior aestuosa Lemnos.

Eunæ Cererem murus frequentat.

Raptam Cyzicos ostreosa divam.

Formosam Venerem Cnidos Paphosque.

Sunt sexcenta id genus alia municipa-
lium numina propria, quorum nomina ex-
tra municipia & colonias illas non legun-
tur, in quibus peculiari consecratione de-
dicata fuere: *Dii topici, id est locales, ad
alias regiones nunquam transeunt*, ait Ser-
vius ad Virgil. lib. VII. Æn. vf. 47. neque
Romanis dii erant, quia *Romæ non colun-
tur, qui, per ipsam quoque Italiam, mu-
nicipali consecratione censentur*, ait Ter-
tullian. apolog. cap. 24. Quamvis enim in
Italia & in provinciis essent Pontifices ma-
ximi, qui consecrationes rite peragerent,
tamen Romani ut omnia municipalia, *Vul-
gus, Equites, Oratores, & Magistratus
municipales*, ita & Deos eorum, tanquam
minus legitimos habebant. Minucius initio
Octavii *deos municipes* vocat, & Tertul-
lianus lib. 2. ad nat. c. 8. *ridet Deos de-
curiones cujusque municipii, quibus bonor
intra muros suos determinatur*. Minoris
adhuc fiebant dii domestici, Lares atque
Pena-

Penates, ut idem nos docet Apolog. cap. 13. *Domesticos Deos, quos Lares dicitis, domestica potestate tractatis, pignerando, venditando, demutando, aliquando in cacabulum de Saturno, aliquando in trullam de Minerva, ut quisque contritus atque contusus est, dum diu colitur, ut quisque deum sanctiorem expertus est domesticam necessitatem.* Id vero sine dubio intelligendum est, de Laribus privatim constitutis, qui sacri non erant, sed profani, ut Marcianus indicat in l. 6. §. 3. *D. de rer. div.* quando ait: *Sacræ res sunt hæ, quæ publice consecratæ sunt, non private, vel privatæ* potius, uti Laurent. Theodor. Gronovius ad marmor. bas. cap. xi. ex Pandectæ Florentino legendum esse contendit: nulla enim consecratio fuit privata, nec sacra privata quasi dedicata res faciebant sacras: ne scilicet peregrinæ religionis aliquid inveheretur, a qua abhorrebant Romani. Hinc *privatæ feriæ* dicebantur sacrorum propriorum, velut dies natales, operationis, denecales, & *privata sacra*, quæ pro singulis hominibus, familiis & gentibus fiebant, ut Festus scribit, in *privatæ*, & *publica*; qui etiam in voce *sacer* addit, quod privati suæ religionis causa deo dedicarent, id Pontifices Romanos non existimasse sacrum: at sacra

stantini M. saltem sub extremis imperii annis, ejusque liberorum magnum fuit studium, in omni pagana superstitione penitus eruenda, uti ex Theodoretō, Sozomeno & Julio Firmico Materno discimus. Extat etiam Theodosio Valentiniana *l. 10. C. Tb. de pagan.* ut si quis profano ritui deditus, templum uspiam, vel *in itinere*, vel *in urbe* adoraturus intraverit, quindecim pondo auri inferre cogatur. Plenius deinde Theodosius M. in *l. 12. C. Tb. eod.* omnem deorum cultum, per universum Orientem sustulit, pœnis in eos constitutis, qui *Larem igne, mero Genium, Penates nidore venerati accendant lumina, imponant tura, aut sarta suspendant; quive mortali opere facta & ævum passura simulacra imposito ture venerentur, vel redimitis vittis arbore, vel erecta effossis arcespitibus vanas imagines, plena religionis injuria, honorare temptaverint.*

Manſit nihilominus mos ille ad arbores adorandi, post sacra Christiana inducta; tum quia pietatis speciem præ se ferre videbatur, tum quia durum est & novos mores discere, & antiquos una dediscere; tum denique quia Christiani una cum gentilibus vivebant & itinera suscipiebant: unde in Concilio Carthagenensi Cod. Africani can. 38. iterum ab Arcadio & Hono-

rio Augustis petitur, ut reliquæ idololatriæ, in simulacris, lucis, lapidibus unctis & arboribus coronatis tolli præcipiantur. D. Augustin. serm. 241. *Quicumque in agro suo aut villa, aut juxta villam aliquam, arbores, aut aras, vel qualibet fana habuerit, ubi miseri homines solent aliqua vota facere &c.* Neque in Africa tantum, sed etiam in Italia, Gallia, Hispania & Germania arborum & lucorum cultus tam altas egerat radices, inde a Druidum usque temporibus, quibus celsa quercus Jovis signum erat, ut in eo evellendo Patres in Conciliis, Pontifices Regesque ipsi multum debuerint insudare. Vid. Gregor. M. lib. vii. epist. cap. 20. Gregor. Turon. lib. 11. Hist. c. 10. Concilium Arelat. 11. can. 20. Altisiodorense can. 3. Toletan. xvi. can. 2. & Francoford. can. 43. Burcardus in Collect. can. pag. 270. *Venisti ad aliquem locum, id est ad fontes, vel ad lapides, vel ad arbores, vel ad bivvia, & ibi candelam aut faculam pro veneratione loci accendisti.* Vide etiam Eligii homiliam apud Dacherium t. v. pag. 215. Baluzium ad Reginon. lib. 11. cap. 358. & 359. quæque supra diximus p. 82. 83. & fateberis applicari hic posse, quod Prudentius cecinit contra Symm.

Sic

--- *Sic observatio crevit*
Ex atavis quondam male cæpta, deinde se-
cutis
Tradita temporibus, serisque nepotibus
aucta.

Inter Reges Carolus M. eminet, qui huic malo obicem ponere voluit, si modo potuisset. Sic ille apud Baluz. tom. 1. Capit. tit. 63. pag. 235. *De arboribus, vel petris, vel fontibus, ubi aliqui stulti luminaria vel alias observationes faciunt, omnino mandamus, ut iste pessimus usus & Deo execrabilis, ubicunque invenitur, tollatur & destruat.* Eandem superstitionem apud Langobardos sustulit Rex Luitprandus lib. 11. LL. Langob. tit. 38. §. 1. *Qui ad arborem, quam rustici Sanctium vocant, atque ad fontanas adoraverit medium pretii sui componat in sacro palatio.* Sic Heroldus edidit, sed alii pro *Sanctium* malunt *Sacrum*; quia ut porci, ad sacrificium idonei, Varroni & Festo *sacres*, & majalis votivus, in L. Salica tit. 2. §. 14. *Sacrius* appellatur, ita arbores consecratæ *Sacri* dicuntur in Concilio Antisiod. can. 3. Audoenus lib. 11. vitæ S. Eligii c. 15. *Fontes & arbores, quos Sacrius vocant, succidite.* Similiter Ladislaus, Hungariæ rex, in c. ceto, de synodi sententia, an-

te sexcentos annos facto c. 22. *Quicunque ritu gentilium juxta puteos sacrificaverint, vel ad arbores, & fontes, & lapides oblationes obtulerint, reatum suum bene luant.*

Est sane stupendum, tot canonibus Conciliorum & Regum Edictis superstitiones has tolli nondum potuisse, quarum vestigia infimis quoque seculi tertii & quarti decimi temporibus indicavit Rev. Montfauconius tom. 1. suppl. lib. III. cap. 9. Quinimo si hodie ad Pontificiorum triviam, compita & portas nos convertamus, nonne rudera deorum vialium quam plurima ibi comparent? Videmus ibi pro Diana Beatam Virginem, pro Hercule magnæ molis Christophorum, & pro Mercurio sanctum quendam viatorum Patronum esse collocatum: apparent ædiculæ, luci, aræ, tabellæ votivæ & aliæ hujuscemodi deorum vialium reliquiæ, ad crucifixi Servatoris nostri imaginem positæ. Ipse Cornelius a Lapide ad Act. xxviii. vs. 11. scribit, pro Castore & Polluce à navigantibus nunc invocari B. Mariam, S. Paulum, S. Nicolaum, Xaverium, Telmum aliosque: & Cardinalis Baronius ad A. XLIV. cap. 72. defendere conatur, eadem licentia, qua Deorum delubra in Ecclesias Christianorum sunt commutata, alios quoque ritus, bene-

benedictionibus expiatis, divino cultui recte consecratos fuisse. At vero quod Gentium vulgus lapides & ligna pro diis sibi erexit, haud mirandum est: ipsi enim lapides erant, cordibus eorum in lapideam duritiem conversis. Primi etiam Christianorum Patres excusandi videntur, quod insanabile hoc cacoëthes non prorsus abolere voluerunt; alius enim eorum temporibus erat finis, alius usus retinendi ritus & applicandi sacris veri Dei. Postquam vero per gratiam Dei lux Evangelii ubivis nunc radiat, quid de cultu illo inepte sedulo, vel de Sanctorum decuriis habendum sit, unusquisque facile videt; cum nemo sit sanctus sicut Jehovah, ut Channa cecinit 1. Sam. 11. vs. 2.

Equidem non diffiteor, ab horum opinione alienum esse, quod vulgus paganum credebat, ipsos deos signa & statuas inhabitare; nec me fugit, quid Agobardus, Gregorius & Athanasius jam olim responderint, imagines Sanctorum depingi, non ut adorentur, sed ut quandam pulchritudinem reddant, & rerum præteritarum memoriam sensibus imperitorum ingerant, qui ea, quæ in codicibus legere non possunt, sic in parietibus videndo addiscere possint. Verum, ut alia centies reposita præteream, quot abusibus cultus ille ob-

noxius sit, duobus exemplis ostendam. Cum enim anno reparatæ salutis MDCXLVII. statuæ Deæ Nehalennix, in extremo Zealandiæ angulo, repertæ essent, & Pontificius clerus asseveraret, monumenta ista Beatæ Virginis typos & cultum referre, false eos derisit Marcus Zuerius Boxhornius, in libello, quem Blancardus collectaneis Medico-Physicis cent. III. obs. XI. inseruit, miratus de novo festo inventæ Mariæ Nehalennicæ non cogitari. Alterum, non minus notatu dignum, ex Mabillonis Itin. Ital. referam pag. 145. Hispanos enim quosdam ab Urbano Papa multis precibus efflagitasse, narrat, ut concederet indulgentias q̄b cultum sancti cujusdam, cui VIARII nomen. Negavit id Pontifex se facturum, nisi resciret, quis & qualis ille sanctus esset, & quo tandem argumento ejus sanctitas probaretur. Allatus tandem est lapis, in quo hæ litteræ S. VIAR. reliquæ erant, ceteris vel casu, vel joco hominis, qui superstitionem elusurus, ablatis. At periti judicaverunt fragmentum esse veteris inscriptionis, in qua quidam *Præfetu* S. VIARUM laudabatur.

Si quid omnino prisca moris retinendum erat, præstabat à paganis didicisse, non sine divini numinis invocatione. *itinerum*
iti-

initia capeſſenda eſſe. Cum enim illi Deos Deasque, pro ſalute itus invocarint & reduces facti, ſumma cum religione iis egerint grates: quanto magis & nos, qui verum Deum, filio ejus magiſtro, cognovimus, hoc facere æquius erat, ut peregre proficiſcentes ab ipſo itineris primordia duceremus: id enim & monita Apoſtolorum præcipiunt, & Divi Pauli perpetuus uſus firmat, qui non niſi ἐὰν ὁ κύριος θέλησιν ſe iturum & rediturum pollicetur. Cæſarem Dictatorem novimus ſemper, ut primum conſediſſet, carmine ter repetito ſecuritatem itinerum aucupari ſolitum, *id quod pleroſque nunc facere ſcimus*, ait Plinius lib. xxviii. Hiſt. nat. c. 2. Hi vero ſurgent in judicio extremo, & hac in parte multos condemnabunt Chriſtianorum, quos longe magis admirari oportebat & prædicari virtutes Dei veri, qui ex tenebris nos in lucem mirabilem vocavit.

D E

TUTELA VIARUM

P A R S II.

Q U Æ E S T D E

MAGISTRATIBUS VIOCURIS.

C A P U T I.

DE REGIA CURA VIARUM PUBLICARUM.

Via Publicæ solum publicum. l. 2. §. 21.

D. ne quid in loc. publ. explicatur. Inde via basilicæ vel regales dictæ, & ad regalia relatæ. Officii Regii est munire vias publicas, ad commercia & duccendos exercitus. Laus ampla vias recte curasse. Prima viarum curatrix Semiramis, quæ aggeribus & viis à se constructis nomen dedit. Pœnorum inventum vias lapidibus sternere. Xerxis & Cyri cura viarum & pontium. Apud Hebræos Synedrium, deinde Reges vias struxerunt & refecerunt, quos inter eminet Salomo. Genes. XXXVIII. vs. 14. illustratur. Thebis Telearchi, viri principes, Spartæ Reges, Athenis Areopagite & Astynomi viarum curatores. Indorum veterum Agoranomi & Asty-

Astynomi ex Strabone: Indorum recentiorum, Sinensium, Peruanorum, Turcarum & Gallorum instituta laudatissima.

Superiore parte amœnitate magis materiæ, quam quod res ita postularet, fui longior: proximum est, ut de Regibus & Magistratibus Viocuris dicam, qui tum alibi, tum maxime in Imperio Romano, iter commodum & securum proficiscentibus parare studuerunt. Quotquot enim viri sapientes, ab orbe condito, respublicas administrarunt, post religionis curam civibus peregre ituris inculcatam, id sibi negotii datum esse crediderunt, ut eos adversus latrones, fœva animalia, ceteraque incommoda securos præstarent; satis edocti, non solis votis auxilium Deorum parari, sed agendo, curando & bene consulendo omnia prospere cedere; ubi socordiæ atque ignaviæ te tradideris nequicquam Deos implorari, iratos infestosque esse, ut Cato ait apud Sallustium. Enimvero cum alter alterius beneficio egeat, nec omnis ferat omnia tellus, necessitas & utilitas suasit, terrarum occupatarum portiones quasdam, tanquam communes, seponi & muniri, per quas de regione in regionem iter fieret, ne segetes, vineæ, prata, saltus & silvæ,
pro-

promiscua via sumpta, læderentur & conculcarentur. Cura igitur viarum publicarum non alii competit, quam ei, qui τὸ κῆριον in Republica habet; is enim solus speciale dominium, quod in solo publico populi est, exercet & administrat. Hoc est quod Ulpianus in l. 2. §. 21. D. *ne quid in loc. publ.* scribit: *Via publica solum publicum est; relictum ac directum certis finibus latitudinis ab eo, qui jus publicandi habuit, ut ea publice iretur, commearetur.* Publicare hic idem est, quod publicum facere, separare scilicet rem & eximere commercio privatorum, eamque publicis ulibus, vi summi imperii, destinare. Id vero cum non possit privatus, solius Principis munus est, sive initio conditæ reip. sive postquam divisio agrorum inter cives facta est, certis finibus loca designare, quibus viatores & vectores utantur. Hinc Græci vias publicas βασιλικὰς, id est *regias*, Latini *consulares* & *regales* appellarunt, d. l. 2. §. 22. D. *ne quid in loco publ.* Sicut Flaccus de condit. agror. pag. 9. *via publica regalesque, quæ publice muniuntur.* Cicero pro M. Fontejo cap. 4. *ad rempublicam pertinere*, ait, *viam Domitiam muniri*, & Fridericus Imperator vias publicas inter regalia ponit. 2. Feud. 56.

Ne-

Neque jus tantum Principi competit vias constituendi, sed, si publicæ moderator utilitatis & rector commodi communis esse velit, omnino etiam curare debet, ne impetus latronum viatores spoliet aut occidat, neve aspera montium eos fatigent, ambages retardent, aut paludes iter morentur. Per vias enim, tanquam totidem nervos, vita, annona & satietas datur omnibus provinciis; quum domi nata quaquaverfum facilius evehantur, & quicquid sub alieno sole nascitur, omnes litoris alieni pisces, manufacta peregrina, cuncta denique ad victum, amictum & habitationem pertinentia, ab extremis terrarum finibus, ad cives perducantur. Hujus rei cura gloriam olim ingentem peperit Cæsari, Appiæ viæ curatori constituto; majorem Pompejo Magno, annonæ præfecto, sed maximam Trajano, cui Plinius idcirco gratulatur, in Panegyri. c. 29. *Nec vero, inquit, civilis Pompejus, quam parens noster, auctoritate, consilio, fide reclusit vias, portus patefecit, itinera terris, littoribus mare, littora mari reddidit, diversasque gentes ita commercio miscuit, ut quod genitum esset usquam, id apud omnes natum esse videretur.* Mitto nunc celeritatem mittendi literas, exequendi mandata, compescendi seditiones, &

& maxime facilitatem ducendi exercitus per vias militares, & quævis necessaria de loco in locum transferendi. Tibullus sane Valerii Messalæ laudes ab agricolis celebrandas ait, ob viam in Tusculana & Albana terra restitutam, lib. 1. Eleg. 8. vs. 61.

*Te canet agricola, e magna cum venerit Urbe
Scrus, inoffensum retuleritque pedem.*

Statius item solidi quondam dici iter, orbitis tacentibus impeditum, ad horas vix duas perductum esse canit, in descriptione viæ Domitianæ lib. IV. Sylv. 3. vs. 36.

*At nunc quæ solidum diem terebat
Horarum via facta vix duarum.*

Romani quidem viarum munitionem pro majestate imperii evexerunt, eaque re omnibus gentibus palmam præripuerunt, sed prima viarum curatrix, in Historiarum monumentis, Semiramis nobis occurrit, inter cujus opera decantatissima, Strabo lib. xv. init. aggeres, qui Semiramidis vocantur, & vias, & pontes celebravit. Diodorus Siculus lib. 11. Bibl. c. xi. non modo meminit *viæ nobilissimæ*, quæ Babyloniam ducebat, juxta quam illa obeliscum, inter septem orbis miracula numeratum, ornatus causa posuerit, sed & cap. 13. addit, versus Ecbatana immortale ipsius monumentum extitisse, in via
ad

ad Zarcæum montem, rupibus diffractis, cavisque locis ingestione terræ complanatis, expeditissima facta, *quæ ad hoc usque tempus illius nomine insignis est.* Idem inter alia Semiramidis opera c. 8. refert pontem, quinque stadia longum, & triginta pedes latum, super Euphratem, siccis olim regionibus immissum, qui nulli operum solertia concesserit. Propert. lib. 111. Eleg. 9. vs. 25. de eadem:

Duxit & Fustratem medium, qua condidit arces,

Fussit & imperio surgere Bactra caput,
Multis autem, post Semiramidem, seculis Phœnices feruntur esse primi, qui invenerint mensuras viarum, easque lapide & siliice muniverint: eorum enim Hercules non tantum spatium, quod sub uno spiritu confecerat, mensuram viarum sive stadium constituit, sed & in montibus, ad quos nullus patebat aditus, rupes secuit, *ut viatoribus iter aperiret,* & cetera molitus est, per quæ omnis terra & mare omnibus commune esset, omniumque usibus inserviret, auctore Dionysio Halicarn. lib. 1. Ant. c. 41. Æneas ideo apud Virgilium lib. 1. Æneid. vs. 426.

Miratur portas, strepitumque & strata viarum

ubi Servius: *Primi enim Pœni vias lapidibus*

dibus stravisse dicuntur, & Isidorus eum secutus lib. xv. Orig. c. ult. Primum Pœni dicuntur lapidibus vias stravisse: postea Romani eas per omnem pæne orbem dispensaverunt, propter rectitudinem itinerum, & ne plebs esset otiosa. In Ægypto viam laudat Strabo lib. xvii. qua, centum stadiorum itinere, Syena Phylas profectus fuerit, in cujus utroque latere viderat petras rotundas, politas, & propemodum sphæricas, majori saxo impolitas, in morem Mercurialium tumulorum, qui in viis Græcorum apponi solebant. Apud Persas Xerxes, velut naturæ dominus, montes in planum deduxit, convexa vallium æquavit, immo maria pontibus stravit, ad viarum commoditates & compendia, auctore Justino lib. ii. c. 10. Idem multa hominum millia impendit, ad montem perforandum, unde Catullus carm. 67.

Ille quoque everfus mons est, quem maximum in oris

Progenies Phthiæ clara supervehitur.

Quum Medi properare novum mare: quumque juvenus

Per medium classi barbara navit Athon.

Quam dextre Cyrus hoc regio munere functus sit docet Xenophon lib. i. de expedit. Cyri pag. 267. Quum enim sæpenumero tritis in viis cernere fuisset viatores pedibus,

bus, manibus vel oculis male multatos, is effecit, ut omnibus in locis, ubi imperavit, cuivis tam Græco, quam barbaro, neminem lædenti, secure licuerit iter facere, quocumque vellet, & quicquid secum ipsi gestare commodum esset.

Apud Hebræos Synedrium quotannis emisit viros, qui vias reficerent, hiemalibus pluviis & tempestatibus cœnoscas, maxime vero illas, quæ ducerent ad civitates refugii: in biviiis quoque stipes erectus, cui inscriptum *Miklat*, uti ex Maimonide in Rozeach c. 8. supra vidimus pag. 42. & Ligtfortus in cent. chor. Matthæo præmissa c. 50. confirmavit. Ibidem diximus, non absurde quosdam ex Genes. xxxviii. vs. 14. & Levit. xxvi. vs. 1. hariolari, lapides & signa, quæ viam monstrarent, apud eos in usu fuisse. Nonnulli putant Christum Matth. vii. vs. 13. alludere ad latitudinem viarum publicarum cubitorum sedecim, & privatarum, cubitorum quatuor. Plane vias, quibus Emauntem, Gazam, Joppen & Bethlehemum tendebatur, filice stratas & amœnas fuisse, tradunt gentis illius scriptores; & de Solomone refert Josephus lib. VIII. Antiq. c. 7. n. 4. quod, cum summa solertia & diligentia in omnibus uteretur, & elegantiarum valde studiosus esset, viarum curam insuper non

habuerit: quotquot enim Hierosolyma regiæ sedem, ducebant, nigro lapide constravit; tum ut ultro citroque commeanibus ita faciles essent, tum ut divitiarum & imperii magnificentiam ostenderet; currus etiam distribuit & disposuit per civitates, quæ *urbes curruum* dicebantur.

Lacedæmoniis tantæ dignationis visa fuit viarum cura, ut eam Regibus mandarent, eosque solos de iis cognoscere voluerint, auctore Herodoto lib. VI. cap. 57. Thebani nonnisi summos & principes viros huic negotio præfecere, quos Telearchas appellabant: nam cum is magistratus non nisi in stercorem ex angiporis ejiciundorum & aquarum derivandarum procuratione quædam constitisset, Epaminondas cum ad magnam dignitatem ac maiestatem evexit, narrante Plutarcho, in præcept. reip. ger. cap. 37. cui accedat Valerius Maximus lib. III. cap. 7. ext. 5. *Epaminondas, cum ei cives irati sternendarum in oppido viarum, contumeliæ causa, curam mandarent (erat enim illud ministerium apud eos sordidissimum:) sine ulla cunctatione id recepit, daturumque se operam, ut brevi speciosissimum fieret, asseveravit: Mirifica deinde procuratione abjectissimum negotium pro amplissimo ornamento expetendum Thebis reddidit. Athenis senatus Areopagi-*

opagiticus vias curabat, ne quis eas obstrueret, neve præsepimenta ædium longius extenderet, teste Heraclide de Rebusp. Erant præterea singulares magistratus, ad decorem & commoditatem istius reip. instituti: ὁδοποιοὶ viarum munitionem, ἐπιστάται τῶν ὑδάτων aquarum inductionem, ἀσυνόμοι vero munditiem urbis, sordibus sublatis, procurabant: horum omnium vero inspectionem Plato lib. VI. de Rep. & Aristoteles uno ἀσυνομίας vocabulo comprehendunt lib. VI. Polit. c. 7. Dicti autem sunt ἀσυνόμοι ab ἄσυν & νόμος; sive quod ἄσυν per excellentiam notet Athenas, ut cum dicimus curatores Urbis, id est, Romæ; sive quemadmodum Terentius, in verbis, *an in astu venit*, Athenas intelligit, quia scena ibi fingeatur. Vid. Tanaq. Faber ad Timon. Luciani cap. 1. & Meurs. in Theseo cap. 17. qui alibi etiam de numero Astynomorum docte disputat, lib. 1. Attic. lect. c. 19. et quinque fuisse in Piræeo, quindecim in urbe evincit.

Apud Iados veteres alii Præfectorum annonæ, alii urbi præerant: illi, ἀγορανόμοι, conficiebant vias, et per dena stadia lapidem locabant, diverticula et distantias indicantem: hi vero, ἀσυνόμοι, hospitum procurationem gerebant, diligenter inspiciendo, quomodo peregrini acciperentur et

alerentur, ægrotantium quoque curam habebant, et mortuos sepeliebant, ut Strabo pluribus exposuit lib. xv. *Geograph.* pag. 707. & seq. Apud Indos quoque hodiernos viæ publicæ, immensis sumtibus constratæ, peregrinis admirationi sunt: singulis enim quingentis passibus acervi mercuriales reperiuntur dealbati, ne facibus opus sit ad iter nocturnum; alicubi etiam ædiculæ sunt positæ, in quibus aqua ad bibendum, et ignis ad accendendum tabacum, teste Tavernierio lib. i. et iv. *Itin.* Per totum porro imperium Sinese viis nihil est commodius, nihil nitidius, maxime in Australioribus provinciis, ubi minor equorum et currum est usus, auctore Preyelio in *Sina* c. 22. Quin et apud barbaros Peruanos, in America, duæ viæ, quinque et viginti passus latæ cernuntur lapidibus stratæ, et arboribus undique tam pulchre cinctæ, ut vias a sapientissimis populis extructas non æquarint tantum, sed etiam superarint, uti ex variis tradit Cl. Henninius ad Bergierium lib. 2. sect. 28. Turcæ item inter ea, quæ maximis sumtibus exstruere student, ponunt vias publicas; quæ apud ipsos spectabiles et eximie sunt, auctore Leunclavio *Pand. Hist. Turc.* pag. m. 203. et 227. Denique apud Francos quanta viarum et pontium instau-

• flaurandorum & purgandorum fuerit cura, Capitularia Dagoberti, Caroli M. et Caroli Calvi ostendunt, apud Baluz. tom. I. Capit. pag. 122. 514 et t. II. pag. 69. Hodie in Gallia plures magistratus, majores, medii & minores huic muneri præfunt; unde vix aliud regnum in orbe Christiano reperiatur, quod vias publicas, tam intra quam extra urbes, adeo commode habeat instructas & lapidibus stratas; id quod in primis de patria sua Aurelia gloriatur Annæus Robertus lib. 2. rer. jud. cap. 3. Cetera huc pertinentia se daturum promissit diligentissimus de la Mare, in tractatu Gallico de la police tom. V.

CAPUT II.

DE CENSORIBUS, PRIMIS PRÆFECTIS VIARUM ROMANARUM.

Via a vehea, vel ab iis, aut iis dicta, describitur ex Ulpiani l. 2. §. 21. D. ne quid in loc. publ. Dividitur in publicam, privatam & vicinalem: hæc nunc publica est, nunc privata, si ex agris privatorum collatis facta. Omnis via militaris fuit publica, sed non omnis publica fuit militaris. Salmasii, Jac. Gothofredi & Ziegleri differentia rejectæ. Vias militares latiores & nobiliores fuisse

isse vulgaribus publicis, & a militibus ipsis stratas, ne otiosi essent. l. 4. C. Th. de curs. publ. explicata. Numerus viarum Romanarum, earumque divisio in urbanas & rusticas. Utræque inter monumenta magnificentissima magnitudinis Romanæ, iudicio Strabonis & Dionysii. Censores viis utriusque generis præfelli duplici ratione eas straverunt, glarea vel silice: unde strata viarum, & glarea pro via. Appiam viam, ceterarum reginam, Appius Claudius Censor inchoavit; Cæsar aliique absolverunt. Ejus laus ex Procopio &c. Inscriptio spuria. Livio lux. Fata Censuræ & munerum Censoriorum.

Nunc ad Romanos, terrarum dominos, accedamus propius, quorum in viis publicis communendis aggerumque molibus exstruendis peritia fuit et diligentia singularis. Quamvis enim primis Reip. temporibus, cum ad deducendos exercitus, ad usum commerciorum, et ad annonam advehendam, viis non indigerent, earum stratura ignorata fuerit, postea tamen rem ad tantum fastigium evexerunt, ut cum Propertio exclamare liceat:

*Omnia Romanæ cedunt miracula terre,
Natu-*

Natura hic posuit quicquid ubique fuit.
 Ut rem ab ovo ordiamur, viam Varro a *vebendo* appellatam, et prius *vebam* fuisse dictam, scribit, propter vecturas, lib. i. de R. R. c. 2. et lib. iv. de LL. *Via est, qua potest ire vehiculum, dicta a vehiculis incursum,* ait Isidor. lib. xv. c. 16. nisi quis, cum Julio Cæsare Scaligero, vocem hanc ab *ia*, *eo*, *vado*, vel cum Josepho Scaligero ab *via*, id est, *vicus*, *pagus* derivare malit, vid. Menagii Amœnit. cap. 36. Via describi potest cum Ulpiano, quod sit portio territorii, ad directum certis finibus latitudinis, relicta ab eo, qui jus publicandi habuit, ut ea publice iretur, commearetur, l. 2. §. 21. *De ne quid in loc. publ.* Dividitur in publicam, privatam & vicinalem. Publica est, cujus solum est publicum, quæque publice munitur, & qua publice commeatus est: hæc sub libera Republica *Prætoria* vel *Consularis*, sub Augustis, more Græcorum, etiam *basilica* vel *regalis*, aliquando *agger publicus* appellatur in l. 2. C. *Tb. ne quis in palat.* l. 5. C. *Tb. de itin. mun.* Privata est, quam quisque in fundo suo, vel in agro vicini jure servitutis habet, eaque alias *agraria* dicitur. Vicinalis via, quæ in vicis est, vel a vico in vicum ducit, publica est, si ex collatione publica

constituta est; privata vero si ex agris privatorum collatis facta, in usum viciniae, ut unusquisque possit ad particulas suas jure pervenire: horum tamen memoria si non extat, publicarum viarum numero habetur *l. 3. pr. D. de loc. & itin. l. 2. §. 22. D. ne quid in loc.* Sicut Flaccus de condit. agror. pag. 9. Vicinales vias, ait, de publicis divertere in agros, & sæpe ad alteras publicas pervenire: plerumque vicinorum erant communes, tanquam ex mutua collatione ad usum vicinalem factæ, utque omnis, qui in vicum abit, per illas transiret: hinc etiam apud Aggenum comment. in Frontin. pag. 62, a *lignariis & privatis* viis distinguuntur. Seneca lib. v. de benef. cap. 24. *Cæsar agellos, in quibus vicinalis via, militi suo donavit.*

Publicas vias, de quibus solis nobis hic agendum est, alias *militares* dici, ait Theophilus ad §. 5. *Inst. de lege Aquil. Publica* *μὲν ἐστὶν ὁδὸς, ἣ τις καὶ μιλιτάρια λέγεται*, nec videtur Ulpianus discrimen agnoscere, quum in *l. ult. D. de locis & itin. publ.* inter vicinales vias, quæ publicarum numero sunt, & ceteras vias militares hoc interesse ait, quod viæ militares exitum ad mare, aut in urbes, aut in flumina publica, aut ad aliam viam militarem habeant; vicinalium autem pars in militares vias exeat, pars
line

sine ullo exitu intermoriatur. Ita etiam via militaris pro quavis publica & prætoriana capienda videtur apud Livium lib. XLIV. c. 43. Curtium lib. v. c. 13. Sueton. Aug. c. 49. Rei agrar. scriptores pag. 146. 254. & Eumenium in Gratiar. act. c. 7. Aper-te Dagobertus viam publicam appellat, *qua Dux egreditur*, t. 1. Capitular. Baluzii pag. 122. n. 13. Salmasius tamen ad Solin. pag. 477. vias regales a militaribus distinguere videtur: *Ex viis publicis quædam vel regales, quæ & consulares, ac prætoriae dictæ, vel militares.* Mendose opinor; quia Prætoriae viæ, & consulares eadem sunt, quæ militares; miles enim & annona ad usum militiæ eo tendebat. Sed quia Constantinus in l. 4. C. Th. de curs. publ. ait: *a publico itinere aliquando aliqua militari via devertendum esse*, ideo Jac. Gothofredus, tom. 2. C. Th. pag. 514. & 515. militarem viam putat fuisse transversam, & obliquam, sive *παράδοον, chemin de traverse*; publicam autem & basilicam, quæ a civitate in civitatem insigniorem recta tendit. Casparus Zieglerus lib. 2. de regal. c. 17. §. 5. conjicit, viam consularem fuisse, quæ in directum procedit ab Oriente in Occidentem, aut a Meridie in Septentrionem: militarem vero, quæ ex quacunque civitate in aliam, ubi

cunque illa sita esset, viatores duxerit. Mihi autem probabilius videtur, omnem quidem viam militarem esse publicam, sed contra omnem publicam non esse militarem: potuit enim esse discrimen in latitudine, vel in genere munitiois, quia viæ angustæ & scruposæ magnum malum in agmine properante. Hyginus de limit. constit. pag. 152. *Per actuarios limites iter populo, sicut per viam publicam, debetur: ita enim cautum est lege Sempronia, & Cornelia, & Julia. Quidam ex his latiores sunt XII. pedibus, ut hi, qui sunt per viam publicam militarem acti: habent enim latitudines viæ publicæ.* For- san etiam illæ præcipue militares dictæ, quæ, alio nomine proprio deficiente, in usum exercitus consularis, a militibus strætæ essent; nam inter militiæ labores plus semel refertur instructio viarum. Livius lib. xxxix. cap. 2. *Flaminius Cos. ne in otio militem haberet, viam a Bononia perduxit Arretium.* Quintil. lib. 2. cap. 3. *Stratum militari labore iter sæpe deserimus, compendio ducti.* Tacitus lib. 1. Ann. cap. 20. *Manipuli ante cœptam seditionem Newportum missi, ob itinera & pontes.* Præcipuas sane & nobiliores vias non aliunde militares dictas, ex his collegit Fabrettus de col. Traj. c. 2. ejusque straturæ
imagi-

imaginem plus semel in columna ista reperiri testatur. Addit duas inscriptiones pulcherrimas, alteram Aquilejensem, alteram Spalatensem; in priore apud Gruter. pag. 152. n. 4. hæc leguntur:

— — — VIAM. QUOQUE.
GEMINAM. A. PORTA. USQUE. AD.
PONTEM. PER. TIRONES. JUVEN-
TUT. NOVAE. ITALICAE. SUAE.
DILECTUS. POSTERIORIS. LONGI.
TEMPORIS. LABE. CORRUPTAM.
MUNIVIT. AC. RESTITUIT.

Viæ regiæ, ut Isaacus Vossius tradit, erant xxxi. e quibus Flaminia, Prænestina, Lavicana, Campana, Appia & Ardeatina in ipsa Urbe initium capiebant. Ceteræ erant Latina, Tiburtina, Collatina, Nomentana, Salaria, Æmilia, Claudia, Valeria nova & vetus, Ostiensis, Laurentina, Setina, Quinctia, Gallicana, Triumphalis, Patinaria, Cimina, Cornelia, Tiberina, Aurelia, Cassia, Portuensis, Laticulensis, Flavia & Trajana. Præter has vero aliarum fit mentio, ut Æliæ, Anniæ, Asinariæ, Gabinæ, Junia, Minuciae, Pompejæ, Postumiæ, & Vitelliæ; sed illæ aut rami Viarum Consularium, aut pars earum diversi nominis fuisse videntur.

dentur. Addendæ quoque sunt viæ, quæ intra Urbis mœnia initium & finem capiebant, ut Via Sacra, Suburana, Nova, Fornicata, Recta, Lata, Alta semita &c. Atque has *urbanas* appellare possumus, sicut Prætor, in materia interdictorum, vias publicas in rusticas & urbanas divisit, quarum illæ cum itineribus publicis junguntur *l. 1. D. de locis & itin. l. 2. §. 24. D. ne quid in loc. publ.* Utræque autem inter decora magnitudinis Romanæ, quæ in sui admirationem totum rapiebant orbem, primas facile tenuerunt, iudicio Strabonis lib. v. Geograph. pag. 235. inter tria enim, quæ a Græcis neglecta, apud Romanos autem magnifica fuerunt, primo loco ponit curam *στρώσεως ὁδῶν, sternendarum viarum*, deinde aquæductus & cloacas subjungit. Idem fere sedit Dionysio Halicarnassensi lib. III. cap. 91. ἐγὼ γὰρ ἔν, inquit, ἐν τρισὶ τοῖς μεγαλοπρεπεστάτοις κατοσκευάσμασι τῆς πόλεως, ἐξ ὧν μάλιστα τὸ τῆς ἡγεμονίας ἰμφαίνεται μέγεθος, τὰς τε τῶν ὑδάτων, αἰγωγὰς τίθεμαι, καὶ τὰς τῶν ὁδῶν στρώσεις, καὶ τὰς τῶν ὑπενόμων ἐργασίας. *Ego sane in tribus magnificentissimis urbis Romæ structuris, ex quibus maxime apparet amplitudo imperii, pono aqueductus, viarum straturam, & cloacarum fabricam.* Non sine causa Dionysius, de sola Urbe loquens, aquæductus

ctus mirabiles præponit: Roma enim, quia in montibus posita, & convallibus sublata, ac cœnaculis suspensa erat, *non optimis viis, & angustissimis semitis* utebatur, ut Cicero ait II. Agrar. c. 35. At Strabo laudaturus prudentiam & splendorem Populi Romani, merito primum locum dedit viis publicis: nam aquæductus Romæ tantum & in magnis urbibus Italiæ, cloacæ vero in sola urbe erant, at viæ Prætoriae ab Oriente in Occidentem, & a columnis Herculis ad meridionales Ægypti fines protendebantur. Sic enim visum fuit reipublicæ sapientissimæ, auctoritatem & majestatem imperii sui propagatum, & metum exteris injectum iri, quorum principes & legati, Romam commeantes, non sine stupore cultum & potentiam intueri poterant. Tenebant ipsos ad viarum crepidines tot templa, prætoria, arcus triumphales, cenotaphia, atque innumera alia monumenta elegantissima, quorum vel sola rudera deformata nunc temporis advenas viatores delectant atque morantur.

Si quæras ex quo tempore Romani ad vias muniendas animum adjecerint, Strabo rursus, dicto lib. v. respondebit, priscos Quirites, majoribus ac magis necessariis rebus occupatos, pulchritudinis Ur-
bi

bi conciliandæ, quæ ex infimo nata, diuque occupatæ magis, quam divisæ similis fuit, nullam suscepisse cogitationem; posteriores vero, ac maxime sibi æquales, regnante Augusto & Tiberio, eam donariis multis ac elegantibus implevisse. Prima autem initia munitionis ab A. V. cccx. repetenda existimo, quo creati sunt Censores, publicorum jus privatorumque locorum habentes, Liv. lib. iv. c. 8. Unde Cicero lib. III. de LL. c. 3. *Censores populi ævitates, soboles, familias, pecuniasque censento: Urbis templa, VIAS, aquas, ærarium, vectigalia tuento.* Exemplorum quantum satis est ex unico Livio depro-mere licebit. Appii enim Claudii censuram claram fuisse ait, *quod viam munivit*, lib. ix. c. 29. Sic C. Flaminius Censor viam Flaminiam munivit, epit. xx. M. Livius & C. Claudius Censores viam è foro Boario ad Veneris, & circa foros publicos faciendam locaverunt, lib. xxix. c. 37. Rursus Q. Fulvius Flaccus & A. Postumius Albinus Censores vias sternendas filice in Urbe, glarea extra urbem sub-sternendas, marginandasque primi omnium locaverunt, pontesque multis locis faciendos, & clivum Capitolinum filice sternendum curaverunt, lib. xli. c. 27. En duplicem rationem sternendi vias, glarea vel
filice,

silice, de qua perite disputat Nic. Bergierius lib. 2. de viis sect. 30. quamque similiter conjungit Ulpian. in l. 1. §. 2. *D. de via publ. & itin.* & Tibullus lib. 1. Eleg. 8. vs. 59.

*Namque opibus congesta tuis, hic glarea dura
Sternitur, hic apta jungitur arte silex.*

Pro via silicibus stracta, Lucretius & Virgilius *strata viarum*, inferiorum autem temporum scriptores *stratam* simpliciter dixerunt. Procop. lib. 11. de Bello Perf.

C. 1. *Στράτα γὰρ ἡ ἐξηραμένη ὁδὸς τῇ Λατείνῳ καλεῖται φωνῇ. Strata Latino sermone via vocatur.* Paulini, Juvenci & Britonis loca du Frene in Glossario attulit, quibus accedat l. 6. C. *Th. de itin. mun.* ubi *stratarum opera* inter fordida munera numerari vetatur. Inde Italorum *strada*, & Germanorum *Strasse*, *Strasburg*, *Strada Montana* &c. Ab altero muniendi genere, quod fiebat terra scruposa, e littoribus & ripis depromta, vias militares & aggeres *glaream* appellari conjecit Scaliger lib. 2. Aufon lect. c. 27. ex Augustino de Civ. Dei lib. xxii. c. 8. *Sed ista non similiter innotescunt: neque ut non excidant animo, quasi glarea, memoria crebra lectione teruntur.* Aufonius ad Paulum Ep. 10.

*Aut iteraturum qua glarea trita viarum
Fert militarem ad Blaviam.*

Inter

Inter omnes autem Italiae vias eminuit inprimis Appia, sive ejus antiquitatem, sive longitudinem, operas, & sumtus in munitionem stupendos, sive oppida ejus & diverforia, sive deinceps fossæ per paludes Pomptinas navigabilis eique propinquæ utilitatem spectes. Accurate & eleganter eam describit tum Horatius lib. 1. Sat. v. tum Strabo lib. v. Geogr. ubi pag. 237. primas huic viæ dedit: *γνωριμώταται δὲ τῶν ὁδῶν, ἥ 1^η Ἀππία, καὶ ἡ Λατίνη, καὶ ἡ Οὐαλεσία.* *Nobilissima viarum sunt Appia, Latina & Valeria.* Antea vero pag. 223. fossæ illius naturam commoditatemque declaravit, Appiæ viæ ipsam multis in locis appositam, tradens, implerique & palustribus & fluvialibus aquis; navigari plerumque noctu, ut qui navim vesperi intrant, mane egressi via Appia pergant; luce vero trahi etiam navim, tanquam remulco, a mulabus. Propter tot igitur et tantas doctes singulares non sine causa Statius lib. 2. Sylv. 2. vs. 11. cecinit:

*Flectere jam cupidum gressus, qua limite
noto*

Appia longarum teritur regina viarum.

Auctor ejus sine dubio est nobilissimus ille Appius Claudius, cui postea Cœco fuit cognomen, qui M. Valerio Maximo et P. Decio Mure Cofs. A. U. ccccxl. i. a porta

porta Capena usque ad urbem Capuam,
 eam muniendam curavit, in Censura, uti
 præter Livium Festus & Frontinus testan-
 tur. Nomen ejus felicioris memoriæ ad
 posteros fuit, quod primus rem tantam & u-
 nus perfecit; licet alii Censores plura postea
 adjecerint, ad utilitatem & firmitatem vi-
 arum, uti Fulvius Flaccus & Postumius
 Albinus *vias extra urbem glarea substru-*
endas ad aggerem, marginandasque, id est,
ad latera lapidibus grandioris notæ strin-
gendas, primi omnium locarunt. Liv. lib.
 xli. c. 27. Appii nostri memoria serva-
 tur in inscriptione Gruteriana pag. 389.
 n. 4. sed quam Gudius in corp. Inscript.
 pag. 373. inter spurias retulit; ejus verba
 sunt ista:

APPIUS. CLAUDIUS.

C. F. CAECUS.

CENSOR. COS. BIS. DICT. INTER
 REX. II. PR. II. AED. CUR. II. Q. TR
 MILIT. III. COMPLURA. OPPIDA.
 DE. SAMNITIBUS. CEPIT. SABINO
 RUM. ET. TUSCORUM. EXERCITUM.
 FUDIT. PACEM. FIERI. CUM
 PYRRHO. REGE. PROHIBUIT. IN.
 CENSURA. VIAM. APPIAM. STRA
 Y VIT

VIT. ET. AQUAM. IN. URBEM. AD
DUXIT. AEDEM. BELLONAE. FECIT.
De eodem Paulinus, in carm. ad Cyther.

Posthac & ad nos pergere incæptat viam,

Qua sternit aggerem silex,

Cui munitor Appius nomen dedit.

Appius scilicet viam stravit, quousque potuit, alii vero, ut Gracchus, Cæsar vel Augustus, propagatis reip. finibus, eam produxerunt Brundisium usque, auctore Horat. lib. 1. Epist. 18. vs. 20. & Tacito lib. 2. Annal. c. 30. ubi Lipsius videatur in notis & lib. 3. de magnit. Rom. cap. 10. ubi Procopii elegantem hujus viæ descriptionem illustrat, de Bello Goth. lib. 1. *Belisarius via Latina exercitum duxit, Appia ad levam dimissa. Hanc Appius, Romanorum censor, ante annos nongentos struxerat, & a se dederat nomen. Longitudinem ejus quinque dierum spatio vir expeditus possit emetiri. Ab Urbe Roma Capuam pertinet, ea latitudine, ut duo currus ex adverso obvii libere queant pervadere, & commeare. Et est sane hæc via, præter ceteras spectabilis: siquidem Appius ex alia, & longinqua tunc, ut reor, regione excisos lapides, & hos quidem siliceos, ac suopte ingenio durissimos, in hanc viam vehendos curavit. Quos planos deinde ac leves redditos, & quadratos incisone*
factos

factos junxit, & in ordine locavit, metalli nihil, vel alterius rei inferendo. Sunt tamen ita connexi & valide inter se hærent, ut speciem visentibus præbeant, non conjunctos ita, sed congenitos esse. Et quamvis tot jam seculis atterantur assiduis plaustris jumentisque, tamen neque serie sua vel minimum exeunt, & dimoventur, neque franguntur, aut levorem suum amittunt. Eodem fere tempore, quo hæc Procopius scribebat, Theodoricus, Gothorum Rex, via Appiæ a Trib. usque Terracena iter & loca, quæ confluentibus ab utraque parte paludum per omnes retro Principum inundaverant, usui publico & securitate viantium, admirandâ propitio Deo felicitate restituit, teste inscriptione apud Gruter. pag 152. n. 8.

Ceterum et si florente Republica Censura fuerit summæ auctoritatis, & honorum quasi apex, sensim tamen quædam ejus partes magistratibus accreverunt, aliæ privatis exercendæ delatæ sunt, postquam Augustus, arrepto imperio, nomen Censuræ abolevit, potestatem vero, ut alia magistratuum munia, in se traxit, nullo adversante, Tacit. lib. 1. Annal. c. 2. Ubicunque ergo in Imperatorum monumentis vox Censoris occurrit, fere Præfectum morum notat, quo titulo Cæsar usus fuit, Sueton.

Y :

lib.

lib. I. cap. 76. Posterioris autem ævi scriptores Censuram pro gravitate vultus, cum dignitate conjuncta, usurparunt, uti Salmasius ad Capitolini Antonin. c. 22. Spanhemius de præst. & usu diss. XII. & Philippus a Turre in monumentis vet. Antii de inscript. M. Aquilii cap. 3. notarunt. Memorabilis ceteroquin est inscriptio Græca simul & Latina Thyatirenorum in Lydia, apud Sponium Itin. tom. 3. pag. 123. in qua Vespasianus, qua Censor, vias curasse dicitur:

IMP. CAESAR. VESPASIANUS
AUG. PONT. MAX. TRIB
POT. VI. IMP. XIII. COS. VI
DESIG. VII. CENSOR. VIAS
FACIENDAS. CURAVIT

CAPUT III.

DE ÆDILIBUS CURULIBUS ET MUNICIPALIBUS, VIARUM URBANARUM CURATORIBUS.

Ædiles Curules plateas Urbis stratas refici, & lutosas purgari jusserunt, eorumque exemplo Ædiles municipiorum & coloniarum. L. un D. de via publica & si quid aliter, quam à Jac. Gothofredo explicatur. Qui Græcis fuerunt ἀστυνομοί, Latinis sunt Ædiles, contra Cujacium aliosque. Muneris Ædilitii erat curare, ut plateæ exæquantur, & sumtibus eorum, qui proximas ædes possident, reficiantur, tum ne ædificia ventrem faciant in publicum, neve morticina projiciantur, aut ferocia animalia molesta sint, qua publice iter fit. Idem aliquando extra ordinem, ex multa pecunia, vel privatis sumtibus vias straverunt; sicut Collegio Quæstorum viarum stratura est mandata. Ædiles inter magistratus, qui quatuordecim Urbis regiones sortito tuebantur. Vicomagistri è plebe cujusque viciniae electi.



Enfores merito excipiunt Ædiles, qui, tanquam illorum subadjuvæ, magnam partem politicarum curarum in se susceperunt. Triplex eorum in Urbe fuit ordo: alii dicebantur

cebantur *Plēbeji*, Tribunorum ministri; alii *Cereales*, Annonæ curatores; alii denique *Curules*, a sella curuli, cui honoris causa infidebant, appellati. Atque hi posteriores, uti munere, dignitate & potestate præ ceteris eminebant, & Ædiles priores, majores, vel nobilissimi sæpe numero audiunt, ita soli quoque proposuerunt edicta, & inter Viocuros sunt referendi. Munera eorum potiora Cicero lib. III. de LL. c. 3. tribus verbis complexus est: *Sunt Ædiles curatores Urbis, Annonæ, Ludorumque solennium*. Cura urbis latissime patebat, sed circa tria rursus maxime versabatur, circa ædes, balnea & vias publicas. Paulus urbanas vias *ad Magistratus* pertinere scribit, in l. 2. §. 24. *D. ne quid in loc. publ.* & anteriores Oilius atque Trebatius, apud Venulejum in l. ult. *D. de cloac.* novam cloacam facere, eum concedere debere, ajunt, *cui publicarum viarum cura sit*. Sed quinam illi? nimirum præter Censores, quos vidimus, tales erant Quatuorviri viarum & Ædiles. Illorum munus erat vias urbanas & rusticas consulares sternere, hi vero, exemplo Astynomorum apud Athenienses, plateas urbanas & suburbanas non modo sterni jubebant, & stratas refici, sed etiam purgamenta, sordes, stercorea, & quicquid viarum

arum usui officeret removebant. Auctorem hujus rei locupletem habeo Plautum Stich. Act. II. sc. 2. vs. 27. ubi Dinacio servulo, comice imperanti:

Cape illas scopas, tu hoc converte,
Gelasmus parasitus, apud se, vel ad auditores conversus, belle subjicit, quod nunc in adagio est:

Sine suffragio populi hic quidem Edilitatem gerit.

Cicero quidem vias Urbis, in montibus politæ, *non optimas* fuisse ait, m. Agrar. c. 35. nimis etiam cœnoscas & lutulentas, ob multitudinem hominum, jumentorum & vehiculorum eas experti sunt Juvenalis sat. III. vs. 247. & Martialis lib. v. ep. 23. vs. 6. lib. VII. Ep. 60. vs. 6. verum tanto major cura fuit adhibenda, ut viæ, vallibus complanatis, exaequarentur, & a luto purgarentur, maximè postquam plateæ non silice modo, sed & pretiosi generis lapidibus cœruleis vel alterius coloris strætæ fuerunt. De monstro illo hominis Elagabalo scribit Lampridius: *Stravit ex saxis Lacedæmoniis ac Porphyretycis plateas in palatio, quas Antoninianas vocant.* Sed diu ante huc pertinet memorabilis historia, quam refert Dio Cassius lib. 59. ad A. U. C. DCCXCI. Caligula enim, quum in foro pro tribunali sedens, forte multum

cœni in angiportu quodam vidisset, jussit id in vestem Flavii Vespasiani, cui tunc *Ædili purgandorum angiportuum cura incumbebat*, conjici. Brevius eandem rem narrat Suetonius in Vespasiano cap. v. *Ædilem, ait, cum C. Cæsar succensens, curam verrendis viis non esse adhibitam, luto jussit oppleri, congesto per milites in prætextæ sinum.* Atque ita eveniebat, ut vere dici posset cum Horatio lib. 2. Epist. 2. vs. 71.

Puræ sunt plateæ, nihil ut meditantibus obset.

Num eodem munere Ædiles in municipiis & coloniis functi sint, non opus est testimoniis anxie quaesitis firmemus, in reliqua, cujusque tam ampla descriptio reperitur in titulo Pandectarum, *De via publica, & si quid in ea factum esse dicatur*, qui totus ἐκ τῆς Ἀστυνομικῆς μονοβιβλίου τῆς Παπινιάνης, ex libro singulari Papiniani, *De officio Ædilium*, desumptus est. Is enim Jctorum coryphæus, forte in gratiam municipiorum, & coloniarum quarundam, per provincias sparsarum, quæ Græcas magis, quam Latinas literas callebant, librum hunc singularem Ἀστυνόμεινον Græce composuit, ut Ædiles ibi munus suum viarium discerent, & ad exemplum Ædilium Curulium Urbis matris jussu sua componerent

rent, cujus illæ *quasi effigies parvæ simulacraque esse quedam videbantur*, ut ait Gellius lib. xvi. c. 13. Neque enim accedo Jacobo Gothofredo, qui ad *l. 2. C. Tb. de itin. mun.* fragmentum illud ad *Ædiles urbanos* pertinere existimavit: jubet enim Papinianus *Astynomos* suos studere, ut quæ κατὰ τὸ πόλιν *secundum civitatem* quamque sunt viæ exæquantur, utque multent eos, qui vias effodiant vel subruant, κατὰ τὸν νόμον, *secundum legem municipalem* cujusque urbis.

Non etiam placet, quod summus Cujacius, tum ad hanc *l. un.* tum lib. xxii. Obs. c. 31. alium fecit *Ædilem*, alium *Astynomum*; cujus vestigia legentes, Bertrandus & Guil. Grotius minus proprie librum hunc *Astynomicum*, *de officio Ædilium* Latine transferri putarunt. Quod si enim nomina rebus consentanea esse oportet, quale nomen, quæso, *Ædilibus* magis conveniet, quam *Astynomorum*? quia urbis erant curatores, & Cicero sibi *Ædili* designato *totam Urbem tuendam esse commissam* profitetur, lib. v. in Verr. cap. 14. Praeterea optimæ Glossæ Ἀστυνομίαν *Ædilatum* exponunt, *Ædilatus* autem, Festo interprete, *Ædilium* dignitas est. Et quamvis Athenis viginti Ἀστυνόμοι viis maxime, ἀγορευόμενοι autem foro

rerum venalium fuerint præfecti, atque Ulpianus, Demosthenis Scholiaſtes, ad orat. contra Timocratem, eos ita diſtinguat pag. 819. Ἔſτι δὲ Ἀγορανόμος, ὁ ἐπόπτης τῶν αἰνίων τῆς ἀγορᾶς. Ἀſτυνομός δὲ ὁ ὅστις ἐκείναι καθαρείαν τὴν πόλιν ἀσχολεῖται, ὁ παρ' ἡμῖν πατήρ. *Est autem Agoranomus inspector rerum venalium in foro: Astynomus, qui in eo occupatur, ut urbs munda sit, qui apud nos πατήρ appellatur*; minime tamen inde ſequitur, Romæ & in coloniis Romanis, ab Aſtynomis diverſos fuiſſe Ædiles: quid enim vetat, quo minus hi utramque & Agoranomi & Aſtynomi, ex inſtituto populi, ornarint ſpartam? etſi Ædiles Romani plerumque, apud Graecos ſcriptores, ἀγορανόμοι à munere potiori appellentur. Denique ad Agoranomos pariter ac Aſtynomos, conſuſo horum munere, apud ipſos Graecos, querelas de immunditie viarum delatas eſſe, ex Libanio diſcimus, declam. 36. pag. 794. Ἀγορανόμοι ἢ ἢ Ἀſτυνομοι, οἷτω κατὰ φρονήντας αὐτῶν οὐ κολάζετε οἱ τοσούτοι νέμωσιν Ὀπμιελίας τῇ πόλει, ὥςτε λίμνας ὅλας ἐν αὐτῇ συνεσθῆναι, ἢ ὀλίγας εἶναι τῆς ἀγορᾶς πολλαχῶ. Vertit Morellius: *Fori autem & annonæ præfecti atque Ædiles, ita leges deſpicientes non caſtigatis: qui tantum urbi curæ impendunt, ut paludes totas in ea conſtituant, & loci paſſim in foro occurrant perlubrici.* Haec

Haec poterant Cujacio refellendo sufficere; quo magis vero cura viarum *Ædilitia* patefcat, age conferamus, quae *Papinianus* ad munus *Astynomorum* retulit, cum his, quae de *Ædilibus*, & *Romanis*, & *municipalibus*, nunc quidem occurrunt, nec ovum ovo similis apparebit. Primum ait, *Astynomis* curae esse, ut viae exaequentur, nec effluxiones aquae coelestis noceant domibus, & ponticuli fiant, ubicunque oportet. Sic vero *Agrippa*, *Ædilis Curulis ultro factus*, omnia *aedificia publica*, omnes vias *privatis impendiis refecit*, & *cloacas expurgavit*, auctore *Dione* lib. 49, ad A. 720, Idem firmat antiqua inscriptio, Beneventi reperta, apud *Fabrett.* cap. ix. Inscript. 72. & *Gudium* pag. 72. n. 5.

C. ENNIUS. M. F.

C. BERGONIUS. Q. F.

ÆDIL.

VIAM STRAVERUNT.

ET LACUUS FECERUNT.

Deinde vetant, ne parietes aedificiorum procumbant, aut ventrem faciant, in viam publicam: curant, ut mundae sint viae publicae, & reficiantur sumtibus eorum, qui proximas aedes possident, pro regione singularum aedium, ita ut, si jure conductionis eas teneant, istum sumtum locatori-

toribus imputent in pensionem; denique non permittunt ante officinas quicquam propositum esse, quo populo iter deterius sit, & dant operam e via publica *κόπρον ἐκβάλλειν*, morticina & exuvias caeforum animalium tolli; id quod civium sanitati apprime conducit; praeterquam quod ejusmodi purgamenta adeo invisa erant, ut ea vel pede calcasse nefarium, & mali alicujus praefagium haberetur. Haec omnia vero Ædilibus curae fuisse, praeter loca superius laudata, Seneca ostendit epist. 86. cum *nobilissimos Ædiles* ait, *functos officio exigendi munditias.* & Paulus in l. 12. D. de peric. et commod. rei vend. *Leptos Ædilis, cum in via publica positi essent, concidit.* Eodem pertinet parasiti *edictio Ædilitia*, apud Plautum Capt. act. iv. sc. 2. si cujusquam schropham aut petronem in via publica conspexerit: nec forte alios, quam Ædiles, Geta Plautinus intellexit Truc. act. 11. sc. 7.

Qui bona sua pro stercore habet, foras jubet ferri: metuit

Publicos, mundissimus est. - - -

Ab eadem cura viarum, repetendum videtur Edictum Ædilium Curulium, in l. 40. 41. & 42. D. de Ædilit. edict. quod parte tertia nobis erit explicandum. Neque

que enim hi munere suo satis se perfunctos censebant, si stercora, caesorumve animalium exuvias e medio removissent, sed canes etiam feroces ac belluae, humanum sitientes sanguinem, procul a viis relegandae erant, quo iter facientes sine periculo iis se tradere possent. Has utique partes Plato, in Republica sua, Astynomis mandavit lib. vi. *Ad viarum structuram earumque exornandarum curam, ne aut bomines injuria afficiantur, aut ipsa fera noceant, sed ut tam in ipso urbis ambitu, quam in suburbiis consentanea quaeque gerantur, magistratus sunt eligendi qui appellentur ἀστυνόμοι, id est AEdiles.*

An vero cura sternendarum platearum Aedilibus etiam injecta? ita quidem videri posset, quia Livius lib. x. c. 23. de Cn. & Q. Ogulniis, Aedilibus Curulibus, scribit: *Semitam saxo quadrato à Capena porta ad Martis straverunt.* Et eodem libro c. ult. *ab AEdilibus Curulibus via a Martis silice ad Bovillas perstrata est.* Varro lib. iv. de LL. *Clivus Publicius ab AEdilibus plebei Publiciis, qui eum publice aedificarunt.* Ovidius lib. v. Fast. vf. 287.

Plebis ad Aediles delata licentia talis

Publicios, animus defuit ante viris.

Rem populus recipit, mulctam subire nocentes,

Vin.

Vindicibus laudi publica cura fuit.

Multa data est ex parte mihi: magnoque favore

Victores ludos instituere novos.

Parte locant clivum, qui tunc erat ardua rupes,

Utile nunc iter est, Publiciumque vocant.

Nec defunt exempla in coloniis & municipiis viarum & clivorum, ab Ædilibus munitorum. Apud Gudium pag. 70. n. 1.

LUCILIUS. AED. VIAM. SILICE. STRAVIT. Capacius item lib. 1. Hist.

Neap. refert inscriptionem, adversus quam contraria probatio audienda non videtur:

JULIUS. FRONTO. AED. DUXIT.

VIAM. A. FORO. FECIT. CLIVOM.

Verum cura sternendarum viarum in Urbe apud Censores & IV. viros, in municipiis apud Quinquennales fuit; Ædiles vero, aliquando ex mulctatitia pecunia; jussu Senatus & Populi, aliquando etiam privatis sumptibus; ob *primum adscensum ad honoris amplioris gradum*, & *ἀετὴν ἐπιφανῶν ἀρχῶν*, ut Cicero & Plutarchus vocant, extra ordinem vias munierunt. Prioris exemplum in Publiciis illis fratribus dabit Festus: *Publicius appellatur, quem duo fratres L. M. Publicii Mæleoli Ædiles Curules (Varro & Ovidius plebejos vocant) pecuariis*

ariis condemnatis ex pecunia, quam ceperant, munierunt, ut in Aventinum vehiculis Velia venire possint. Posterius docet lapis Cremonæ, in via publica descriptus, apud Gudium Thes. inscript. pag. 73. n. 1.

T. PRAESENTIUS. Q. F.

P. HELVECIUS. P. F.

AED. OB. HONOREM.

IN. VIAM. H. S.

Aliquando stratura in Urbe Collégio Quæstorum fuit mandata, sed Claudius ejus loco gladiatorum munus injunxit, propriis nummis per omnes annos celebrandum, Sueton. lib. v. cap. 24. & Tacit. lib. xi. Annal. c. 22. Augustus instituit, ut annui magistratus ordinarii, v. c. Aediles, Tribuni & Prætores quatuordecim urbis regiones sortito & extra ordinem tuerentur, vicos vero magistri e plebe cujusque viciniae electi, quibus veste, quam magistratus gerunt, ac lictoribus binis certis diebus uti concessit, Sueton. Aug. c. 30. Dio lib. 55. Idem septem cohortes opportunis locis constituit, ut binas regiones Urbis unaquæque cohors, adversus raptos aliasque personas atroces tueretur, præpositis iis Tribunis, & super omnes spectabili viro, qui per totam noctem vigilabat, et *Præfectus vigilum* appellatus, l. 3. D. de off. præf. vig. Victor &

et Rufus duos Curatores cuique regioni assignant, quod cuius Principis inventum sit, nescimus; de Alexandro Severo autem scribit Lampridius c. 33. *Fecit Romæ curatores Urbis quatuordecim, sed ex consularibus viris.* Vicorum etiam magistros viis urbanis præfuisse non temere dixerim: aliud enim est via, quæ suo nomine appellatur, aliud vicus, sive continuata ædium series, in quas Hebræorum quoque et Græcorum urbes divisæ fuerunt. Inspectores earum Dio *ἐνοπάρχες*, Victor *vicomagistros* vocavit. Crebra eorum fit mentio in lapidibus antiquis. Apud Gruterum pag. 249. n. 8. MAGISTRI. VICORUM. URBIS. REGIONUM. XIII. in basi prægrandi occurrunt; et apud Gudium pag. 26. n. 6. L. Flaminius Priscus CURATOR ET MAGISTER TRIVII VICI AURELII laudatur. Magistros vicorum in prætexta compitalitios ludos fecisse, Asconius in Pison. pag. 159. scribit, ad quorum imitationem, de magistris vici rustici extra Urbem, Calpurnius Eccl. 4. cecinit:

*Ut quoque turba boni plaudent saginata
magistri,*

*Qui facit egregios ad pervia compita
ludos.*

CAPUT IV.

DE MAGNIFICA VIARUM STRUCTURA, SECUNDUM LEGEM VIARIAM GRACCHI TRIBUNI.

Legis Semproniae auctor C. Sempronius Gracchus, Trib. pl. qui populo carissimus, quod in viis rusticis muniendis ornatum cum utilitate conjunxit. Viae ad amussim directae & latae, ut duo currus adversi transire possent: l. 2. §. 21. D: ne quid in loc. publ. & Lex XII. Tabb. explicatur. Viae per Italiam duplici modo munitae. Earum firmitas ex strue pavimento supposita. Ad latera limbi peditibus destinati. Aliquando agger medius pediti, latera jumentis trita. Agger, ab aggestu terrae, pro via militari. Partem viarum nobilem constituunt Pontes, quibus vias divisas Romani studiose junxerunt. Viae per columnas miliares distinctae in sua intervalla. Harum antiquitas, forma & usus. Mensurae viarum celebriores. Lapides minores, è quibus in equos vel vehicula scansio commodior. Stapedes nulli in veterum sellis, quando coeperint usurpari. Munus stratorum. Curionis Tribuni lex Viaria, de muniendis & reficiendis viis. Consulum cura viaria.

Z

Haecte-



actenus viæ maxime urbanæ nos tenuere, nunc ad rusticas & militares oculos conferamus, in quibus muniendis majestas imperii, jam sub libera Republica, in tantum eluxit, ut sine testibus classicis narratio nostra fidem vix inventura videatur. Fundus ergo hujus capituli sit Lex Semproniana, quam C. Sempronius Gracchus, Tribunus plebis A. U. C. DCXXX. de viarum munitione tulit, auctore Plutarcho in Gracchis cap. 9. cujus verba hæc sunt pag. 837. Εσπούδασε μάλιστα πρὸς τὴν ὁδοποιίαν, τῆς τῷ χρείας ἅμα καὶ τῇ πρὸς χάριν, καὶ κάλλος ὀπμιεληθείς. εὐθεὶα γὰρ ἤγοντο διὰ τὴν χωρίων ἀρτεμείας καὶ τὸ μὴ ἐσφόνυτο πέτρας ξηρῆς, τὸ δὲ ἅμους χώμασιν ἀκτοῖς ἐπυκνῆντο. περιπλαμένων δὲ τῶν κοίλων καὶ ζευγνυμένων γεφύραις, ὅσα χεῖμαρροι διέκοπτον ἢ φάραγγες, ὑψώθη δὲ τῶν ἐκατέρωθεν ἴσων καὶ παρὰ ἄλληλων λαμβανόντων, ὁμαλὴν καὶ καλὴν ὅψιν εἶχε διόλης τὸ ἔργον. πρὸς τὴν τοῖς διαμετρήσας κατὰ μίλιον ὁδὸν πᾶσαν (τὸ δὲ μίλιον οκτὼ σταδίων ὀλίγον ἀποδεῖ) κίονας λιθίνους σημεῖα τε μέτρα κατέστησεν. ἄλλας δὲ λίθους ἐλαττοῦ ἀπέχοντας ἀλλήλων ἐκατέρωθεν τῆς ὁδοῦ διέθηκεν, ὥς εὐήρადως τοῖς ἵπποις ἔχουσιν ἐπιβαίνειν ἐπ' αὐτῶν ἀναβαλὼς μὴ δεομένοις.

Elaboravit potissimum in viis muniendis, tam utilitatis, quam oblectamenti & ornatus habens rationem. Ducebantur enim directæ ad amussim per agros viæ, atque hinc lapide quadrato sternebantur, hinc gla-

glarea aggeribus adveſtis reſerciebantur. Complebat & pontibus jungebat lacunas, torrentibus vel ſpecubus excavatas, ac lateribus pari inter ſe faſtigio utrinque comparatis, æquabilem habebat & viſendam undique opus faciem. Adhæc viam omnem per milliaria dimenſus (capit autem paullo minus octo ſtadia milliare) columnas lapideas ſpatii ſignandi gratia locavit. Alios lapides modicis inter ſe intervallis hinc inde ſecundum viam diſpoſuit: quibus equitantes ſine ſubjicibus ephippiariis conſcenderent commodius equos.

Omne punctum Gracchus tuliffe cenſendus eſt, quod in viis muniendis utile dulci miſcuit, eoque operis publici genere maximam ſibi civium benevolentiam conciliavit. Magiſtratibus enim in provincias ituris, pariter ac privatis, nihil jucundius eſſe poterat, quam itinera ſua, tam peditum, quam equitum, & vehiculis utentium commoda facilitate juvari. Ornatum viis addebat, quod ad lineam rectam erant conſtructæ, latitudine ſufficiente, & longitudine ingenti. Proſpectus quoque amœnitate viatores, per celſam exaggerationem ambulantes, ab itineris labore & tædio plurimum levabantur. Quod viæ rectæ fuerint, cernere licet, tum ex ruderibus viarum publicarum,

rum, tum ex tabulis itinerariis, in quibus linearum ductus de mansione ad mansi-
onem fere sunt recti; tum denique ex Ul-
piano, qui viam definit *solum publicum, relictum ad directum certis finibus latitudinis*, in l. 2. §. 21. D. *ne quid in loc. publ.* ubi directum est rectum ad amussim, uti Lucretius lib. IV. vs. 613. dixit, *simulacra viis directis* tendere, id est, lineis rectis. Latitudo viarum Italiae vix egrediebatur pedes quatuordecim: cum enim illae ab annis circiter bis mille stratae sint, quando currus minus erant frequentes, id spatium sufficere tum videbatur, ut duo vehicula adversa transire possint. In provinciis autem viae exaggeratae fuerunt latiores pedum triginta, quadraginta, aliquando etiam sexaginta, quam latitudinem viis quoque castrensibus dederunt Gromatici. Hyginus de limit. pag. 152. Actuarios limites, per viam publicam actos, latiores, ait, fuisse XII. pedibus: *habent enim latitudines viae publicae*. Adeoque ad vias privatas referre malim, quod Varro lib. VI. de LL. & Cujus in l. 8. D. *de S. P. R.* ajunt: *Viae latitudo ex Lege XII. tabb. in porrectum octo pedes habet; in anfractum, id est, ubi flexum est, sedecim*: nam via publica majorem sine dubio requirit latitudinem, ne alterum vehicu-

hicu-

hiculum obvio alteri sit impedimento; at si via per servitutem constituta, prædio fervienti plus decedere non debebat, quam opus fuerit uni vehiculo per eandem orbitam ducendo & reducendo. Adde quod Cajus lib. VII. ad Edictum provinc. de servitutibus egit, pariter ac Javolenus in l. 13. §. 2. & 3. D. eod. ubi hanc latitudinem *legitimam* appellavit.

Ad materiam quod attinet, olim viæ in urbe tantum Silice sternebantur, extra vero Glarea; sed Gracchus, pro differentia locorum, alias rusticas, lapide quadrato, alias vero glareae aggeribus advectis munivit. His vero tertium viæ genus addit Ulpianus in l. 1. §. 1. D. de via publ. & itin. quam *terrenam* vocat, cui nec glarea injecta, nec stratum ex silice impositum, forte quod aridum solum imbribus emolliri non posset, vel pingue soli & ventis satis expositum esset; sed de hoc filet Plutarchus. Modum & formam communem vias muniendi pulchre nobis descripsit eruditissimus Bergierius lib. II. sect. 17. Aperiebantur duo sulci, æquali distantia, ad funiculum, per medios campos tensum; inter fulcos, evacuata terra molli, longior fossa arena aliave materia firmiore implebatur, ne si minus solidi hujusmodi basis esset, tota structura la-

hefactaretur. In humidis locis vel inter colles dejectis aggeres struebantur, altitudine quinque, vel decem, immo & viginti pedum, ut dorsum viæ æquo itinere procederet. Huic denique pro loci genio, nunc glarea injecta, nunc lapides duriores ad hoc dolati impositi, artificio tam concinno, vix ut tenuissimam cultri aciem inter juncturas figere possis. De collibus excisis & cavitatibus sumtu incredibili complanatis, evidenter scribit Strabo l. v. pag. 235. Fossam optime depinxit Statius, in via Domitiana lib. iv. Sylv. 3. vl. 40.

*Hic primus labor inchoare sulco,
Et rescindere limites, & alto
Egestu penitus cavare terras,
Mox hauslas aliter replere fossas,
Et summo gremium parare dorso,
Ne nutent sola, ne maligna sedes
Et pressis dubium cubile saxi.
Tunc umbonibus hinc & hinc coactis,
Et crebris iter alligare gomphis. &c.*

Præcipua itaque viarum firmitas non modo ex filicum apte junctorum magnitudine & duritie, sed etiam ex strue supposita proficiscitur; cujus rationem in viis publicis, quæ Remis conveniunt, Cl. Bergierius lib. 11. sect. 18, in parte autem viæ Appiæ Cl. Montfauconius tom. 4. Antiq. part. 2. lib. 1. c. 1. curiosis oculis in-

investigarunt. In ima enim viæ parte hic impositos lapides, cæmento firmissime coagmentatos; tunc aliud stratum superpositum, glarea, minuto lapide & cæmento constans; & huic demum saxa, unius vel duorum pedum, imposita superius constituere pavimentum reperit. Hoc vero innumeris licet viatoribus, jumentis, rhedis & vehiculis, per annos circiter bis mille; tritum, non obstantibus etiam cæli humidioris incommodis, prope Fundos, in Campania, ostentat partes sui integerrimas, & glaciei instar adeo perpolitas, ut ingruente pluvia equi fallente vestigio labantur. Nonnullis in locis præterea conspici, ait, limbos, ab utroque latere, peditibus destinatos, latitudine non prorsus bipedali, & altitudine pedis unius ac dimidii. Andreas vero Palladius lib. III. de Archit. c. 3. vias quasdam observavit, in triplex spatium partitas; cujus medium, leni acclivitate surgens, & filice munitum viatori pedibus eunti fuerit destinatum, bina reliqua autem, sabulo aut glarea operta, equis & jumentis. Agger ille ab *aggestu* terræ dictus, Græcis *χῆμα* & *χῶσις*, ἀπὸ τῆς κοινῆς, *agger viæ* à Virgil. lib. v. *Æneid.* vf. 273. & *itinerarius agger* ab Ammiano vocatur lib. XIX. cap. 6. Isidorus lib. xv. *Orig.* c. ult. ejus formam

& materiam recte describit: *Agger est media stratæ eminentia, coaggeratis lapidibus, vel glarea, aut silicibus strata: ab aggere, id est, coacervatione dicta, quam Historici viam militarem dicunt.* Plane Imperatores *aggerem publicum*, pro via publica, in l. 5. C. Tb. de itin. mun. Sidorius *antiquum aggerem*, pro via diu trita; & Rutilius *Aurelium aggerem* pro Aurelia via dixere. Vid. Bergier. lib. 11. sect. 17. & notas Varior. ad Rutil. l. 1. vs. 39.

Pontium præterea rationem habuit Gracchus, qui nobilem viarum partem constituunt, immo viæ sunt super aquas; unde *Pontes, per quos itinera celebrantur, juvari oportere*, dicitur in l. 36. C. Tb. de oper. publ. Et sane pontes tot commoda viatoribus adferunt, ut Romani summæ religionis duxerint eos in fluminibus facere, & Varro existimarit, Pontifices à ponte sublicio facto & restituto nomen tulisse. Omnes quoque viarum curatores antiqui & recentiores id studiose egerunt, ut pontes, fluminibus rapidis & profundis impositi, firma materia consolidarentur. Inter præcipua antiquitatis monumenta computatur pons Narniensis, miræ magnitudinis, & arcubus celsissimis, ab Augusto, ut ferunt, constructus, cujus Martialis meminit lib. VII. Ep. 92. quem

quemque Aug. Martinellus libello singulari Italica lingua descripsit. Inter Caligulae opera plurima, Plinius *tot pontes tantis impendiis factos* miratur lib. xxxvi. c. 15. Trajanum Xiphilinus scribit *πλεῖστα ἀναγκασιότατα καὶ ἐν ὕδασι καὶ ἐν λιμένσι κατασκευάσαι, plurima necessaria tam in viis, quam portubus instaurasse*: hæc inter flumina pontibus junxit plurimis, quos Alexander Severus deinde, pæne in omnibus locis, instauravit, auctore Lampridio cap. 6. Magnificentiam pontis Trajani supra Danubium, Mysiæ ac Daciæ ripas copulantis, Dio Cassius lib. 68. depinxit; sed Lud. Ferd. Marsilius, in epistola ad Montfauconium, tom. 11. Thef. Sallengr. pag. 990. Dionem aut rei veritatem non edoctum, aut adulationi inserviisse judicat, cum inter minima populi opera pons ille referendus sit. Hic ergo cum Bergierio conferendus est, qui lib. iv. sect. 38. fidem Dioni habuit, aliosque pontes admirandos, in Urbe, per Italiam, & per Provincias factos, facunde explicavit. Vere Aristides tom. 1. Orat. 14. ait: *Romanos terram omnem dimensos pontibus variis fluvios junxisse.*

Non minorem viantibus utilitatem & voluptatem præstitit Gracchus, quod primus Romanorum singula milliaria dimen-

fa lapideis columnis diligenter distinxit; quæ vulgo *lapides*, aliquando *lapides milliares*, Græcis *σημεῖα* appellantur, quia singuli mille passus, erecto lapide, velut signo, erant distincti. Inde primus, secundus, tertius lapis pro milliario, apud Veteres crebro usurpatur. *Octavum mar-mor* vocat Martialis lib. ix. ep. 65. Alii rursus, suppresso lapidis nomine, solum numerale ponunt: *ad duodecimum à Cremona*, lib. II. Hist. c. 24. ait Tacitus. Usus earum est antiquissimus: apud Indos enim supra ex Strabonis lib. xv. vidimus, fuisse certos magistratus viocuros, qui per dena stadia lapideas columnas posuerint, diverticula distantiasque indicantes. Mature etiam ex Italia lapides illi in provincias perlati; quia Polybius vias a Columnis & Carthagine nova usque ad Rhodanum, sua ætate, a Romanis per octona stadia descripta, & milliaria lapidibus distincta refert lib. III. c. 39. Idem Strabo lib. VII. pag. 223. de Egnatia Macedoniæ via scribit: *βεθηματισμένη κατὰ μίλιον, καὶ κατεσηλωμένη μέχρι κυψέλης, καὶ ἕως ποταμοῦ*, *per passus distincta secundum milliaria, ad singula erecto lapide usque ad Cypselum & Hebrum fluvium*. Forma harum columnarum fuit rotunda, vel quadrata, vix ultra pedes octo: impositæ stylobatis minoribus, inscri-

scriptum habebant numerum milliarium, v. c. M. P. VIII. quibus aut Roma aut alia urbe distabant: quædam etiam in basi præferebant nomen Imperatoris aut illius, qui eas vel fecit vel refecit, uti ex augustis inscriptionum operibus Gruteri pag. 154. Reinesii pag. 294. Sponii pag. 186. Fabretti pag. 413. & Gudii pag. 71. tum etiam ex Sirmond. notis ad Sidon. carm. 24. Bergierio lib. IV. sect. 39. Historia Acad. reg. t. 2. pag. 379. & 383. & Montfauconio Supplem. Antiq. tom. IV. lib. 5. videre licet. Finis earum insignis erat, ut ex cujusque numero iter facientibus constaret, quot millibus passuum, quoquo irent, ab Urbe, vel ab initio viæ abessent, simul etiam viæ mensuris velut animarentur, columnis instar continuæ porticus hypæthræ ornarentur, & denique tædium ex itineris longitudine levaretur. Belle Quintilianus lib. IV. Inst. orat. c. 5. *Partitio reficit audientem, non aliter, quam facientibus iter multum detrahunt fatigationis notata inscriptis lapidibus spatia: nam & exhausti laboris nosse mensuram voluptati est, & hortatur ad reliqua fortius exsequenda scire, quantum supersit: nihil enim longum videri necesse est, in quo quid ultimum sit, certum est.* Rutilius itinerar. lib. II. 7.

In-

Intervalla viae fessis prestare videtur,

Qui notat inscriptus millia crebra lapis.

Quod autem Plutarchus milliarium paulo minus octo stadia Græcorum capere ait, ex aliis quidem haud certum esse videtur, sed firmant Polybius lib. 3. c. 39. Strabo lib. VII. pag. 223. & Isidorus lib. xv. Orig. c. 16. *Stadium octava pars milliarii est, constans passibus cxxv.* De variis aliarum gentium mensuris viarum pulcher Hieronymi locus est in Joël III. 18. *Unaquæque gens certa viarum spatia suis appellat nominibus: quum Latini mille passus vocant, & Galli leugas, & Persæ parasangas, & rastas universa Germania.* Romanos certum est per milliaria mensos, quibus a mille passibus est nomen. Pallus autem pedes quinos continet Romanos; qui nostro vulgari paullo erant majores. De mille passibus illis obvia sunt veterum loca, Cicero autem lib. VIII. ad Attic. epist. 9. & Valerius Maximus lib. I. c. 8. n. 4. uno verbo *milliarium* dixerunt. Leugas, leucas, leuvas Gallorum Perionus à λευκός, albus, derivat, quod locorum intervalla lapidibus candidis designarentur. Bochardus a Phœnicibus eas repetit; sed quia ex actis martyrii S. Genovevæ discimus, *leugas veteri Gallorum lingua nuncupari*, verisimilior est Spelman-

manni & Barthii sententia; cum Britan-
 norum *lead*, vel *leach*, lapis, vel cum
 Germanorum *leuf*, *leo*, ut est in Ælfrici
 glossario, Celticum hoc vocabulum con-
 venire, quo mille & quingentorum pas-
 suum quantitas finiebatur, teste Jornan-
 de de reb. Get. c. 36. vid. Voss. de vit.
 ferm. lib. II. c. XI. & III. c. 19. Persa-
 rum Parasangæ variarunt pro diversis lo-
 cis, alii eas sexaginta stadiorum esse di-
 xerunt, alii triginta, alii quadraginta,
 apud Strabonem lib. XI. pag. 317. sed in
 medio numero acquiescunt Eruditorum
 plerique, Herodoti auctoritate. De Rasta
 Germanorum plura scriptorum loca dedit
 du Frene in Glossario; nos contenti eri-
 mus ejus spatium ex vetere Agrimensore
 indicasse apud Goef. in rei agrar. Auct.
 pag. 322. *Sunt mensuræ, quæ ad viato-
 res, seu ad cursores pertinent. Minima
 pars Stadium est, habens passus cxxv. Octo
 stadia Milliarium reddunt, mille passus
 habentem. Milliarius & dimidius apud
 Gallos Leuvam facit, habentem passus
 mille quingentos. Duæ leuæ, sive mil-
 liarii tres, apud Germanos unam Rastam
 efficiunt.* Nos per leucas fere computa-
 mus, in quas tria hodierna milliaria Ita-
 lica, sed quatuor vetera Romana veni-
 unt; uti ex itinerario Antonini, Nithar-
 do,

do, lapidum intervallis, aliisque argumentis Ciofani ad Ovid. lib. IV. Trist. Eleg. 10. & Lips. cent. ad Italos epist. 59. ostenderunt. Adde de omni hoc argumento Briffon. lib. IV. sel. ant. c. 8. Bergier. de publ. & milit. viis lib. III. sect. 11. 12. lib. IV. sect. 42. & Cellar. Geogr. ant. lib. I. c. 11.

Restat de columellis faxeis dicamus, quas Gracchus fieri curavit, ut earum præsidio alii equos incenderent, alii de vehiculo descenderent, felli denique onus deponerent, atque ita omnium, maxime vero senum, commoditati prospiceretur. His enim difficillimum erat corpora saltu in equos subicere, ut juvenes solebant apud Virgilium, nondum inventis stapedibus: in quorum originem Ill. Cuperus ad Lactantii cap. 5. diligentissime inquisivit. Vix autem ante sæculum Christianum quartum earum mentio occurrit, neque Xenophon de arte equestri, nec Julius Pollux inter equestria ornamenta scandularum meminere, uti pridem docuerunt Joannes Tortellius, Galeottus Martius, Vossius, Salmasius, Sant-Aman-tius, Magius alique. Primus Hieronymus in Epistolis scribit: *cum quasdam accepit litteras, jumentum conscensurum, jam pedem habuisse in bistapia*; atque ejusdem ævi

ævi esse videtur inscriptio Romana passim laudata, quam tamen Gruterus spuriiis inseruit: *dum virguncula Durmionia placere cuperem, casu defiliens equo, pes haesit stapiæ, tractus interii. in rem tuam mature prospera. vale.* Honoratiores equos adscensuri a servis aliisque sublevabantur, maxime à curatoribus equorum, qui a sternendis equis *Stratores* dicti, apud Valentinianum in *l. 1. C. Tb. & l. un. C. de castrensiæ*. Spartianum, Ammianum & in Inscriptionibus Gruteri pag. 101. n. 7. & 389. n. 2. nisi cum Jac. Gothofredo tom. 11. C. Th. pag. 228. a via sternenda eos dictos velis, quod Imperatoribus & Magistratibus viam sternerent, domi militiæque foras procedentibus. Sed quid sit de etymo, constat stratores eosdem fuisse, qui ab Italis *staffieri* appellantur, quod staffas tenent, quas Græci recentiores *στάλας* & *κλίμακας* vocarunt. vid. Frene in Gloss. voc. *saltatoria*, *stapes*, *strepa*, & ad Cinnamum pag. 471. seqq.

Satis ergo abundeque Gracchus, quamvis seditiosus tribunus plebis, & venustati viarum publicarum, & commodis viatorum, equitum peditumque prospexit. Imitatus eum deinde est Scribonius Curio A. V. DCCIII. sub bellum Cæsaris civile, itidem Tribunus plebis, ut sibi per hanc
occa-

Eruditis suum hac de re iudicium relin-
quimus. Vide Contaren. de Frument.
Roman. largit. c. 9.

Non soli autem Tribuni, sed etiam Con-
sules aliquando viarum munitiones extra
ordinem ultro suscepisse leguntur: Stra-
bo enim lib. v. pag. 217. scribit: συναπτεν-
σαν ἀλλήλοις Μάρκῳ Λέπιδῳ, καὶ Γαίῳ Φλαμινίῳ
καθελόντες δὲ Λίγυας, ὁ μὲν τὴν Φλαμινίαν ἔκτισεν ἐκ
Ρώμης διὰ Τυρρήνων καὶ τῆς Ομήρικης, μέχρι τῆς
Αριμίνου τόπων· ὁ δὲ τὴν ἐξῆς μέχρι Βονωνίας, καθείδων
εἰς Ακυληάν. *Collegæ in consulatu fuerunt M.
Lepidus & C. Flaminius: qui devictis Li-
guribus, hic Flaminiam viam stravit a
Roma per Etruriam & Umbriam, usque
ad Ariminum: ille deinceps ad Bononiam
usque & inde usque ad Aquilejam.* Cl. Cel-
larius lib. 11. Geograph. c. 9. in fin. veretur,
ne Geographus Censores prope cognomi-
nes cum his Consulibus confuderit; Li-
vius enim epit. 20. C. Flaminium Censo-
rem viam Flaminiam munivisse ait; is au-
tem censuram gessit cum L. Æmilio Pap-
po. A. V. DXXXIII. Idem vero Livius lib.
XXXIX. c. 2. refert, priores etiam Con-
sules A. DLXVI. harum viarum curam ha-
buisse, eo tamen discrimine, quod de C.
Flaminio scribit: *viam a Bononia perduxit
Arretium; de M. Æmilio autem: viam à
Placentia, ut Flaminiae committeret, A-*
A a rimi-

riminum perduxit. Fateor, in libera republica, vias urbanas & rusticas maxime Censorum jussu esse munitas: id enim supra vidimus ex Livio pag. 334. cui Strabo d. I. v. & Aurelius Victor. c. 72. addi possunt, tradentes, viam Æmiliam ab Æmilio Scauro censore stratam esse. Cassiam quoque viam ab eodem illo Cassio Longino nonnulli dictam putant, qui A. DC. cum Valerio Messala Censor laudatur in Fastis & apud Plinium lib. XVII. c. 25. At si cogitemus, quanti animi quantique consilii fuerint reliqua Censorum munia, quodque de omnibus majoris momenti rebus, quæ ad summam Reip. pertinerent, Consules cognoverint, quidni hos pariter, ac Tribunos plebis, crescente imperii & Urbis majestate, studuisse credamus, ut populi gratiam inirent, ob vias inchoatas, extensas, vel reparatas, ubi perierant? nam tantæ rei cum soli Censores non sufficerent, aliis quoque minoribus magistratibus mature fuit opus, qui in partem hujus curationis venirent, eosque ordinario munere sublevarent, de quibus capite sequente agemus.

CAPUT V.

DE QUATUORVIRIS, DUUMVIRIS ET
CURATORIBUS VIARUM.

Quatuorviri viarum intra Urbem curandarum quando creati. Dicti Viocuri apud Varronem & Tironem. Diversi ab Edilibus; a Scaligero & Turnebo discessum. IV. viri iteris, pro itineris, olim pars fuerunt xxvi. virorum, sed ab Augusti ætate inter xx. viros, magistratus minores, ex Equitibus lectos, tam extra Urbem, quam in Urbe vias curant, contra Lipsium. Pro Duumviris, curatoribus viarum extra Urbem, instituti plures Curatores viarum, ἀπλῶς ita dicti. Horum dignitas, apparitores & potestas coercendi. Paulus & Venulejus illustrantur. Differunt a curatoribus operum publicorum. Nomina eorum lapidibus viariis inscripta, & viæ ab illis appellatæ. Corbulonis querela de istorum incuria, & fraude Mancipum, qui certa spatia viarum munienda conducebant.



Uo tempore primum Quatuorviris intra Urbem, Duumviris extra Urbem viarum cura mandata fuerit, non satis liquet. Pomponius autem nos docet, vigente adhuc, sed tot

M. BAEBIO. M. F.

ROM. SECUNDO

AED. . . ET I. D. II. VIR

VIOCURO EX SC. II. D. D.

Eanden *Viocuri* vocem compositam Cujacius lib. xii. Obs. c. 40. ex antiquissimo Notarum libro, qui vulgo Tironi ac Senecæ tribuitur, & in calce Inscriptionum Gruteri extat, pag. 7. produxit. Turnebus quoque lib. xxi. adv. c. 17. in veteri lexico eam reponendam esse censuit, ubi scriptum invenit *Viaculus*, ἰδῶν ἐπιμελητὴς: verum sicut Mercurius DEUS VIACUS vocatur, in lapide Gruteri pag. 55. n. 5. ita viaculus posset tolerari, cum rem intelligamus. Scaliger quoque ad Festum in *viator* retinet *viaculus*, & vicimagistrum interpretatur, qui & viator dictus Glossæ: *Viator* ὁδοιπότης, ἀμφοδάρχης. Frequentius hi viocuri in inscriptionibus a numero vocantur IIII. VIRI VIAR. CURAND. Aliquando dissimulato τῷ vir IIII. VIAR. CURAND. apud Gruter. pag. 423. 430. nonnunquam IIII. VIRI VIAR. omisso CURANDAR. pag. 26 n. 10 immo & IIII. VIRI ITER iteris, ut nonnulli volunt, pag. 1066. n. 7. 1078. n. 14. 1083. n. 11. nam veteres iter iteris, itiner itineris dixerunt, teste Pacuvio, Nævio, Accio & Hygino, cujus est *iteris muniendi causa*.

Eodem ἀρχαϊσμῷ usum esse Symmachum lib. vi. epist. 28. Juretus observavit, & Flooard. lib. xiv. carm. 18.

Aut mercede carens fert iteris solator abire.

Frequens horum Quatuorvirorum in lapidibus literatis, rarior apud scriptores rerum Romanarum fit mentio; sed illustris est Dionis Cassii locus lib. LIV. ex quo discimus, veterem fuisse consuetudinem, ut populus quotannis xxvi. viros crearet Magistratus, quorum munia deinde sorte distribuebantur. Ex his fiebant Triumviri monetales, Triumviri capitales, Quatuorviri curatores viarum in Urbe, Decemviri stlitibus judicandis, Duumviri curatores viarum extra Urbem, & Quatuorviri, qui in Campaniæ præfecturas mittebantur. Augusti vero tempore, sublatis jam posterioribus hisce Duumviris & Quatuorviris xx. tantum viri ex Equitibus legebantur, cum ante xxvi. viri ex liberis Senatorum constitui solerent. Veteris illius xxvi. viratus meminit quoque Festus in *præfectura*, ex emendatione Cujacii lib. xi. Obs. c. 24. De xx. viratu vero ex Tacito lib. III. Annal. c. 29. Dione lib. 58. & Spartiano in vita Juliani c. 1. liquet. Electio autem Equitum inter viginti viros erat velut janua, quæ aditum ad honores patefa-

tesaceret, eaque cum auctore Tacito d. l. fieri soleret quinquennio maturius, quam per leges annales Quæsturam petere liceret, hinc apparet nostros etiam Quatuorviros, τῶν ἐν τῷ ᾧ αἰσὶ ὁδῶν ἐπιμελουμένων, *intra Urbem viarum curatores*, creatos esse è juvenibus, qui viginti annos vel ultra haberent. Ne quis ambigat, en inscriptionem ex Grutero pag. 423. n. 4. in qua alter Quatuorvirorum annos XXI. alter xx. habuisse dicitur, cum obiret:

D. M. S.

Q. JUL. CLARO. C. V. IIII. VIR
VIARUM CURANDARUM

ANN. XXI.

Q. JUL. NEPOTIANO V. C.
IIII. VIRO VIARUM CURAN
DARUM ANN. XX.

CALP. SABINA. FILIS

Duumviros autem, qui extra Urbem, forte in suburbiis & regionibus vicinis, vias curarant, Augusti tempore jam abrogatos fuisse, Dio Cassius d. l. refert, neque ulla eorum vestigia reperio, nisi quis ad illos trahere velit antiquam inscriptionem Romanam, in via Quinctia, apud Gruter. pag. 26. n. 10.

CERERI SACRUM

L. . . AP. . . PAL. ET

P. STATIUS. P. F. PAL. AURELIUS.

A a 4

11.

II. VIR. CURATORES

Q. LARONIUS. Q. F. HOR. QUADRATUS
L. MEMMIUS. SEX. F. PAL. PETRONIANUS
L. MEMMIUS L. F. PALAT. GALLUS
MENSOR. ITER. HONOR. IN. CUR. FUNCT.

IIII. VIR. VIAR.

Causa, cur defierint, potuit esse varia; sive quod ob segnitiam munere non fungerentur; sive quod non sufficerent tam arduæ provinciæ; sive quod extra ordinem reperti essent, qui singulis destinarentur viis, uti Thermus curator viæ Flaminiae laudatur apud Ciceron. lib. 1. ad Attic. ep. 1. Cæsar viæ Appiæ curator constitutus, Plutarch. ej. vit. c. 8 & ipse Augustus quo facilius Urbs undique adiretur, desumpta sibi Flaminia via, Arimino tenus munienda, reliquas triumphalibus viris ex manubiali pecunia sternendas distribuit, auctore Suetonio lib. II. c. 30. Idem munus hoc incertum mox stabile fecit; nam *quo plures partem administrandæ reip. caperent, nova officia excogitavit: curam operum publicorum, viarum, aquarum, alvei Tiberis &c.* ejusdem Suetonii verba sunt c. 37. Miscuit is autem vera Augusti instituta cum illis, quæ ex instauratione tantum ei tribuenda sunt, ut sæpe solent Auctores: cura namque viarum dudum fuerat cognita, sed *novum*
offi-

officium dici poterat, quia quod antea vagum, nunc perpetuum munus erat factum, & quasi magistratus illud gerentes *ἀπλως viarum curatores* dicebantur; uti statim A. U. C. DCCXXXII. L. FABRICIUS. C. F. CUR. VIAR. FACIUNDUM. CURAVIT. IDEMQUE PROBAVIT, ex ponte Fabricio Romano legitur apud Gruter. pag. 160. n. 3.

De hisce Curatoribus viarum Lipsius quædam erudite disseruit in lib. III. Annal. Taciti Exc. E. sed quod Quatuorviro vias intra Urbem tantum, Curatores vero extra curasse ait, in eo me non habet adstipulantem: quamvis enim sub libera republica IV. viri intra muros hoc munus gesserint, tamen sublati Duumviris, viarum extra Urbem curatoribus, illorum partes IV. viris pro parte accrevisse, & deinceps, creatis ab Augusto Curatoribus, id discrimen haud perpetuo observatum fuisse, ex marmoribus didicisse videor, in quibus viæ rusticæ a IV. viris stratæ aut correctæ leguntur. Sic apud Gudium corp. inscr. p. 52. n. 2. P. Avidius Sabinus IIII. *vir viarum curand. Flaminie, & Annie & Valerie.* Pag. 99. n. 1. L. Cælius Rufus V. C. IIII. *vir viarum sternendarum viæ Sæptimie, Ardeatinae & Laurentine.* Pag. 121. T.

Cuspius Felix IIII. *vir via Flam. cur.*
 Pag. 125. A. Gabinius Priscus IIII. *vir*
viar. curand. Latinae, Lavicanae & no-
ve Trajanae. Denique pag. 138. n. 6.
 M. Senlius Genialis IIII. *vir viar. via*
Cassie & Flaminiae laudatur. Idem evin-
 cunt duæ inscriptiones Gruterianæ, in
 Urbe repertæ, pag. 199. n. 1. & 248 n.
 8. quarum prior Trajanum καὶ ἱεροῦ Cur-
 ratorem viarum appellat. Verba ejus
 hæc sunt:

EX. AUCTORITATE

IMP. CAES. DIVI. NERVAE. FIL.
 NERVAE. TRAJANI AUG. GERMA-
 NICI. DACICI. PARTHICI. PONTIFI-
 CIS MAXIMI. TRIBUNIC. POTEST. V.
 COS. V. P. P. CURAT. VIARUM
 L. LICINIUS. C. F. CURA. IIII. VIR
 M. JULIUS. M. F. FRONTO IIII. VIR
 T. CAELIUS. Q. F. COCCEJANUS. IIII. VIR
 SEX. FLAVIUS. L. F. FALTO IIII. VIR

CIPP. TERM.

VIAM TRAJAN. . . BRUTT.

SALENTIN. . . PUBL.

&c. &c.

Quemadmodum vero cura viarum sin-
 gularium, jam ante Augustum, summa
 dignitas fuit, quæ aut Viris Consularibus
 commissæ, aut viam ad consulatum sterne-
 bat,

bat, uti C. Marcii Figuli & Julii Cæsaris exemplis constat, deinde etiam ipsi Imperatores, uti Augustus & Trajanus, munus Curatoris viarum non sunt dedignati, ita eidem non è plebe viri, sed genere illustres, & gradu honoris commendati præficiébantur. Monuit hoc Bergierius lib. 1. sect. 5. ex Statio lib. IV. fylv. 4. qui in censum honorum Victorii Marcelli, viri Prætorii, refert, quod a Domitiano factus erat curator viæ Latinæ:

*Quique tuos aliis subtexit munere fasces
Et spatia antiquæ mandat renovare Latinæ*

Idem lib. IV. fylv. 9. Plotium Grippum extollit, quod præfectus erat annonæ & stationibus omnium viarum:

*Te Germanicus arbitrum sequenti
Annone dedit: omniumque late
Præfecit stationibus viarum*

Similiter Plinius, cum Cornuto Tertullo, eodem anno. A. DCCCLII. quo Consulatu abierat, viæ Æmiliæ cura mandata esset, vehementer lætatur, quod provincia laudis & honoris sæcunda ei contigisset, lib. V. Epist. 15. *Recesseram in municipium, cum mihi nunciatum est, Cornutum Tertullum accepisse Æmiliæ viæ curam. Exprimere non possum, quanto sint gaudio affectus, & ipsius, & meo nomi-*

ne &c. Adhærebat huic dignitati imago Magistratus, apparitores & accensi. Frontinus lib. II. de Aquæd. *Cum viarum frumentique curatores, qui quarta parte anni publico fungebantur ministerio, ut curatores aquarum, judiciis vacent privatis publicisque, apparitores & ministeria, quamvis perseveret adhuc ærarium erogare, tamen etiam Curatorum videntur desisse inertia & segnitia, non agentium officium.* Antoninus ipsis etiam coërcitionis potestatem dedit, in eos, qui in viis deliquissent, teste Capitolino in ejus vita cap. XI. *Dedit Curatoribus regionum ac viarum potestatem, ut vel punirent, vel ad Præfectum Urbi puniendos remitterent eos, qui ultra vectigalia quicquam ab aliquo exegissent.* Præterea Paulus lib. v. *sent. tit. 6. §. 2.* scribit, quod sollicitudo, ne quis via publica aliquem prohibeat, ad hosce viarum curatores pertinuit; & Venulejus denique in *l. 2. D. de cloac. novam*, ait, cloacam facere ab eo demum concedi debere, cui viarum publicarum cura sit. Maxime si quis fuerit simul *Curator viar. & cloacarum*, qualis M. Poplicius Modestus, tempore Antonini Pii, occurrit, apud Gudium Inscript. pag. 17. n. 6. Alias vero cloacæ curationi riparum & alvei Tiberis annectuntur apud Gruter. p. 381. n. 3.

Di-

Distincti a nostris erant *Curatores operum publicorum*, sed hactenus pares, quod optimi quique utrique muneri præficiebantur; uti Aulus Vitellius, qui postea Imperator, Africæ proconsulatu defunctus curam operum publicorum administravit Sueton. ejus vita c. 5. & Flavius Sabinus, Vespasiani frater ejusque filius operum publicorum curator audit in lapide Gruteri 2. pag. 128. Confer Phil. à Turre monum. vet. Antii pag. 106. Videntur etiam alii fuisse *Correctores viarum corruptarum*, extra ordinem dati, qualis *T. Vettius Probianus V. C. Corrector iter. viae Flaminiae & Cassiae Ciminiae vet. et Aureliae triumphal.* apud Gudium laudatur pag. 31. n. 10. Lapis Reinesii cl. 1. n. 249. meminit *G. Julii Scyleros, V. C. Procuratoris Augusti viar. cur.* quem is explicat collegam Curatoribus datum, & proxime curam gesturum; at quid vetat, quo minus ipsum ex Claudii mandato gessisse dicamus? Idem rursus curæ fuit *M. Hypsæo*, qui apud Gruter. pag. 374. n. 5. *PROC. AUG. VIAE OST. ET CAMP.* appellatur, non quod prædia & villas Augusti, in viis istis sitas, simul administravit. Aliter *P. Plautius Pulcher* dicitur Curator viarum sternendarum, *a vicinis lectus*, ex auctoritate Tiberii Claudii Augusti,

gusti, apud eundem pag. 452. n. 5.

Nostri vero Curatores plerumque in monumentis priscis generaliter CUR. VIAR. vel ἐπιμεληται τῶν ὁδῶν dicuntur, ut C. Gigantius Jocondus, V. C. CURAT. VIAR. apud Gudium pag. 126. n. 3. aliquando viæ singularis CUR. VIAE. LATINAE Gruter. p. 354. n. 5. & Cajus Julius Severus ἐπιμελητὴς ὁδῶν Ἀππίας, apud Montfaucon. Palæogr. lib. 11. pag. 159. quandoque duarum vel plurium; ut C. Ofenius V. C. *curator. viæ Latinae & triumphal.* Gud. pag. 133. M. Isaacius Fufficianus *bis cur. viar. Aureliae. Triumphal. Claudiae & Cassiae Ciminiae* Gud. pag. 127. denique C. Oppius *Cur. viar. Clodiae, Anniae, Cassiae, Ciminiae & trium Trajanarum* laudatur in 4. Gruter. pag. 466. Horum quoque & ceterorum nomina in viis aliquando legebantur, si vel novam fecissent, aut veterem sua impensa refecissent; nam alias ambitiosum id in privatis habebatur, & *indomitam*, ut Horatius vocat, *subscribendi licentiam* Theodosius in l. 31. C. *Th. de op. publ.* restrinxit. Major honos erat, si via ab Auctore & Curatore suo nomen ferret, ut Pompeja, Quinctia, Domitia &c. de quibus accipi debet Siculus Flaccus de condit. agror. pag. 9. *Viarum*, ait, *non omnium*

municipum una eademque est conditio: nam sunt viae publicae regales, quae publice mununtur & auctorum nomina obtinent: nam & curatores accipiunt, & per redemptores mununtur.

Redemptores illi erant architecti, mechanici & opifices, qui vias & pontes certa æris summa faciundos a Curatoribus conducebant, nam antiquitus emere pro accipere ponebatur, & *redemptores operum*, qui opera facienda conduxerunt, crebro apud veteres occurrunt. Alias *mancipes* dicuntur, quod manu-digitove sublato ostendebant, se opus illud conducere, auctore Festo, quem Hotmanus lib. xi. Obs. c. 10 illustrat. Hos inter referendus est Cn. Cornelius Musæus MANCEPS. VIAE. APPIAE apud Gruter pag. 622. 2. Eosdem multavit Cn. Domitius Corbulo Senator, quod pecuniam acceptam viarum refectioni non impendissent. Tacitus lib. iii. Annal. 31. *Corbulo plurimam per Italiam itinera fraude mancipum & incuria magistratuum interrupta & impervia clamitando executionem ejus negotii libens suscepit: quod haud perinde publice usui habitum, quam exitiosum multis, quorum in pecuniam atque jamam damnationibus & hasta saeviebat.* Dio Cassius eandem miseriam plenius enarrans

rans lib. 59. Magistratus illos *Curatores viarum* explicat, de quorum segnitia, in munere non agendo, Frontini quoque querelam vidimus.

C A P U T V I.

DE AUGUSTO, TUTORE VIARUM MAXIMO.

Via publica titulis Romanorum Principum dedicata, quorum impendiis vel auspiciis munita erant. L. 4. C. de privil. dom. Aug. ex Sidonio illustrata. Bergierius & Henninius laudantur. Augusto in viis muniendis praeivit Julius Caesar; sed ipse viarum per Italiam & provincias maximus curator. Arcustriumphales eam ob rem in ejus honorem positi, nummi publice cusi, & lapides milliares inscripti. Milliarium aureum in capite fori Romani ab ipso statutum, in quo omnes Italiae viae militares desierunt. Num ab eodem initium dimensionis lapidum, an vero a portis, an a continentibus aedificiis, dissentiant Eruditi, qui conciliantur. L. 154. D. de V. S. explicatur. Milium Constantinopolitanum a Romano diversum. Cursus publici ab Augusto instituti stationes, in mutationes & mansiones divise.
Quid

Quid sit cursus vehicularis & angaria in l. 18. §. 4. D. mun. & bon. quid diploma in l. 137. §. 2. D. de V. O. Viæ publicæ, a Vespasiano, Trajano aliisque Imp. aut factæ aut resectæ, per indicem monstratæ.

INter publicæ magnitudinis opera, à quibus vel instructis vel instauratis Principes Romani titulos quæsierunt, vias publicas haud postremum sibi locum vindicare, aperte liquet ex Theodosii junioris constitutione, in l. 6. C. Tb. de itin. mun. & l. 4. C. de priv. dom. Aug. ubi instructio viæ publicæ, & pontium stratarumque opera, titulis magnorum Principum dedicata dicuntur. Patuit hoc olim ex innumeris lapidibus seu columnis, quæ in viis Italiæ & Provinciarum millia passuum notabant; quarum nonnullæ solos milliarium numeros, pleræque vero simul titulos & nomina Principum inscripta habebant, per quos, vel quorum ævo & auspiciis viæ factæ, resectæ & in pristinum statum restitutæ fuissent. Sidonius Apollinaris, in Propemptico ad libellum, carm. 24.

Egressus foribus meis, libelle,

Hanc servare viam, precor, memento,

Quæ nostros bene ducit ad sodales,

B b

Quo-

*Quorum nomina sedulus notavi.
 Antiquus tibi nec teratur agger,
 Cujus per spatium satis vetustis
 Nomen Cæsarum viret columnis.*

Nos quoque ex columnis milliariis, Annalibus & nummaria suppellectile, quantum satis est, discimus, Imperatores, à Julio Cæsare ad Constantinum fere omnes, admirabili liberalitate vias munivisse, quoque magis ob æquitatem & pietatem celebrati, eo majorem in iis operam posuisse; aliis ex vivo montium saxo excisis, aliis pavimento consolidatis, aliis glareæ exaggeratis, aliis rursus immensa profusione exornatis, & ponte conjunctis. Opus hoc non unius fuit, sed plurium Principum, immo totius pæne orbis provinciarum, adeo ut Surita in præf. ad Antonini Itiner. haud sciat, an non de humanis operibus & mundi miraculis hoc longe maximum fuerit, ab Ortum ad Occasum regionum itinera complanata, strata & infinitis milliarium intervallis dimensa habuisse, ut membra provinciarum late diffusa cum capite conjungerentur. Quominus autem plura ea de re hic dicamus, fecit Nicolaus Bergierius, in præclaro illo opere, de publicis & militaribus imperii Romani viis, ubi lib. I. sect. 15. ad 20. Principes omnes, qui suis impendiis
 vias

vias publicas curarunt, tanta eruditionis copia recensuit, quæque deerant clariss. ejus interpretes Henninius in notis tanta diligentia supplevit, ut in hac antiquitatis parte & aliorum & meæ diligentiae posuerint metam. Ne vero asymboli videamur, de Augusto, Principum primo & optimo, tantum selectiora quædam in medium proferemus.

Præiverat huic Julius Cæsar Dictator, quem ut patrem in plerisque sibi imitandum proposuit: is vero uti nihil eorum omittebat, quæ ad ampliandum imperium tuendumque Reip. commodum facerent, ita inter alia magnificentiae opera, non modo siccare Pomptinas paludes, & viam munire a mari supero per Apennini dorsum, ad Tiberim usque destinavit, auctore Suetonio c. 44. sed etiam viæ Appiæ curator constitutus, magnam de suo pecuniam ei impendit, eaque ex re majorem sibi populi favorem conciliavit, ut certatim novos honores quærerent, quibus delatis ei grates debite agerentur, ut scribit Plutarch. ej. vita c. 8. De eodem exstat lapis apud Gruter. pag. 149. n. 1.

C. JULIUS CAESAR. VIAM. INVIAM.
SOLERT. S. ET. IMPENDIO. ROTAB.
REDD.

Bb 2

Mul-

Multis autem post se paraſangis eum reliquit Auguſtus; nam quo facilius undique Urbs adiretur, primum deſumta ſibi ultro Flaminia via, Arimino tenus munienda, reliquas triumphalibus viris ex manubiali pecunia ſternendas diſtribuit, teſte Suetonio lib. 11. c. 30. Dio Caſſius lib. 53. addit, hanc rem adeo gratam fuiſſe Senatui populoque Romano, ut duos arcus triumphales, alterum in ponte Tiberino, alterum Arimini, in iisque juſtæ magnitudinis ſtatuam ei poni curaverit. Vide Fabrett. de aquæd. diſſ. 1. Extant & numini eam in rem cuſi apud Auguſtinum, Erizzum & Spanhemium, in quorum aliis à verſa facie legitur: QUOD VIAE MUN. SUNT: in aliis vero columnæ milliariæ cernuntur, his verbis inſcriptæ: S. P. Q. R. IMP. CAES. QUOD. V. M. S. EX. EA. P. Q. J. S. AD. A. D. E. *Quod viæ munitæ ſunt, ex ea pecunia, quæ juffu Senatus ad ærarium delata eſt.* Idem quoque, pace terra marique parta & Jano clauſo, præcipuus auctor viarum militarium fuit per provincias, ut dignitas imperii ibi eluce-ret. In Hiſpania VIAM. SUPERIORUM. COSS. TEMPORE. INCHO. ET. MULTIS. LOCIS. INTERMISSAM. PRO. DIGNITATE. IMPERII. LATI-OREM

OREM. LONGIOREMQUE. GADEIS. USQUE. PERDUXIT, verba sunt inscriptionis Emeritæ repertæ apud Gruter. pag. 149. n. 4. Aliud ejusdem opus viarium in eadem provincia laudatur apud Gruterum pag. 153. 1. Aliud cum elogio PATRIS PATRIAE in via Aurelia Galliæ, invenies apud Bergier. pag. 510. De pontibus, magna viarum parte, ab eo structis marmor Gruteri pag. 160. n. 2. & Procop. lib. 1. de bello Goth. testantur. Qua diligentia denique in Alpibus vias struxerit, rupibus quantum id fieri licuit excisis, easque latronum excidio purgaverit, apud Strabon. lib. iv. pag. 204. videre licebit.

Nobis duo imprimis instituta ejus via-
lia memoratu digna, & Themidis cultoribus scitu necessaria esse videntur, nimirum Columna aurata in foro polita, & Cursus publicus. Prior vulgo *milliarium aureum*, Tacito 1. Hist. c. 27. & Sueton. Othon. c. 6. vel *milliarium Urbis* l. 154. de V. S. Plutarcho χρυσούς κίων vocatur. Auctorem ejus Augustum laudat aperte Dio Cassius lib. 54. Αὐτὸς τε προσάτης τῷ ᾠδῇ τὴν Ῥώμην ὁδῶν αἰρεθεὶς, καὶ τὸν χρυσοῦν μίλιον κεκλημένον ἔθηκε. *Ipse viarum, quæ sunt circa Romam, Curator constitutus milliarium aureum, quod vocatur, fecit.* Locum,

ubi posita fuerit, signavit Plinius lib. III. Hist. nat. c. 5. de ambitu Urbis, ex emendatione Lipsii lib. III. de Magn. Rom. c. 2. & Fabretti: *Ejusdem spatii mensura, currente à Milliario in capite Fori Romani statuto, ad singulas portas, quæ sunt hodie numero xxiv. ita ut xii. portæ semel numerentur, prætereantur ex veteribus vii. quæ esse desierunt, efficit passuum per directum clo. clo. clo. lxxx. lxxv. Ad extrema vero tectorum, cum Castris Prætoriiis, ab eodem Milliario, per Vicos omnium viarum mensura colligit paullo amplius vii. M. P. Figuram ejus depingi, & Vespasianum, Nervam ac Hadrianum refectores laudari apud Gruter. corp. inscript. pag. 154 n. 4. credidit Mißson Itin. Ital. p. 1. ep. 38. Verum hoc æque dubium est, quam quo pacto accipi debeat, quod de usur illius columnæ scribit Plutarch. in Galbâ. c. 31. Ἐβάδιζεν εἰς ἀγορὰν, ἧ χεῦσθς εἰσῆκει κίων, εἰς ὃν αἱ τετμημέναι πῆς Ἰταλίας ὁδοὶ πᾶσαι τελευτῶσιν, *Progressus in forum, ubi aurea columna est posita, in quam viæ militares Italiae desinunt.**

Plerique Antiquarii ex hoc loco colligunt, milliarios lapides, in viis Italiae, a columna ista numeros suos inchoasse; idque ipsam *milliarii* vocem indicare, nec aliū scopum Augusti fingi posse, quam
ut

ut in foro esset principium & meta omnium itinerum, utque viæ militares ab eo numerarentur. Ita sentiunt viri maximi Anton. Augustinus lib. iv. Emend. c. 7. Baron. in Martyrol. ad xi. Aug. Salmas. ad Solin. pag. 642. Turneb. lib. v. Advers. cap. 1. aliique minorum gentium scriptores. Lucas autem Holstenius primus in alia abiit, in dissertatiuncula, *de Milliario aureo*, quæ tum post notas ejus in Stephanum Byzantinum, tum in Grævii Thes. Antiq. tom. iv. pag. 1805. reperitur. Movet ipsum partim usus loquendi vulgaris, quo primum milliare, non a medio foro, sed ab Urbe, id est a portis Urbis numeratur: partim lapis milliarius primus in via Appia extra Urbem reperi- tus, qui intra Urbem amplissimam positus esse & inveniri debuisset, si a milliario aureo passus mille metiaris. Calculum Holstenio adjecit Fabrettus de aquæduct. diss. III. n. 243. sed nullo argumento allato probationem in alium locum rejecit. Jurisconsulti vero passim provocant ad Æmilii Macri l. 154. *D. de V. S. Mille passus*, non à milliario urbis, sed à continen- tibus ædificiis numerandi sunt.

Si meam sententiam quæris, nullum qui- dem hætenus vidi Auctorem, quo proba- retur, numerum lapidum a Milliario au-

reo cepisse. Solus etiam Plutarchus ait ; omnes Italiae vias in columnam illam defuisse ; aliud vero est finire , aliud inchoari , & ab utroque rursus differt numerari. Nihilominus , ob rationes supra allatas , pronior sum in eorum sententiam , qui ajunt , si de longitudine itineris quæretur , milliaria vulgo numerata fuisse a milliariorum Urbis , & ad milliarium Urbis. Quod autem Macer ait , ea à continentibus ædificiis numerari , id forsan singulare fuit in lege Julia vicesimaria , quam in d. l. 154. explicavit. Illa autem ratione caducorum cavebat , ut testamenta post mortem testatoris à præsentibus intra triduum , ab absentibus vero intra quinque dies aperirentur , cum supervenerint , auctore Paulo , *lib. iv. Sent. tit. 6. §. 3.* His ergo viginti millia passuum data in dies singulos , sicut aliis in *l. 2. §. 3. D. Quis ordo & l. 3. de V. S.* eosque passus à continentibus ædificiis numerari placuit , si alicui heredum Romæ in municipium proficiscendum fuerit , ne tam necessario vectigali mora fieret , ut ait Paul. d. l. Forte etiam alio fini mille passus in lege dicebantur , de quibus numerandis dubitatum ; vel in ea Romæ vox fuit , quæ continentibus ædificiis finitur , *l. 2. pr. l. 87. D. de V. S.* vel denique Macer de eo , qui intra

intra continentia, sed non multis passuum millibus a loco, ubi testamentum aperiretur, fuerat, disputasse videtur. Optimum est quod eligas. Ego autem ista magis verisimilia putem, quam si, cum aliis, in *d. l. 154. mille passus non à muro Urbis*; vel cum Gothofredo verbis transpositis: *mille passus non à continentibus ædificiis, sed a milliario Urbis numerandi sunt*, legamus.

Diversa quæstio est, an lapides Italiæ milliares a Milliario aureo numeros suos duxerint, an a portis Urbis, an vero a continentibus ædificiis? Media sententia mihi probabilior videtur. Et primo quia Gracchus notas numerales columnis inscripserat dudum; has vero ab Augusto mutatas nondum legimus, & vix est, ut eæ sine confusionis metu mutari potuerint. Deinde altum apud veteres est silentium de lapidibus milliariis intra Urbem positis; hæc autem, Plinio teste, tam spatiosa fuit, ut lapis primus, secundus, & tertius, ad singulas portas ducentis, positus esse debuerit intra mœnia. Cum illo mihi velim quis conciliet quod Paulus in *l. 42. D. de excus. tut.* centesimum *ab Urbe* milliarium, & Aurelius Victor in Epitome *ex Urbe*, dixerunt. Item quod Sueton. Aug. c. 94. nemus ad

quartum lapidem viæ Campanæ, & alibi in Claud. c. 23. relegationem intra lapidem tertium ab Urbe memoravit. Juvenalis sat. vi. vs. 277. horam a superstitiosis ex libro somtam ait, *Ad primum lapidem veltari cum placet*. Si tu reponis, quartum extra Urbis muros lapidem primum vocari; quid faciemus Festo, qui *Initium*, ait esse, *quod quid incipiat, ut viæ Appiæ, Porta Capenæ*? certissimo indicio partem viæ Appiæ, quæ intra Urbem erat, non pro viâ publica, intervallis dimensa, sed platea habitam; idque multo magis de viis, quæ ab ipsis portis incipiebant, dicendum erit. Jam si addas suburbia ab eodem milliario aureo per vicos omnium viarum porrecta ad septem millia passuum, ut supra ex Plinio audivimus, ubi fodes inter ædificia contigua collocabis hortos, qui *inter lapidem secundum & tertium, irrigantur infra viam Ardeatinam & Asinariam*? ut scribit Festus in *Retricibus*. Denique instar omnium sit Martialis lib. vii. Ep. 30. ad Regulam:

Quicquid villicus Umber, aut colonus;

Aut Tusci tibi Tusculive mittunt,

Aut rus marmore tertio notatum.

Antequam ab aureo nostro milliatio discedamus, illud non prætereundum est, in nova Roma, ad ejus exemplum, ^{Μίλιον} fuisse

fuisse, in medio foro, ædi Sophianæ proximum, sed structura & amplitudine a Romano longe diversum: neque enim nuda erat columna lapidea, cum globo aureo, sed ædificium editius, fornicibus constans, statuis aliisque ornamentis decoratum. Gyllius, in Constant. topogr. l. 11. cap. 23. μέλιον dictum putat atrium amplissimum, quod *Augusteum* vocabant: sed magis est, ut vicina videantur, quia in Descriptione Urbis Constantinop. Regio quarta continere dicitur *Milliarium aureum, Augusteum, Basilicam* &c. Minime Carolus du Frene, in Constantinop. Christiana lib. 1. cap. 24. dubitat, ab eo vias militares & itinera numerata esse, nec fidem habet Hesychio & Codino, qui, ante instauratum a Constantino Byzantium, illius meminere. Sane multa Constantinopoli, ad imitationem veteris Romæ, ab illo instituta fuisse, vel inde patet, quod urbem in quatuordecim κλίματα, regiones, has autem in vicos divisit trecentos viginti duos; singulis quoque regionibus unum curatorem, *εργωνάρχην* Codino dictum, & quinque ferme ἀμφοδάρχας, id est vicomagistros præfecit, quibus per noctem tuendæ urbis cura mandata, uti laudata Descriptio ostendit. Meminit illarum Regionum l. 22. C. Tb. de div. off. εῖ.
Nov.

Nov. 43. c. 1. Milii vero Codinus, Nicetas, & alii apud du Frene d. l. Vereor autem, ut originem *Piloriorum* hodiernorum, quæ mediis in foris erigi solent, à *Pilis aureis*, ad similitudinem milliarii Romani confectis, recte repetierit: nonne enim sufficit vox pilæ vel piluræ, ad quam alligati rei plebis ludibrio exponuntur? Sed de his viderint, quibus otium est.

Nos ad alterum Augusti viarium institutum properamus, de quo ita Suetonius in ejus vita c. 49. *Quo celerius ac sub manum annunciari cognoscique posset, quid in provincia quaque gereretur, juvenes primo modicis intervallis per militares vias, dehinc vehicula disposuit.* Credebat scilicet prudentissimus Princeps, provincias cunctas facilius tranquille gubernari posse, si quid in singulis gereretur celerrime cognosceret; ideoque ut Persæ olim, Cyro auctore, angaris & astandis, Græci hemerodromis usi, ipse primum juvenes expeditos, dehinc vehicula per vias publicas disposuit, ex quibus Hadriani tempore cursus fiscalis enatus est, teste Spartiano in ejus vita c. 7. Huic fini viæ militares divisæ erant in Stationes, quarum aliæ *Mansiones*, aliæ *Mutationes* dicebantur. Illæ hospitia ampla manendi
&

& quiescendi causa præbebant, in his vero veredos, jumenta & vehicula mutabant peregrinantes, uti ex titulis utriusque Codicis *de cursu publico*, nec non ex Itinerario Burdegalenfi discimus, & Guido Pancirolus, in Not. Imp. Spanhemius de Præst. & usu num. diss. xlii. Lipsius cent. lli. ep. 59. Cuperus lib. iv. Obs. 2. Idem ad Lactant. de mort. persec. cap. 45. toto argumento exhausto, pluribus explicarunt. Multæ vero leges ex his lucem mutuuntur, v. c. quod Arcadius Charisius in l. 18. §. 4. *D. de mun. & bon. ait: Cursus vehicularis sollicitudo, item angariarum præbitio personale munus est*: præpositi quippe mansionum & angariarum sola animi provisione, & laboris intentione, sine aliquo patrimonii detrimento cursum publicum curabant: vehiculorum autem subvectio & angariarum præstatio fuit patrimoniorum munus, possessionibus indictum, *d. l. 18. §. 21. l. 10. §. 2. l. 11. D. de vac. & excus.* Angariæ illæ ab *angaris*, seu cursoribus Persarum dictæ, qui ad præstandos sibi equos, vi compellere poterant; unde *ἀγγαρεύω* compello, Matth. xxvii. vs. 32. & *angariarē naves* l. 4. §. 1. *D. de veteran.* Paullin. Epist. 37. *Jumentum angariavit in vias duras.*

Ad rem cursualem quoque pertinent diplo-

plomata, quibus licentia dabatur magistratibus cursus publici usurpandi. De his Venulejus scribit in *l. 137. §. 2. D. de V. O.* eum, qui Ephesi daturum se spondit, *neque diplomate, diebus ac noctibus, & omni tempestate contemta, iter continuare cogi, neque tam delicate progredi debere, ut reprehensione dignus appareat.* Nemini autem, quacunque conspicuus fuerit dignitate, pro sua voluntate, cursu publico uti licuit, sed opus erat codicillis, duplicata charta scriptis, sive literis publicis, a Principe, Præfecto prætorio, vel aliquando a rectoribus provinciarum obtentis, quas etiam *evectiones* vocabant, ut quævis cursui necessaria præstentur, *l. 27. §. 2. D. de leg. Corn. de fals. l. 8. C. Tb. de curs. publ.* Plin. lib. x. ep. 14. *festinationem tabellarii diplomate adjuvi.* Capitolin. in Pertin. c. 1. *quod sine diplomatibus cursum usurpaverat pedibus iter facere coactus est.* V. Bergier. lib. 1v. sect. 15. ibique Hennin. in notis.

Satis, nisi fallor, ex his speciminibus constat, quantus viarum curator fuerit Augustus, & si cui ea non sufficiant, is duo monumenta, ob vias munitas addere poterit, à Reinesio ipsi vindicata, epist. 48. pag. 442. Nunc in proclivi foret ostendere, quam gnaviter boni quique

PRIOR

Principes ejus vestigia prefferint, suæque magnificentiae argumenta per orbem terrarum stupendis sumtibus propagari studuerint, nisi inutilis & nimiae diligentiae id esse videretur. Nec tamen silebo, quod Tiberius Claudius Cæsar Augustus, CENSOR. VIAM CLAUDIAM. VALER. A. CERFENNIA. OSTIA ATER. MUNIVIT. IDEMQUE. PONTES. FECIT. XLIII. apud Reinesium cl. III. n. 80. eodem nempe modo, quo supra pag. 340. Vespasianum vidimus, qua Censorem, vias munivisse. De hoc Aurelius Victor ej. vita *Per omnes terras, qua jus Romanum est, vie operibus maximis munitæ, & cavati montes per Flaminiam prono transgressu.* De optimo Trajano præter nummum, effigie jacentis mulieris, cum rota, arundine & inscriptione VIA TRAJANA, satis obvium, adest egregius lapis Gruteri pag. 446. n. 4. Auximi descriptus, in quo curator quidam viarum, TRIUM TRAJANARUM laudatur. Adde his Principi æqualem & testem oculatum Galenum, Method. med. ix. 8. *Vias, inquit, Trajanus refecit, quæ quidem earum humidae aut lutosæ partes erant, lapidibus sternens, aut editis aggestionibus exaltans, quæ senticosæ & asperæ erant, eas expurgans; ac flumina, quæ transfiri non possent, pontibus*

tibus jungens; ubi longior, quam opus erat, via videbatur, aliam breviorē exscindens; sicubi vero propter arduum collem difficilis erat, per mitiora loca deflētens; jam si obfessa feris, vel deserta erat, ab illa transferens, ac per habitata ducens, tum asperas complanans. De ceteris Imperatoribus, Hadriano v. gr. Antonino Pio, Severo & Caracalla crebræ loquuntur marmorum inscriptiones, apud Gruterum pag. 156. 163. Sponium Miscell. p. 270. Reines. lib. 111. Var. lect. c. 16. & Fleetwoodum Syll. inscr. pag. 105. ubi duo Imp. littus, adsiduis maris adluentibus fluctibus ad labem ruinæ labefactatum, aggeribus marini operis in fundamentis extruxisse leguntur, ut *commeantibus in via Severiana periculum abesset.* Pulchra item est inscriptio Gudianā pag. 71. n. 1. in qua Imp. Antoninus Pius bono reip. natus dicitur, *quod viam ante hac lapillam, utiliter stratam & corruptam, sili-ce novo, quo firmior commeantibus esset, per milliaria sum. xx1. sua pecunia fecit.* De M. Aurelio Philosopho Capitolinus in ej. vit. c. 4. *vias Urbis, atque itinerum diligentissime curavit.*

CAPUT VII.

DE PRAESIDUM CURA VIARUM
IN PROVINCIIS.

*Præsides & Proconsules, per omnem pæ-
ne terrarum orbem, vias muniverunt
& signarunt; per Syriam, Gallias,
Lusitaniam & Britanniam; cujus qua-
tuor viæ regiae, à Romanis constructæ.
Curatores viarum extra ordinem a Pro-
consulibus constituti. L. 7. §. 1. D. de
off. Procons. illustratur. Viæ provincia-
les malis hominibus purgatæ. Cursus
publici cura Præsilibus mandata, ab
Anatolio restituta. Stratores & præ-
cursores Regum atque illustrium. Jo-
hannes Baptista Christi metator, ad
Esa. 40. vs. 3. Mal. 111. vs. 1. Cur
nemo Proconsulum stratores suos habere
potuerit? l. 4. §. 1. D. de off. Procons.
male a Goveano correctæ, nec felicius a
Ravardo & Reinesio explicata. Vera
ejus sententia. Statores Proconsulum a-
stlando, ministrando. Militum ministe-
ria sunt apparitorum. Ingressus Præ-
sidum in provincias solennis, ubi ingre-
di moris erat L. 4. §. 5. l. 5. D. de
off. Procons. illustratur.*

Cc

Præ.

Præsidis nomen generale est, eoque & Proconsules, & Legatos Cæsaris, & omnes, qui provincias regunt, complectimur, præeunte Macro in *l. 1. D. de off. Præs.* Hi vero majus imperium habentes, de omnibus causis, de quibus Romani magistratus, cognoscebant, nec quicquam erat in provincia, quod non per ipsos expediretur *l. 7. §. 2. l. 8. l. 9. D. de off. Proc. l. 10. 11. 12. D. de off. Præs.* Viis ergo sternendis, aperiendis, signandis & everfis restituendis incumbendum eis fuit inprimis, tum ut exercitus Romani commodius per provincias ducerentur, tum ut majore celeritate Roma & Romam nunciari possent omnia, tum denique ut ipsi cum comitatu suo facilius provinciarum urbes obirent, & in conventibus publicas controversias, hiberno maxime tempore, ab armis otiosi cognoscerent. Sane rudis sit, qui intra Italiæ fines, qua Urbs adibatur, stetitille putet viarum magnificentiam; ab ortu enim ad occasum regionum itinera strata & lapidibus milliaribus dimensa fuerunt. *Romani vias per omnem pene orbem disposuerunt, propter rectitudinem itinerum, & ne plebs esset otiosa,* ait Isidor. lib. XIII. Orig. c. 16.

Stante republica jam duo illustria viarum
rum

rum militarium, per Galliam Aquitanicam atque Macedoniam stratarum & signatarum exempla dedimus supra pag. 362. His accedat, quod Cicero Fontejum, Galliae Prætozem, Legatis suis viarum munitiones mandasse refert orat. pro Fontejo, cap. 4. *Cum majoribus negotiis M. Fontejus impediretur, & cum ad Remp. pertineret viam Domitiam munire, Legatis suis, primariis viris, C. Annio Bellieno & C. Fontejo negotium dedit. Itaque præfuerunt, imperaverunt pro dignitate sua, quod visum est, & probaverunt.* Majore vero diligentia paullo post Agrippa, Augusti gener, Gallias quaquaversum viis ornavit, & quatuor maxime, & longitudine & operis difficultate spectabiles, Lugduno duxit, auctore Strabone lib. III. pag. 208. Idem studium fuit Q. Venidii Rufi, Legati Augustorum Severi & Antonini, ac præsidis Phœniciae; uti ex columna milliaria discimus, quæ passibus circiter quingentis extra Sidonem adhuc exstat, in via, qua Tyrum itur, quamque Nicol. Poirssonus vidit & exscripsit apud Sponnium pag. 270. & Gudium pag. 69. n. 1.

VIAS. ET MILLIARIA. PER. Q. VENIDIUM RUFUM. LEG. AUG. PR. PR. PRÆSIDEM PROVINC. SYRIÆ. PHOENIC. RENOV. Similiter Imp.

Julius Verus Maximinus & Jul. Verus Maximinus Cæsar, in Lusitania, hanc in rem opera Q. Trajani Decii, Legati, viri illustris, & ejusdem sorte, qui post Philippos imperavit, usi dicuntur in lapide Gruteri pag. 151. n. 5. VIAS. ET. PONTES. TEMPORE. VETUSTATIS. COLLAPSOS. RESTITUERUNT. CURANTE. Q. DECIO. LEG. AUG. PRÆF. PRÆT. A. BRACCARA. AUG. M. P. Ad hanc quoque classẽ pertinet mutilum marmor Arelatense apud eundem pag. 159. n. 8. in viri cujusdam illustris auxiliaris Præf. prætorio Galliarum memoriam positum, quod DE ARELATE MA. . . MILIARIA. PONI. S. M. P. I. id est *de Arelate*, Sextanorum oppido, ad *Maritimam* usque coloniam, miliarios lapides poni sua pecunia curavit, uti vir præclarus, Thomas Reinesius, repudiata Scaligeri sententia, qui lib. 2. Aufon. lect. c. 30. Arelatem *mamiliariam* dictam fuisse ex eo conjecerat, bene explicavit lib. III. var. lect. c. 16. Britannia denique, teste Cambdeno, in ejus descriptione pag. m. 37. vias admirando opere, per omnem regionem, alicubi delictatis paludibus, alibi aggeratis vallibus, a Romanis munitas & constratas accepit, ea latitudine, ut occurrentia sibi invicem vehicula

hacula libere exciperent. Vulgus quatuor tantum hujusmodi vias esse voluit, *Wallingstreat*, *Ikenildstreat*, *Fosse* & *Erminstreat*; sed illæ præcipuæ fuere. *Cheminios regales* vocat Edwardus Confessor in LL. cap. 12. 13. quorum *duo in longitudinem regni*, *alii duo in latitudinem distenduntur*.

Viarum ergo regiarum cura ad Rectores provinciarum pertinuit, quibus & stationes navium, portus, litora, turres & castella in limitibus, omnesque provinciarum abscessus, in utroque Codice crebro, sed maxime in titulis *C. de itin. mun.* & *de litorum* & *itinerum custodia* commendantur. Ulpianus etiam inter officia Proconsulis retulit, ut si in celebrem civitatem vel provinciæ caput adveniret, opera publica circumeat, inspicendi gratia, an facta tectaue sint, & si qua cœpta sunt, curet, ut consummentur, prout vires ejus Reip. permittunt; *curatoresque operum diligentes* solenniter præponat, l. 7. §. 1. *D. de off. Proconsf.* Tales sunt, a quibus Javolenus, in l. 12. *D. de muner.* munitionem *viarum* quandoque extra ordinem exigere ad tempus, ait; quosque Charisius in l. 18. §. 7. *D. eod.* dicit ad *faciendas vias eligi solere*. Congruit item bono & gravi Præsidi, ut pacata &

quieta provincia sit, id quod non difficile obtinebat, si latrones, plagarios & grassatores, viatoribus insidiantes, sollicitè conquireret, eorumque receptores coërceret: nam & in mandatis Principum erat, *ut curet is, qui provinciæ præest, malis hominibus provinciam purgari, l. 3. §. l. 13. D. de off. Præs.* Iisdem cursus publici inspectio mandata fuit, qui ad publicas necessitates expediendas in civitatibus & stationibus non poterat velox esse sine viis publicis recte munitis. *l. 4. l. 15. C. Tb. de curs. publ. l. 7. C. Tb. de div. off. Capitolin. in Pertin. c. 1. & Symmachus lib. II. ep. 27. Graviter Aurelius Victor in Trajano: Noscendis ocius, quæ ubique è Republica gerebantur, admota media publici cursus: quod equidem munus satis utile, in pestem orbis Romani vertit posteriorum avaritia, insolentiaque, nisi quod bis annis (sub Constantio) suffectæ vires Illyrico sint, Præsfecto medente Anatolio. Boni malique in Republ. nihil est, quod in diversum traduci nequeat moribus præsidentium.*

Cum vero Proconsules magno comitatu & pompa in provincias proficisci solerent, mirum videri posset, qua ratione Ulpianus in *l. 4. §. 1. D. de off. procons.* scribat: *Nemo proconsulum stratores suos habere potest,*

test, sed vice eorum milites ministerio in provinciis funguntur. Sensus legis eruendus erit ex significato vocis *stratoris*, qui varius fuit. Et primum quidem vix hoc loco intelligi possunt, qui Proconsulem sustollunt inequum, de quibus late supra egimus pag. 367. nulla enim hujus rei prohibendæ ratio esse potuit, cum cuivis etiam privato eorum copia patuerit. Probabilius alii cogitant de viarum stratoribus, qui totum iter disponunt. Notum enim est, quoties reges, aut eorum vicarii iter faciunt, præmitti qui hiantia solident, exstantia complanent, & per devia compendium faciant, ne quid itineri obstet aut moram faciat; Xenophon ὁδοποιὺς appellavit. Sic Malach. III. vs. 1. *Enego præmitto angelum meum, qui parabit viam antefaciem meam.* Et Joannes Baptista idcirco Servatoris nostri Strator, præcursor et metator à Petro Chrysologo serm. 125. vocatur, quia ipse viam Domino stravit sternique mandavit, secundum vaticinium Esaiæ XL. vs. 3. 4. juncto Matth. III. vs. 3. Sponius quoque Miscell. pag. 233. Diomedem stratorem viæ Appiæ ex marmore nobis sistit, Cupero non refragante, ad Lactant de mort. perf. c. 5. Videntur præterea stratores in officio Præfectorum Prætorio, Proconsulum et Præsidium re-

vera fuisse, secundum *l. ult. D. de jure immun. & l. 1. C. de off. Præs. præf. Afr.* In actis etiam Cypriani *Galerii Maximi Proconsulis strator*, sicut in inscriptione Tarraconensi apud Gruter. pag. 389. n. 2. Silius Hospes T. Claudii Candidi, optimi *Præsidis strator* vocatur. Dici ergo posset, mentem Ulpiani esse, neminem Proconsulum propriis viarum stratoribus uti posse, cum milites in promptu sint, qui eo officio fungantur: nam pars prior hujus capitis iter ab Urbe in provinciam describit; quoniam in præcedente *pr.* vetantur metatis in transitu onerare provinciam, per quam transeunt, & in sequente §. 4. edictum de adventu suo, mittere jubentur: postea demum officium eorum, ubi provinciam sibi destinatam ingressi sunt, exponitur.

In alia autem omnia abiit Goveanus lib. 1. var. c. 42. legendo *statores servos*, pro *stratores suos*; quia servi admitti non debeant ad publicum ministerium, quale est apparitorum Proconsulis, qui ad coercendos & carceri mancipandos delinquentes ipsi præsto erant & famulabantur. Nam *stare* est verbum ejus rei, uti Scaliger in Priapeja ex Manilio docuit pag. 200. Ita *statores, milites & municipalia ministeria* jungit *l. 10. D. ex quib. caus. maj.* Cicero
 Pra-

Proconsul & Imperator Statores suos cum literis ad Cælium Prætorem mittit, lib. xi. ep. 29. STATOR PRÆTORIS apud Grut. pag. 1031. n. 3. & STATOR PRÆTORIANORUM in 8. pag. 546. memorantur. Verum Goveano non potuit adfentiri Cujacius lib. xi. Obs. c. i. quia Ulpianus *stratores suos*, id est domesticos, proprios, & a se in id ministerium constitutos, opponit militibus, qui exteri potius, quam sui sunt Proconsulibus; nec sane opus est *servos* legamus, qui suorum nomine continentur. Felicior Rævardus lib. 1. Var. c. 12. Ulpianum ex Lampridii Alexandro Severo cap. 52. explicasse videtur: is enim Princeps *Apparitores nullos esse passus est Tribunis aut Ducibus, nisi milites ante ire voluit; jussitque ut ante Tribunum quatuor milites ambulant; ante Ducem sex; ante Legatum decem; hique ad domos suas reciperentur*. Similiter Reinellius ad cl. 1. Inscript. 19. Ulpianum ad Alexandri constitutionem respexisse putat, qua Ducibus & Proconsulibus, loco stratorum, quibus olim stipati, milites adsignavit. Sed præterquam quod Ulpianus pleraque sua jam ante Severum sub Caracalla scripsit, male Proconsulum, in provinciis pacatis, cum ducibus et judicibus militaribus instituitur comparatio.

Neutris quidē domesticos licuit ad apparendi officium adhibere; sed Proconsules habuerunt apparitores publice constitutos, ante tribunos et duces milites ambulabant.

Quid ergo? legis nostræ series indicat, Proconsules lictoribus, virgariis & officialibus in provinciis usos esse, non vero domesticis & propriis, sed publicis, qui hic *milites*, alibi *commentarienses*, *manipes carceris*, *clavicularii*, & *ferales ministri* vocantur. Hi reos carceri traditos custodiebant, *l. 1. C. de custod. reor.* in provincia quavis publici erant, ac perpetui *l. 34. D. de reb. cred.* neque Proconsul eos secum ex Urbe ducebat, sed constitutos reperiebat; gravi ratione, ne prædaram occasio inde nasceretur, dum rei aut eorum potentiam perhorrescerent, aut conniventium custodiæ elaberentur, uti Jacob. Gothofredus notat ad *l. 1. C. Tb. de custod. reor.* verba sequentia: *Illud observabitur, ut neque his, qui stratorum funguntur ministerio, neque ministris eorum liceat crudelitatem suam accusatoribus vendere, & innocentes intra carcerum septa leto dare.* Ecce! quos Ulpianus *milites* vocat *ministerio vice stratorum fungentes*, eos Constantinus *stratorum ministerio* fungi ait, et utroque loco ministri,

stri, quos penes officium custodiæ reorum erat, intelligendi sunt, non vero milites armati, & in numeros relati: nam civiles apparitores Ulpianus alibi etiam *manum militarem*, in l. 68. D. de rei vind. eique æqualis Alexander *militare officium* in l. 2. C. si manc. ita venier. vocant, alibi iidem in pœnam *militia solvuntur*, in l. 4. C. Th. de execut. & l. 3. C. de div. off. ubi stratores rursus habes, sed alio forte sensu. Cur vero carcerum custodes & executores milites appellati, non una est ratio; nam si res ferret, erant armis instructi; & qui circa latus Magistratum hærent, militare dicuntur. Vid. Ampliss. Bynkershoek lib. III. Obs. c. 14. & qui custodiam militarem à carcere bene distinguit, Lipsium in Excurs. ad Tacit. lib. III. Annal. lit. B. Ceterum vocabula *stratoris* & *statoris* a librariis nonnunquam videntur permutata esse; unde varietas lectionis in l. 10. D. l. 1. C. aliisque locis quibusdam supra laudatis. Cujac. ad l. 1. C. de strator. nihil referre putavit stratores dixeris, an statores; sed officia eorum diversa fuisse, Salmas. notavit, ad Capitolini Antonin. c. 8. & ad Vulcatii Avidium Cass. c. 8.

Inter ceteras autem provinciarum vias illa quam maxime eminuit, per quam accessus

cessus ad urbes metropoles ordinarius erat; scribit enim Ulpianus in eadem *l. 4. §. 4. 5. & l. 7. D. de off. Procons.* Proconsuli ingressuro provinciam hoc observandum fuisse, ut edictum de adventu suo mitteret, & maxime excusaret, ne publice vel privatim sibi occurratur: ut deinde ea parte ingrederetur, per quam ingredi moris esset, & quas Græci *εισιόδους*, id est, accessus ad urbem appellant: magni quoque facere provinciales fervari sibi consuetudinem & prærogativam, in civitates nobiliores primum veniendi, ubi magnis provincialium studiis, laudibus, feriatis diebus, aliisque publici velut gaudii significationibus adventus ejus celebrabatur. Et si vero excusasset occursum solennem, sine dubio obviam ei processerunt multi, cujuscunque conditionis homines, lætissimo agmine, fausta omnia convergentes, viamque totam floribus, coronis & odoribus complentes; genere adulationis antiquissimo, & frequentissimo, cujusque plura apud unum Sueton. vestigia reperimus lib. 11. c. 98. lib. 14. cap. 13. & lib. vi. cap. 25. De Metello Valer. Max. lib. 1x. cap. 1. n. 5. scribit, quod in Hispania *adventus suos ab hospitibus aris & thure excipi passus sit* Hirtius de B. G. c. 51. *Nihil relinquebatur,*
quod

quod ad ornatum portarum, itinerum, locorumque communium, qua Cæsar iturus erat, excogitari posset; cum liberis omnis multitudo obviam procedebat, hostiæ omnibus locis immolabantur. Plura veterum loca de floribus per viam sparsis, & florum aspergine apud Lips. ad Tacit. II. Hist. c. 70. Casaubon. ad Sueton. Calig. c. 13. Freinshem. ad Curt. lib. v. c. 1. & ad Florum lib. II. c. 7. videre licet. Ovid. iv. Trist. 2. vs. 49.

*Quaque ibis manibus circum plaudere
tuorum,*

Undique jactato flore tegente vias.



D E

TUTELA VIARUM

P A R S III.

D E

LEGIBUS, AD VIARUM SECURITATEM PERTINENTIBUS.

C A P U T I.

DE EDICTO VIARIO ÆDILII CURULII.

Ædiles Curules, ob curam viarum sibi mandatam, noxia animalia haberi ventant, qua vulgo iter fit. Verba Edicti viarii, in l. 40. 41. & 42. D. de Ædilit. ed. an sint genuina, an recentiora, & à quo surrogata. Charondas, Cujacius & Strauchius Edictum mutilantes refelluntur. Leunclavii defensio Florentinae, Græcorum auctoritate, an recta? Quid sit Aper minor, quid Verres, contra Lipsium. κείρεος & verrem, & aprum notat, non caprum. κύαγρος porcus ferus, vel domesticus. Dux observationes Grammaticæ

maticæ ad illa Ediçti verba: animal quod noceret, siue soluta sint siue alligata. Conjectura de verbis Pauli separandis ab Ediçto. Solidi ducenti in Ediçto a Triboniano positi pro viginti milibus sestertiorum. Aureus solidus demum tempore Alexandri Severi, Solidus vero absolute pro aureo serius usurpari cœpit. Robertus Cenalis notatur. Pondus Aurei olim majus, quam Solidi, sub Justiniano idem. l. 1. C. Tb. de ponderat. emendata. Tribonianus cum sociis defenditur.



egum appellatione non tantum XII. tabulas et rogationes Consulares, sed latiore significatu Ediçta quoque Ædilium, Prætorum et Principum, aliasque generales Constitutiones intelligimus; sicut Cicero Prætoris Ediçtum *legem annuam*, et JCti Rescripta Principum *leges* appellarunt. Inter varia autem jura, ad viarum et viatorum securitatem pertinentia, eminet inprimis ediçtum Ædilium Curulium pulcherrimum, et multarum observationum secundum, in quo tamen illustrando nec Veteres, nec Recentiores valde laborarunt. Cum enim JCtorum tempore satis illud usu expositum esset, supervacuae
for-

forſan operae plenior ejus interpretatio viſa fuit, aut certe architecti Pandectarum eam totam praetermiſerunt. Mihi autem plenius explicandum, et primo quidem loco videbatur Ediſtum, quod non modo ad Urbis dominantis ſecuritatem, ſed et ab illis Magiſtratibus propoſitum eſt, quibus proprio quaſi munere cura platearum fuit mandata, ut ſupra vidimus p. II. cap. 2. Praeterea fuit illud priſcis temporibus tam utile et neceſſarium, ut ei adſcribi poſſit *Bonum factum*. Quid enim utilius eſt, quam viatores abſque Mauri jaculis et arcu itineri ſe dare poſſe? et quid magis neceſſarium, quam ut animalia ſerocia, et humanum ſitientia ſanguinem e publico in vincula ſua, vel ad Garamantas et Afros proſcribantur? Viam, in qua non eſt leo, quamque violenta nulla fera conſcendit, metaphorice laudat Eſaias XXXV. vſ. 9. Solonis quoque legem de cane, qui momorderit, noxae dando, ut ſcitam ad ſecuritatem et valde gratioſam Plutarchus laudat, in ej. vita c. 40. Galenus denique meth. med. IX. 8. inter Trajani curas refert, ut viae feris obſeſſae purgarentur.

Sed miſſis ambagibus ipſa verba Ediſti Aedilitii videamus, quae duo Juriconſultorum principes, Ulpianus & Paulus, uter-

uterque libro secundo ad *Edictum Ædilium Curulium*, sequentem in modum nobis retulerunt, in l. 40. & seqq. de *Ædil. ed.* Ajunt *Ædiles*: *Nē quis canem, verrem, vel minorem aprum, lupum, ursum, pantheram, leonem, aliudve, quod noceret animal, sive soluta sint, sive alligata, ut contineri vinculis, quo minus damnum inferant, non possint, qua vulgo iter fiet, ita habuisse velit, ut cuiquam nocere damnumve dare possit. Si adversus ea factum erit, & homo liber ex ea re perierit, solidi ducenti: si nocitum homini libero esse dicetur, quanti bonum æquum judici videbitur, condemnetur: ceterarum rerum, quanti damnum datum factumve sit dupli.*

Hiscē verbis, an aliis cascis magē & obsoletis, hoc *Edictum* propositum fuerit, non temere dixerim: posterius autem ex Gellii lib. iv. Noct. Att. c. 2. con-
 jicere licebit, ubi partem *edicti Ædilium Curulium*, more suo, genuinis & priscam majestatem redolentibus verbis, ita enarrat: *Titulus servorum singulorum ut ei scriptus sit coerato, ita ut ei intellegi recte possit, quid morbi vitiiue quoique sit.* Forsan juniores *Ædiles*, in translatitiis *edictis* suis, verbis recentioribus usi sunt; aut, quod magis placet, *Julianus*, in compositione *Edicti perpetui*, cujus pars

& appendix fuit *Ædilitium*, ridiculum esse censuit, malle sermonem durum, quo majores locuti essent, quam quo tunc politius loquerentur. Verum de his quilibet sentiat, prout lubet.

Nos potius videamus, quid de verbis *vel minorem aprum* habendum sit, quae Ludovicus Charondas, tanquam abundantia, primus notis II. II. inclusit, etli Florentiae & in Vulgata Accursii reperiuntur. Colorem haec annotatio haberet, si voces duas priores tantum ad glossema retulisset, quas Justinianus quoque in §. 1. *Inst. si quadr. paup.* omisit; unde Cujacius, in notis ibi, non dubitavit, eas in Edicto nostro superesse. At haec ratio si admittatur, longe plura in Edicto delenda forent, quae dicto §. 1. desunt; neque Triumviris, qui Institutiones composuerunt, solenne fuit, propria & integra Legum vel Edictorum verba nobis dare, sed plerumque contenti sunt, eorum sententiam expressisse. Nihilominus Johannes Strauchius, in diss. *Ædilitia* posteriore c. 4. §. 5. cum Charonda, acriter contendit, *Ædiles* tantum locutos esse de verre domestico, voces autem *vel minorem aprum* una litura esse delendas; quippe quae ipsi a scioli manu irrepsisse videntur, non capientis, quid verres inter feras faciat.

Pro-

Provocat hunc in finem ad Theophilum & Basilica, quae aprum non agnoscant; sed quod addit, *in Institutis nihil est de apro*, id αὐτοψία refutat. Contra Johannes Leuoclavius Notatorum lib. II. n. 45. adversus Criticos ita sentientes, Græcorum rursus produxit auctoritatem, quos utrumque vertere ait, verrem quidem κάπρον, et aprum minorem σύαγρον. At vero in Basilicis et in eorum Synopsi una tantum vox occurrit lib. XIX. tit. 10. n. 26.

Οὐ κύνα ἄγριον, ἢ κάπρον, ἢ ἄρκτον, ἢ λύκον, ἢ πανθῆρα, ἢ λέοντα, ἢ ἕτερον βλαπτικὸν ζῶον etc. *Qui canem ferocem, aut verrem, aut ursum, aut lupum, aut pantheram, aut leonem, aliudve noxium animal.* Nec aliter Harmenopulus lib. VI. προχ. tit. 1. §. 2. οὐ ζῶον ἄγριον βλαπτικὸν οἷον κύνα, κάπρον, λέοντα, λύκον, ἢ θήρ τι ὁμοίων. *Qui ferum animal, quod nocere possit, ut canem, verrem, leonem, lupum, atque id genus.* Denique Theophilus, in paraphrasi §. 1. *Inst. si quadr. paup.* una voce contentus est, isthoc tantum discrimine, quod pro κάπρον ponit σύαγρον hoc modo: κύνα, ἢ σύαγρον, ἢ ἄρκτον, ἢ λέοντα ἔχεν ἐν ἐκείνῳ τῷ τόπῳ, δι' ὃ παρέρχεται πληθῶς.

Si meam sententiam postulas, non multum causæ video, cur constantem Pandectes Florentini, Vulgatæ & Haloandri lectionem deferamus: prohibent enim Æ-

diles *minorem aprum*, id est parvum, non valde dentatum, qua vulgo iter fit, haberi; quia grandiores & primæ magnitudinis apri, ut Petronius vocat, vel ob nimiam ferociam, rarius prope vias & plateas in vinculis habebantur, vel sane si habebantur, sub verris vocabulo erant comprehensi, quod quemvis porcum testiculatum notat, non vero exsectum, ut Lipsius voluit lib. 11. Variar. lect. c. 17. Deinde ad Græcos quod attinet, illis similiter *κάπρος*, vel *σὺς κάπρος*, tam de porco ferro, quam de domestico *ἐνέρχων* dicitur, uti Henricus Stephanus, ex Homero & Hesiodo, multis probavit. Sexus enim nomen est, & *κάπρος* τὸ αἰδεῖον τῆ ἀνδρὸς exponitur Suidæ; *καπρίζειν* Aristoteles dicit de sue femina verrem appetente, quod Latinis est *surire*. Glossæ *verres* *κάπρος*, & aliæ *κάπρος*, *verres*. Græcis vero transmarinis *κάπρος* est aper, inde & Romani per aphærefin aprum dixerunt; neque *κάπρος* cum capro debet confundi, id quod quibusdam magni nominis interpretibus accidisse, Paulus Leopardus lib. 11. Emendat. cap. 10. observavit. Varro lib. 1v. de L. L. *Apri ab eo, quod in locis asperis, nisi à Græcis, quod si κάπρος*. Sic Callimachus hymn. in Dian. vs. 155. *χλένην κάπρον* vocat, quem Homerus Iliad v. vs. 535. *σὺν ἄγριον*
aprum

aprum silvestrem appellavit. Quando igitur Basilica *verrem* *κάρπον ἀγρίον* vertunt, simul *aprum minorem* comprehendunt, sicut Theophilus utrumque & ferum & domesticum porcum voce *σῶαρον* complexus est: aper enim, citra aliud proprium nomen, *σὺς ἀγρίος*, porcus ferus, *porcus e silva*, aut *porcus agri*, at Poëtis: frequentius *σῶαρον* vocatur, uti Athenæus lib. ix. Deipnos. cap. 14. ex Antiphone & Dionysio demonstravit. Similiter apud Latinos nemini ignotum esse, quod apri sues vocentur, ait Varro lib. 11. de R. R. c. 1. Isidor. lib. xii. Orig. cap. 1. *Aper a feritate vocatus; unde & apud Græcos σὺς ἀγρίος, id est ferus dicitur, omne enim quod ferum est & immitte abusive agreste vocamus.*

His de animalibus immundis, ad nauseam forte pertractatis, priusquam ad rem veniamus, duas Grammaticas observationes subijciam. Et primo quidem admonendi sumus, *animal, quod noceret*, idem hic esse, quod nocere posset vel soleat: hoc enim loquendi genus, quo verba actum significantia pro potentialibus accipiuntur, omnibus fere scriptoribus familiare est, quoties periculum instans & certo eventurum indicatur. Pomponius, in l. 21. D. de statulib. ait: *Videbitur pro*

boc accipi debet, videri poterit; & sic verba xli. Tabb. Veteres interpretati sunt: Si aqua pluvia nocet, id est nocere poterit. Nec aliter Ulpianus, in l. 2. §. 31. *D. ne quid in loc. publ.* verba Prætoris: *Quo ea via, idque iter deterius fit, fiat,* exponit, siue statim deterior via sit, siue postea: etenim quædam sunt talia, ut statim facto suo noceant, quædam talia, ut in præsentiarum quidem nihil noceant, in futurum autem nocere debeant. Sic Pilatus apud Marcum xv. vf. 6. unum ex vinc̃tis *dimittebat*, id est dimittere solebat, Matth. xxvii. vf. 15. Cicero lib. v. in Verr. cap. 49. *forores veniebant*, hoc est venturæ erant, & Tacitus vi. Annal. 43. *cedebant*, pro cedere volebant. Similia dabit Cujac. lib. xiv. Obs. cap. 9. Casaubon. in Suetonii Jul. cap. 29. & Gronov. ad Livium lib. 34. cap. 1. & 37. cap. 17.

Altera observatio erit circa structuram vocum: *animal, siue soluta sint, siue alligata*, quæ congrua est, non ratione ejus, quod dicitur, sed quod intelligitur. Vulgus hanc figuram, ignoto præcis nomine, *σύνθεσιν*, Vollius autem *σύνθεσιν*, quasi intelligentiam, appellat, ejusque usus non modo est in collectivis nominibus, quorum numerus singularis vim habet pluralivi, sed etiam in aliis. Cicero pro Milone:

Si

Si tempus est ullum jure hominis necandi, quæ multa sunt. Virgil. lib. VIII. Æneid. vñ. 427. *Fulmen, quæ plurima calo dejecit.* Posset etiam dici, verba *sive soluta sint*, non ad proximum *animal*, sed ad animalia diverſi generis, prius memorata, referri debere; ut cum Solinus ait cap. 23. *Polypus & chamæleon glabra sunt.* Tacitus V. Hist. cap. 5. *Parentes, liberos, fratres vilia habere.* Forte non errabimus, si totam l. 41. de Ædil. ed. ad Pauli interpretationem Edicti referamus, etsi ejus verba nunc in omnibus exemplaribus pro verbis Ædilium venditentur: nisi quis putet longe pluribus verbis conceptum fuisse Edictum, & *Ædiles tollendæ dubitationis gratia bis*, & τὸ αὐτῶν, id est de eodem idem dixisse, ne quæ dubitatio superesset, ut ipse tautologus loquitur Ulpianus in l. 1. §. 7. D. de Ædil. ed.

Ultimo loco & hoc addendum est, in sanctione hujus Edicti manifestum deprehendi emblemata Triboniani & sociorum, qui *solidos ducentos* posuerunt pro pœna viginti millium sestertiorum. Olim enim sestertiis agebatur, quorum centum unum aureum efficiebant. Vide l. 1. §. 12. D. de extr. cognit. juncto Tacito lib. XI. Annal. cap. 7. & Gronov. de pec. vet. lib. 11. cap. 5. Sub occupata republica horum

Aureorum mature fit mentio, apud Plinium, Juvenalem, Dionem, Suetonium & Jurisconsultos, neque omnia horum loca, ubi aureus occurrit, interpolata esse dicere ausim, cum Wissenbachio, in Emblem. Tribon. ad l. ult. D. de jus in voc. licet non diffitendum sit, millia sestertiorum Pauli *lib. 111. tit. 5. §. 10.* in aureos mutata esse, in *l. 25. §. 2. D. de Sct. Silan.* & alibi quoque, uti Cujac. *lib. xix. Obs. cap. 31.* notavit. *Aureorum solidorum* primus meminit Lampridius in Alex. Severo cap. 39. ut tamen incertum sit, illius, an sui, id est Constantinei seculi voce usus fuerit. Quapropter nec accedo Roberto Cenali, qui de pond. & mens. rat. in Thes. Grævii tom. xi. pag. 1548. scribit: *Leges quotquot scriptis redactæ sunt a Jctis, qui Alexandri Mammeæ tempore floruerunt, de solidis aureis didrachmalibus, quorum quatuor unciam implent, intelligendas esse.* Solidus vero absolute pro aureo usurpatus ante Diocletianum vel Constantinum M. vix legitur; quo imperante, & gaudente mutationibus veterum institutorum, id vulgo obtinuit, uti Scaliger. in postumo de re monet. libello, in Thes. Gronovii tom. ix. & du Frene, in Dissert. de Imp. Constant. numm. n. 76. ex Codice Theodosiano, Isidoro

Isidoro aliisque ostenderunt. Adeoque minime solidi, vel aurei, ab Ethnicis Imperatoribus signati, sed quos Imperatores Christiani cuderunt, ita ut singuli sextam uncix partem, & septuaginta duo libram auri efficerent, hic intelligendi sunt; hos enim Justinianus precibus Viglii Pontificis inductus, ubique gentium valere iussit.

Nota sunt quæ de solidi æstimatione viri summi, Cujacius lib. xix. Obs. cap. 31. & Horman. lib. iv. Antiq. pag. 678. acrius, nec sine conviciis, disputarunt. Sane pondus & pretium, uti olim aureorum, ita postea & solidorum variavit. Prisco tempore quadraginta aurei ex libra signabantur, ut Plinius scribit lib. xxxiii. cap. 3. Sed paullatim imminuti, & ævo Alexandri Severi ad duas drachmas contracti sunt; sub Constantinopolitanis autem Imperatoribus pondus diversum & minus fuit. Plerique Constantini ævo 84. sub Valentiniano autem 72. solidos in libram auri computatos, ajunt, atque ita, temporibus distinctis, conciliant *l. 5. C. de suscept.* & *l. 13. C. Tb. eod.* cum *l. 1. C. Tb. de ponderat.* sed quia ne sic quidem quaternorum scriptulorum constat ratio, forsan Panciroli & Savoti de numm. antiq. p. 111. cap. 17. emendatio est recipienda, qui in

d. l. 1. pro vii. solidis vi. & pro xiv. potius xii. scribendum esse voluerunt, id quod etiam Joh. Fred. Gronovius lib. iv. de pec. vet. cap. 13. calculo suo probavit. Aureus olim differebat a solido proportionē fescupla, ita ut 48. aurei libram auri efficerent: sed a Constantini & Juliani tempore ejus pondus ita decrevit, ut tempore Justiniani solido par fuerit; quapropter solidus & aureus promiscue accipiuntur, ut constat ex l. 24. D. de in jus voc. junct. §. f. Inst. de pœn. tem. lit. l. 5. §. 6. D. de his qui effud. junct. §. 1. Inst. de oblig. quæ quasi ex del. & l. 37. §. 1. D. de pecul. junct. l. 1. C. comm. de legat. Vid. Ant. Augustin. lib. 11. Emen-dat. cap. 9. & Covarruv. in vet. numism. collat. cap. 111. tom. 1. Oper. pag. 576. Hoc vero non eo dictum volo; ut nota quædam falli, audaciæ aut stultitiæ inuratur Pandectarum architectis, tanquam male de nobis meritis: quicquid enim hi ad mores sui temporis detorserunt, mandato Justiniani est tribuendum; qui Prætorum aut Ædilium edicta confirmaturus, simul monetam veterem interpretari, eamque suæ exæquare debuit, cum omnes Digestorum libros quasi a manu sua accipi voluerit. vid. ejus l. 1. §. 6. 7. l. 2. §. 10. l. 3. §. 20. C. de Vet. jur. enucl.

CA-

CAPUT II.

DE OCCASIONE ET NECESSITATE
ÆDILITII EDICTI.

Ædiles curules Edictum hoc proposuerunt, qua viarum, non autem fori inspectores, contra Maranum. Fuit illud a ceteris eorum Edictis, quæ vel supersunt, vel perierunt, separatim. Canes & molossi ad limina ditiorum. Verres & sues in baris pauperum urbanis. Vivaria aporum extra Urbem. Lupi, ursi, pantheræ & leones in caveis Magnatum, partim ad ostentationem, partim ad ludos Circi cruentos. Stupendus harum belluarum numerus ex silvis Africanis & Syriacis, ferreis in caveis Romam advectus, tam sub libera, quam occupata Republica. Frequentes strages ab illis negligentius custoditis Exordia bujus edicti ex jure Hebræo. Exod. XXI. vs. 28. seq. inde ad Phœnicas, ab his ad Græcos venit. Solonis lex de cane mordente, a Xenophonte, Platonem & Paulo in Sententiis laudata, ab Ædilibus extensa, & diligentius, quam a Decemviris, exposita. Edictum hoc late vuluit in provinciis, quæ pompam ludorum imitabantur. Amphitheatrorum index, quæ extra Romam.

Pri-

Primariam Edicti causam à cura viarum, Ædilibus curulibus mandata, repetendam esse cenſeo: neque enim hi munere ſuo ſatis ſe perfunctos rati ſunt, ſi puræ eſſent plateæ, & ab omnibus, quæ liberum tranſitum impedirent, vacuæ; ſed feroces quoque canes & ſævas belluâs procul a viis arcendas crediderunt, exemplo Aſtynomorum, quibus Plato, in Republica ſua, mandavit lib. vi. viderent, ne hominum corpora, viſceribus ſuis nudata, a feris beſtiis in via publicâ comederentur. Hæc autem viarum urbanarum curatio, cum magnam, ut ſupra vidimus, muneris Ædilitii partem occupaverit, nihil cauſæ habuit doctiſſimus Maranus, cur in Parat. D. de Ædilit. edict. occaſionem huius Edicti retulerit ad animalia, quæ in foro & viis publicis venum exponebantur: quis enim unquam dixit aut ſcriptum nobis reliquit, leones & feras quasque beſtias Romæ, inſtar equorum & boum, publice venales proſtitiffe? aut fori ibi ferarum, ſicut ſuum & jumentorum fuiſſe?

Non magis ſubſcribo Alberico a Porta, Fulgoſio, Zoefio, Bockelmanno, ejuſque aſſectiſ, qui unicum tantum Ædili-um Curulium crepant Edictum; cujus primo capite emtoribus mancipiorum;
alte-

altero his, qui jumenta emunt; & tertio viatoribus prospiciatur. Quæ enim connexio capitis tertii cum prioribus? & quidni potius dicamus, Ædiles de variis caulis, ad jurisdictionem suam pertinentibus, exemplo Prætorum, diversa edicta proposuisse, inde a Plauti usque temporibus, qui *Edictiones Ædilitias* memoravit. Hæc vero deinde in unum corpus collecta, licet juris honorarii portio essent, Edictis Prætorum olim non continebantur, sed propria collectione, quæ tamen priori cohærebat, erant comprehensa: donec Julianus, cum Edictum perpetuum ordinaret, quædam ex iis seligenda esse duxit, *l. 2. §. 5. C. de vet. jur. enucl.* Theophilus ad §. 7. Inst. de J. N. G. & C. *Ædiles*, inquit, *de quibusdam causis jus constituiebant, & Edictum eorum factum est portio, & cohæret edicto amborum Prætorum, Urbani & Peregrini.* Sic Gellii illud accipio lib. iv. cap. 2. *In edicto Ædilium Curulium, qua parte de mancipiis vendundis cautum est*, id est in corpore edictorum Ædilitiorum, partibus & titulis distincto, ad quod Cajus, Ulpianus & Paulus singulares commentarios ediderunt. Ipsi sane Jcti Edicta distinguunt in *l. 1. §. 2. 3. 4. l. 38. §. 1. 2. l. 63. D. de Ædilit. ed.* & ne quis omnia
 Ædi-

AEdilium edicta sub illum titulum relata credat, ecce deperditi cujusdam edicti, de puero alieno non castrando, meminit l. 27. §. 28. *D. ad L. aquil.* Ovidius nos docet lib. vi. Fast. vs. 663. AEdiles fumtus funeris edicto coarctasse, ne plures, quam decem tibicines pompam funeris irent. Alias item actiones, nobis incognitas, quæ certo tempore non finitæ, quia non rescindebant id quod jure civili ratum erat, ab illis proditas esse, ex l. 2. *D. de divers. & temp. præscr.* colligere licet; nisi cum Amplissimo Bynkershoekio, lib. iv. Obs. cap. 8. propter æque ibi legamusper æque.

Verius ergo est, canes & verres, stabula sua aliquando relinquentes, leones item & pantheras, claustra & caveas frangentes, AEdilibus ansam dedisse prohibendi, ne in posterum promiscue haberentur. Et primum quidem ad *Canes* quod attinet, pericula frequentia viatoribus ab his imminuisse, non dubitabit; siue enim cogitemus, quod hi nocturni vigiles & custodes incorrupti, ob singulare robur, vigilantiam & fidem, ad limina ditiorum plerumque alerentur; siue quod decumanæ notæ canes, ad tutelam, gressus heriles comitantes, *Magnaue taurorum fracturæ colla Britannæ* in obvios aliquando ruerent, eosque lacerarent; omnino,
in

in republica bene constituta, cautione opus fuit, ne quis inde quid noxæ caperet aut detrimenti. Usus præterea docuerat, *Verres* quandoque laceffitosis aut libidine actos ferocire, & homines adoriri, quinimo devorare, unde Aelianus suum animal antropophagum appellavit. *Verris obliquum meditantis ictum*, cecinit Horat. lib. III. od. 22. Neque dubitandum est, an fues Romæ fuerint frequentes; quia Varro alique rei rusticæ scriptores copiose diligenterque de fructu magno ex suis dissulerunt. Idem quoque ad carnis pecudem primo loco suillam retulit, lib. IV. de L. L. Virgilius quidem lib. III. Georg. quo rei pecuariæ præcepta tradidit, de suis mansuetis nihil dixit, & veteres Icti hæsitant, an fues pecudum appellatione contineantur l. 65. §. 4. D. de leg. 3. quia feram quodammodo habent naturam, nec collo aut dorso domantur, nullam denique utilitatem præstant, dum vivunt. Vix tamen fundum quisquam colebat, quin fues & verres haberet; sed in ipsa quoque Urbe lutulentæ fues in plateis ruebant, auctore Horatio; & crebro itu forum nundinarium fundosque petere discebant, Plinio teste lib. VIII. c. 51. *Stantis convicia mandræ*, ait Juvenal. sat. III. vs. 237. id est haræ, in qua porci

porci includuntur. Aprorum quoque varia ceterorumque silvestrium extra Urbem primus togati generis invenit Fulvius Hirpinus, qui in Tarquinienſi feras pascere inſtituit, nec diu imitatores deſuere L. Lucullus & Q. Hortenſius, auctore Plinio lib. viii. cap. 52. & ix. c. 56.

Major de Apro, Lupo, Urſo, Panthera & Leone dubitatio exſurgit; quis enim, dicat aliquis, tantæ vecordiæ ut belluas has immanes, qua vulgo iter fit, habuiſſe velit? & quid opus fuit prohibitione, cum omnis vir bonus tetras hasce beſtias ex contubernio ſuo ad umbroſa nemora, ultra Sauromatas & glaciale Oceanum proſcriptas optet? Verum non ita fuit Romæ. Prorſus enim ac Reges Medorum, Macedonum et Babyloniorum feras olim in caveis adamarunt, apud Xenophontem, Philoſtratum et Curtium lib. v. cap. i. ac hodie Reges et Principes, oſtentationis gratia, et in magnificentiæ argumentum, leones, pantheras, leopardos, tigrides, aliasque ejusmodi beſtias generoſas alunt, ſic etiam Magnates Romani, proximorum incurioſi, longinqua ſectabantur, et belluas in clathris et cancellis ferreis vel ligneis continebant, de quibus multa Heinſius ad Claudian. lib. iii. de laud. Stilicon. vſ. 272. et ad Silium

hum lib. I. vñ. 569. De Pasiteleſculptore Plinius ſcribit lib. xxxvi. cap. 5. *Accidit ei, cum in Navalibus* (hæc fuerunt in tertia regione Urbis ad Aventinum) *ubi feræ erant, per caveam intuens, leonem calaret, ut ex alia cavea panthera erumperet, non levi periculo diligentiffimi artificis.* Neque unus forte & alter, ſed plurimi ejuſmodi beſtias, ſive ſeras, ſive manſuefactas aluiſſe videntur, uti conjicio tum ex l. I. §. 10. *D. ſi quadr. paup.* tum ex Juvenal. ſat. vii. vñ. 75.

- - - *Nec defuit illi,*

Unde emeret multa paſcendum carne leonem

Jam domitum: conſtat leviori bellua ſumtu
Nimirum, & capiunt plus inteſtina poëta.

Deinde notum eſt, Leonum, urſorum & pantherarum venationes, in cruentis Circi vel amphitheatrī ſpectaculis, maxima copia, jam inde editas eſſe, ex quo Q. Mucius P. F. Scævola, in Curuli ædilitate, primus leonum pugnam dedit, Plin. lib. viii. H. N. cap. 16. Scaurus autem ædilitate ſua varias, id eſt, pardos mares variegatos, centum quinquaginta univerſas miſit, Pompejus quadringentas decem, Auguſtus quadringentas viginti, Plin. eod. lib. cap. 17. Domitius item Ahenobarbus, Ædilis Curulis, urſos Numidicos

E e

cen-

nunc immanitatem ferarum, nunc mansuetudinem incognitam præbentis, admiratione cunctatur & hæret, unde hæc copia parari potuerit assidue, & sub uno Principe sæpius: nec enim una aut triplex Africa, cum Asia & Europa ei suffecisse videtur. Quanti labores iis conquirendis impensi fuerint, Petronius eloquatur ita canens cap. 119.

Quæritur in silvis Mauri fera, & ultimus Ammon

*Afrorum excutitur, ne desit bellua dente
Ad mortes pretiosa fames, premit advena classes*

*Tigris & auratagadiens vectatur in aula,
Ut bibat humanum, populo plaudente, cruorem.*

Hac de causa venatio Leonum in silvis Africanis & Syriacis fuit privatis interdicta, nisi sacris codicillis id impetrassent; urfos vero venari per Numidiam cuivis, et comparare et alere licuit vid. *l. un. C. l. 1. § 2. C. Tb. de venat. ferar.* quæque Franciscus Amaya et Jac. Gothofredus, in commentariis, ibi observarunt.

Jam quidem ferreæ caveæ portatiles advehendis et continendis feris illis in usu erant, quas Græci δεξαμενὰς, vel μελεάγρας vocant, quarumque Symmachus lib. 11. epist. 77. uti Claudianus Paneg. III. in

laudem Stilic. vf. 272. retium et clathrorum meminere:

*Retibus & clathris dilata morte tenendæ
Ducendæque feræ.*

Postea ilignas domus addit, seu caveas ligneas vf. 322.

*Hæc laqueis innexa gemunt: hæc clausa
feruntur*

*Ilignis domibus, fabri nec tigna polire,
Sufficiunt, rudibus sagis texuntur &
ornis,*

Frondentes caveæ &c. &c.

Vix autem tanta diligentia in illis custodiendis adhiberi potuit, quin aliquando erumperent et media in civitate horrendas strages ederent. Tertullianus ad Martyres, c. 6. *Quoties feræ, & in silvis suis, & in mediis civitatibus, elapsæ caveis homines devoraverunt?* Ammian. Marcellinus lib. xxviii. cap. i. *Maximinus effudit genuinam ferociam, pectori crudo affixam: ut sæpè faciunt amphitheatrales feræ, diffractis tandem solutæ posticis.* Lamprid. in vita Diadumeni c. 5. *Leo ruptis vinculis & quidem ferus effugit.* Triste exemplum legitur lib. xvi. Historiæ miscellæ: *Mense Martio exsiluit elephas e stabulo noctu, & interfecit multos, alios debilitavit.* Hinc Chrysostomus homil. 60. in Matth. vivaria publica, in quibus be-
stiar

stia ad spectacula custodiebantur, scribit, remota fuisse a Curia, Prætorio ac Palatio, ne forte bestiis erumpentibus, periculum his in locis cuiquam crearetur. Quinimo Nardinus Romæ vet. lib. iv. c. 2. Vivarium Romanum extra muros Urbis ad portam Prænestinam fuisse, ex ruderibus ostendit, cui suffragatur Procop. lib. 1. *Acie instructa circa Prænestinam portam, ad eam muri partem mox ducit, quam Romani Vivarium vocant.* Jussit id sine dubio multitudo casuum luctuosorum, quæ nostros quoque Ædiles, ludorum editores, et pericula crebra edoctos, jam sub libertate excitavit, ut hoc Edictum, adversus cives ostentatores, vel Magistratus, aut privatos, ludos daturus, vel alios quoscunque proponerent, quo ipsi et cives formidine liberarentur.

Hæc de occasione & necessitate hujus Edicti sufficere poterant, nisi quis forte de ejus fonte, origine & progressu quædam attexi postulet. Quotquot, cum Tertulliano, Cassiodoro & Hugone Grotio, in ea sunt sententia, leges Romanas de lege divina, ut antiquiore, formam esse mutuatas, illi exordia hujus Edicti ex jure Hebræo Exodi XXI. vs. 28. repetenda existimabunt, inde ad Phœnicas, ab his ad Græcos pervenisse: nam Solon, aucto-

re Plutarcho, in ejus vita cap. 40. inter alias leges de damno, quod quadrupes dedisset, posuit hanc: Κύναι δακόντα καραδέναι κλοιῶν τετραπλήχει δεδεμένον. *Canem, qui momorderit, catena quatuor cubitorum revinctum, noxæ dato.* Ad hanc respexit Xenophon lib. 11. Hist. Græc. τῶς δάκοντας κύνας κλοιῶν ἄσαντες παράδι δόασι: *canes, qui momorderunt, catena vinctos, noxæ dedunt.* Eandem quoque repetiit Plato lib. xi. de LL. his verbis: Ἐάν ὑποζύγιον ἢ ἵππον, ἢ κύων, ἢ τῶν θηριμμάτων σίνηταί, τι τῶν πέλας, καὶ ταυτὰ ἐκτίειν τὴν βλάβην. *Si jumentum, aut equus, aut canis, aut aliud quod domesticum animal nocuerit, dominus eodem modo damnum resarcito,* ac si servus dedisset: nimirum noxam dedendo, vel restituendo quod alteri abesset, nisi intercesserit dolus. An vero Paulus Solonis legem laudaverit lib. 1. Sent. tit. 15. §. 1. in verbis: *quadrupede cedat, quod etiam lege Pesulania de cane cavetur,* non satis constat. Cujacius, Augustinus & Rittershusius malunt *Solonia*, quibus ego assentior, donec natales legis *Pesulaniæ* clarius, quam adhuc factum est, in lucem proferantur. Nota erat lex Solonis Paulo, quæ in xii. Tabulas quoque translata fuit, tab. vii. *Si quadrupes pauperiem faxit, dominus noxi æstimiam offert; si nolet, quod noxit dato.* Puta-

Putarunt namque Decemviri satis esse, damnum vindicari, quod contra naturam sui generis lascivia aut pavore dedisset quadrupes, id est, equus calcitrosus, vel bos cornupeta, aliudve animal, quod dorso & collo domatur, ut Ulpianus definit *Frag. xix. 1.* De ceteris animalibus, quæ ex generis sui natura sævire solent, non valde tunc temporis solliciti fuerunt, quia rarius illa Romæ habebantur. Canem vero, domus custodem sub quadrupedibus contineri, placuit in interpretatione Prudentum *l. 1. §. 5. l. 2. §. 1. D. si quadr.* forsitan & utilis quadrupedaria ad bestias mansuefactas ac feras, quæ in aliqujus potestate essent, extensa fuit *d. l. 1. §. 2. 10. l. pen. D. eod.* Verum AEdiles deinde, ob luxuriam quæstionum, quotidie ex culpa emergentium, noluerunt amplius dominum ferocis animalis noxæ dando defungi posse, sed prudenter contra omnes, qui animal quodcunque ferox, si-ve ferum, si-ve mansuetum, si-ve mansuefactum, ibi habuerint, qua populi iter fit, pœnam pecuniariam, si nocuisset, proposuerunt; quo iter facientes servarentur indemnes, & incauti domini plecterentur. Hæc vero tandem in extraordinariam fuit conversa, si reus non haberet in ære, uti infra ex Paulo *l. 1. tit. 15. §. 2.* dicemus.

Propositum est hoc Edictum initio Romæ tantum, sed deinde ob insignem utilitatem, maxime vero post compositum Edictum perpetuum, et datum omnibus in orbe Romano habitantibus jus civitatis, una cum ceteris AEdilium Edictis, late in provinciis valuit. Τα δὲ τῶν αὐτῶν ἐδίκλα ἐν πάσῃς τῃ ἐν ταῖς ἐπαρχίαις. *Horum*, AEdilium scilicet, *edicta etiam in provinciis obtinebant*, ait Theophilus, ad §. 7. Inst. de J. N. G. et C. Merito autem hoc ubivis obtinuit, quia iter facientibus prospicit, et magnificentia luxusque per Italiam et provincias indies magis magisque, a Tiberii ævo, augebatur. Nam ut liberi parentum vitia facilius exprimunt, quæ specie amœnitatis blandiuntur, sic coloniae et municipia pompam ludorum æmulabantur, adeo ut noxii, perditæ securitate suis epulis bestiarum faginas instruentes, illas, in apparatu arenæ, argenteis gelis incesserint, auctore Plinio lib. 33 c. 3. De Demochare, in civitate Platearum, munus gladiatorum edituro, sive vere, sive ficto, ita scribit Apulejus lib. iv. *Metam Qui præterea numerus, quæ facies ferarum? nam præcipuo studio forensi advexerat etiam generosa illa damnatorum capitum funera. Sed præter ceteram speciosi muneris supellectilem, totis utcunque patrimonii viribus imma-*

immanis ursæ comparabat numerum copiosum. Nam præter domesticis venationibus captas, præter largis emtionibus paratas, amicorum etiam donationibus variis certatim oblatis, tutela sumptuosa sollicite nutriebat. Ipsi etiam de plebe municipales et libertini homines, favorem vulgi captantes, munera edebant; unde Juvenalis notas per oppida buccas, et Martialis futorum regulum cerdonem ludos edidisse, indignantur. Adde Plinium lib. 35. c. 7. et Tacitum lib. 1v. Annal. c. 63. Vix denique colonia nobilior superest, in qua non insanarum istarum cædium reliquiæ. Gallia magnam amphitheatrorum copiam dedit, nec minorem quam Italia; Forojulum, Arelate, Nemausum, Burdigala et Augustodunum rudera ostendunt. Tintinnacense descripsit Baluzius in Historia Tutelenfi, Nemaufense Joannes Poldus, Arelatense Josephus Guisius, Arausionense Josephus de la Pise, Burdigalense Elias Vinetus, Veronense Tôrellus Sarayna. De Puteolano, Campano et Mediolanensi Lipsius de Amphitheatris, quæ extra Romanam, et Montfaucon. tom. III. Antiquit. pag. 158. adeundi sunt.

CAPUT III.

DE SENTENTIA EDICTI ÆDILITII.

Ædiles vetant haberi omne, quod nocere possit, animal, qua vulgo iter fit, ut canes feroces solutos; sed domus illos defensores victos ad limina ædium excubare permittunt. Ostiarii servi, pariter ac canes, in catena. Januis Græcorum & Romanorum inscriptum: Cave, cave canem. Philip. III. vs. 2. illustratur. Canes interdum clausi, noctu soluti, tam in Urbe quam ruri. Feras bestias prope viam licuit habere, claustris & caveis recte inclusas. Leones, pantheræ & ursi mansuesacti, sub jugum missi, bigas & quadrigas in publico traxere. Circulatores, qui serpentes aliaque animalia peregrina quæstus causa proponunt, in hoc Edictum incidunt, vel extra ordinem coercentur. L. ult. D. de extraord. crim. ab Accursio & Forcatulo perperam explicata. Quid sit habere, qua vulgo iter fit.

ÆDiles igitur ferocia quævis animalia, tam domestica, quam fera, haberi vetantes, qua vulgo iter fit, canem, verrem, aprum, lupum,

pum, ursum & pantheram exempli causa addunt: Ne quis vero existimaret reliquas malefici generis belluas, ut tigrides, unicornes, elephantos, uros, vel etiam quadrupedes & jumenta, contra naturam generis sui efferata, ut equos calcitriones & boves petulcos permitti, *generaliter*, id est, in universum, tanquam clausulam generalem adjiciunt: *aliudve, quod noceret animal, sive soluta sint, sive alligata, ut contineri vinculis, quo minus damnum inferant, non possint.* Quorum verborum, sive ea Ædilium, sive Pauli sint, mentem ut recte percipiamus, rursus in memoriam revocandum est, quod supra ostendimus pag. 421. animal, *quod noceret*, idem hic esse, quod nocere posset vel soleat: non omnes enim omnino canes & verres ex publico pelluntur, sed feroces & immanes. Hinc Basilica canem vertunt, *κύναι ἀγρίον*, atque ita in Synopli legendum esse, recte Labbæus animadvertit. Phædrus & Seneca canem *acrem*, Paulus ferocem appellavit in l. 2. §. 1. D. *Si quadr. paup.* eoque pertinet *asperitas canis*, ab Ulpiano memorata in l. 1. §. 5. *eod.* quam Græci *τραγύτητα* appellant. Minime autem haberi prohibent vertragos & sagaces venaticos, quorum non sibi, sed domino venantium, haud mediocris mul-

multitudo fuit in divitum prædiis; neque reliquos mites, vocales & ad nocturnos strepitus sollicitos; quos Varro *domus defensores*, Phædrus *liminis custodes* appellavit. *Nihil enim mali est, canes ibi quam plurimos esse, ubi permulti observandi, multaque servanda sunt*, ait Tullius pro Roscio cap. 32. In ipso Capitolio alebantur canes, semper in eos sævientes, qui soli ingrederentur; alii in æde Vulcani ædituos agebant, nemipem allatrant, nisi sacrilegos, vid. Gell. lib. VII. cap. .1. & Valer. Max. lib. IX. cap. 13. Eleganter Columella lib. VII. de R. R. c. 12. *Quis hominum clarius, aut tanta vociferatione bestiam aut furem prædicat, quam iste latratu? quis famulus amantior domini? quis fidelior comes? quis custos incorruptior? quis excubitor inveniri potest vigilantior? quis denique ultor aut vindex constantior?* De canum fide, robore & sagacitate multa Plinius, Plutarchus, Ælianus, item Janus Vlitius ad Gratii Cynege. Joh. Cajus de can. Britann. & Liplius cent. I. ad Belgas epist. 44. quo, post Julium Cæsarem Scaligerum, animalis hujus blandientis nemo fuit amantior.

Verumenimvero quia dubitari poterat, an non canes feroces, ante aulas potentiorum, in vinculis, aut claustris habere liceat,

ceat, si nullum ab iis metuendum sit periculum, ideo AEdiles elogium suum declarant ulterius, in verbis: *sive soluta sint, sive alligata, ut contineri vinculis, quo minus damnum inferant, non possint*, tacite permittentes animalia, etiam fera, prope vias alligata habere, modo vincula sufficiant ad continendum, eaque non facile ab iis queant revelli. Hanc explicationem nobis suggerit particula *ut*, pro qua male Haloander *sive*, alii *aut* legunt, & confirmant Græci, tum in Basilicis lib. XIX. tit. IO. n. 26. ζῶον λελυμένον, ἢ μὴ ἔτιως δεδεμένον ὥστε μὴ θανάσθαι βλάπτειν, *Animal, sive solutum, sive non sic alligatum, ut damnum inferre nequeat.* tum Harmenopulus προχ. lib. V I. tit. I. §. 2. ὁ ζῶον ἀγρίον βλαπτικὸν λελυμένον, ἢ μὴ ἔτιως δεδεμένον, ὥστε μὴ θανάσθαι βλάπτειν ἔχον ἐν δημοσίᾳ παρόδῳ. Hoc ipsum denique indicant verba sequentia Edicti in l. 42. *ita habuisse velit, ut cuiquam nocere, damnumve dare possit*, quæ sola rem omnem conficiunt. Constat præterea Romæ, pariter ac apud Græcos, canes fuisse acres, ad limina ædium, sed vinctos catena, qui fures, januam intraturos, magno tumultu excipiebant. Apud Homerum Iliad χ. Priamus ait, se aluisse, κύνες πυλαῶρες ἐν προ. θύροις λεγόμενες, *Canes portæ custodes, qui pro foribus excubabant*; & AEschylus, in Agamem-

memnone, idcirco eos, qui res custodiunt, *κύνας* appellavit. Seneca, declamator Romanus, *catenarium canem* vocat lib. III. contr. 20 & alter Seneca lib. III. de ira c. 37. *Irasceris ergo catenario cani?* ubi male Vossius, in Inst. orat. janitorem vel ostiarium interpretatur. Petronius cap. 72. *ad januam venimus, ubi canis catenarius.* Præsto autem erat plerumque atriensis, qui interventu suo canem placaret, & a foribus abduceret, Plaut. Mostell. III. sc. vi. 167. Quinimo janitores, sive ostiarii, æque ac canes catenati, in limine domini & in cellulis, quæ magnarum domorum aut insularum foribus erant adstructæ, excubabant. Multis id docuit Faber lib. II. Sem. c. 12. Brodæus lib. III. Misc. c. 3. & Sagittarius de jan. vet. c. 16. ideoque paucis erimus contenti. Meminit *ostiarii* Alfenus Varus in l. 61. D. de legat 3. Ulpianus in l. 12. §. 9. & 42. D. de instrum. & instrum. leg. Sueton lib. VII. c. 16. *confugitque in cellulam janitoris, religato pro foribus cane.* Idem de clar. Rhet. c. 3. *Lucius Oclacilius Pelitus servisse dicitur, atque etiam ostiarius, veteri more, in catena fuisse.* Ovid. lib. I. Amor eleg. 6. init.

*Janitor indigne, dura religate catena,
Difficilem moto cardine pande forem.*

Hoc

Hoc amplius qui canem ejusmodi mordacem alebant, imagine canis, in pariete vel janua picti, cum inscriptione CAVE CAVE CANEM, monebant ingressuros, ut a cane sibi caverent. Varro Eumenidibus, apud Nonium, in voce *præbitio*, mihi est auctor: *Quod ea die mea præbitio, in janua, Cave cave canem, inscribi jubeo*: hoc est, cum hodie convivium parandum sit, januæ meæ cave canem inscribi jussi, ut ab aditu deterreantur, qui ad conditum venturi sunt. Petronius cap. 29. *Ad sinistram intrantibus, non longe ab ostiarii cella, canis ingens catena vinctus in pariete erat pictus, superque quadrata litera scriptum, Cave cave canem.* A Græcis illud sumtum esse, ex *Lylistrata* Aristophanis docuit Turnebus lib. xv. *Advers.* c. 4. & deinde proverbii more usurpatum a Veteribus, cum aliquem terere, arcere, vel hominem maledicum caveri vellent; unde & satyra Varronis hac inscriptione fuit. Huc etiam Thomas Gatakerus *Advers.* miscell. c. 38. illud Pauli referendum putavit Philipp. iiii. v. 2. *βλέπετε τὰς κύνας, cavete canes*, id est, Ecclesiæ hostes, qui rabidorum canum instar Apostolos impetebant.

Vinctos ergo canes habere licuit, neque damnum ab iis datum luebatur, si quis

quis moniti & inscriptionis securus, in aream vel domum alienam se contulisset. In agris vero Catonis præceptum erat cap. 124. de R. R. *Canes interdium clausos esse oportere, ut noctu vigilantiores sint & acriores.* Repetiit Varro lib. I. de R. R. c. 21. *Canes potius cum dignitate, & acres paucos habendum, quam multos, quos consuesfacias potius noctu vigilare, & interdium clausos dormire, catena vinctos esse, ut soluti acriores fiant.* Nocturnorum canum meminit Cicero pro Milon. c. 13. & illum tuto dormire posse, qui canem habet custodem, dixit Libanius in progymn. Ipse Canis de se apud Phædrum lib. III. fab. 7.

*Quia videor acer, alligant me interdium,
Luce ut quiescam & vigilem, cum nox venerit,*

In Urbe vero & Municipiis æditui & janitores sub noctem in basilicis, insulis, & ædibus undique clausis, canes effertos solvebant, atque in sacrilegos furesque mittebant vigiles hos, semper intentos, & super omnes stationarios sollicitos. Argumentum hujus rei peto ex Seneca, qui de brev. vit. c. XI. quosdam in causis agendis ita actuosos fuisse, scribit, ut eos a claudenda basilica immissi demum canes ejecerint. Atque hæc de animalibus ferocibus mansuetis.

Feras

Feras autem sævas & sanguine humano gaudentes, nunquam solutas, verum claustris & caveis inclusas habere licuit; modo vincula essent firma & sufficerent ad impetum earum reprimendum: alioquin si ex vinculis, quibus irritantur, erumpunt, sunt ferociiores, & iras ingentes, quas diu in pectore volverunt, exequuntur, auctore Liv. lib. 34. cap. 4. & 35. cap. 18. Libanius, in encomio Dianæ tom. 1. *Si forte quædam ex illis bestiis, quæ in vivariis diu maceratæ sunt, elapsa e cavea per civitatem discurrere cœpit, solo adspectu terrorem injicit. Continuo sibi quisque persugium quærit, januæ clauduntur.* Bestias autem accipere debemus ex feritate magis, quam ex animalis genere: quid enim si leo sit mansuefactus, non erit Edicto locus, saltem quamdiu ad pristinam asperitatem non est reversus. Erant quippe mansuetarii, qui belluas sævissimas mansuefacerent, ut quæ antea ad occursum hominum expaverant, sub jugum missæ currus traherent, subsiderent in genua, ambularent per funem, atque in contubernium & domus divitum reciperentur. l. 1. §. 6. D. de postul. l. 4. D. A. R. D. Hinc in schematibus Deorum, Augustorum, & Augustarum bigæ quadrigæque elephantorum, leonum & panthera.

therarum conspiciuntur, ac Heliogabalus
processit in publicum quatuor cervis junctis
ingentibus : junxit sibi & leones, Matrem
magnam se appellans: junxit & tigres, Li-
berum sese vocans, auctore Lamprid. in
 ejus vita c. 28. Quousque domitores illi
 profecerint late describit Manil. lib. IV.
 Mart. lib. I. ep. 105. Seneca Epist. 85.
 fin. & lib. II. de ira cap. 31. ubi: *Adspi-*
ce intra domum urforum leorumque ora pla-
cida, tractantibus pueris pariter ac fe-
minis, adulantesque domino feras. Ædiles
 igitur has domitas bestiās haberi non ve-
 tant, quamdiu ferus, quem exuerant, non
 rediit animus: at si torvitas mitigata in
 perniciem vel damnum aliorum rursus
 exasperatur, qui eas aluit incidit in Edi-
 ctum: nam ut Martialis de urso cecinit,
 lib. vi. Ep. 64.

Sit placidus licet, & lambat digitosque
manusque,

Si dolor, & bilis, si justa coegerit ira,
Ursus erit

Ita de leone Statius lib. II. Achilleid.
 vf. 183.

Ut leo, materno cum raptus ab ubere,
mores

Accepit, peccique jubas hominemque vereri
Edidicit, nullasque ruit, nisi jussus, in
iras:

Si

*Si semel adverso radiavit lumine ferrum,
Ejurata fides, domitorque inimicus, in
illum*

*Prima fames, timidoque pudet servisse
magistro.*

Eodem hoc Edicto tenentur Circulatores, qui serpentes, urfos, leones, simias, cercopithecōs, aut similia animalia circumferunt, & quæstus causa ostendunt, ut tamen, pro ratione circumstantiarum, extraordinariæ quoque actioni sit locus. Paulus lib. i. Sent. in *l. ult. D. de extraord. crim.* In circulatores, qui serpentes circumferunt, & proponunt, si cui ob eorum metum damnum datum est, pro modo admissi, actio dabitur. Male Accursius hunc locum accepit de agyrtis, qui propositis subito serpentibus, metum hominibus incutiunt, ut fugiant, & res suas dimittant, alii autem veniant, qui eas furentur. Potius circulatorēs hic sunt præstigiatores, qui animos hominum sensusque quādam veritatis specie illudunt, & ludicra edunt, coram populo, in modum circuli circumstante, unde & nomen. Glossæ *Circulator* ὀχλαγωγός, ἀγύρτης. Talis erat L. Clodius, *pharmacopola circumforaneus*, apud Ciceron. pro Cluent. c. 14. & *Circulator Antonius*, notissimus homo Hispani, apud eundem lib. x. epist. 32. Se-

neca lib. vi. de benef. c. xi. *Alter apud proximum circulatorum resedit.* Prudent. Hymn. in Roman. vi. 303. *Quos sæpe falsus circulator decipit.* Hi vero sæpius animalia peregrina, fera, mansuefacta, arteve edocta, accepto pretio proponebant, vel, ad populum alliciendum, gratis monstrabant. Petron. cap. 47. *Ego putabam petaurislarios intrasse, & porcos, sicut in circulis mos est, portenta aliqua facturos.* Celsus lib. v. de medicina c. 27. n. 3. *Colubra tuto estur, ictus ejus occidit, & stupente ea (quod per quadam medicamenta circulatorum faciunt) in os digitum quis indidit, neque percussus est, nulla in ea salica noxia est.* Idem quoque impostores, cinctum forte cum anguibus faciebant, ad auctoritatem sibi conciliandam, inusitata specie; unde *metus circumstantium.* Steph. Forcatulus, Necyom. dial. 88. n. 4. *Circulatores, ait, sunt prestigiatore, qui carmine serpentes sopiunt, & deinde ferunt sibi innoxios, ut alios terreant: verum non terrendi, sed conciliandæ existimationis gratia, serpentes veneno spoliatos circumferrebant, licet animos infirmiorum sæpe metus occuparet.* Similiter Bacchi, in festo Omophagiorum, *sese tortis serpentibus incingebant,* ut ait Catullus carm. 65. & inde *ostenso angue terribiles erant,* auctore Fir-

Firmico de err. prof. relig. c. 6. Prudentius adversus Symm. lib. 1. vf. 129.

- - - *Baccho caper omnibus aris*

Cæditur, & virides discindunt ore chelydros;

Qui Bromium placare volunt.

Nullum itaque noxium animal, sive id ferum, sive mansuetum, sive mansuefactum sit, *qua vulgo iter fit, habere licet.* Habere dupliciter accipitur: nam & eum habere dicimus, qui rei dominus est, & eum, qui dominus quidem non est, sed tenet *l. 38. §. 9. D. de V. O.* atque eodem modo verba *quæque ibi habuit*, in interdicto unde vi accipiuntur, ut non solum res proprias, sed etiam depositas, commodatas, oppignoratas & fructuarias comprehendant *l. 1. §. 33. D. de vi & vi arm.* Vulgo iter fit, qua cuivis e populo ire licet; sive viæ sint regiæ, sive aliæ quævis, per fundum privatum cuilibet patentes; subest enim hic eadem ratio, quam in *l. 7. §. 1. & 2. D. de his qui dejecer. vel effud.* adfert Ulpianus: *quia publice utile est, sine metu & periculo per itinera commeari, & quia iter facientibus prospicitur, non viis publicis studetur: semper enim ea loca, per quæ vulgo iter fit, eandem securitatem debent habere.*

CAPUT IV.

DE SANCTIONE ÆDILITII EDICTI
EJUSQUE ÆQUITATE.

Si liber homo ab animali feroce occisus, pœna est cc. solidorum: si vulneratus, judex eum, qui bestiam habuit, condemnat in id, quod bonum æquum videtur. Ceterarum rerum nomine quantum damni datum factumve sit dupli. Hunc in finem prodita est actio in factum, Ædilitia; quacum utilis actio noxalis de pauperie, & aliquando criminalis extraordinaria concurrit. Quatenus actiones brutorum ex simplicitate naturali dominis imputentur, sex speciebus distinctis explicatur. l. 1. §. 11. D. si quadrup paup aliter quam a Grotio exposita. Exodi xxi. vs. 29. & Baba Kamma illustratur. Jus gentium Germanicarum, Saliorum, Ripuariorum, Saxonum &c. Cur Ædiles bestiis occidentibus nullam dictarint pœnam. Leges hac de re Hebræorum & Græcorum explicatæ. Exempla brutorum quasi punitorum vetera & recentiora. Deodanda Anglorum.

Vili-



Idimus partem Edicti priorem prohibentem, superest de pœnali dicamus. Ajunt Ædiles:

Si adversus ea factum erit, & homo liber ex ea re perierit, solidi ducenti: Si nocitum homini libero esse dicetur, quantum bonum æquum judici videbitur, condemnnetur: ceterarum rerum, quanti damnum datum factumve sit, dupli. Condemnatio diversa est ex re, cui nocitum est, & distinguunt Ædiles. 1. An liber homo occisus 2. An liber homo vulneratus 3. An in servi corpus vel in alias res damnum datum sit. Si liber homo, ab animali feroce occisus, datur ejus heredi, non ut heredi, sed ut uni de populo, actio in factum ad ducentos solidos; non pro liberi corporis æstimatione, quam nullam recipit, sed pro pœna mera, agnato, affini, vel cuilibet de populo agenti applicanda *arg. l. 1. §. 5. l. 5. §. 5. D. de his effud.* Nec refert, mas an femina, filiusfamilias, an paterfamilias, infans an adultus perierit: nam & Homerus Iliad. xxiiii. eis versibus, qui referuntur in *l. 16. §. 8. D. de pœn.* infantis cædem *αἰσχροτασία* vocat; & Imperatores capite puniendum censent eum, qui infantem occiderit *l. pen. C. ad L. Corn. de sic.* Quinimo ipse summus legislator, in edicto de

Ff 4

bove

bove cornupeta Exodi XXI. vs. 29. & 31. nominatim viri & mulieris, filii & filia, id est parvuli & parvulae meminit, ne quis illud ad mares, & ætate majores tantum pertinere putet; quorum ut jactura major, ita vita pretiosior est. Rarius autem olim forte matrona honesta in via publica occidi potuit, quia οἰκιστὴς a D. Paulo & Augusto apud Dionem laudatur. LANIFICIA. PIA. PUDICA. FRUGI. CASTA. DOMISEDA inter matronalia decora refertur in marmore vetere. Propert. III. Eleg. 10.

- - - *casta domi perfederat uxor.*

Alterum sanctionis membrum est, si homo liber vivat, sed *nocitum* tamen ei esse dicatur; tunc enim dominus animalis, vel quisquis illud habuit, actione Ædilitia in factum, quasi ex delicto conventus, *quantum bonum æquum judici videbitur*, condemnandus est. *Nocitum* hic non pertinet ad damna, quæ in re hominis liberi facta sunt, puta si vestimenta ejus, vel quid aliud scillum corruptumve est, sed ea, quæ in corpus ejus admittuntur, ut si pedibus fortassis manibusque vulnus illatum est l. 1. §. 6. D. de his qui effud. id enim omne, cum magnam habeat latitudinem, judex libero arbitrio instructus refarciri jubebit. *Æquum bonum* αἰσχροδῆλον hic

hic accipitur pro omni eo, quod beat & æqualitatem civium servat; adeoque opponitur juri summo, quod summa plerumque injuria, summa malitia & crux est. Cicero lib. 11. ad Herenn. *Ex æquo & bono jus constat, quod ad utilitatem communem videtur pertinere.* Plautus æquum a legibus separat Menæchm. 1v. sc. 2. vf. 10. *Qui neque Leges, neque Æquum bonum usquam colunt.* Terent. Heaut. 1v. sc. 1. *Qui neque Jus, neque bonum, neque æquum sciunt.* Statius lib. 111. Sylv. vf. 87. *Solum & sine fascibus æquum* vocat, cui fori rabiem & strictæ jurgia litis opponit. Hujusmodi igitur æquus judex rationem habebit impensarum, & honoris Medico præstiti, nec non operarum, quas vulneratus a tempore damni dati amittit, quasque inutilis ad labores factus, amissurus est, arg. l. 3. *D. si quadr. paup.* Deformitatis autem & cicatricum jure Romano nulla habetur ratio, quia hæc neque patrimonium liberi hominis minuunt, neque auferunt ei alimentorum quærendorum facultatem. l. fin. *D. de his qui dejec.*

Tertium sanctionis membrum est: *Ceterarum rerum, quantum damni datum factumve sit dupli.* Damnum, non a demotione, ut Paulus, cum Varrone & Isidoro; neque a *δαπάνη*, quasi *dapnum*, ut

Scaliger & Menagius; nec a δάμνω, quod est βιάζω, ut Grotius, nec ἀπὸ τοῦ δαμνᾶν, affligere, ut Guietus; sed fortassis a δαμάω δάμνημι dictum, est τὸ ἐλαττον, cum quis minus habet suo; sive res ejus inanimata sit corrupta, scissa & lacerata, sive servus vel ancilla sint occisi vel vulnerati: adeo ut artificii, ad quod inutiles facti, & deformitatis quoque ratio habeatur, si pulchra horum facies deturpata sit, quum ante majoris vendi possent. Harmenop. προχ. lib. vi. tit. i. §. fin. Sic Horat. lib. ii. epist. 2. ad pretium pueri augendum refert, quod

Candidus & talos a vertice pulcher ad imos.

Juvenal. Sat. x. vs. 196.

Plurima sunt juvenum discrimina, pulchrior ille

Hoc, atque ille alio, multum hic robustior illo.

Alias damnum istud, quod quadrupes fecit, Consultis pauperies vocatur; quia dominum facit pauperiorem, nec tamen ab injuria facientis proficiscitur. Nulla est injuria, nisi a consilio profecta. Nocere itaque nobis possunt muta animalia, ut ferum & lapis, injuriam quidem facere non possunt, ait Seneca lib. ii. de ira c. 26. Damnum autem intelligimus pecuniarium, nec

nec affectionis habetur ratio; quia pretia rerum non ex affectu, nec ex utilitate singulorum, sed communiter funguntur, *l. 33. D. ad L. Aquil. l. 63. D. ad L. Falc.* Neque hic inspicitur, quantum quis forte ex re corrupta lucrari potuisset, aut quanti res in eo anno, vel intra dies triginta retro pluris fuerit. *Damnum est amissio eorum, quæ habueris*, ait Quintilian. decl. 120.

Sic ergo in triplici specie, hactenus explicata, committitur pœna ab Ædilibus statuta, ad quam extorquendam comparata est actio in factum, honoraria, ex quasi delicto, pœnalis, quæ competit ei, cui nocitum est, & quandoque cuilibet de populo, adversus eum, qui animal ferox habuit, ad id, quod Edicto comprehensum est. Levius est hoc judicium actione legis Aquiliæ, quia præsens æstimatio, non præterita inspicitur: gravius contra in eo, quod semper in duplum tendit, si damnum rebus datum est, quum *damni formula*, ut Plinius vocat lib. ix. cap. 59. sui natura in simplum sit, & ab accidenti demum per inficiationem dupletur *l. 2. §. 1. l. 23. §. pen. D. ad L. Aquil.* Ratio est, ut metu gravioris pœnæ itinera publica reddantur tutiora, quod ut fiat Reipublicæ interest. Præterea cum hac Ædilitia

litia in factum actione primo concurrit utilis actio noxalis de pauperie, si damnum, à cane vel à verre domestico datum, ejus dominus inops refarcire non possit, l. 2. §. 1. l. 4. *D. si quadrup.* Sic enim non tam negotium & factum duplex spectatur, uti Cujacius voluit, quam quod actiones illæ ad diversa tendunt, & institutâ quadrupedariâ aliquid amplius in Ædilitia reperitur: nunquam enim, (ut hispida & insuavi oratione, cum JCtus, ait Justinianus) actiones, præsertim pœnales, de eadem re concurrentes, altera alteram consumit §. 1. *Inst. si quadr. paup.* l. 2. *D. de priv. del.* l. 60. *D. de obl. & act.* l. 43. §. 1. *§. l. 130. de R. I.* ibique Jac. Gothofredus. Deinde præter actionem de pauperie, cum Ædilitia concurrat actio extraordinaria criminalis, de qua Pauli locum infra cap. v. videbimus ex ejus *lib. 1. sent. tit. 15. §. 2.*

Nunc antequam manum de tabula tollamus, restat, æquitatem Edicti naturalem, & usum, vel non usum hodiernum paucis investigemus. Ex naturali simplicitate actiones brutorum domino non imputantur, nisi quatenus ille potuit & debuit eas moderari, ne in damnum aliorum erumpant. Prioris ratio est, quia absque facto suo nemo obligatur; posterioris,

ris, quia cohabitatio nostra nulli debet esse molesta, alias ex culpa, sive in faciendo, sive in non faciendo, obligatio oritur naturaliter, ut damnum refarciatur. Quod si enim ex regulis socialitatis quilibet mala alteri impendentia avertere debet, si id sine periculo fieri queat; quanto magis domini brutorum, ex regula generali de non lædendis aliis, & tuenda hominum æqualitate, refarcire debent pauperiem, eam ob causam illatam, quod isti ex debita custodia & circumspectione aliquid neglexerunt, aut causam & occasionem malorum eventuum, qui prævideri poterant, vel ipsi dederunt, vel non subtraxerunt. *Qui occasionem præstat, damnum fecisse videtur*, ait Paulus in l. 30. §. 3. D. ad L. Aquil.

Hoc vero ut accuratius intelligatur, videndum est (1. an ipse læsus petulantia sua v. gr. bovem cornu petere solitum, & fœnum in cornu habentem, aut canem mordacem irritaverit, vel magna negligentia, cum poterat, sibi ab illis non caverit, & talis de se queri debet. l. 2. §. 1. D. si quadr. paup. Paulus lib. 1. sent. tit. 15. §. 3. *Ei, qui irritatu suo feram bestiam, vel quamcunque aliam quadrupedem in se proritaverit, eaque damnum dederit, neque in ejus dominum, neque in custodem actio*

actio datur. (2. *Si tertius* canem irritavit & effecit, ut aliquem morderet, Aquilia vel in factum is qui instigavit, minime vero canis dominus tenetur *l. 1. §. 6. D. si quadr. paup. l. 11. §. 5. D. ad L. Aquil.* (3. Si arietes vel *boves inter* se commiserint; id est cornibus se invicem petierint, & alter alterum occidit, cum Quinto Mucio, distinguendum est, utrum is perierit, qui aggressus erat, & cessabit actio, an vero is, qui non provocaverat, & competit actio, ut noxa sarcatur, aut in noxam dedatur animal, quod nocuit *l. 1. §. 11. D. si quadr. paup.* cujus rei ratio non tam in umbra juris, quod brutis competat, quærenda est, cum Grotio, lib. 1. de J. B. & P. c. 2. §. 3. n. 2. quam quod dominus arietis procacis & provocantis eum non custodivit. (4. Si animalia nostra, *citra nostram culpam*, & contra naturam sui generis sponte commota, alteri damnum dederint, Grotius lib. 11. c. 17 §. 21. ex solo jure civili venire putat, quod damnum sarcire, vel animal dedere debeamus; id quod simili à furioso vel infante, qui damnum dedere, petito, & exemplo navis nostræ, in aliam impactæ, firmari videtur: sed quia noxa caput sequitur, in contrarium dici potest, quod dominus obstat læso, quominus is brutum capiendo vel

vel occidendo damnum sibi repareret: major autem reparandae læsionis, quam domini est favor, ideoque recte a domino animalis postulatur, ut damnum repareret, aut si animal ipsi tanti non sit, illud noxæ dedat. Vid. Pufend. de J. N. & G. l. 111. c. 1. §. 6. & quæ notavi ad Ej. O. H. & C. lib. 1. c. 6. §. 11. 12.

Quid autem (§. si bestia fera vel animal domesticum *domini culpa* damnum dedit, aut liberum hominem occidit? Omnis certe culpa, etiam minima, sufficit ad restitutionis obligationem; sed hoc amplius, si fera negligentius habita; & quidem in loco, quo vulgo iter fit, culpa augetur, & prope ad maleficium accedit, ideoque pœnæ est locus, cujus metu cives fiant attenti, & plebs adversus potentiores muniat. Sicut ergo Aquilius, in Plebiscito suo hoc recte attendit, si corpore & in corpus, occidendo, vulnerando vel rumpendo, damnum a liberis hominibus fuerit datum, eoque duodecim Tabulis & legibus omnibus anterioribus, ob nimiam lenitatem, derogavit; ita Ædiles quoque, suppleri Juris Civilis gratia, pœnam pecuniariam proposuerunt, si quis magna negligentia feras habuisset prope vias publicas, eæque hominem liberum occidissent vel vulnerassent, aut in aliis rebus dam-

damnum intulissent. Quod si adhuc (6) *malitia quædam* notabilis accessit, & dominus a vicinis monitus, vel a magistratu jussus animal ferox non includat diligentius, nec dimittat, extraordinariæ pœnæ corporis afflictivæ erit locus: dolo enim carere non videtur, qui judicis mandato non obtemperat l. 199. *de R. J.* Ex lege divina dominus bovis hominem occidentis capite plectitur, cui testato, tribus vicibus & coram magistratu erat denunciatum, ut bovem asservaret, eumque non asservaverit, Exod. XXI. vs. 29. ubi, quicquid nugentur Rabbini, mors judicis sententia irroganda intelligitur, ne legis mitigatio, quæ proxime sequitur, frustranea sit. De bove autem Plato lib. IX. de LL. *Si jumentum aut quodpiam aliud animal quemquam occiderit, ejus consanguinei homicidam judicio persequuntur. Judicent autem agrorum magistri, quos & quot occisi consanguineus voluerit.*

Hæc sunt, nisi fallor, præcipua juris naturalis dictata, ex quibus controversiæ huc pertinentes decidi debent, quæque gentes moratiores, additis quibusdam, vel detractis, in judicando secutæ sunt. Sic Hebræorum Juris consulti, cum mitius statui viderent de bove casu damnum inferente, quam de bove petulco, Exod.

xxi. vl. 35. 36. animalia innocua a nocuis, convictis & contestatis accurate distinxerunt, & alia damna ex ipso corpore vivi animalis noxæ dati, alia vero ex præstantissimo, id est in solidum, rependi voluerunt. vid. Baba Kamma cap. i. §. 4. & ii. §. 4. Iisdem placuit regula, nihil interesse occidat quis, an mortis causam præbeat; sed aliquando animal tantum lapidari, aliquando dominum ejus, vel commodatarium, aut conductorem simul occidi, aliquando multa pecuniaria plekti voluerunt. Vide L'Empereur ad Baba Kamma cap. iv. §. 5. 9. & cap. vii. §. 7. ubi: *Nemo canem educabit, nisi catena ligetur.*

Apud veteres Teutones dominus animalis noxiæ obligatus fuit ad damnum restituendum; ut tamen animal domesticum a fero, & dominus sciens ab ignorante separaretur. In lege Salica Francorum tit. 39. *Si aliquis homo ex quolibet quadrupede, qui domesticus fuerit, occidatur, & hoc cum testibus poterit adprobari, dum illius dominus, cujus pecus erat, ante legem non adimplevit, medietatem de ipsa leudi componat, & pro alia medietate ipsum quadrupedem homini donet. Si vero pecoris dominus vitium in eo non intellexerit secundum legem exinde se potest defendere,*

G g

dere, & de ipso pecore nihil solvat. Leudis est pretium hominis occisi, quo aut vivi redimitur vita, aut mortui componitur; idque *Weregildum* dicitur in simili lege Ripuariorum tit. 46. nam apud nationes Germanicas non modo res & mancipia, sed etiam homines liberi, cujuscunque status & dignitatis, suam habuerunt æstimationem, uti ex earum legibus Schilterus docuit Exerc. ad D. XIX. §. 14. seqq. Græci *Ἀποτίον*, Galli reparationem civilem vocant. Vid. Cujac. lib. XIV. Obs. cap. 4. In lege Saxonum tit. 12. *Si animal quodlibet damnum cuilibet intulerit, ab eo, cujus esse constiterit, componatur, excepta fayda*, id est, pœna. Idem Rex Rotharis constituit, in lege Langobardorum lib. I. tit. 21. §. 3. Wisigothi autem, Burgundiones & Scoti mitius cum domino egerunt, cujus nulla esset culpa, eumque aut noxiam sarcire, aut animal in noxam dare voluerunt. LL. Wisigoth. lib. VIII. tit. 4. cap. 12. & Burgund. tit. 18. cap. 1. Saxones vero & Lubecenses, cum Alemannis hoc amplius domino verris, canis, aut bovis cornupetæ permiserunt litis æstimationem evitare statim derelinquendo caput, quod nocuit, Landr. lib. 2. art. 40. & jus Lubecense lib. III. tit. 11. art. 1. juncto jure Aleman. cap. 211. ubi

ubi quædam hujus Ædilitii Edicti, minus recte intellecti, vestigia, in verbis: *wes Hunt, adir Beer, adir Ochse, adir Pfert* &c. reperiuntur. De equis feritate sua nocentibus, duo sunt textus singulares in *cap. 13. § 16. x. de homicid.* quibuscum jungi potest Augustinus ad Pöblico-
lam, *epist. 154. in can. 8. caus. 23. qu. 5.* Hodie pœna ducentorum aureorum & dupli, ab Ædilibus dictata, cessat, & pro conditione causæ mulcta, aliquando & gravior pœna corporis afflictiva, arbitrio judicis, rarissime autem capitalis dictatur; qua de re, præter Scriptores criminales, Grot. p. 111. *Introd. cap. 33. & Mornac. ad l. 1. D. si quædr. paup. adeundi sunt.* Ita Carolus V. *Nemes. art. 136. Qui feram bestiam, genitali feritate præditam, habet patiturve, unde vitæ corporisve periculum aliis sit metuendum, eam dominus remove-re tenetur: quod si enim illa damnum dederit, aut hominem occiderit, dominus feræ, pro conditione causæ, arbitrio judicantium pœnæ subijcitur, & quidem gravius, si admonitio Magistratus vel judicis præcesserit.*

Corollarii loco videamus, cur ipsis bestiis, quæ causa sunt proxima mortis, nullam Ædiles irrogarint pœnam? Quia scilicet in eas non cadit crimen, cum nec

G g 2 legem

legem nec legislatorem cognoscant, sed omnia impetu agant naturali, & vacent culpa, multo magis dolo: *nec enim potest animal injuria fecisse, quod sensu caret*, id est rationis usu, judicio & affectu, ut ait Ulpianus in l. 1. §. 3. *D. si quadrup.* Cicero lib. 1. de Offic. cap. 16. *In equis, in leonibus justitiam non dicimus: sunt enim rationis & orationis expertes*, & Seneca lib. 1. de ira cap. 3. feras ira carere, dicit, sed pro ira habere impulsus: *Muta animalia humanis affectibus carent: habent autem similes illis quosdam impulsus.* Quod autem Deus Optimus Maximus ab omni bestia requirit sanguinem hominis, quem effudit Genes. ix. vs. 5. & bovem, qui virum aut mulierem cornu petiit, lapidibus obrui jubet, & carne ejus interdicat, etiam alienigenæ, Exod. xxi. vs. 28. non ea vere pœna est bestię, sed dominus punitur amissione animalis, non fatis diligenter custoditi, & periculum ac scandalum vitatur futurum. Abenezra: *Deus pœnam imposuit domino bovis.* vid. Grot. lib. 11. de J. B. & P. cap. 21. §. xi. & Selden. de J. N. l. 1. cap. 4. Præterea horror simul injicitur hominibus, ne velint in eo delinquere, ob quod vident animal brutum impune non dimitti. *Pecora credendum est jussa interfici, quia flagi-*

flagitio contaminata, indignam facti refri-
cant memoriam, ex Augustino scribit
 Gratianus, in *caus. 15. qu. 1. can. 4.* Ad
 imitationem Mosis, Solon quoque canem,
 qui momorderit, noxæ dari præcepit,
 bojis quatuor cubitorum alligatum, ne
 scilicet ita innexus noceret, utque læsus
 de eo statuere posset, quicquid luberet,
 sicut jam supra vidimus ex Plutarcho in
 ejus vita cap. 40. ubi quid sit *κλοιός*, sive
bojæ, ut Plautus loquitur, optime ex Xe-
 nophont. Hellen. discere licet. Plato item
 lib. ix. de LL. sancivit: *Jumentum, aut*
aliud animal, quod hominem occiderit,
cædis convictum morte plectitor, & extra
fines ejicitor: eadem scilicet ratione, qua
 instrumentum, quo homicidium esset pa-
 tratum, sceleris pœnas dedit, apud Pau-
 saniam, & statuxæ aliæve res inanimatæ,
 ex lege Draconis, in Prytaneo reæ cædis
 judicatæ & in mare demersæ leguntur,
 apud Demosthenem, Pausaniam & Suidam.
 Vid. Petit ad LL. Atticas lib. vii. p. 523.
 Ex Democriti lege animalia, quæ paupe-
 riam fecerint, non noxæ, sed neci dari
 jubentur, auctore Stobæo serm. 42. Apud
 Salaminios lex erat, ut sus inventa depa-
 scens segetem alienam edentetur, ut re-
 fert Ælianus: idemque legibus Alemanni-
 cis cautum est cap. 211. non in pœnam,

fed ne iterum noceret. Illud vero mirum est, quod Plinius lib. VIII. Hist. nat. cap. 16. scribit, Polybium referre, se *leones*, urbium Africæ depopulatores, *cru-ci fixos vidisse, quia ceteri, metu pænæ similis, absterrentur eadem noxa*. Idem lib. XXIX. cap. 4. in monumentum Urbis, olim a Gallis captæ, *Supplicia*, ait, *annua canes pendunt, inter ædem Juventutis & Summani, vivi in furca sambuceæ arbore fixi*. Neque recentiora defunt exempla animalium, ob cædem factam occisorum, apud Boërium, Guidonem Papæ, Aërodium, Mornacium aliosque laudatos a Thomæ de noxia animal cap. 27. n. 31. idque Jure Alemannico cautum est, dicto cap. 211. §. 2. At Heigius, Clarus & Carpzovius tantum bestiam, quæcum Sodomia commissa est, igne comburendam tradunt: in reliquis Anglorum mos placet, ut pretium brutorum, quorum impetu homo occisus est, in pios usus erogetur, & Deo donetur; *Deodande* vocant. Vid. Bracton lib. 111. tract. 2. cap. 5. n. 8. & du Frêne h. v.

CAPUT V.

DE EDICTO PRÆTORIS, DE DEJECTIS,
EFFUSIS ET PERICULOSE POSITIS.

Prætor Urbanus Edictis suis, in securitatem viarum, promisit actiones & interdicta: non vero extra ordinem punivit eum, qui feram bestiam colligasset, qua populi iter est. Paulus in Sent. explicatur. Verba Edicti Prætoris de dejectis. Ejus utilitas & necessitas quatuor argumentis demonstrata, petitis a multitudo hominum in Urbe, ab itinerum angustiis, altitudine ædium, earumque suggrundis, protectis & manianis. Itinera post Neronis incendium latiora, & tamen angusta. Modus ædificiorum ex l. 1. §. 17. D. de op. nov. nunc. Homines plebei sub tectis habitantes, cœnacularii dicti. Cur maniana in Edicto omissa. Secundum caput Legis Aquilæ an egerit de dejectis & effusis, ad l. 5. §. 4. de bis qui eff. & l. 27. §. 4. ad L. Aquil. Jus Hebræorum ex Baba Kamma. Fundamentum Edicti est obligatio quasi ex delicto inhabitantis, quocum agitur actione in factum. Condemnatio ex primo Edicti capite quadruplex. Qua in re ea differat ab actione Ædi-

litia, & Legis Aquiliæ. Quatenus cicatricum nulla ratio babeatur. Actio ex secundo Edicti capite in decem aureos popularis adversus quem detur. Cujacii emendatio l. 5. §. 12. D. de his qui dej. rejecta. Francisci Gallie Regis edictum ex Tbuano.



AB Ædilibus Curulibus progredimur ad Prætores urbanos, qui adjuvandi, vel supplendi, vel corrigendi juris civilis gratia, varia jura in securitatem viarum introduxerunt; nunc enim datis actionibus pœnalibus damna a perulantibus vel imprudentibus habitatoribus, vel à nautis, cautionibus, & publicanis, in Urbe vel ruri, viatoribus data graviter coërcent; nunc etiam iis, quorum interest, interdicta prohibitoria & restitutoria, ne quid in via vel flumine publico fiat, quo iter vel navigatio deterior sit, pollicentur. Prius vero quam de singulis his agamus Pauli locus, ob vicinitatem cum præcedentibus, excutiendus est, cujus verba sunt *lib. 1. sent. tit. 15. §. 2.* quæ sequuntur: *Feram bestiam in ea parte, qua populi iter est, colligari Prætor prohibet. Et ideo sive ab ipsa, sive propter eam ab alio alteri damnum datum fuerit, pro modo admissi,*
extra

extra ordinem actio in dominum vel custodem datur; maxime si ex eo homo perierit, vel fuerit laesus. Summus Cujacius *ad h. l.* existimavit *Præto*rem hic poni pro *Ædile*; non enim edicto *Prætoris*, sed *Ædili*um nos prohiberi ferox animal ibi habere, qua vulgo iter fit. Sequitur eum Cl. Noodt. lib. 1. Probabil. cap. 6. & , ut fieri solet, alii. Neque inelegans hæc observatio prima fronte videtur, quia *Prætoris* nomen, pariter ac *Præsidis*, generale est, atque *Proconsules*, *Legatos Cæsar*is, *Dictatores*, *Consules*, & , ut paucis dicam, omnes, qui jure vel exercitu præeunt, comprehendit; maxime vero *Ædiles*, quia jus *Ædilitium* dicitur juris honorarii portio §. 7. *Inst. de I. N. G.* & *C.* & *Prætorias* stipulationes sic exaudiri oportet, ut in iis contineantur *Ædilitiæ*; nam & hæ a jurisdictione veniunt §. 2. *Inst. de divis. stip. junct. l. 5. pr. D. de V. O.* Verum huic explicationi gravissime obstat, quod *Ædiles* nullam extraordinariam actionem, quæ in tergum & scapulas domini animalis daretur, sed pœnam pecuniariam, læso applicandam, introduxerunt. Deinde non fuit *Jurisconsultis* in more, *Praetoris* & *Ædili*um vocabula confundere, quorum jurisdictio erat diversa, *l. 63. D. de Ædil. edict.* &

l. 31. D. de evict. Tiberius apud Tacitum lib. 111. Annal. cap. 53. *Non Ædilis, aut Prætoris, aut Consulis partes sustineo.* Quinimo vix *Prætor* hic locum suum tueri potest: nam licet is edicta, ad securitatem viarum pertinentia, proposuerit, & Prætores de iisdem rebus, de quibus Ædiles, jus dixerint, omnium denique magistratuum jurisdictio Prætoria possit vocari, uti Cujac. lib. viii. Obs. cap. 38. & Cont. lib. 2. subsec. lect. cap. 16. docuerunt, tamen Vir Clariss. Ant. Schultingius, in notis ad hunc Pauli locum, recte monuit, Prætorem vel Ædiles hujusmodi correctionem extraordinariam, qualis hic describitur, infligere non potuisse; quia mero imperio erant destituti, & omnia omnino crimina pertinebant ad Præfectum Urbi, *l. 1. pr. D. de Off. Præf. urb.* Forfan ergo melius vocem *Prætor* non Paulo, sed ejus enarratori Aniano acceptam feremus, qui tales minime nobis dedit Pauli libros, quales ex ejus officina prodierunt. Notum est, pœnas extraordinarias plerasque moribus esse introductas, ob inopiam reorum, ut qui non haberent in ære, luerent in pelle. vid. *l. 7. §. 3. D. de jurisdict. l. ult. D. de privat. delict. l. ult. D. de furt. l. ult. D. de injur. l. 1. in fin. D. de pœn.* Atque hinc for-

forſan cauſa eſt repetenda, cur Juſtinianus, in §. 1. *Inſt. ſi quadrup.* pœnam ducentorum ſolidorum, ob liberum hominem occiſum, omiſerit; quia tunc plerique extra ordinem criminaliter, maxime adverſus inopes agebant, quo magis temeritas eorum coërceretur.

His præmiſſis ad Ediſtum adverſus hos, qui effuderint, vel dejecerint, vel poſitum habuerint ſupra eum locum, quo vulgo iter fit, à Prætore propoſitum, nos convertimus, cujus duo ſunt capita. Prioris verba, auctore Ulpiano, in l. 1. *D. de his qui effud.* ita ſeſe habent: *Unde in eum locum, quo vulgo iter fiet, vel in quo conſiſtetur, dejectum vel effuſum quid erit, quantum ex ea re damnum datum factumve erit, in eum, qui ibi habitaverit, in duplum judicium dabo. Si eo iſtu homo liber periſſe dicetur, quinquaginta aureorum judicium dabo. Si vivet, nocitumque ei eſſe dicetur, quantum ob eam rem æquum judici videbitur, eum, cum quo agetur, condemnari, tanti judicium dabo. Si ſervus inſciente domino feciſſe dicetur, in judicio adjiciam, aut noxam dedere.* Alterum caput his verbis conceptum fuiſſe, idem Ulpianus tradit, in l. 5. §. 6. *D. eod. tit.* Prætor ait: *Ne quis in ſuggrunda proteſtore, ſupra eum locum, qua*

multo difficilius, in tanta turba hominum, ait Pompon. in l. 2. §. 9. de O. J. Sub Nerone Seneca ad Helviam matrem c. 6. Adspice agetum, inquit, hanc frequentiam, cui vix urbis immensæ tecta sufficiunt: maxima pars illius turbæ patria caret: ex municipiis, ex coloniis suis, ex toto denique orbe terrarum confluerunt. Idem lib. II. de ira c. 7. Hæc tot millia ad forum prima luce properantia, quam turpes lites, quanto turpiores advocatos habent? Lucanus denique lib. 1. Pharf. vs. 24. pleraque Italiæ oppida deserta & vacua esse queritur, raros in illis errare habitatores, nulloque custode domus teneri; sed deinde vs. 511. Romam. vocat

- - - urbem populis victisque frequentem

Gentibus, & generis, coëat si turba; capacem

Humani.

Cum illa multitudine hominum jam mihi, quæso, compara plateas, non admodum latas, & quantum periculi ex dejectis vel effusis turbæ imminuerit videbis. Cicero suo tempore, Agrar. II. c. 35. *angustissimis semitis Romanos, præ Capua, usos fuisse* ait. Seneca lib. II. *controv. 9. Tanta altitudo ædificiorum est, tantaque viarum angustia, ut neque adversus ignem præ-*

præsidium, neque ex ruinis ullum ullam in partem effugium sit. Similiter Tacitus, ante Neronis incendium, Urbem describit, *artis itineribus, buque & illic flexis, atque enormibus vicis*, lib. XV. Annal. c. 38. Nero autem cum Urbem maxima ex parte, ante necem suam, instauraret, vias publicas direxit ac laxavit, neglecta prioris ætatis serie ac forma, Tacitus d. l. c. 43. *Urbis, quæ domui supererant, non ut post Gallica incendia, nulla distinctione, nec passim erectæ, sed dimensis vicorum ordinibus, & latis viarum spatiis, cobibitaque ædificiorum altitudine, ac patefactis areis.* Paullo post addit: *Erant tamen qui crederent, veterem illam formam salubritati magis conduxisse; quoniam angustia itinerum & altitudo tectorum non perinde solis vapore perurperentur: at nunc patulam latitudinem, & nulla umbra defensam, graviore aestu ardescere.* Verum ne hæc quidem patula viarum multitudo copiam hominum assidue defluentium capere potuit, Seneca prodente, 1 de clem. 6. *Cogitate hanc civitatem, in qua turba per latissima itinera, sine intermissione defluens, eliditur, in qua consumitur quicquid terris omnibus aratur.* Juvenalis item sat. III. vs. 236. *rhedarum transitus arcto vicorum inflexu*
som-

somnum Drufo eripuisse cecinit, & sat.
vi. vs. 78.

Longa per angustos figamus pulpita vicos.
Sed & quamvis latæ essent plateæ, tabernis tamen & pergulis institorum, cauponum, tonforum & lanionum angustiores reddebantur, donec Domitianus ei rei modum imposuit, cui Martialis idcirco gratulatur lib. VII. Epigr. 60.

*Stringitur in densa nec cæca novacula
turba,*

Occupat aut totas nigra popina vias.

*Tonsor, caupo, coquus, lanio sua limina
servant.*

*Nunc Roma est: nuper magna taberna
fuit.*

His tertium momentum accedat ab altitudine ædificiorum petatum, ex quorum supremis cœnaculis plebs Romana, testas fractas & rimosa vasa dejiciens, lapsu graviore cerebra transeuntium feriebat. Initio quidem, cum per Urbis laxitatem licebat, unius tantum contignationis erant ædificia, culmo horrentia & e stramine constructa, ut Virgilius & Ovidius testantur: sed postquam area plana infinitam illam hominum frequentiam recipere non posset, ad auxilium altitudinis ædificiorum res ipsa coëgit devenire; itaque altitudines, crebris contignationibus
coaxa-

tur, ut Zeno inquit, in *l. 12. §. 1. C. de ædif. priv.* Hoc sane ut credamus jubet tum servitus altius tollendi, a Jctis nostris toties memorata, tum crebra testimonia veterum de tectis ædium sublimibus, etiam post illos Augustos exstructis. Senecæ Rhetoris sub Tiberio querelam jam ante audivimus; huic accedat junior Seneca ad Helv. cap. 9. *Quo altius turres sustulerint, quo latius vicos porrexerint, quo majori mole fastigia cœnationum subvexerint, hoc plus erit, quod illis cœlum abscondat.* Petronius, Neroni familiaris, Sâtyr. cap. 120. *Ædificant auro, sedesque ad sidera mittunt.* Claudian. in 11. Conf. Stilic. vf. 131

*Qua nihil in terris complectitur altius
æther,*

*Cujus nec spatium visus, nec corda de-
corem,*

*Nec laudem vox ulla capit, quæ luceme-
talli*

Æmula vicinis fastigia conferit astris.

Hoc amplius sciendum est, quod in partibus ædium superioribus, opifices plerumque & pauperes, cum familia ex conducto habitarent, qui *cœnacularii* idcirco in *l. 11. §. 5. D. de pign. act.* sicut illi, qui domus totas conductas, quæstus gratia, per singula cœnacula loca-

H h

bant,

patent Projectiones, siue partes domus ita prominentes, ut nusquam quiescant; qualia sunt mæniana & podia pensilia, unde adspectus est in vicos & plateas, *l. 2. l. ult. §. 1. D. de S. P. V.* Mæniana a Mænio sunt appellata: is enim cum domum suam venderet, cepit sibi jus unus columnæ, super quam tectum projiceret ex provolantibus tabulatis, unde ipse & posterius munus gladiatorum spectarent, ut ex Festo & Asconio notum est. Mentio illorum fit in *l. 20. D. de S. P. V. & l. 2. §. 6. D. ne quid in loc. publ.* Græci *ἐξωσὰς* appellant, & *ἐξωσάγια*, uti ex Glossis constat, & Cujacius lib. 1. Obs. cap. 30. ad *l. pen C. de ædif. priv.* plenius explanavit. Similia sunt, quæ *παρὰπετάσια* dicuntur, in *l. 39. C. Tb. de op. publ.* In provinciis ea ædificare permissum fuit, in Urbe non semper, nec forte eo tempore, quo hoc Edictum proponebatur. Ammianus Marcellinus lib. xxvii. cap. 9. de Prætextato, Præfecto Urbis: *Mæniana sustulit omnia, fabricari Romæ priscis quoque vetita legibus.* Ut adeo factis ex his constet, muniendam fuisse multitudinem per plateas Romanas diffluentem, adversus injurias, quæ ex alto imminebant. Audiamus Juvenalem sat. iii. vs. 268. ad avarum:

Ilh 2

Respi-

*Respice nunc alia ac diversa pericula noctis:
Quod spatium tectis sublimibus, unde ce-
rebrum*

*Testa ferit, quoties rimosa & curta fe-
nestris*

*Vasa cadunt: quanto percussum pondere
signent*

*Et lædant silicem. Possis ignavus haberi,
Et subiti casus improvidus, ad cœnam si
Intestatus eas. Adeo tot fata, quot illa
Nocte patent vigiles, te prætereunte, fe-
nestræ.*

Ad historiam Edicti quod attinet, ne-
mo dubitat, quin paterfamilias, qui ipse
corpus solidum, ut tegulam, lapidem,
lignum deiecit ex ædibus suis, vel rem
liquidam ipse effudit in eum locum, qua
vulgo iter fit, vel consistitur, obligetur
naturaliter ad damnum resarciendum, &
lege civili insuper, ob crassam negligen-
tiam, multari possit. Prius ex jure He-
bræorum tradit Baba Kamna cap. III.
§. 2. 3. *Effundens aquam vel sterqus in lo-
cum publicum, qua alius damnum patia-
tur, bujus damnum præstare tenetur.* Po-
sterius vero Aquilius tribunus plebiscito
suo Romæ introduxit cap. III. Quid
vero si habitantes cum eo uxor, filiusfa-
miliæ, hospes, cliens, libertus, aut ser-
vus deiecerint? Ipsi quidem dejicientes
prin-

principaliter ex facto suo tenentur, ut tamen patrifamilias damnum quoque impulari possit, quatenus is, tamquam familiae suae princeps, poterat & debebat actiones eorum, quos sub tectum recepit, moderari, ut ne civibus essent molestae, vel securitatem viarum impedirent. Sed quia rarius sciri potest, quis deiecerit aut effuderit, maxime si plures in eodem cœnaculo habitent, vel si nocte dejectum sit, hinc utile visum fuit Praetori actionem pœnalem proponere adversus aedium habitatorem, hoc fundamento, quod ille obligatus sit quasi ex delicto, id est ex facto illicito, sola culpa admissio: peccasse enim quodammodo videtur ob id, quod homines petulantes, incautos, parumve providos in cœnacula recepit. *l. 5. §. 5. D. de obligat. & act.* ideoque aequum est, ut suam suorumque culpam praestet *l. 6. §. 2. D. de his qui effud.* vid Grotium lib. 11. cap. 17. §. 6. seq. & Pufend. lib. 111. de J. N. cap. 1. §. 6.

Marquardus Freherus lib. 11. Verif. c. 3. olim putarat; secundo capite Legis Aquiliae de dejecto vel effuso actionem proditam fuisse; quia Ulpianus scribit, dominum aedium hac ex causa legis Aquiliae actione condemnari posse *l. 5. §. 4. D. de his qui effud. vel. dej.* verum discessit ab

hac sententia, quia damnum dejiciendo datum rupti, sive corrupti appellatione, in tertio capite legis Aquiliæ, potest comprehendi *l. 27. §. 13. D. ad L. Aquil.* Sed tanti ponderis non visa fuit hæc ratio viro Ampl. Corn. van Bynkershoek lib. 1. Obs. cap. 13. quin censeret, caput illud egisse de dejectis, quod Prætores deinde, ob quæstionum luxuriam, Edicto complexi fuerint. Movet ipsum tum argumenti & utriusque tituli affinitas, tum quod Mucius actionem de dejecto ramo ex lege Aquilia esse dixit in *l. 31. D. eod.* tum Ulpiani auctoritas *d. l. 5. §. 4.* & denique quod actio pœnalis de dejectis, tanquam ex lege civili oriunda, perpetua est *l. 5. §. 5. & ult. de his qui effud.* Et sane fatendum est, inter tot virorum clarissimorum de capitulo illo conjecturas ad *l. 27. §. 4. D. ad L. Aquil.* puta Cujacii, Chifletii, Freheri, etiam Jacobi Constantinæi lib. 1. subtil. enod. cap. 6. hanc maxime probabilem videri, ob *d. l. 5. §. 4.* Pace tamen Viri Illustris liceat qualescunque dubitandi causas in medium proferre: primo enim ex verbis legis Aquiliæ ita demum actio datur, si quis ipse corpore suo, non hospes aut servus, damnum dedit. Deinde damnum injuria datum est verum delictum, hic quali ex delicto agitur. Ratio-

tiones porro Edicti supra allatae nondum forte tempore Aquilii tam evidentes fuerunt, ut tot inter alia damnorum genera opus esse crediderit capite de dejectis singulari. Ulpianus vero actionem in factum Praetoriam Aquiliae vocare potuit; quia lex ista, derogans omnibus legibus anterioribus, sive XII. Tabulis, sive aliis, fons erat omnium decisionum de damno dato, ad quam Praetor, tanquam legum interpres, varias actiones accommodavit, quae eodem nomine Legis Aquiliae veniunt, & in perpetuum dantur. Utiq; multitudo periculorum & utilitas viarum Praetorem moverunt, ut duas has damni species gravius coërceret, quam in tertio legis Aquiliae factum erat; *neque adjecit culpae mentionem, vel inficiationis, ut in duplum detur actio, quamvis damni injuriae utrumque exigat*, ait Ulpian. in l. 1. §. 4. D. de his qui effud. Denique ex mente Praetoris hoc Edictum extensum est ab Urbe ad municipia, civitates & vicos, per quos vulgo iter fit; & si de nave dejectum, datur actio utilis in eum, qui navis praepositus est l. 6. pr. & §. 3. eod. At putator, qui non proclamavit, incidit in L. Aquiliam §. 5. Inst. de L. Aquil. vel extra ordinem punitur Paul. l. v. tit. 23. §. 12. nullus hic est habitator, qui con-

niri possit, ideoque *l. 31. D. ad L. Aquil.* ab hoc Edicto aliena est.

Condemnatio ex primo Edicti capite non una est: nam (1) si damnum sordibus effulis datum sit in vestimenta aliasve res, quæ æstimationem admittunt, Prætor adversus habitatorem in suo, vel conducto, vel gratuito, non vero contra ejus heredem, judicium dat in duplum damni dati. (2) Si liber homo ex ea re occisus, actio popularis datur ad pœnam quinquaginta aureorum, cuivis ex populo intra annum, non vero heredi, nec contra heredem *l. 5. §. 5. eod.* Ratio autem, cur Ædiles in *l. 42. D. de Ædil. ed.* graviolem ducentorum solidorum pœnam dictaverint, homine libero a feroce animali occiso, hæc est, quod gravius sit alere leonem, ursum & lupum, quam hominem negligentem recipere, non tamen ita nocere solitum, & tristis forsan casus excitavit Ædiles, ut rigidius viarum securitatem sibi mandatam tuerentur. (3) Si liber homo vivit, sed ei nocitum dicatur, perpetuo agere licet, in id quod æquum judici videbitur: is autem computabit mercedes medicis præstitas aliaque impendia, quæ in curatione facta sunt, & operas, quibus læsus caruit aut cariturus est: nam qui de actu tenetur simul tenetur de his, quæ illum ex
actus

actus vi sunt consecuta. Senec. v. contr. 5. Cicatricum vero aut deformitatis nulla fit æstimation, quia liberum corpus nullam æstimationem recipit *l. fin. D. b. t.* & licet reciperet, non est, cui illa exsolvi possit, quia nemo membrorum suorum dominus est *l. 13. pr. D. ad. L. Aquil.* propter atrocem vero contumeliam injuriarum agi potest §. 9. *Inst. ad L. Aquil.* & duæ fiunt æstimationes, alia damni, alia contumeliæ, *l. 5. §. 1. ad. L. Aquil.* id quod adversus Titii censuram juris Romani observandum est, Obs. ad Laut. 268. Secundum Hebræorum leges, lædens nomine damni, doloris, curationis, cessationis & ignominie tenetur, apud Constantin. L'Empereur ad Baba Kamma cap. 8. §. 1. 2. Multi quoque, cum Gomezio & Zoefio, excipiunt virgines innuptas, quod oris gratia iis est instar dotis, & nunc difficilius maritum sunt nacturæ, nec inique! sed minime hac actione eis experiendum, quæ rei læsæ æstimationem prosequitur. Apulej. in Apolog. *Virgo formosa, etsi oppido pauper, tamen abunde dotata est: adfert quippe ad maritum novam animi indolem, pulchritudinis gratiam, floris rudimentum.* (4) Si servus aliquid dejecerit, vel ex ejus cœnaculo aliquid sit effusum aut dejectum, in solidum obligatur

gatur dominus, non modo, qui auctor fuit servo dejiciendi, sed etiam qui scivit, & cum prohibere posset, non prohibuit; ipse enim dejecisse videtur; at si dominus ignoravit, actio noxalis est *l. 2. l. 3. D. de noxal. act.* hoc effectum, ut duplum sit in condemnatione, noxæ deditio in solutione *l. 6. §. 1. D. de re jud.*

Ex altero Edicti capite datur actio popularis in factum, cuivis e populo, adversus eum, qui aliquid supra eum locum, quo vulgo iter fit, positum vel suspensum habet, cujus casus alicui nocere possit, ad decem aureos auctori applicandos. *l. 5. §. 6. D. de his qui effud.* Positum hic accipere debemus, quicquid in habitationis, cœnaculi, horrei, vel ædificii cujuscunque suggrunda protectove expositum sit; modo id decidendo nocere possit, licet nondum nocuerit, *d. l. 5. §. 9.* Ratio est, ut metu gravioris pœnæ cives, & maxime plebeji, in supremis cœnaculis res opificii sui crebrius suspendentes, fiant cauti, & itinera reddantur tutiora. Non datur hæc actio promiscue adversus habitantem, uti ex primo capite, sed adversus eum, qui positum habet, sive ipse posuit, vel ab alio positum patitur: sive sit dominus ædium, sive inhabitator, id est, *évoûé*, inquilinus & conductor, nec refert ædes in-
habiti-

habitent, an non *d. l. 5. §. 8.* Si servus posuit domino sciente, hic suo nomine tenetur, quia passus est poni; sin insciente, noxali iudicio est locus. *d. l. 5. §. 10.*

Quid autem si id, quod positum erat, deciderit & nocuerit? Ulpianus ait, in *d. l. 5. §. 12.* *In eum competit actio, qui posuit, non in eum, qui habitaverit: quasi hæc actio non sufficiat; quia positum habuisse non utique videtur, qui posuit, nisi vel dominus fuit ædium, vel habitator.* Non temere Cujacius lib. xxii. Obs. cap. 32. vitii hic aliquid haerere putat, quod non nisi traiectione verborum sanari possit, hoc modo; *in eum competit actio, qui habitaverit, non in eum, qui posuit.* Repugnat autem Suerinius repetit. lect. cap. 20. nec leves absurditates ex hac correctione exoriri causatur. Videamus. Species hæc est: Cajus habitat ædes, in quibus Titius, qui eas non habitat, posuit aut suspendit aliquid periculose; quod cadendo nocuit. Multum intererit, an Cajo sciente & patiente in suggrunda vel projecto aliquid positum fuerit, an ipso ignorante, vel sciente, sed in alia parte ædium, extra protectum. Si posterius supponas, hæc actio *non sufficit*, id est, deficit; nec enim ea datur adversus Titium, qui posuit, quia non est dominus ædium, neque habita-

bitator; nec adversus Cajum, qui habitat, quia is neque posuit, neque positum habet, aut habuit, quum ignorarit, neque in suggrunda poni passus sit. Æquum vero visum, ut actio in factum, in eum qui posuit, ad exemplum hujus actionis, detur, in qua judex æstimet, quantum ob eam rem præstari æquum sit: majorem enim odio dignus est, qui occasionem damni dedit, quam habitator, inter quem & casum nullus hic est nexus. Hanc interpretationem tum voces *positum erat*, non positum habuerat, tum etiam duæ species sequentes firmare videntur; altera de pictore, qui clypeum vel tabulam, sed non in protecto, expositam habuit; & altera de amphora ex reticulo suspensa, quia & *legitima Aquilæ, & honoraria actio deficit*. Quod si vero speciem, cum Cujacio, ita concipias, ut Cajo sciente & in suggruenda positum fuerit, id quod decidit, trajectio verborum per se quidem non mala est, sed, præter codicum fidem, ei refragantur tum verba, *quasi hæc actio non sufficiat*, tum sequentia per *nam & conjuncta*. Utrique adversus inhabitatorem actio sufficiet ex capite secundo Edicti, quo coercetur qui positum habuit, *sive nocuit id, quod positum erat, sive non nocuit l. 5. §. 11. eod.* neque opus est ad mentem

tem capitis primi confugiamus: nam quod dicitur suspensum pro dejecto haberi, in l. 1. §. 3. *eod.* verum est, etiamsi habitator vel dominus ædium suspendi non passus est, quod tamen requiritur, ut dici possit eos positum habuisse. Moribus nostris actio quidem competit adversus inhabitatores ædium, ut damnum dejiciendo datum resarciant, verum actiones pœnales non frequentantur, & Ædiles curant, ne quid periculose positum aut suspensum sit. Franciscus tamen 1. Rex Francorum, pœnam decem Francicorum in eos constituit, qui pannum Parisiis ex fenestra suspensum habeant, auctore Thuano lib. xvi. *Histor.*

C A P U T V I.

DE EDICTIS PRÆTORUM ADVERSUS NAUTAS, CAUPONES ET STABULARIOS.

Tria Edicta adversus nautas, caupones & stabularios, totidem libris separatim ab Ulpiano exposita. Primum est de receptis, cujus æquitas, utilitas & necessitas ostenditur. Diversoria olim rara, donec a Lydis inventa. Caupones quidam meretricum & furum receptatores. Eorum iniquitas, vilitas & perfidia, ad l. 3. §. 1. D. naut. caup. Prætor

*tor ab iis præstare voluit suam suorum-
que culpam levissimam. An potuerint
repellere viatores. Discordia inter l. 1.
§. 1. eod. & l. un. §. 6. D. furti adv.
naut. sublata. De insignibus cauponum,
ante fores; an antiqua, ad Luc. 11. vs. 16.
Alterum Edictum de damno injuria da-
to, ex quo datur actio in factum perpe-
tua, gravior quam Legis Aquiliæ, qua-
si ex delicto, contra nautam vel caupo-
nem, in duplum, non contra heredes.
l. 3. §. 4. cum l. 7. §. ult. D. naut. caup.
conciliata. Tertium Edictum de furto in
navi aut caupona commisso, sed non a
vestore. De jure hospitii quædam ex mo-
ribus Germanorum, Francorum, An-
golorum &c.*

Pergimus ad Edicta Prætorum ad-
versus nautas, caupones & stabu-
larios proposita, in viatorum se-
curitatem, dum istorum diligentia acui-
tur & fraudes coercentur. Tria autem vi-
dentur fuisse edicta, huc pertinentia, quo-
rum primum est, de restituendis iis, quæ
receperunt salva fore; alterum de damno
dato, & tertium de furtis, in navi, cau-
pona vel stabulo factis. De primo egit
Ulpianus lib. XIV. de altero lib. XVIII.
de tertio autem lib. XXXVIII. ad Edi-
ctum,

ctum, uti rubricæ *l. 1. § l. 7. D. naut. caup. & l. un. D. furti advers. naut.* ostendunt. Verba Edicti prioris integra supersunt, in *d. l. 1.* hæc: *Nautæ, caupones, stabularii, quod cujusque saluum fore receperint, nisi restituent, in eos iudicium dabo.* Æquitas Edicti manifesta est: cum enim hoc genus hominum viatores & hospites velut ad se invitent, & securum trajectum vel diversorium expresse promittant, hinc de omnibus, quæ diligentia humana caveri poterant, respondere tenentur. Nautæ quidem merces datur, ut trajiciat vectores; cauponi, ut viatores manere in caupona patiat; stabulario, ut permittat jumenta apud se stabulari, & tamen custodiæ nomine tenentur; quia salva fore recipiunt, quæ ad navim, cauponam vel stabulum perferuntur, adeoque præsumptio nascitur, quod ad custodiam exactissimam se obstringere velint; sive per se recipiant, sive per magistrum navis, aut institorem, cum necesse sit plerumque eorum fidem sequi *l. 1. l. 5. D. naut. caup.* & omnia facta magistri debet præstare exercitor, qui cum navi præposuit *l. 1. §. 5. D. de exerc. act.* Ex his utilitas Edicti est manifesta.

Tentari autem posset, actionem in factum, quæ ex Edicto proficiscitur, super

perva

pervacuam esse, sicut miratum accepi-
mus Pomponium, cur honoraria hæc sit in-
ducta, cum præsto essent actiones civi-
les; depoliti, si gratis res susceptæ, vel,
si merces intervenerit, ex locato & con-
ducto. Verum Prætor innotescere voluit,
se curam agere reprimendæ iniquitatis id
genus hominum, qui cum furibus, adver-
sus eos, quos reciperent, non raro coibant
l. 1. §. 1. l. 3. §. 1. D. naut. caup. Ho-
ratius idcirco *perfidum cauponem* cum nau-
tis audacibus conjungit lib. 1. sat. 1. vs.
29. Alibi eosdem, quasi naturæ perversi-
tate, hospitibus malignos, & levissimæ
fidei depingit, lib. 1. sat. 5. vs. 4. ubi Fo-
rum Appii ait:

*Differtum nautis, cauponibus, atque
malignis.*

Neque Romæ tantum, sed ubivis fere gen-
tium male audivit isthæc hominum trias;
Eccles. xxvi. vs. 28. *non justificabitur caupo
a peccatis.* Dixit etiam Æschylus *καπηλον τέχ-
νημα*, qualis tamen proprie est, qui minutatim
vendit res esculentas aut potulentas. Vetu-
stissimis temporibus diu rariora fuerunt
diversoria, uti ex Lothi, Jonæ aliorum-
que historiis pulchre ostenderunt Viri Cl.
Perizonius ad Ælian. lib. 1v. var. hist.
cap. 1. & Clericus ad Genes. xix. vs. 2. Po-
stea Lydi primi caupones memorantur;
sed

fed illi & ceteri magnam partem meretricum & furum facti receptatores, apud quos viri honesti divertere nolentes jus hospitii multa cum religione contraxerunt. vid. Justin. lib. 1. cap. 7. Ælian. lib. III. cap. 14. lib. IX. cap. 19. & lib. XIV. cap. 14. & quæ plura de cauponiis, sive meretriciis artibus Casaubon. ad Theophrasti charact. pag. m. 184. & de vilitate, ignominia & avaritia cauponum Mornacius ex Platone, Aristotele & Plinio attulit, ad *l. 1. d. t.*

Præterea in plus teneri voluit Prætor nautas & caupones, quam depositarios & locatores operarum; quia in locato conducto culpa levis, in deposito dolus & lata culpa propria duntaxat præstatur: hoc edicto autem omnimodo qui recepit tenetur, non tantum ex culpa levissima sua, sed & si sine culpa ejus res periit, facto ministrorum, vectorum aut viatorum, nisi si quid damno fatali contingit *l. 1. §. f. l. 2. l. 3. D. d. tit.* Nec quisquam putet gravius hoc adversus eos constitutum: nam est in illorum arbitrio ne quem recipiant *l. 1. §. 1. eod.* licet semel viatores receptos repellere non possint *l. un §. 6. D. furt. adv. naut.* vel, si hæc conciliatio displiceat, in arbitrio cujusque est, an velit cauponam exercere, si

vero signo præ foribus suspenso id professus est, non potest repellere iter agentes. Ejusmodi signum nonnulli putarunt fuisse præsepe, in quo pastores Christum iacentem invenere, Luc. 11. vs. 16. & Sponius ita interpretatur, in inscriptione Narbonense, OSPITALEM A GALLO GALLINACIO; quod gallus hospitii inligne fuerit. Cetera de mesonautis, mediastinis, diaetariis, navium custodibus, quid sit χειρὸς βολον facere, id est navi injicere, aliaque ad hujus Edicti interpretationem pertinentia Cujacius lib. xxvii. Obs. cap. 31. Augustinus lib. iii. Emend. cap. 3. adversus Alciati lib. iii. Dispunct. cap. ult. & lib. i. Parerg. cap. 43. nec non Ampl. Bynkershoek lib. ii. Obs. cap. 14. crudite explicarunt.

Alterum Edictum, de damno injuria dato, in nave, caupona aut stabulo periit, sententiam autem ejus verbis Cl. Noodtii ad D. pag. 145. proponam: *In nautas, caupones & stabularios, si damnum injuria datum erit ab his, quorum opera navem, cauponam aut stabulum exercent, in duplum judicium dabo: nisi prædixerint, ut unusquisque res suas servet, & prædictioni consensum sit.* Ulpianus separatim lib. xviii. ad Edictum, & Paulus lib. xxii. ubi in materia legis Aquiliæ erant

erant occupati, de hoc Edicto egerunt, secundum rubricam fugitivæ l. 7. § ult. *D. naut. caup.* juncta inscriptione l. 5. 6. 7. *D. ad L. Aquil.* Prætor enim ad exemplum damni injuria dati, sed gravius coercet damnum, in navi, caupona vel stabulo viatoribus datum, idque bifariam: primum enim in duplum promittit actionem, licet nulla culpa vel inficiatio exercitoris fuerit probata; deinde non modo ex facto proprio exercitoris, sed etiam ex facto illorum dat actionem, quorum opera navis exercetur, sive liberi fuerint, sive servi alieni, quia periculo suo eorum opera usus: nec opus est personam ejus designare, qui deliquit, nisi quis contra illum agere velit, quod est quoque licitum, l. pen. §. ult. *D. naut. caup.* Quamvis ergo ex simplicitate naturali factum alienum nemini imputari possit, l. 74. *de R. j.* id tamen fallit, si voluntas nostra concurrat, quæ vel ex culpa vel ex pacto colligitur l. 30. §. 4. *D. locat.* Utrumque adest in exercitore navis, cauponæ vel stabuli; nam ut ipse non deliquerit, argui potest ejus culpa, quod malos adhibuit homines §. ult. *Inst. de obligat. quæ quas ex del.* l. 7. §. 4. *D. naut. caup.* l. 5. §. f. *D. de oblig. & act.* Idem quoque ipso facto, interpretatione Prætoris

toris, tutum hospitium viatoribus promississe censetur: nec dubitandum est, quin is, qui salvum fore recipit, a damno quoque recipere videatur, sed in hoc Edictum incidit, etsi periculum custodiæ recipiendo non subiit, *l. 1. §. 1. l. 5. §. 1. D. naut. caup. juncta l. un. §. 4. D. furt. adv. naut.*

Notandum ergo non unum est discrimen hanc inter actionem in factum, & superiorem ex primo Edicto, quod cum Accursius ignoraret, plus semel hæsitavit & a vero aberravit longissime. Rectius actiones binas Ludovicus Vitalis discrevit lib. 1. lect. var. cap. 2. Veram autem interpretandi viam Gilbertus Regius Bonafidio, ope inscriptionum, indicavit, Enantioph. jur. civil. lib. 11. c. 7. eandemque Cl. Noödtius ad h. t. & lib. 11. Obs. cap. 9. ingressus est, omnibus autem summus Cujacius præluxit, in Parat. D. furti adversus naut. Nimirum (1) actio in factum ex Edicto primo, quasi ex contractu, est rei persecutoria, in simplum, ut in fidem recepta restituantur, damnumque rebus, sive in navi, sive in litore datum restituatur. *l. 3. pr. D. naut. caup.* Hæc vero ex secundo Edicto, quasi ex delicto, est pœnalis, in duplum damni injuria in ipsa navi vel caupona

pona, non extra eam dati, *l. 7. D. naut. caup.* (2) Illa datur ob damnum, a quocunque, etiam a viatoribus vel vectoribus datum *l. 1. §. f. l. 2. l. 3. D. eod.* hæc autem tantum pertinet ad nautas, & homines liberos, quorum opera exercitor utitur, & ad eos, qui habitandi causa in caupona sunt; non vero ad eos, qui hospitio repentino excipiuntur, veluti viatores *l. 6. §. 2. 3. eod.* pulchra ratio: namque viatorem sibi eligere caupo vel stabularius non videtur, nec repellere potest iter agentes, ministros autem & inhabitatores perpetuos ipse quodammodo elegit, aut saltem non rejecit, nec exploravit cuius fidei, cuius innocentiae sint, quorum factum cum præstare oportet, *l. un. §. 6. Furti adv. naut.* Sed nec ob damnum a servis propriis datum exercitor hac actione ex quali maleficio tenetur, verum noxæ eos dedendo se liberat, cum ei ignoscendum sit, si quales quales ad instruendam navem adhibuit, velut in domestico malo, *d. l. ult. §. 4. D. naut. caup. & l. un. §. 5. furti adv. naut.* Denique (3) prior actio in heredem, & perpetuo datur, quia rei persecutionem continet *l. 3. §. pen. D. naut. caup.* hæc vero in heredem non datur, quia pœnalis est & honoraria, datur tamen perpetuo,

quia ad exemplum legis Aquiliæ a Præto-
re formata est *l. ult. §. 6. D. eod.* Sic ul-
tro in concordiam redeunt omnia, nec
umbra antinomix superest, si erratica il-
la duo capita finalia sub tit. nautæ caup.
ad suas sedes referantur. vid. etiam Ampl.
Breneman. de Leg. inscript. §. 7.

Superest tertium Edictum, cujus iti-
dem deperditi verba, ex *l. 1. pr. D.*
furt. adv. naut. ita concipi posse vi-
dentur: *In nautas, caupones, stabulari-*
os, si quid a quoquo eorum, quosve ibi ha-
bebunt, furtum factum esse dicetur, in
duplum judicium dabo: Sive furtum ope con-
silio exercitoris factum sit: sive eorum cujus,
qui in ea navi navigandi causa esset. Se-
des hujus edicti est in titulo *D. Furti ad-*
versus nautas, caupones & stabularios,
cujus unicum Ulpiani caput est ex lib.
xxxviii. ad Edictum, in quo is de actio-
nibus Prætoris, quæ ad similitudinem a-
ctionis furti civilis comparatæ sunt, etiam
de propria furti actione in publicanos,
viatoribus molestos, egit: uti constat ex
l. 12. D. de publican. quacum jungenda
est *l. 195. §. 3. de V. S.* ubi ipse Ulpianus
hunc titulum Edicti *de furtis* appellat, *ut*
in Edicto Prætoris ostendimus, sub titulo
de furtis, ubi Prætor loquitur de familia
publicanorum. Opus autem fuit Edicto,
ut

ut utilis furti actio, ex facto alieno, in exercitores navis, stabuli vel cauponæ competeret, quorum nulla injuria, nulloque maleficio est; & movit Prætor rem rursus, quod quasi delinquere censetur, qui malorum hominum opera utitur, per quos viatores lædantur. Quiridam in margine Russardi, in Edicto nostro pro *quosve* reponunt *quosve quasve*, forsan ut ipse exercitor excludatur, quem constat, ob furtum viatoribus factum, ex vero delicto teneri, etiam in quadruplum, si fur manifestarius sit, §. ult. *Inst. de obl. quæ quasi ex del.* at sequentia ostendunt, exercitorem, sive vectores ope & consilio ejus, sive nautæ, vel vectores, qui in navi essent navigandi causa, ipso incio furati sunt, hac actione conveniri. Navigandi autem causa accipere debemus eos, qui adhibentur, ut navis naviget; quales etiam sunt, qui pro vectura remos agunt, quos Ulpianus *ναυτετιβάτας* recte vocavit, in *l. ult. §. 2. D. naut. caup.* Factum ceterorum vectorum, qui naulum solvunt, in hac actione non venit. vid. Cujac. lib. xxvii. Obs. cap. 31.

Atque ita discretis Edictis luculenter apparet, quantam vectorum, viatorum, mulionum & quorumcunque peregrinantium curam gesserit Prætor; dum non

modo in custodiam recepta confestim ipsis restitui, sed etiam si quid damni ipsis illatum aut surreptum sit, duplo sarciri voluit: credebatur enim fatis promotum iri auream illam, quæ peregrinis debetur, celeritatem, si ipsis vel directo cum eo, qui deliquerat, vel cum navis exercitore liceret experiri, neque difficili probatione ejus quod interest opus esset, cujus vice alterum tantum in duplo fungitur. Atque ita oportebat in Republica bene constituta: nam ipse Deus Opt. Maximus, in Theocratia sua, advenarum & peregrinantium causam majorem in modum commendavit Exod. xxii. vs. 21. Deut. x. vs. 18. Apud Indos, Cretenses & Græcos Magistratus positi erant peregrinis, ne injuria afficerentur. Ipse Gentilium Juppiter, quod hospitibus jura dedisse credebatur, *ἔνι Ζεύς* apud Homerum *Odyll.* 8. vs. 55. & *Juppiter Hospitalis* apud Cicronem & Plinium dictus est. Causa illius rei, quod nulla olim, aut rariora essent diverforia. De Lucanis, Italiæ populis, *Ælianus* lib. iv. var. hist. cap. 1. *Lex quædam sancit, si occidente jam sole venerit peregrinus, volueritque sub tectum alicujus divertere, is vero hominem non receperit, ut mulctetur & pœnas luat hospitalitatis.* De Germanis *Cæsar* lib. vi. de

de B. G. cap. 23. *Hospites violare fas non putant: qui quaque de causa ad eos venerunt, ab injuria probibent sanctosque habent: iis omnium domus patent, victusque communicatur.* Hujus φιλοξενίας insigne testimonium profert Nicolaus Damascenus de mor. Gent. p. 8. Pomponius Mela lib. 111. cap. 3. *hospitibus tantum bonos nuncupavit.* Tacitus de M. G. cap. 21. *Conuictibus & hospitibus non alia gens effusius indulget: quemcunque mortalium arcere tecto nefas habetur. . . . notum ignotumque, quantum ad jus hospitii, nemo discernit.* Gothorum studium erga peregrinos viatores vehementer commendat Joh. Magnus Hist. Goth. lib. 1v. cap. 1. Slavorum mire extollit Helmoldus lib. 1. cap. 83. & lib. 11. cap. 12. aliorum Grotius celebravit lib. 11. cap. 2. §. 16.

Eadem hospitalitas in Capitularibus Regum Francorum crebro inculcata est. Ita Carolus M. apud Baluz. tom. 1. pag. 370. n. 27. *Præcipimus, ut in omni regno nostro, neque dives, neque pauper peregrinis hospitium denegare audeant.* Pag. 400. n. 16. *Intra regna nostra omnibus iterantibus nullus hospitium denegat, mansionem & focum tantum.* Pag. 935. n. 82. *Si quis homini aliquo pergenti in itinere mansionem vetaverit, sexaginta solidos componat in*

blico. Ab eadem humanitate est, quod Choppinus III. Paris. 3. n. II. memorat, cauponem extra ordinem multatum; quod misellum viatorem sæva hyeme thorace spoliasset. Hinc etiam robatores apud Francos, Anglos & Scotos durissimis pœnis affecti, quod robas, id est vestes viatoribus diripiebant: præter has enim, in magna veterum paupertate & argenti inopia, raro aliquid erat quod adimeretur. Bene etiam observat Henricus Spelmanus, pauca olim in Anglia, usque ad Edwardum III. in Hibernia vero, ad sua usque tempora, fuisse diverforia, sed viatores ingressos ignotorum domus, cibi & quietis causa, gratis mane recessisse. Ut ad Edictum nostrum revertamur, Theodorico Regi c. 119. placuit, ut nautæ & caupones, si præstent sacramentum de conscientia sua suorumque, nihil cogantur exsolvere; sed moribus nostris tantum abest, ut illud extra usum sit, ut utiliter etiam adversus exercitores cursus publici ex eo agatur, nec culpa probanda sit. Duplum vero non facile adjudicatur, etli Brunnemannus pro usu ejus responderit, cent. III. decis. 14.

CAPUT VII.

DE EDICTO PRÆTORIS ADVERSUS PUBLICANOS.

Verba Edicti corrupti varie restituta, a Cujacio, Leunclavio, Pitheo & Frebero; nova conjectura. Publicum pro vectigali. Publicani viri splendidi ex ordine equestri: sed eorum ministri & portitores ob rapacitatem & proditoriam curiositatem odiosi ubivis. Matthæus & Lucas ex profanis scriptoribus illustantur. Actio Prætorica adversus publicanos cur sit proposita; quænam habeat singularia. l. 1. §. 3. de publican. collata cum Lucæ XIX. vs. 8. Actio extraordinaria, adversus publicanorum novas acerbitates & nomina exactionum illicitarum, a Nerone introducta, & renovata ab Antonino. Paulus in l. 9. §. 5. de publican. ex Tacito & Capitolino explicatus. Vectigalia cur nervi Reipublicæ appellentur. Portoria sunt onus rerum & mercium, ex instituto Cæsaris, maxime peregrinarum, quarum catalogus in l. ult. §. 7. D de publican. Vectigal quare pendendum in itinere & transitu pontis. Quid pontaticum. Quantitas octava mercium pars; inde portitores octavarii dicti. Portorium quadragesi-

*gesimæ. Cur vectigalia inter funeris sum-
tus, ad l. 37. D. & l. ult. C. de religiof.
Leonini aliorumque corruptiones rejectæ.*

Novabit nunc stilum convertisse ad
Edictum Prætoris, quo viato-
rum securitati adversus publica-
nos cavetur. Verba ejus in l. 1.
D. de publican. sunt ista: *Quod publicanus,
ejus publicani nomine, vi ademerit, quod-
ve familia publicanorum: si id restitutum
non erit, in duplum; aut, si post annum
agetur, in simplum judicium dabo. Item
si damnum injuria furtumve factum esse di-
cetur, judicium dabo. Si id, ad quos ea
res pertinebit, non exhibebitur, in domi-
nos sine noxæ deditioe judicium dabo.* Ne-
mo non videt initio Edicti, in verbis *ejus
publicani nomine* vicii aliquid hære, nec
convenit inter Eruditos, quomodo il-
lud tollendum sit. In Vulgata est seu
quis publicani nomine; Cujacius in Pa-
rat. *D.* legit *ejus publici nomine*, aucto-
ritate Basilicorum; Leunclavius lib. 11.
Notat. cap. 85. mavult *juris publici
nomine*; Pithæus *publicarii nomine*, ex
Glossis Græco-Lat. δημόσιον, τελατίον, publi-
carium; Ranchinus, aut *quis publicani
nomine*; Freherus lib. II. veris. c. 19. sub-
stituit *æris publici nomine*, vel *æris publi-
cari*

cani nomine; alii denique, ut Ruffardus, quosdam libros habere ajunt, *seu publicani nomine*, quosdam *ejusve familia publicani*. Vulgatæ lectio non placet; quod si enim familiam publicani his verbis intelligis, ociose statim sequetur, *quodve familia*; si vero extraneum, ex facto alieno publicanus non tēnetur. Majorem speciem habet Cujaciana emendatio: nam Basilica lib. 56. tit. 1. vertunt: *ἐὰν τελωνῆς ἢ ἡ φαρμιλία αὐτῆς ὀνομάτι τῷ τέλει ἀφελῶνται τῇ*, *Si publicanus vel ejus familia vectigalis nomine quid ademerit*. Publici quoque nomine ἀπλῶς positi, certum est vectigal intelligi fisco debitum, quod Græci exponunt τέλη: nam publicanos Ulpianus definit, *qui publico fruuntur*, in l. 1. §. 2. *D. de publican.* & alibi qui *publica vectigalia* habent conducta, l. 12. §. 3. *eod.* Javolenus publicum vocat, quod vectigalium causa locatum est, l. 34. §. 1. *D. ex quib. caus. maj.* Sic conductiones publicorum in l. 33. *D. pro soc.* Horat. lib. 1. ep. 1. vs. 77. *Pars hominum gestit conducere publica.* Sueton. Vespasian. cap. 1. *Sabinus publicum quadragesimæ in Asia egit*, quæque plura id genus satis nota apud Lips. ad xi. Ann. 51. Gronov. iv. Obs. 23. Græv. ad 111. Verr. 38. & ante omnes apud Brissón. de V. S. leguntur. Veruntamen

tamen correctio ista haud arridet; quomodo enim *ejus publici* dici potest, ubi publici nulla præcesserit mentio? quærit Freherus. Longe magis *æris* probo; sed, ut brevis sim, *usus publici nomine* conjicio legendum, hoc sensu: non omnem vim a publicano illatam hoc edicto coerceri, sed eam, quam is pro usu viæ aut fluminis publici, in usum publicum, & specie publici tuendi intulerit: publica enim dicuntur, quæ *publico usui* destinata sunt l. 2. §. 5. *D. ne quid in loc.* Potuit error inde enasci, quod librarius syllabam postremam geminare neglexit, cum scriptum esset *publicanVSus*. Similia Rad. Fornerius lib. 1. rer. quot. cap. 19. & Fabrot. epist. ad Salmaf. t. 111. Thes. jur. civ. pag. 1267. dedere.

Erant vero Romæ potentissimæ publicanorum societates, non de plebe hominum, sed ex splendido ordine equestri, quæ publicos reip. redditus, a Censoribus & Curatoribus viarum, quæstus sui causa, conducebant, & tam in Urbe, quam in provinciis maxima auctoritate valebant, uti Viri Cl. Sigon. lib. 11. de jur. civ. Rom. cap. 4. & Burmann. de vectig. cap. 9. late ostenderunt. Cicero pro Planc. cap. 9. hoc ordine, ipsius amantissimo, florem Equitum Romanorum, ornamentum civitatis

tatis, & firmamentum Reip. contineri, ait, & pro lege Manil. cap. 7. viros illos ornatissimos, tanquam præsidia ceterorum ordinum & Reip. laudat. Seneca epist. 101. Senecionem Cornelium, equitem Romanum splendidum & officiosum, *ad publica* quoque accessisse, scribit, id est ad vectigalium redempturas. Appian. Bell. Civ. 11. p. 435. *Equestris ordo potens, tam propriis divitiis, quam quæstu ex vectigalibus publicis, quæ redimere a populo solitus.* Hi vero vectigalia integrarum provinciarum conductæ, per partes sublocabant, vel opera ministrorum & servorum suorum utebantur. Isti, ut rem facerent, plerumque in provinciis ultra constitutum exigebant, quantum possent, ideoque de eorum rapacitate, avaritia & delatoria curiositate non modo scriptores profani, sed & sacri queruntur. Matth. xviii. v. 17. xxi. 32. Luc. iii. v. 12. 13. xv. v. 1. & Baba Kamma cap. x. §. 1. vetat pecunias permutari ex arca publicanorum, quia erant ipsius rapinæ. Apud Græcos notum est illud Comici: πάντες τιλῶναι, πάντες εἰσιν ἄρπαγες, unde desumptum, quod Plutarchus in Lucullo, cum Harpyjis eos comparavit. Theocritus interrogatus quænam essent sævissimæ feræ? In montibus, inquit, ursi & leo-

leones, in urbibus publicani, auctore Stobæo lib. 11. De portitoribus Cicer. lib. 1. de Off. cap. 42. *Improbantur hi quæstus, qui in odia hominum incurrunt: uti portitorum, ut fœneratorum.* Augebatur odium ob curiositatem, an merces illicitæ essent, vel improfessæ. Nonius in portitores: *Portitores sunt telonarii, qui portum obsidentes omnia sciscitantur, ut ex eo vestigal accipiant.* Non mitius de M. Postumio & L. Pomponio publicanis sentit Liv. lib. xxv. cap. 3. *quod fraude avaritiæque parem in civitate neminem habuerint.* Alia pulchra Radulphus Fornarius congeffit lib. VI. Rer. quot. c. 12. sed rem omnem obfignabit Ulpian. in l. 12. D. de publican. ita scribens: *Quantæ audaciæ, quantæ temeritatis sint publicanorum factiones, nemo est, qui nesciat: idcirco Prætor, ad compescendam eorum audaciam, hoc Edictum proposuit.*

Satis igitur causæ habuit Prætor, cur novam actionem ordinariam daret, si quid publicani vel familia eorum vi ademissent, aut plus exigendo damnum injuria furtumve fecissent, intra annum in duplum, cui res inest, post annum in simplex l. 1. pr. & §. pen. l. 5. §. 1. l. 12. §. 1. 2. D. de publican. Gravior illa est, quam actio damni injuria, mitior quam vi bonorum rapto-

raptorum aut furti, de qua Ulpianum lib. 38. ad Edictum egisse capite præcedenti vidimus. Sed non ideo minus si furtum factum aut vis adhibita sit, actionibus furti aut bonorum raptorum tenentur, *l. 1. §. 3. 4. l. 9. §. 5. D. eod.* unde titulus de publicanis in Edicto proxime juxta materiam de furtis est collocatus. Harum imitatione, vel si mavis ad exemplum Exodi xxii. vs. 1. Zacchæus publicanus, judicis personam in se sumens, quadruplum pretium restituit. Luc. xix. vs. 8. Plures publicani tenentur singuli pro rata, ut tamen unius inopia alios oneret, ex rescripto Severi & M. Antonini *l. 6. eod. l. 46. §. f. de jure fisci.* Dupli pœna evitari potest restitutione ejus, quod supra modum exactum, ante sententiam facti *l. 1. pr. & §. 4. l. 5. D. de publican.* id quod admissum videtur, ne homines a conducendis vectigalibus deterrerentur; cum alias nemo pœnitentia sua nocens esse desinat. Si familiam suam, id est cœtum fervorum sibi subjectorum, qui damnum, furtum aut vim fecit, non exhibeant, in solidum suo nomine, sine noxæ deditione conveniuntur, quod proprium est hujus Edicti *l. 1. §. 6. eod.* nam quia poterant & debebant bonos servos ad hoc ministerium eligere, culpa eorum

præsumitur, & quali ex delicto punitur.
l. 3. pr. eod.

Hoc amplius summa publicanorum audacia, & vigor publicæ disciplinæ postulavit, ut aliquando extra ordinem plecterentur *l. 9. §. 5. de publican.* Apte Tacitus lib. xiiii. Annal. cap. 51. tempus introductæ hujus animadversionis signat: cum enim publicani, Neronis tempore, suppressa lege, sive formula conductio- nis, nova indies nomina exactionibus il- licitis invenirent, atque iter facientibus longe plus, quam publice erat constitu- tum, extorquerent, is temperandas cen- suit eorum cupidines, ne per tot annos sine querela toleratas novis acerbitatibus ad invidiam verterent. *Edixit ergo, ut leges cujusque publici occultæ ad id tempus proscriberentur: omissas petitiones non ul- tra annum resumerent: Romæ Prætor; per provincias, qui pro prætore aut con- jule essent, jura adversus publicanos extra ordinem redderent.* Hæc vero cum bre- vi servata, dein frustra haberentur, ideo M. Antoninus Philosophus viarum cura- toribus coërcitionis potestatem dedit, auctore Capitolino ej. vita cap. xi. *De- dit præterea Curatoribus regionum ac viarum potestatem, ut vel punirent, vel ad Præfectum Urbi puniendos remitterent*
 eos,

eos, qui ultra vectigalia quicquam ab aliquo exegissent. Adde quod ex legē Julia de vi publica tenentur, qui nova vectigalia exercent *l. fin. D. ad leg. Jul. de vi publ.*

Vectigalis vox late patet, & decumas, scripturam, vicesimam hereditatum, quadragesimam litium, quinquagesimam, centesimam & ducentesimam rerum venalium complectitur; nobis autem hoc loco proprio significato notat pensionem, quæ pro mercium vectura, aut transitu, in via publica, itinere vel pontibus solvitur. Jus imponendi vectigalia imperio civili inest, sed gravem olet dominatum, si modus excedatur citra necessitatem *l. 10. D. de publican. l. 2. C. vectig. nov. inst.* Justitia eorum pendet vel ab impenſis, quas Remp. in viarum, portuum & riparum munitionem infumere oportet; vel a securitate, quæ mercibus præstatur; vel denique a solo transitu & facultate commercii in territorio alieno: quæ tria tribus hodie vocabulis distinguuntur. vid. Grot. lib. 11. cap. 2. §. 14 & Pufend. lib. 111. cap. 3. §. 7. quæque Cl. Barbeyracus ad utrumque annotavit. Necessitas porro vectigalium tanta est, ut iis amissis & pacis ornamenta, & subsidia belli requirantur, auctore Tullio pro lege Manil. cap.

2. Idem contra Rullum cap. 18. *nervos* appellat populi Romani; sicut Ulpianus, in l. 1. §. 20 *D. de quaest. in tributis reip. nervos* esse dixit: quemadmodum enim in nervis robur est membrorum, quibus incisis ea fiunt inutilia, ita amissis vectigalibus amittitur civitas, & *dissolutionem imperii sequi, si fructus, quibus Resp sustinetur, deminuantur*, ajunt Senatores, stultum Neronis impetum attinentes, apud Tacit. lib. XIII. annal. cap. 50. Pertinacem vero remisisse vectigalia, quæ in portibus, ripis fluminum & in itinere exigebantur, testis est Herodianus lib. 2. cap. 4. de cujus fide tamen dubitari posset, nisi exactiones superiorum tyrannorum immodicas sublatas fuisse putes. vid. Cl. Burmann. de vectig. cap. 5.

Apud Romanos alias quandoque vectigalium species ex rebus turpibus vel sordidis exactas nollem, ab ipsa vero æquitate depromptum est, quod res necessarii ac domestici usus, vel agriculturæ, vel exercitus causa comparatæ, fuerunt immunes l. 4. §. 1. l. 9. §. pen. *D. de publican. l. 5. C. de vectig.* Contra quicquid negotiationis causa habetur; imprimis vero merces peregrinæ, quæ ad luxum & voluptatem importantur, vel exportantur ad peregrinos, obnoxie fuerunt. Julium Cæ-

Cæsarem discriminis ejus auctorem laudat Sueton. ej. vit. cap. 43. *Peregrinarum mercium portoria instituit.* Catalogum illarum mercium, fatis difficilem dedit Marcianus in *l. ult. § 7. D. de publican.* in quo explicando Salmasius, Vossius & felicior Ill. Bynkershoek lib. 1v. Obs. cap. 5. laborarunt. Solvitur vectigal in itinere; hinc quæstio Ulpiani de marito, qui pro uxore sua *vectigal, quod in itinere præstari solet*, solvit in *l. 21. pr. D. de donat. int. vir. & ux.* etiam in transitu pontis, redemptores portorium exegisse, ex Labéone discimus in *l. 60. §. 8. D. locat.* Sic pro Rheni transitu exigebant Romani, Tacit. iv. Hist. cap. 65. Seneca de const. sap. cap. 14. *cogitans & in pontibus quedam pro transitu dari.* Aimoinus *pontaticum* vocat lib. v. cap. 1. alii apud du Frene in Gloss. *pontagium* & *pon-tonagium* eadem notione dixerunt. Quantitas vectigalis, quod portorii nomine exigebatur, postremis temporibus fere erat octava mercium pars, *l. 2. C. de eunuch. l. 7. C. de vectig.* unde portitores *octavarii* dicti *l. 8. C. eod.* qui ope stationariorum & urbanorum militum vectigal exigebant *l. 34. §. 1. D. ex quib. caus. maj. l. 5. C. de vectig.* antea vero ordinarium quadragesimæ portorium fuisse videtur,

de quo Quintilian. declam. 359. *Præter instrumenta itineris omnes res quadragesimam publicano debeant: publicano scrutari liceat; quod quis professus non fuerit, perdat.* Symmachus lib. v. Epist. 63. *Quadragesimæ portorium, sive vectigal, non recte poscitur a Senatoribus Candidatis.* Plura vide apud Cujac. lib. vi. Obs. cap. 28. Reines. ad cl. ix. inscr. 36. Spanhem. de Præst. & usu. diff. xiii. pag. 549. & cujus præcipua diligentia commendanda est, Cl. Burmann. de vectigal. cap. 5.

Illud vero obscurius nonnullis visum fuit, quod publicanus ne mortuis quidem pepercerit: Macer enim in l. 37. *D. de religios.* funeris impensam esse dicit, quicquid corporis causa, antequam sepeliatur, consumptum est, ut si qua *vectigalia* sunt, sarcophagi & vectura. Ita Florentiæ legitur; sed apud Haloandrum est *vestiaria* quem Leunclav. lib. ii. Notat. n. 36. & Elbertus Leoninus lib. iiii. Emend. cap. 10. secuti sunt, tum quia Græci τὴν ἔσθυσιν vertunt; tum quia hujusmodi vectigal nulla lege institutum reperitur, nullo antiqui auctoris suffragio confirmetur, & favori cadaverum sepeliendorum sit contrarium, quæ non nisi permissu Pontificis, vel jussu Principis, in alium, quam ubi defun-

defunctus obierit, locum transferre licuerit *l. 8. l. 14. D. l. 1. C. de relig.* Verum ex constitutione contraria, a Cujacio lib. xi. Obs. cap. 21. restituta, liquido apparet, vectigalia in itinere, olim pariter ac hodie, præstanda fuisse, dum corpus ex uno loco deferretur in alium; adeoque allurgendum esse auctoritati libri Medicei. *In nullo quopiam loco vectigal ab aliqua persona pro corporibus ex uno in alium locum translatis præstetur, l. ult. C. de religios.* Idem quoque lib. v. Obs. cap. ult. Florentinam lectionem ex Basilicōn lib. 59. firmavit, in quibus τὸ τέλος, ἢ ἡ σφεδρὴς, καὶ ἡ σελή legitur. Adde Rad. Forner. lib. 111. rer. quot. cap. 6. Lips. lib. 1. Elect. cap. 6. & 9. Guth. de jur. man. lib. 111. cap. 19. & Kirchman. de fun. lib. 111. cap. 25.

CAPUT VIII.

DE INTERDICTIS PRÆTORUM VIARIIS,
ET DE VIA REFICIENDA.

Quinque Prætorum interdicta ad vias publicas pertinentia; cui quedam vicina de fluminibus adjiciuntur. l. 42. D. de proc. à Græcorum errore liberata. Sensus Legis Decemviralis de via immunita, apud Ciceronem. Via militares communiter sumtibus ærarii vel fisci stipendis munita. Dio Cassius adversus Casaubonum defensio. Aliquando Magistratus vel privati de sua pecunia eas sterni curaverunt. Via vicinales constructæ per magistros pagorum, operis & nummis possessorum, quibus τὴν ἰδοιμότητα, & collatio viarum injungebatur. Quid sit viam exigere. Onus hoc omnibus incumbere, nec inter sordida munera, sed nobilissima relatum. Levabant illud milites legionarii, & damnati in opus publicum viarium, & legata in tutelam viarum relicta. l. 30. D. de leg. 2. explicata. Jus Francorum, Langobardorum & Anglorum hac de re vetus & podiænum.

Per-

Pergamus nunc ad interdicta & prohibitoria & restitutoria, quæ Prætores, juris publici tuendi causa, promiserunt omnibus, quorum interest, ut usus viarum & fluminum publicorum pateat sine impedimento. Et primum quidem interdictum prohibitorium est, quo tam publicis, quam privatis utilitatibus prospicitur: *Ne quid fiat in via, itinere, aliove loco publico, quod auctori nocere possit, & uti caveatur non fieri. l. 2. pr. & §. 18. D. ne quid in loc. publ.* Alterum prohibitorium cuivis e populo datur: *Ne quid fiat vel immittatur, in via publica itinereve publico, quo ea via idve iter deterius sit, fiat, d. l. 2. §. 20.* Hoc interdictum tantum ad vias extra urbem pertinet; si quid vero in urbana via fiat, effodiendo, construendo, & morticina projiciendo, ei rei Ædiles occurrunt, nec cuilibet necesse est ire ad interdictum *d. l. 2. §. 24. junct. l. un. D. de via publ. & si quid.* Tertium restitutorium est: *Ut quod in via publica factum immissum quis habet, quo via illa iterve deterius sit, restituatur, d. l. 2. §. 35.* Datur hoc cuilibet contra possessorem hujusmodi operis, eumve, qui dolo malo possidere desit, non contra eum, qui fecit vel immisit *d. l. 2. §. 37. 38. 42.* Quar-

tum prohibitorium est: *Ut ne cui vis fiat, quo minus in via publica vel itinere ire agere liceat*, d. l. 2. §. 45. Hoc quoque populare est, sed quasi privatæ actionis dari potest procurator l. 42. *D. de procurat.* ubi Græci pro *via publica*, *περι βίας δημοσίας*, quibus refellendis vel l. 6. *D. ne quid in loc. publ.* & l. 14. *D. de injur.* sufficiunt. Eodem nomine datur quoque actio injuriarum l. 13. §. f. *D. de injur.* & Paul. lib. v. *sent. tit. 6. §. 2.* ait sollicitudinem hujus rei ad viarum curatores pertinere. Quintum interdictum prohibitorium rursus & omnibus, & in omnes datur: *Ne vis fiat ei, qui viam publicam iterve publicum reficere velit*, l. 1. *D. de via publ. & itin. publ.* Reficit autem & qui *aperit* viam, id est ad veterem altitudinem latitudinemque restituit, & qui *purgat*, id est ad libramentum proprium redigit, sublato eo, quod super eam esset. His adjungi debent interdicta prohibitoria & restitutoria, quibus Prætor navigantibus prospicit, & ripam munientibus: *Ne quid in flumine publico ripave ejus fiat, quo statio iterve navigio deterius sit.* Item: *quod factum est, vel immissum, ut restituatur* l. 1. pr. & §. 19. *D. de flumin.* Rursus *Ne vis fiat ei, qui navigat in flumine*, nec ei: qui *refi-*

reficit & munit ripam fluminis agrive, qui circa ripam est, l. 1. D. ut in flum. & l. 1. D. de ripa mun. Usus autem est Prætor in edictis hisce plus semel voce *itineris* de navi, ut alii Veteres supra laudati pag. 255. quibus accedat Ovidius lib. 1. Fast. vs. 4. & vi. 484. *dirige navis iter.*

Cum itaque viæ publicæ civium & peregrinorum usibus inserviant, & cuilibet permittatur in publicum petere, quod ad omnes pertineat, idcirco æquum est, ut munitio & resectio viarum & itinerum publicorum de communi fiat, *quia usum utilitatemque habent communem*, ait Ulpian. in l. 2. §. 22. *D. ne quid in loco.* Antiquissima lex de via munienda est XII. Tabularum, qua possesores viam pro modo & latitudine agrorum munire tenentur. Meminit ejus Cicero pro Cæcin. c. 19. *Lex jubet, si via sit immunita, qua velit agere jumentum: Potest hoc ex verbis intelligi, licere, si via sit in Brutiis immunita, agere, si velit, jumentum per M. Scauri Tusculanum.* Verba autem Decemvirorum in tab. 8. hæc fuisse putat Jac. Gothofredus: SI VIA AMSEGETES IMMUNITA ESCIT, QUAE VOLET, JUMENTUM AGITO. Amsegetes autem dicuntur, quorum ager viam
tan-

tangit, auctore Festo. οἱ πλησιάζοντες γείτονες
 in Eclog. Digest. Marcilius hanc legem
 ad jus viæ privatæ, qua servitus est, pro-
 prie referendam existimat, sed Jac. Go-
 thofredus ei obstare ait, quod Julianus
 Imperator in l. 2. C. Th. de itin. mun.
 eundem morem priscum ad publicas refer-
 re videtur: *In muniendis viis justissimum
 æquitatis cursum, reliquit auctoritas: sin-
 guli enim loca debent quæque sortiri, ut
 sibi consulant, vel negligentia vel labore.
 Igitur eos loca, juxta morem priscum de-
 legata curare oportebit.* Optime Sicu-
 lus Flaccus de condit. agror. pag. 9 vias
 publicas a vicinalibus distinguit, cujus ipsa
 verba, quia rem accurate exponunt, ad-
 scribere non pigrabor. *Non una, inquit,
 omnium viarum est conditio: nam sunt viæ
 publicæ regalesque, quæ publice muniun-
 tur, & auctorum nomina obtinent: nam
 & curatores accipiunt, & per redempto-
 res muniuntur: in quarundam tutelam a
 possessoribus per tempora summa certa exi-
 gitur. Vicinales autem viæ de publicis,
 quæ divertuntur in agros, & sæpe ad al-
 teras publicas perveniunt, aliter muniun-
 tur per pagos, id est per magistros pago-
 rum, qui operas a possessoribus ad eas tuen-
 das exigere soliti sunt, aut, ut comperi-
 mus, unicuique possessori per singulos agros
 certa*

*certa spatia assignantur, quæ suis impensis
tuentur*

Quid Decemvirorum tempore obtinuerit, non temere dixerim: Forſan autem à vero non abludemus, ſi ſingulas urbes & provincias creſcentis Imperii Romani ad viarum novarum & militarium muniti-ones, ſumtus & operas contuliſſe dicamus; neque enim æquum erat, ut ſoli agrorum viæ contiguorum domini onus illud ſuſtinerent, cum vectigal in fiſcum redigeretur. Utique Cenſores, quemadmodum alia opera publica, ſic etiam vias ſternendas marginandasque ære publico locarunt; neque veriſimile eſt Appium Claudium viam cognominem, longitudine & præſtantia operis nobiliſſimam, de ſuo cenſu muniviſſe: nam ſterni eam curavit a porta Capena uſque ad urbem Capuam, lapide duriffimo, eoque non obvio, ſed ἐν χείρας ἄλλης μακρὰν ὄσης, ex longinqua regione adveſto, grandiore & ad normam caſo, adhæc tanta latitudine, ut adverſa inter ſe plauſtra libere commeari poſſent, auctore Procop. lib. 1. Bell. Goth. c. 14. Sub occupata republica Principes alii de fiſco ſuo, alii de ærario ſumtus illos fecerunt; nec deſuerunt Magiſtratus, collegia, & cives privati, qui pietatis cauſa, **SUA PECUNIA** vias feciſſe

cisse aut refecisse in lapidibus literatis laudantur, apud Cl. Bergierium lib. 1. sect. 15. & 24. Unus nobis sufficiat Dio Cassius lib. 53. *Augustus, quum videret vias, extra urbem aliquandiu neglectas, itinera difficilia exhibere, reliquas Patribus quibusdam propriis sumtibus reficiendas mandavit, Flaminiam, quia ea ducturus erat exercitum, ipse procuravit, etque ea statim instaurata, ac ob id statuae Augusto in fornicibus, tam in ponte Tiberino, quam Arimini sunt posite. Reliquæ viæ posteriori tempore resectæ, sive publicis (neque enim Senatores libenter sumptus faciebant) sive ipsius Augusti sumtibus hoc factum quis dicere velit.* Quod ait, Senatoribus quibusdam curam viarum propriis impensis mandatam, suspectum habet Casaubonus & Suetonio magis credit, ita scribenti lib. 11. c. 30. *desumpta sibi Flaminia via Arimino tenus munienda, reliquas triumphalibus viris ex manubiali pecunia sternendas distribuit.* Hærent quoque alii, sed nihil video quid nos moretur, si tempora distinguamus. Dio ait, patribus ditioribus A. V. 727. vias quasdam veteres propriis sumtibus *reficiendas*; postea vero, ob tarditatem eorum, aliis eas publica pecunia curandas datas esse. Suetonius vero viros triumphihonore illustres,

stres, vias novas ex hostili præda *sternendas* accepisse scribit. Ad eos, qui suo ære viam jussu Augusti curarunt, pertinet Valerius Messala, cujus diem natalem & triumphum eodem illo anno 727. Tibullus celebrat lib. 1. eleg. 8. vs. 57.

Nec taceant monumenta viæ, quem Tuscula tellus,

Candida quem antiquo detinet Alba lare.

Namque opibus congesta tuis hic glarea dura

Sternitur: hic apta jungitur arte silex.

Diversa autem ratio fuit viarum vicinalium muniendarum, & tam harum, quam militarium reficiendarum: magistri enim pagorum hunc in finem operas, aut nummos, vel utrumque a possessoribus exigebant, aliquando etiam unicuique certa spatia adsignabant quæ suis impendiis tuerentur. Antiqui hoc *exigere viam* nuncupabant, interprete Alconio, in III. Verrin. Græcis recentioribus *ιδιογενεία* lib. 54. Basil. pag. 456. & *νεφύρα ἀνάγκης* Leoni Imp. in Tacit. c. 2. §. 71. Jurisconsultis vero nostris *collatio viarum* muniendarum vel sternendarum appellatur, in l. 27. §. 3. D. de usufr. l. 13. §. 6. D. de act. emti. l. 2. §. 22. D. ne quid in loc. publ. l. 6. C. de pign. & hyp. Constantinus in l. 1. C. de collat. fund. ait: *Emphyteutica-*
rii

rii possessores, sicut ceteri Provinciales, obsequium suum itineribus muniendis impendant: nulla enim ratione debent ad hoc, quod in commune profuturum est, sejungi. Honorius quoque & Theodosius in *l. 2. C. de immun. nem. conc* Per Bithyniam ceterasque provincias possessores in reparatione publici aggeris, & ceteris bujusmodi muneribus, pro jugerum numero vel capitum, quæ possidere noscuntur, dare cogantur. Munus hoc non personæ, sed patrimonii erat, *l. 14. §. 2. D. de mun. quod possessionibus indicebatur, nemine excepto. Paul. lib. v. sent. tit. 6. §. 2. l. 4. C. Tb. de itin. mun.* adeo ut nullum privilegium tribuerit exceptionem *l. 11. D. de vacat. & excus. l. 2. C. de immun. nem.* nec muneris publici vacatio *l. 12. D. de mun. & bon. nec veterani excipiantur l. 4. D. de veteran. nec Ecclesiæ l. 7. C. de sacros. Eccl. Nov. 131. c. 5. nec divinxæ domus l. 4. C. de privil. dom. Aug.* Ante Theodosium quidem *descriptions ad viarum & pontium constructionem*, ut Julianus Antecessor appellat constit. 118. §. 5. propter barbarorum invasiones & viarum vastitates, inter munera sordida fuerant, *l. 15. & 18. C. Tb. de extraord. sive sord.* is vero in *l. 6. C. Tb. de itin. mun.* eas inter nobilissima opera numeravit,

vit: *Absit, ut nos instructionem viæ publicæ, & pontium stratarumque operam, titulis magnorum Principum dedicatam, inter sordida munera numeremus.. Igitur ad instructiones reparationesque itinerum pontiumque nullum genus hominum, nulliusque dignitatis ac venerationis meritis cessare oportet. &c.* Nobilia quoque sunt verba Valentiniani III. Nov. 21. quibus negat hoc onus contumeliosum esse, sed contra rationem inventum nomen munerum fordidorum, quo instauratio militarium viarum, per quas ad splendorem publicum pervenitur, quarum adminiculo status imperii floret, & sine quibus nihil necessarij operis effici potest, prava appellatione censeatur. Plura vide apud Cujac. & Aïmay. ad l. 4. C. de priv. dom. Aug. Brisson. lib. III. sel. ant. cap. II. Merill. lib. VI. Obs. cap. 13. & Jac. Gothofred. tom. 5. C. Th. pag. 344.

Onus hoc levabant non modo milites legionarii, quorum proprius labor fuit vias militares tempore pacis munire, ne otio torpescerent, ut supra vidimus p. II. cap. 2. pag. 330. sed etiam facinorosi, qui propter crimina ad opus viarum publicum, ad tempus vel perpetuo erant damnati. Sueton. de Caligulæ sævitia c. 27. *Multos honesti ordinis, deformatos prius stig-*

Ll

matum

matum notis, ad metalla, aut ad viarum munitiones, aut ad bestias damnavit. Trajanus vero munitiones viarum ad ministeria refert, *quæ non longe a pœna sint,* ad Plinium lib. x. epist. 41. *Solent enim ejusmodi, ante annos decem damnati, ad balinetum, ad purgationes cloacarum, item munitiones viarum & vicorum dari.* Præterea cives quidam, egregii publici amantes, partem suorum bonorum ultro in opus hoc publicum impendebant donationibus, vel tabulis supremis legabant; cujus rei nobile exemplum est in l. 30. *D. de leg. 2.* ubi Celsus quendam in testamento ita scripsisse refert: *Reipublicæ Graviscanorum lego in tutelam viæ reficiendæ, quæ est in colonia eorum, usque ad viam Aureliam.* Quærebatur an hoc legatum valerët, quia summa adscripta non est: sed placuit tantam summam videri legatam, quanta ei rei sufficeret, si facultates defuncti id patiantur. Hoc ratio jubebat & favor diverticuli reficiendi, quod in viam Aureliam incidebat, uti Cl. Cellarius Geograph. antiq. tom. 1. pag. 937. ex tabula Peutingeriana ostendit: tantum namque viarum publicarum studium erat, ut legati ad alia nummi hunc in usum verterentur. Ita cum Tiberius censeret, *ut Trebianis legatam in opus*

opus novi theatri pecuniam ad munitionem viae transferre concederetur, rata quidem mansit voluntas legatoris, Sueton. lib. 111. cap. 31. verum si refectio viæ necessaria erat, salubriter id concedi potuisset, *arg. l. un. C. de expens. lud. publ.* cum enim L. Terentius, 1111 vir I. D. monumentum fieri iusserat, licet ~~summa~~ ratio sit, quæ pro religione facit, tamen EA. PECUNIA. D. D. VIAE. STRATAE. SUNT. AB. ANNIA. AD. MURUM, apud Reines. cl. 2. n. 28.

Superioribus haud dissidentanea sunt, quæ Carolus M. sancivit Capit. lib. vi. c. 109. tom. 1. Baluz. p. 941. *Possessiones, inquit, ad religiosa loca pertinentes, nullam descriptionem agnoscant, nisi ad constitutionem viarum vel pontium, si tamen intra eadem loca habuerint possessiones. In aliis vero omnibus habeant integram immunitatem.* De eadem pontium emendatione solliciti fuerunt Pippinus, Ludovicus Pius, & Carolus Calvus apud eundem pag. 545. 612. 617. 668. & t. 11. pag. 70. Addo Aymoin. lib. v. cap. 14. & Monachum Sangallensem lib. 1. de gestis Caroli M. cap. 32. *Fuit consuetudo in illis temporibus, ut ubicunque aliquod opus ex Imperiali præcepto faciendum esset, siquidem pontes, vel naves, aut trajecti, sive pur-*

gatio, seu stramentum, vel impletio cœ-
 nosorum itinerum, ea Comites per Vica-
 rios & Officiales suos exequerentur, in mi-
 noribus duntaxat laboribus. A majoribus
 autem & maxime noviter exstruendis nul-
 lus Ducum vel Comitum, nullus Episcopo-
 rum vel Abbatum excusaretur aliquo mo-
 do. Cujus rei testes adhuc sunt arcæ pon-
 tis Magoncianensis, quem tota Europa
 communi quidem, sed ordinatissimæ parti-
 cipationis opere perfecit. Similia Legibus
 Langobardorum cauta leguntur lib. 111.
 tit. 1. §. 21. 26. 32. Merciorum quoque
 Rex Ethelbaldus, apud Ingulfum pag.
 853. neminem ab hoc onere immunem ef-
 fe voluit: *pontium & arcium instructiones
 nulli possunt laxari.* Matchæ. Paris. A.
 1244. scribit, in libertatibus Monasterio-
 rum Anglicanorum tria solere excipi,
 propter publicam regni utilitatem; *vide-
 licet expeditionem, pontis & arcis repa-
 rationes, vel refectiões, ut per ea resiste-
 rent hostium incurfibus.* Recentiora huc
 facientia vide apud Robert. lib. 11. rer.
 jud. cap. 3. le Prestre questions de droit
 cent. 1. ch. 32. Mev. ad jus Lub. lib. IV.
 tit. 1. art. 1. Matth. Obs. rer. Jud. 33.
 Lyncker. decis. 387. & Zahn. ichnogr.
 munic. c. 64.

CAPUT IX.

DE POENIS RAPTORUM, LATRONUM
ET PIRATARUM.

Omnis raptor fur improbus est & atrox, sed grassatores & expilatores nocturni extra ordinem coërcentur gravius. l. 28. §. 10. D. de pœn. & l. 1. §. 1. D. de effract. illustrata. Pessimum raptorum genus latrones, quorum duces quidam famosi. Gentes integræ latrociniis infames. Stationarii latronibus investigandis ab Augusto constituti. l. 1. §. 12. D. de off. Præf. urb. exposita & vindicata. Quid Irenarchæ & Latrunculatorum. Varia singularia in latrones eorumque receptatores. Cuilibet adversus eos arma ferre, eosque occidere licet. Crux, usitatum supplicii genus, a Constantino sublatum. Triboniani manus in l. 8. D. ad L. Corn. de fals. 28. §. pen. D. de pœn. aliisque. Bestiis latrones obiecti. Nulla supplicii dilatio, ad l. 18. C. de pœn. Pœna piratarum, & eorum, qui naves expugnant. Naufragorum bona fisco addicere injustum.



ordo nos ducit ad pœnas raptorum & latronum, qui ferro armati, vel sine armis pacem publicam & securitatem viarum turbant, atque ideo *improbi fures & atrociores* appellantur *l. 14. §. 12. D. quod met caus l. 1. §. 1. D. de effract. l. 2. §. 10. D. de vi bon. rapt.* Adversus hos Prætor proposuit actionem mistam, quadrupli intra annum, post annum simpli; *l. 2. §. 22. seq. D. de vi bon. rapt.* ex lege Julia de vi publica & privata prodita est gravior accusatio criminalis *l. 5. §. 2. l. 6. D. ad L. Jul. de vi publ.* denique grassatores & expilatores nocturni extra ordinem coercentur. Callistratus *l. 28. §. 10. D. de pœn.* ait: *Grassatores, qui præda causa id faciunt, proximi latronibus habentur; & si cum ferro adgredi & spoliare instituerunt, capite puniantur; utique si sæpius atque in itineribus hoc admisserunt.* Grassatores sunt, qui non gradiuntur, sed cum impetu grassantur ad rapinam. Suetonius cum sicariis eos conjungit lib. i. cap. 72. & palam succinctos ferro, quasi tuendi sui causa, raptosque per agros viatores ergastulis supprimentes, nobis depingit lib. 11. cap. 32. Petronius cap. 82. & Gell. lib. xx. cap. 1. *nocturnos* appellarunt. Juvenalis sat. 111. vs. 305.

Inter

*Interdum ex ferro subitus grassator agit
rem,*

*Armato quoties tutæ custode tenentur
Et Pomptina palus & Gallinaria pinus,
Sic inde huc omnes tanquam ad vivaria
currunt.*

Expilatores vero dicuntur caprimulgi & carinatores, qui redeuntes a cœna puellasve obvias noctu vestimentis spoliunt, stuprant atque nudant, furibus tanto deterioribus, quod vix pilum relinquunt, l. 16. §. 6. D. de pœn. οἱ τὰς ἀνθρώπους ἐκδύοντες ὡς τραχύτεροι τῶν κλεπτῶν ὑπάρχοντες, Basilica habent in l. 1. §. 1. D. de effract. & expil. Hi si vilioris conditionis in opus publicum perpetuum vel temporarium dabantur, honestiores ordine ad tempus movebantur, vel fines patriæ excedere jubebantur d. l. 1. ubi Haloander edidit: *Expilatores, qui sunt atrociores fures, hoc est* λωποδύται: Budæus legit συλαγωγοί, Alciatus τοιχώρυχοι: at Florentiæ nulla vox Græca reperitur, & melius Cujac. lib. XV. Obs. c. 31. & XXVII. Obs. c. 30. ex Aristophane & Oppiano eam illustravit. Juven- tus enim Attica, luxu corrupta, hujusmodi expilationibus & grassationibus nocturnis pacem turbabat frequenter, ut ex Plauto patet Amph. I. 1. vs. 2. Trin. II. 2. vs. 34. & Sticho, IV. 2. vs. 26.

Ll 4

Non

*Non tu scis, quam afflictentur homines
noctu hic in via?*

Pessimum vero hominum genus sunt latrones, qui cædem cum rapina in viis publicis conjungunt, ideoque judicio etiam publico legis Corneliæ tenentur *l. 1. D. l. 2. 3. 4. C. ad l. Corn. de sic.* Horum quidam erant famosi, & duces suæ factionis, criminis causa sociatæ, *l. 28. §. 15. D. de pan. l. 6. D. de appellat.* ut Bardylis Illyrius, & Viriathus Lusitanus, Cic. 11. de off. cap. 11. Barrabas, Matth. XXVII. v. 16. Corocatta Hispanus, Dio lib. 56. Tacfarinas Afer, Tacit. 11. Ann. cap. 52. Ælianus & Amandus, Oros. lib. vii. cap. 25. Palsurius, Vopisc. in Probo c. 16. & Barsaboras denique, de quo Jac. Gothofred. in dissert. ad *l. 13. C. de fidej.* Sed integræ quoque gentes & nationes efferatæ latrocinari atque prædas agere in externos, nullo bello indicto, pro licito habuerunt; postquam memoria cognationis inter nos natura constitutæ, & instinctus communis ad societatem, & regula juris naturalis, hominem homini insidiari nefas esse, malis moribus ex parte quasi esset oblitterata. Indicat hoc ipsa vox *hostis*, quæ veteri Latio nil nisi externum notabat, Cic. 1. Off. c. 12. Thucydides lib. 1. c. 5.

καὶ ἐχούσθαι πῶς αἰσχύνει τὸν ἑαυτοῦ, φέροντας δὲ τὴν
δόξαν

• δόξης μάλλον. *Nondum infamiam habebat id vitæ genus, quin potius laudi ducebatur.* De Germanis Cæsar lib. vi. de Bell. Gall. 23. *Latrocinia nullam habent infamiam, quæ extra fines cujusvis civitatis fiunt.* De Isauris Strabo, de Lusitanis Dio, de Asturianis l. un. C. Tb. de Asturian. de aliis Grot. lib. 11. de J. B. & P. c. 15. §. 5. l. 111. c. 3. §. 2. & Pufend. lib. viii. de J. Nat. & Gent. c. 6. & 10. sunt adeundi. Omnibus jus videbatur, extra fines suos ubicunque deprehensos, sine discrimine occidere, & quibus vitam non auferrent, dedisse jactabant: sed mitigatis moribus, latrocinium ad solitudines magis & silvas relegatum est, vid. l. 5. D. ad L. Pomp. & quæ ad eam scripsit Freher. lib. 1. verif. c. 22.

Latronibus investigandis & comprehendendis varii olim diversis nominibus præpositi fuerunt. Et primi quidem *stationarii* milites, quum multi latrones per Italiam post bella civilia grassarentur, ab Augusto instituti sunt: *grassatores, dispositis per opportuna loca stationibus, inhibuit*, ait Sueton. lib. 11. cap. 32. Tiberius deinde, tuendæ pacis a grassatoris ac latrociniis, *stationes militum per Italiam solito frequentiores, disposuit*, auctore eodem lib. 111. cap. 37. Dispositæ etiam sunt in provinciis: Tertullian.

Apologet. cap. 2. *Latronibus vestigandis per universas provincias militaris statio sortitur*: & ita inter Æliam & Hierichum, in loco latrociniis infami, politam fuisse stationem, ob auxilia viatorum, ex Eusebio de loc. Hebr. Cujacius docuit lib. XIX. Obs. cap. XI. Apulej. item lib. VII. Metam. totam latronum factionem *Hemimilitarium vexillationem indagatu*, confectam esse scribit. Frequens horum militum in legibus est mentio, l. 1. §. 2. l. 4. D. de fugit. l. 8. C. d. accus. l. 1. C. de curios. vel station. sed eminent inter reliquas l. 1. §. 12. de off. Præf. Urbi ex qua elici posse videtur, eodem Præfecto Urbi, ab Augusto instituto, apparuisse: *Præfectus Urbi debet dispositos milites stationarios habere, ad tuendam popularium quietem, & referendum sibi, quid in Urbe agatur*. Nimirum Præfecti Urbi officium erat, tueri quietem civitatis, vigilem omnium curam agere, & animadvertere in facinorosos, pacis publicæ turbatores, id quod sine manu militari multisque adjutoribus obtineri non potuit, l. 17. pr. §. 3. 4. D. de off. Præf. urb. Seneca Epist. 83. L. Pisonem, Urbis præfectum, *custodem Urbis*; Juvenalis sat. XIII. vs. 157. *Rutilium Numatianum Gallum custodem Gallicum Urbis* vocat; & Statius Papinius lib. 1. silv. 4. *Quem*

*Quem penes intrepida mitis custodia Romæ.
Pedo Mæcenatem, Urbis custodiæ præ-
positum, vigilem urbis Romanæ appellat,
in Epiced. Eleg. 1. & iterum ad obtrecta-
torem:*

*Num minus Urbis eras custos & Caesaris
obses?*

*Num tibi non tutas fecit in Urbe vias?
Nocte subobscura quis te spoliavit aman-
tem?*

Quis tetigit ferro, durior ipse, latus?

At scrupulum injicit Lipsius lib. III. Epist. quæst. 18. ubi per milites stationarios apud Ulpianum intelligit illos, qui in theatro aut circo ludorum tempore agebant, ad reprimendas populi turbas: *popularium* vero quietem accipit pro confellu theatri, qui popularia, ut Equeſtria equitum, dicebantur. Juvat hanc explicationem Tertulliani locus de ſpectac. c. 3. ubi *discrimina popularium per proclivum*, tum quod Ulpianus ante dixerat, quietem popularium & diſciplinam ſpectaculorum ad Præfecti Urbis curam pertinere, Briſſonius quoque *popularia ſpectacula publica* interpretatur: nec totus abit Cujacius lib. VIII. Obſ. c. 29. quum populares hic & in l. 28. §. 3. *D. de pæn. l. 4. C. de off. Præf. urb.* ad ſactiones agitatorum quatuor, quæ in Urbe erant, retu-

retulit, Nerio suffragante, lib. 1. analect. cap. 5. Mihi autem magis placet, ut cum Casaubono, ad Marcum Capitolini c. 17. Salmasio ad Spartiani Nigrum cap. 3. & Jac. Gothofredo ad Tertullian. Nat. lib. 1. c. 10. & ad l. 7. C. Th. de ann. civ. popularium nomine multitudinem populi urbanam, civesque militibus oppositos intelligamus. Stationarios quoque milites & in Urbe, & intra centesimum ab Urbe lapidem Præfecto apparuisse, ex Suetonio aliisque liquet.

Stationariis præfecti erant *Irenarchæ*, forte *ἰρηναρχαὶ* ἃς εἰρήνης ita dicti. Horum officium erat, ad provinciarum & itinerum tutelam, noxios prehendi jubere, & prehenso ad Præsides & Magistratus deducere; uti Polycarpum ab Herode irenarcha comprehensum, Nicephorus scripsit. Creabantur periculo Decurionum, & ex dispositione Præsidium l. un. C. de irenarch. Græci eos ad l. 6. D. de custod. reor. ita describunt: *ἰρηναρχοὶ οἱ τῆς τῆ δόξης ἐπιταξίας ἐπιστατῶντες*. Sunt qui eosdem præpositos pacis dici putarunt, in l. 49. C. Th. de decur. & l. 1. C. Th. de pign. Sed pagis legendum esse, ex l. 1. C. Th. de erog. mil. ann. Cujac. ad l. 9. C. de jure fisci, & Jac. Gothofred. ad tit. C. Th. de Hirenarch. monuerunt. Non absimiles his fuisse

fuisse videntur *Latrunculatores*, ad persequendos latrones a Principe missi, l. 6. §. f. *D. de judic.* quos Græci *λησδιοῦκται* vocant, Novell. 8. Meminit eorum Euseb. lib. 1v. cap. 15. & Augustin. epist. 159. 160. Præterea *defensores* civitatum, similes tribunis plebis, qui olim in Urbe, per omnes regiones, in quibus fera & periculi sui nescia latronum ferveret infania, disciplinæ & quotidianis actibus adesse jubentur l. 6. C. de defens. Decuriones denique latronibus investigandis operam dedisse ex l. 13. C. de fidejuss. discimus. Ne vero diu occultilaterent, crimen extraordinarium in eos, qui latrones recipiunt & celant, introductum est l. 1. D. de recept. cujus pœna fuit supplicium corporale, aut dispendium facultatum l. 1. C. de his qui latron. proximi namque sunt latronibus, a quibus latrones recipiuntur. *Hoc natura simile est, facere scelus & probare*, ait Quintil. decl. 255. Gelas. P. P. epist. 10. *Legibus certe vestris criminum conscios susceptoresque latrocinantium par judiciorum pœna constringit.* Capitularia Karoli M. tom. 1. Baluzii pag. 254. n. 24. *Si quis latrones receperit in sua potestate, & septem noctibus secum detinuerit, nisi ad præsentandum, nostrum bannum solvat, &c.*

Quo

Quo magis autem latronum furor ad perniciem publicam tendit, eo plura singularia, ad procurandam omnium salutem, in eos constituta sunt. v. c. quamvis Pompejus Magnus edicto prohibuisset ullum telum esse in Urbe, Plin. lib. xxxiv. Hist. Nat. c. 14. & lex Julia in agro aut villa arma haberi vetaret, ea tamen, quæ quis *itineris & tutandæ salutis suæ causa* gesserit, excipiuntur *l. 1. l. 11. §. 2. D. ad l. Jul. de vi publ.* Nam sicut Valentinianus in *l. 1. C. quando liceat unicuique* cunctis Provincialibus liberam resistendi facultatem recte tribuit: *ut quicumque militum vel privatorum ad agros nocturnus populator intraverit, aut itinera frequentata insidiis aggressionis obsederit, permissa cuicumque licentia, digno illico supplicio subjugetur; ac mortem, quam minabatur, excipiat, & id quod intendebat incurrat: melius est enim occurrere in tempore, quam post exitum vindicare;* ita tela & arma, quibus obviare oportet, cuilibet concedenda erant, adversus viarum obsessores & latrones publicos: nec enim hominis occidendi causa telum gerit, qui illud tuendæ salutis causa habet, Paul. lib. v. tit. 23. §. 7. neque placuit eum puniri, qui latronem, cædem sibi inferentem, occiderit, *l. 4. D. ad L. Aquil. l. 2. l. 4. C. ad L. Corn.*

L. Corn. de sic. Certe Apostolorum aliqui, Galilæi & Esseni, viri continentissimæ disciplinæ, iter fecerunt armati gladio, ob infestas latronibus vias, Luc. xxii. vs 36. Joseph. lib. 11. Bell. Jud. c. 12. & Cicero pro Milon. c. 4. *Gladios habere certe non liceret, si uti illis nullo pacto liceret.* Ovid. lib. 11. Trist. vs. 271.

Et latro, & cautus præcingitur ense viator,

Ille sed insidias, hic sibi portat opem.

Pœna famosorum latronum erat summa; quandoque bestiis in spectaculis objecti, ut de Isauris Ammian. lib. xix. fin. *In amphitheatrali spectaculo feris prædatricibus objecti sunt, præter morem,* de aliis Tertullianus scribit de spectac. c. 21. Aliquando flammis consumti, Augustin. lib. iii. de lib. arb. c. 9. *Crudelissimi latronis membra cum tali ignis supplicio confici adspicimus, approbamus ordinem legum.* Usitatum vero genus erat crux, supplicium etiam vilibus personis infame. Hoc vel exemplo illorum constat, qui cum B. Servatore nostro in crucem sublati sunt; quos Matthæus & Marcus *ληστές*, Lucas *κακίργες* nominarunt. Nota quoque sunt aliorum testimonia. Julius Firmicus lib. vi. Math. c. 31. *Homicidam, latronem efficiet; istic fac moribus comprehensus,*
pati-

*p*atibulo suffixus, in crucem & crudeliter erigitur. Seneca epist. 7. *Latrocinium fecit aliquis, quid ergo meruit? ut suspendatur.* Petron. cap. III. *Imperator provincie latrones jussit crucibus affigi.* Locum signat Quintil. décl. 274. *Quoties noxios crucifigimus, celeberrimæ eliguntur viæ; ubi plurimi intueri, plurimi commoveri hoc metu possint.* Causa est, ut unius pœna sit metus multorum: nam & Polybius, Plinio referente lib. VIII. c. 16. leones, ob hominum appetitus, crucifixos vidit; quia ceteri metu pœnæ similis absterrentur eadem noxa. Verum quia Constantinus hoc supplicii genus sustulit, auctore Nicephoro lib. VII. Hist. Eccl. c. 46. & Theodosius crucem pro signo venerandæ religionis Christianæ haberi rescripsit *l. ult. C. Th. de pagan.* ideo vox illa, beneficio Triboniani & sociorum, abest a Pandectis, furcæ nomine substituto, in *l. 3. §. 5. D. ad L. Corn. de Sic. l. 8. D. ad L. Corn. de fal. l. 9. §. 1. l. 28. pr. & pen. l. 38. §. 2. de pœn.* cum quibus si conferas Paulum *lib. v. tit. 17. §. 3. & tit. 22. §. 1.* & otiosam particulam *vel* in *d. l. 3.* & voces *summo supplicio* non satis apte in *d. l. 8.* pro cruce surrogatas consideres, de emblemate Triboniani non dubitabis. Idque Cujacius, Lipsius, Contius,

tius, Rævardus, Faber, Briffonius, Fornerius, & qui non alii? dudum viderunt.

Illud quoque ad singularia adversus latrones referendum est, quod non solum quadragesimæ, sed & ipsis Paschæ diebus quæstioni subjici possunt, cum facillime & in hoc summi numinis speretur venia, per quod multorum salus procuratur *l. 10. C. de feriis*. Pœna item non differtur in decimum diem, ut aliorum damnatorum, ex Senatusconsulto Tiberii tempore factò, Sueton. Tib. cap. 75. Senec. de tranq. vit. cap. 14. sed statim in eos animadverti præcipitur, ne Principis clementiam supplicationis vel alio quovis obtentu eis experiri liceat *l. 18. C. de pœn.* Neque regula quod reo capitis damnato quivis ex populo, pro eo etiam invito, appellare potest *l. 6 D. l. 29. C. de appellat.* in latronibus insignibus locum habet, quos damnatos statim puniri publice interest *l. 16. D. eod.* Prælidii porro latronem manifestum prius punire, deinde ad Principem scribere permissum, non pœnæ festinatione, sed præveniendî periculi causa *l. 6. §. 9. D. de injusto rupt.* Denique eos, qui a latronibus nominati, corruptis accusatoribus, diem suum obierint, ut confessos de crimine, non relinquere defensionem heredibus, *rationis*

Mm

esse

esse, Impp. rescripserunt, in *l. 2. D. de bon. eor.* Nihil speciale vero in latronibus hic agnoscit Cujac. lib. vi. Obs. c. 24. legitque *rationis non est*, crisi violenta, ideoque non immerito reprehensus a Roberto lib. i. recept. c. 37.

Latronibus similes sunt piratæ, & tanto peiores, quo magis ad summam remp. navium exercitio pertinet *l. 1. §. 20. D. de exerc. act.* harum enim cursibus suppeditantur omnes undique ad vitam copiar, multisque rebus fruimur, sub alieno sole natis, ut ait Cicero lib. ii. de Nat. Deor. cap. 60. In piratas ergo, ut publicos hostes, omnis homo miles est, maxime in mari, ubi judicia sunt nulla. Hinc Cæsar defendi potest, quod privatus adhuc, aut saltem legatus populi Romani, piratas, a quibus captus erat, cruci suffixit, cum Proconsul in eos non animadverteret, Vellej. Paterc. lib. ii. cap. 42. Justissima quoque severitate Prætor, præter criminalem executionem & pœnam corporalem, lege constitutam, specialem furti actionem proposuit in eum, qui ex naufragio, rate vel navi expugnata aliquid cepit, amovit, abstulit vel corrumpit dolo malo, intra annum in quadruplum, non ei tantum, cujus interest, sed etiam fisco *l. 1. seqq. D. de incend. ruin.* Ratio est, quia

quia reip. falus hoc modo evertitur cum detrimento privatorum: atque ita Athenis, qui vi abstulerat, & laeso & ærario tenebatur in duplum, auctore Demosthene, in Midiana. Claudius adhæc, rei nauticæ, ut Sueton. docet in ej. vit. cap. 19. studiosissimus, Senatusconsulto omnium rerum nomine eos teneri voluit, qui ex naufragio vel unum clavum abstulerint *l. 3. §. 8. D. eod.* Solebant enim ad utrumque latus esse gubernacula, uti Grotius in imaginibus Arateis ostendit; eaque vinculis navi annectebantur, quæ Lucas Act. xxvii. vs. 40. *ζευκτηρίας*, Latini *juncturas* vocarunt. Quinimo sicut Athenis, qui remum aliudve instrumentum navale suffuratus esset, capite, aut perpetuo exilio, aut publicatione bonorum luebat, uti Marcellinus in Hermogenem refert; ita Hadrianus de his, quos diripuisse probatum est, ut *de latronibus*, gravem sententiam dici jussit *l. 7. D. eod.* Antoninus denique unicuique naufragium suum impune colligere permisit *l. 12. D. eod.* Quod enim jus habet fiscus in aliena calamitate, ut in re tam luctuosa compendium scētetur? ait Constantinus *l. 1. C. de naufr.* etli quibusdam populis nunc placeat aulicorum Domitiani sententia, quos pungit Juvenalis Sat. iv. vs. 53.

*Si quid Palfurio, si credimus Armillato;
 Quicquid conspicuum pulchrumque est æ-
 quore toto
 Res fisci est, ubicunque natat.*

CAPUT X.

DE CÆDE VIATORUM EXPIANDA, ET DE
 DAMNO SPOLIATIS RESARCIENDO.

*Lex Mosis de populo lustrando, in cujus
 finibus latrocinium commissum, Deut.
 xxi. vs. 1. una cum aliis perperam a Ju-
 daeis explicata. Similis lex Draconis:
 aliæ leges Atheniensium adversus latro-
 nes: eorum ἀνδροληψία & φιλοξενία erga
 quoscumque. l. 4. D. de colleg. & corp.
 male accepta. Erranti viam non mon-
 strasse in diris. Eunomia legis Ægypti-
 acæ, aliis quoque gentibus probatæ, quæ
 punit eos, qui opem non tulerunt occiso.
 Leges veterum Italorum, Cymensium,
 Persarum, Insubrium & Anglorum, ut
 vicani damnum sarciant, raptore non
 prehenso. Magis teneri Magistratus,
 sive advenarum curæ sint præfecti, sive
 negligentes fuerint in latronibus inbi-
 bendis. Varia ejus rei exempla antiqua
 & recentia. Quando hodie territorio-
 rum*

rum domini damna resarciant viatoribus spoliatis, & quare.

Superioribus vicinæ sunt leges, ad cædem viatorum expiandam, & damna spoliatis resarcienda pertinentes, quas uno velut fasce complectemur. Primas suo merito damus legi Dei, populo Israelitico datæ, Deut. XXI. vs. 1. seqq. Quod si enim homicidium in agro esset commissum, cujus auctor, de civitate in civitatem gliscens, ignorabatur, Seniores, sive Judices, proximæ civitatis, reatum sanguinis expiare jubentur, postquam, ad demonstrandam sui suorumque innocentiam, ore & lotione manuum, coram sacerdotibus ad hunc actum vocatis, testati essent, se insciis cædem esse factam: nam quia populi peccatum in Rectores redundat, qui non satis cavent, ne quid criminis committatur, opus erat solenni ritu, quo se suosque cives a sceleris culpa purgarent, istaque placulari victima quasi significarent ita se occisuros homicidam, si detegatur, omnemque se moturos lapidem, ut is prehendatur. De lotione manuum, innocentiae symbolo, apud gentes, vid. Grot. ad Matth. XXVII. vs. 24. & Jurisprud. meam symbol. Ex. II. c. 8. Lex non distinguit inter

Gentilem & Israëlitam, sed illum pariter ac hunc diligere jubet, atque ab opprimendo eo abstinere Exod. XXII. vs. 21. Levit. XIX. vs. 34. Num. XV. vs. 16. at Judæorum magistri perperam hæc ad peregrinum justitiæ tantum & peregrinum inquilinum restrinxerunt, abunde satis se officiorum partes implevisse credentes, si iis præceptis paruisent, quibus civitas eorum continebatur; reliquos vero bestiarum numero habebant, pulchro prætextu scilicet, quod lex Moïsi imperet specialiter benefacere popularibus, Deuter. XXII. vs. 1. hinc *μυσαιδρωπία*, ab amicis Antiochi apud Photium, & *adversus omnes alios hostile odium* iis objicitur apud Tacit. lib. V. Hist. c. 5. Quinimo licet maledictus dicatur, qui facit, ut coecus erret in via, vel qui pervertit jus peregrini, Deut. XXVII. vs. 18. 19. tamen Juvenalis ne viæ quidem monstrandæ beneficium, minime molestum, eos exhibere voluisse exteris non Judæis, criminatur sat. XIV. vs. 103.

Non monstrare vias eadem nisi sacra colenti.

Atticæ leges belle conveniebant cum Hebræis; quia Draco, si cædes facta, cuius auctor ignotus, constituit *καθάσαι τὸν δῆμον αὐθιγμεθον*, *lustrare populum ea ipsa die*, qua quisque occisus fuerit, apud Demosthe-

sthenem, ἐν τῷ πρὸς Μακρόβιον, de qua vid. Petit. ad LL. Att. lib. VII. tit. 1. pag. 520. Adeo enim execrabile, & diis invisum, uti ex Ibici interfecti historia apud Solinum constat, videbatur esse latrocinium, ut vel cognati ejus, qui occisus esset, vel Demarchus populum lustrare debuerit, ipse vero fugitivus sacris malluviis, libationibus, crateribus, igne & testeo arcebatur. Propinqui, cadaver occisi efferentes, hastam ad tumulum defigebant, seque vindictam cædis cupere testabantur. Qui vero latronem, vim in via intentantem, illico interfecerat, purus censebatur, auctore Demosthene in Aristocrat. & Libanio decl. 33. neque ulla prædæ agendæ permissa erat societas, uti quidam ex Solonis lege, in l. 4. D. de colleg. & corp. colligunt, ad quam Ampl. Bynkershoek videatur lib. 1. Obs. cap. 16. Alia lex permittebat proximis & necessariis occisi tres viros externæ urbisprehendere, in qua homicida receptus latebat, nec deditus, nec punitus; & hæc res ἀνδροληψία dicebatur, de qua vid. Meurs. Them. Att. l. 1. cap. 19. & Grot. lib. III. de J. B. & P. c. 2. §. 3. Alia lex erat ab ipsa humanitate & utilitate dictata, ut peregrino advenienti & abeunti securitas præstaretur, apud Xenophontem Memorab. lib. 11.

cujus verba erant ista: τὰς ξένους μὴ ἀδικεῖσαι. Theophilus idcirco §. 1. *Inst. de jure nat.* opponit Lacedæmoniorum & Athenien-
sium mores; illi enim peregrinos non ad-
mittebant, hi vero ab illa ξενηλασία tam alieni fuerunt, ut etiam coluerint Aram Mi-
sericordiæ, & bellum sæpe pro exteris
sumserint. Eodem tendit vetus senarius
in Excerptis Grotianis pag. 938.

Ξένος ξένιστε, ὃ ἐν γὰρ ξένῳ γίγνηται.

*Hospiti benefac, tu quoque hospes forte
eris,*

Rursus alia lex erat, hic non omittenda,
qua is, qui erranti viam monstrare detre-
ctasset, sacris arcebatur. Cicero III. de
off. c. 13. *Erranti viam monstrare, Athe-
nis publicis execrationibus sancitum est.*
Quamvis enim laxa sint humanitatis officia,
quæ egenti tantum jus imperfectum, ob
circumstantias infinitas, tribuunt; dete-
standæ tamen malignitatis honestis viris
visum fuit, ea negare, aut ægre dispen-
sare, quæ aliis sunt utilia, & tibi non
molesta, ideoque jus perfectum fere effe-
cerunt. Homo quippe in adjutorium
mutuum generatus est, & latissime patet
omnibus inter omnes societas, in qua re-
rum omnium, quas ad communem usum
natura genuit, est servanda communitas.

Ἀγνοεῖς ἐν ταῖς ἀραῖς ὅτι ἐστὶν, εἰ τις μὴ φράσαι ὁρῶς
ὁδόν

ιδόν. Nescis in diris hoc esse, si quis non recte monstrarit viam? ait Diphilus, in Parasito. Tulit hanc legem Buzyges, qui arare docuit Athenienses, & secundum Vaticanam Græcorum proverbiorum appendicem cent. 1. prov. 21. diris devovic eos, qui peregrinos hospitio & tecto, id est, aqua & igne non exciperent, aut qui erranti viam non monstrarent: ἢ μὴ ὑποφαινυσιν ἰδὼν πλανωμένοις. Romanorum Philosophus Seneca lib. iv. de benef. cap. 29. etiam ignotis errantibus viam monstrandam esse, ait, quia non homini id præstamus, sed humanitati; & diu ante ipsum Ennius, quicquid sine detrimento potest præstari, id cuicunque *comiter*, id est hilare ac libenter, tribui præcepit, laudatus eapropter a Cicerone lib. 1. de off. 16.

*Homo, qui erranti comiter monstrat viam,
Quasi lumen de suo lumine accendat, facit;
Nihilominus ipsi lucet, cum ille accenderit.*

Duriores autem prima fronte videntur esse aliæ gentium quarundam leges, quæ cædem ab aliis factam, ab aliis lui, vel damnum, in via publica datum, a proximioribus oppidanis, municipibus, aut vicinis resarciri jubent, cum ex facto alterius præter heredem nemo teneatur; ac ne is quidem, qui sit ejusdem civitatis,

vici vel provinciæ *l. un. C. ut null. ex vic. Nov. 52. & 134.* Verum, si attentius consideres, fundamentum utriusque est, quod crimen ad paucos, ejus suspicio tamen & invidia ad omnes vicinos pertinebat, quos meminisse æquum erat, quod non nobis solum nati sumus, sed ortus nostri partem patria vindicat, partem amici, partem totum genus humanum cognatum. Par parem quidem cogere nequit nisi ad id, quod ex jure stricte sic dicto debetur; Superior vero cogere potest etiam ad alia, quæ virtus quælibet præcipit; quia in jure superioris, qua superior est, hoc comprehenditur, auctore Grotio lib. 11. cap. 25. §. 3. Fluxisse autem leges illæ videntur ab Ægyptiis, quos Diodorus Siculus lib. 1. cap. 77. scribit, capitali supplicio obnoxium habuisse, qui in via hominem interfici aut quamlibet vim sustinere vidisset, & cum posset non vindicasset. Si quis re vera opem ferre non poterat, indicare tamen latrones & actione scelus persequi tenebatur: quo neglecto plagæ certo numero inflictæ, & triduo cibis interdictum. Ex hac lege Mosis zelus quoque a nonnullis defenditur Exodi II. vs. 12. Similiter Plato puniendum censet, qui vim alteri illatam non arcet, lib. ix. de LL. pag. 881. & Cice-

Cicero lib. 1. de off. c. 7. duo iniustitiæ genera facit, unum eorum, qui inferunt, alterum eorum, qui ab iis, quibus inferitur, si possint cum suo commodo & sine periculo, non propulsant injuriam: *qui non defendit, nec obstitit, si potest, injuriæ, tam est in vitio, quam si parentes, aut amicos, aut patriam deserat, id est æque peccat in iustitiam, licet minus.* Ambrosius lib. 1. Off. cap. 36. *Qui non repellit injuriam a socio, si potest, tamen est in vitio, quam ille, qui facit.*

Regula ergo ex facto alieno nemo tenetur, ex regulis societatis civilis, exceptionem patitur valde naturalem, nisi in altero illo fuerit potentia & obligatio ad factum illud concurrenti; hanc vero jus civile accuratius ad certas personas determinare solet. Sic Aristoteles mirab. ausc. c. 80, scribit, in Heraclea, Græcos & indigenas iter facientes ab incolis observari, ne quid iis forte mali contingat, cum alioquin futurum sciant, ut quorum in finibus aliquid delicti in viatores admissum fuerit, criminis pœnas luant, & damnum illatum resarciant. Non dissimile Cymensium institutum Rad. Fornerius lib. v. rer. quot. c. 28. ex Heraclide Pontico, *ἐκ πολιτείας* observat, ut ad eorum restitutionem, quæ furto fuissent ablata, omnes vici-

vicini conferrent; indeque factum, raro ut aliquid amitteretur; cum eadem diligentia res alienas ac proprias custodirent singuli. Sic & Abas Rex Persiæ, ad latrones extirpandos decreto sancivit, ut incolæ oppidi proximi refarcirent, si quis in viâ publica spoliatus esset, apud Petrum de Valle Icin. p. 2. epist. 1. In Libuis, Gallis & Insuëribus etiam suo tempore legem municipalem fuisse, ut si quidquam damni cuiquam viatori datum sit, teneantur proximi pagani id refarcire, vel nocentem sistere, refert Alciat. lib. VI. Parerg. c. 29. recteque contra pravam Pauli de Castro judaizantis interpretationem docet, legis rationem, ut itinera tuta sint, non tantum in civibus, sed magis in peregrinis obtinere, quum & his jus nascatur ex lege civili & pro subjectis temporariis habeantur. v. Grot. lib. II. c. 11. §. 5. Bartolus quoque in l. 4. *D. de nox. act.* scribit, usurpatum in sua paroecia morem, ut incolæ ipsi plecterentur, qui sceleris alicujus auctorem non comprehendissent. Apud Anglos denique *escapii* pœna olim tenebantur cives urbis, ex qua homicida evasisset, licet nondum is deprehensus esset, & carceri mancipatus, uti pluribus discere licet ex Auctore Fleetæ lib. 1. c. 20. §. 75. & Covvello lib. IV. Instit. tit. 18. §. 14. Recte

Recte Cujacius lib. xix. Obs. c. xi. monet, plus imputandum esse Magistratibus & dominis, qui vico imperant, quam vicinis: jus enim habent, tam singuli, quam respublica exactam quandam diligentiam ab iis exigendi, non modo si hunc in finem primario sint instituti, ne peregrino cuiquam fiat injuria, ut de advenarum præfectis apud Indos Strabo lib. xv. p. 708. & Diod. Siculus lib. II. c. 42. testantur; sed etiam si lex ordinariis magistratibus expresse, aut per sufficientem consequentiam indicavit, curarent, quo malis hominibus provincia purgaretur l. 3. *D. de off. præf. l. 2. C. de off. Reft. prov.* Hac propter Grotius lib. II. de J. B. & P. c. 17. §. 20. scribit, ex neglectu teneri Reges ac Magistratus, qui ad inhibenda latrocinia & piraticam non adhibent ea, quæ possunt & debent remedia, eoque nomine damnatos olim ab Amphyctionibus Scyrios, legimus apud Plutarch. in Cimon. pag. 483. Similiter Cumanum, procuratorem Syriæ, imputasse propinquorum vicorum incolis, vel (si Cujacii *δικοῦρας* placet, pro *δικοῦρας*) proximorum vicorum dominis, quod latrones non comprehenderant, auctor est Josephus lib. II. de bell. Jud. cap. 12. Idem ex Sabaudia in Angliam traductum ab Henrico III. scribit

bit Matth. Parisiens. A. 1253. *Si quis obiter spoliaretur, vel quomodolibet a latrone damnificaretur, ipsi, quibus incumberebat eminentius patriæ custodia, caso satisfacerent competenter, & amissa restituerent.* Idem lege Regis Scotiæ 98. cautum apud Buchanan. lib. IX. rer. Scot. In Persia Prætores tenentur refundere quicquid in viis publicis suæ jurisdictioni & telonio subjectis, ablatum est, Tavernierio teste, Itin. lib. I. p. 4.

Non minus hodie Comites & dominos territorii, qui vectigal exigunt, damna viatoribus per latrones data farcire teneri, ajunt Gail. lib. II. Obs. 64. Mynsing. c. 5. Obs. 70. alique apud Lauterbach. ad tit. de publican. fin. laudati: sed vix est, ut ex nudi vectigalls solutione id demonstrari possit; hoc enim pro solo transitu, & in compensationem sumptuum, ad vias reficiendas necessariorum penditur, ut Titius recte animadvertit Obs. 998. Quamobrem damna refarcit dominus duobus calibus, si accepto guidagio conductum specialem promisit, vel si lata ejus culpa in latronibus non repressis probetur Rec. Imp. 1559: §. 34. 35. Hodie guidagium vulgare & parvum pro rerum, quæ exportantur, securitate tanquam regale & jure territorii exigitur; sed olim, durante

rante jure manuario, conductus illi pactitii magis erant frequentes, unde toties in chartis mediæ ævi occurrunt *deductores, duces conductorii*, διακώσαι & ἀποκώσαι. V. Frene Gloss. v. *conductus & guidagium*. Extat de hac quæstione Bartoli consilium 5. & Baldi locus in tit. 1. Feud. lib. 1. quibus jungatur Carpz. pr. crim. qu. 91. n. 58. & Schilt. Exerc. XLII. §. 50. Alii nominis editionem & mercium profellionem factam postulant, arg. l. un. C. de lit. & itin. custod. Alii, ut viator spoliatus sit in via publica, non vero ad avia deflexerit, arg. l. 2. C. de curs. publ. & l. 2. C. Tb. de curios. Ego addo, viam regionem quidem esse tutissimam, & Pythagoræ symbolicum illud: *Extra viam publicam ne ingrediaris*, si nil obstat, hic observandum esse; attamen læsi raro de damno restituto gaudebunt; quis enim adversus potentes, et si culpa non vacent, munitus est satis? & quis, fodes, litigare velit cum Principe, quem majestas & ferrum tuetur?

CAPUT XI.

DE VARIIS LEGIBUS VIARIIS.

Scriptores practici de jure viarum. Regula de vehiculis sibi obviis. Romae via decedendum honoratioribus. De foveis urforum & luporum capiendorum causa in via factis. l. 28. ad. L. Aquil. cum Exodi XXI. vs. 33. collata. Per ferias viam publicam munire licuit. Cato ex Virgilio illustratus. Religiosi diebus festis iter non susceperere. Lex Dagoberti. Si via publica casu amissa, vicinus privatis vel Reip. viam praestat, ad l. 14. §. 1. D. quemadm. servit. Cur Principes constituerint, ne vehicula oneraria Urbem ingrederentur, aut equi in civitatibus insederentur. Qui fimo vel cœno aliquem in via perfundit extra ordinem coërcetur, ut & piscatores, qui specie phari facibus suis noctu fallunt navigantes l. 1. §. 1. D. de extraord. crim. l. 10. D. de inc. ruin. explicata. De plateis non artandis, ad l. 12. C. de aedif. priv. & l. 14. C. de op. publ.



mmensi esset operis omnia colligere, ad viarum securitatem & commodum spectantia, igitur coronidis loco

loco tantum leges memorabiles breviter enarrabimus, quæ animo nunc occurrunt. Nolim vero exspectes, ut ad practicas quaestiones me demittam, tum quod illæ ab instituto præsentis & a genio hujus opusculi sunt alienæ; tum quia Fritschius, in duabus dissertationibus, de jure regali Viarum publicarum & Pontium, in illis plus æquo & tam diligenter fuit occupatus, ut mihi labor ille inanis futurus esse videatur. Neque de transitu exercitus, aut de vehiculis sibi obviis nunc quidem post Cl. Feltmannum, agere vacat, qui in binis disceptationibus hujus argumenti, quantum satis est, ea de re dixit, ad illa l. xi. C. de servit. verba: *Uti via publica nemo prohibetur*. Grotius quoque jus transeundi terra & omnibus late explicat lib. ii. de J. B. & P. cap. 2. §. 13. & quod ad aurigas sibi obvios attinet, res breviter eo redit, eum cedere aut retroire debere, qui collisioni culpa sua ansam præbuit; vel, hac cessante, qui minore cum incommodo id facere potest; in pari vero causa par esse utriusque officium, nisi honos altus aut privilegium alteri tribuat prærogativam. Ita Consuli vel Prætori, per densissimos populolissimæ Urbis numeros transeunti, non modo decedendum erat semita vel via, sed & vehiculo

N n

equo-

equoque defiliendum, auctore Seneca Epist. 64. & Arnob. lib. vii. adv. gent. ex quo more Lipsius lib. i. Elect. cap. 23. ritum navalem illustrat, quo navigantes urbibus, castellis, arcibus, vel navibus, reverentiæ vel subjectionis gratia, vela submitunt. Plane in Urbe Seneca lib. i. de clem. cap. 6. ait, turbam crebro elisam, quoties aliquid obstitit, quod cursum ejus, velut torrentis rapidi, moraretur. Horat. lib. i. sat. 6. vs. 42.

- - - *At hic, si plaustra ducenta
Concurrentque foro tria funera, magna
sonabit.*

Juvenal. sat. iii. vs. 239.

*Si vocat officium, turbaccedente, vehetur
Dives, & ingenti curret super ora liburno.*

*Mox . . . nobis properantibus obstat
Unda prior: magno populus premit agmine lumbos*

Qui sequitur, ferit hic cubito, ferit asfere duro

Alter: at hic lignum capiti incutit, ille metretam.

Alia lex vialis est Pauli l. 28. D. ad L. Aquil. de foveis urforum cervorumque capiendorum causa factis: nam qui in itineribus eas fecit, lege Aquilia obligatur, si aliquid eo decidit, vel deterius factum est

est: qui vero in *aliis locis*, ubi fieri solent, nihil tenetur, præsertim si denunciatum est, aut prævideri potuit. In simili re Moses Exodi *xxi. v. 33. Quum retexerit quis puteum, aut quum foderit quis puteum, deinde non operuerit illum; itaque ceciderit illuc bos aut asinus: dominus ille putei rependito.* Late hanc legem divinam explicat Baba Kamma cap. 5. §. 5. cujus summa eo redit, ex ore putei rem judicandam esse, num illud loco publico, an privato obvertatur. Fossas autem urfis & lupis capiendis primus Romanis ostendit Fovius quidam, qui postea Fabius dictus est, Festus in *Fovei*. Meminerunt antiquissimi hujus venandi generis Horatius, Phædrus, Manilius, Statius, Claudianus & Silius lib. *vi. v. 329.*

*Haud secus ac, stabulis procurans otia,
pastor*

In foveam parco teſtam velamine frondis

Ducit nocte lupos posita balatibus agnæ.

Vid. ibi Dausquejus & Cl. Collega noster Drakenborchius in notis. Solon Athenis præmium constituit ei, qui lupum masculum interfecisset, drachmarum quinque, ea tamen lege, ut sepeliretur, quia Apollini stabulis triste illud animal erat sacrum, auctore Plutarcho, Æliano, Suida aliisque apud Meurf. Them. Att. lib. 11. cap.

17. De aliorum populorum præmiis vid. Mornac. ad l. 42. *D. de Ædil. ed.*

Ad singularia porro viarum referri potest, quod Cato, Romani generis discretissimus, ait de re rust. cap. 2. *Per ferias potuisse fossas veteres tergeri, viam publicam muniri, vepres recidi &c.* hoc vero sine dubio de feriis sine festo, ut nundinis, vel de diebus intercisis, qui deorum hominumque erant communes, vix autem de feriis indictis conceptisque accipi debet: affirmabant enim sacerdotes has polui, si opus aliquod fieret, & ideo per præconem denunciabatur, ne quid ageretur, & præcepti negligentes multarentur, ut Festus in *Præcias* & Macrobius lib. 1. Saturn. cap. 16. docuere. Sed qui disciplinas Pontificum interius edocti, ea diebus festis, ob immensum eorum numerum, sine piaculo fieri posse dicebant, quæ vel prætermissa nocerent, vel quæ supra terram, sine institutione novi operis, fierent; unde Maro, totius sacrorum ritus peritissimus, cecinit lib. 1. Georg. vi. 268.

*Quippe etiam festis quædam exercere diebus
Fas & jura sinunt. Rivos deducere nulla
Religio vetuit, segeti prætereunte se-
pem. &c.*

Quotquot vero, sine delectu dierum festorum,

rum, superstitionibus se implicabant, neque iter necessarium suscipere in illis audebant; adeo ut peregrina quoque sabbatha observarent, tanquam minus apta rebus gerendis, teste Ovidio, Tibullo, aliisque supra laudatis part. 1. pag. 18. ubi apud Judæos ultra octo stadia die Sabbathi proficisci nefas fuisse diximus. Pie Dagobertus Rex Francorum fancivit, ut *in itinere positus cum carro vel cum nave, pauset die dominico, usque in secundam feriam*, alias in duodecim solidos condemnatur, tom. 1. Capit. Baluz. pag. 113.

Rursus singulare nobis memorat Javolenus in *l. 14. §. 1. D. quemadm. serv. amitt. Cum via publica vel fluminis impetu, vel ruina amissa est, vicinus proximus viam præstare debet*. Choppinus lib. 11. de privil. rust. cap. 5. recte hoc refert ad certum anni tempus, quo fructus colligi percipique necesse est; sed nil vetat quo minus idem fore dicamus, si Res publica, jure imperii, vel, ut alii vocant, domini supereminētis, agrī partem sibi justo pretio vendi postulet, ad novam viam struendam: et si enim desiderium ejus, qui invitum distrahere postulat, justam causam non contineat, *l. 9. D. rer. amot. l. xi. C. de contr. empt.* & vulgatum sit de Cæsare & Augusto, quod ille neminem

expellere ex agris, hic vero proximas foro suo domos, possessoribus extorquere, non fuerit ausus, Sueton. lib. 1. cap. 38. & 11. cap. 56. fallit tamen id, ubi aperte de publica utilitate, necessitate vel de religione agitur *l. 12. de religioſ.* tunc enim plurimum falus ſuprema lex eſt, & tota civitas quaſi unam perſonam atque commune patrimonium refert; æquitas denique ſuggerit, ut id patiare, quod mihi quidem prodeſſe poteſt, tibi vero non eſt nociturum, Paul. in *l. 2. §. 5. D. de aq. pluvi.* Seneca lib. VII. de benef. cap. 4. *Jure civili omnia regis ſunt, & tamen illa, quorum ad regem pertinet univerſa poſſeſſio, in ſingulos dominos deſcripta ſunt, & unaquæque res habet poſſeſſorem ſuum. Ad reges poteſtas omnium pertinet, ad ſingulos proprietas.* Idem ſcribit Philoſophus *de legibus* & Ambroſius epilt. 14. *Comitibus & tribunis dicentibus Imperatorem jure ſuo uti, eo quod in poteſtate ejus eſſent omnia.* vid. Grot. lib. 11. de J. B. & P. cap. 14. §. 7. Rad. Forner. lib. v. rer. quot. cap. 26. & Covarruv. lib. 111. var. reſolut. 14. n. 8.

Utile porro & neceſſarium fuit edictum, quo Claudius monuit viatores, ne per Italia oppida, niſi aut pedibus, aut ſella, aut leſſica tranſirent, auctore Sueton.

ton. lib. v. cap. 25. Hadrianus idem repetiit, apud Spartianum ej. vit. cap. 22. *Vehicula cum ingentibus sarcinis Urbem ingredi prohibuit. Sederi equos in civitatibus non sivit.* Ratio fuit partim metus, ne in Urbe rumperentur fornices cloacarum: qua ratione redemptor earum, de marmoribus ingentibus Scauri, damni infecti caveri postulavit, cum in palatium transveherentur, Plin. lib. xxxvii. cap. 2. partim ne strata platearum pulcherri-
ma læderentur, quibus multitudo currum necessariorum in Urbe jam satis erat molesta, Horat lib. ii. epist. 2 vs. 72.

*Festinat calidus mulis gerulisque redemptor,
Torquet nunc lapidem, nunc ingens ma-
china rignum.*

& lib. i. epist. 17. vs. i. ad Scævam:

*- - - Site pulvis strepitusque rotarum,
Si lædet caupona; Ferentinum abire ju-
bebo.*

partim denique ob pericula, quæ ex nimio plaustrorum onere, in clivis illis facile oriebantur, uti Casaubonus ad d. l. Spartiani ex Juvenale observavit, sat. iii. vs. 254.

*- - - modo longa coruscat
Sarraco veniente abies, atque altera
pinum
Plaustra vehunt: nutant altæ, populo-
que minantur.*

N n 4

Nam

*Nam si procubuit, qui saxa Ligustica portat,
Axis, & eversum fudit super agmina
montem,*

*Quid superest de corporibus? quis mem-
bra, quis ossa*

*Invenit? obtritum vulgi perit omne ca-
daver.*

Idem municipibus rursus vetuit Marcus, perpetuus Hadriani in legibus feren-
dis imitator, apud Capitolinum ej. vita
cap. 23. *Sederi in civitatibus vetuit equis,
sive vehiculis.* Postremum equo vehi li-
cuit, non vehiculo. Vopiscus de Aure-
liano, cum Antiochiam ingrederetur cap.
5. *quia invidiosum tunc erat vehiculis in
civitate uti, equus ei Imperatoris applici-
tus, cui per festinationem infedit.*

Ad hanc velut faturam legum vialium
quoque pertinet, quod Paulus ait, gra-
viter & extra ordinem in eos animadver-
ti, qui fimo corrupto aliquem in via per-
fuderint, vel cœno lutove oblinuerint,
antique pro *obleverint*, l. 1. §. 1. D. de
extr. crim. ut Varro lib. 111. de R. R. c.
7. *Aves decipiuntur, cum se obleverint vis-
co.* Magis vero coercendi si, ad extin-
guendos oculos, calx mixto aceto missa
in faciem effusaque fuerit; quam incredi-
bilem sceleris excogitationem detestatur
Augustinus adv. circumcell. epist. 68. Il-
lud

lud quoque religiosa Præsidis constantia efficiendum memorat Ulpianus in *l. 10. D. de incend. ruin.* ne piscatores nocte, ostenso lumine, fallant navigantes, quasi in portum aliquem delaturi, eoque modo in periculum naves, & qui in eis sunt deducant, sibi que execrandam prædam parent: in aufuros pœnæ corporales & pecuniariæ sunt statutæ. Enimvero ex pharis, turribus & summis montium verticibus nautis iter ad portum noctu monstrabatur, igne multo vel lumine accenso. Phari nomen habent a turri, quam Ptolemæus Philadelphus in Pharo insula magnificentissimam, in gratiam navigantium albo lapillo exstruxit, de qua Cæsar, Strabo, Plinius alii que. Similes quoque in Piræeo apud Thucydidem, nec non in Italiæ & Romani imperii portibus apud Suetonium & Plinium laudantur; omnium finis, ut flamma ad portum contendentibus luceret, & ut Statius cecinit:

*Lumina noctivagæ tollat Pharos æmula
Lune.*

Sic ergo patet, quam facile fuerit piscatoribus nautas decipere; noctu enim piscantes, velocibus scaphis λαμπομένας δαΐδας, *lucidas faces* ferebant, ut ex Oppiani lib. ult. Cyneg. vf. 140. Cujacius & Scipio Gentilis notarunt.


N n 5

Po-

Postremum sit, quod Papinianus & Ulpianus monent, si viæ publicæ exemptus sit commeatus, vel ea, cum parietes ventrem faciunt, aliove modo coartetur, magistratus intervenire, *l. un D. de via publ.* & si quid *l. 2. §. 25. D. ne quid in loc. publ.* quæque Paulus scribit de actione viæ receptæ & de compellendis his, qui viam publicam exaraverint, *l. 3. D. de via publ.* & itin. Arcadius item & Honorius ædificia, quibus angustentur spatia platearum, dirui ac prosterni præcipiunt in *l. 14. C. de oper. publ. & mæniana*, nisi spatium inter se per decem pedes liberi æris, in media viæ publicæ, quæ intercedit, latitudine habeant, modis omnibus destrui jubent, in *l. 11. C. de ædif. priv.* Zeno denique nulli, qui Constantinopoli domum ædificaret juxta compitum, angiportum vel plateam, duodecim pedibus latiore, permisit auferre partem plateæ, ad Remp. pertinentis, eamque proprio superadde-
re ædificio, in *l. 12. §. 3. C. eod.* ad quam Cujacius videatur lib. xix. Obs. cap. 21. & qui similes Regum Galliæ constitutiones laudat, Jac. Gothofred. ad 39. *C. Tb. de op. publ. t. v. p. 312.*

F I N I S.

IN-



I N D E X.

- A.**
A cervi Mercuriales. 170
 Ædiculæ & parva tem-
 pia peregrinantium. 212
 Ædiles Curules vias refici &
 purgari jubebant 342 veta-
 bant noxia haberi animalia,
 ubi iter fit. 443
 Ædium Edictum viarium 416
 verba ejus an sint genuina 417
 in provinciis valuit 440 Ejus
 causa primaria 428. Origo
 ex Jure Hebræo & Græco
 437. Æquitas 460. Poena
 varia. 455
 Ægyptii profani cultus aucto-
 res 50. venerati canes. 103
 Agger pro via militari. 359
 Altitudo ædium Romæ. 479
 Amosus illustratus. 222
 Amsegetes muniunt vias. 523
 Angariæ. 397
 Angeli viarum duces. 216
 Animalia fera cur à Romanis
 alta 432 433 stupendus illo-
 rum numerus 434 inansue-
 facta traxerunt bigas 450. il-
 lorum actiones an dominis
 sint imputandæ. 461
 Aper minor. 420
 Apes Lunæ sacræ 80
 Apis Ægyptiorum. 52
 Apollo præcipuus Deorum via-
 lium. 115. unde Didymæus
 Averruncus, Agyeus dictus
 116. an solis viis urbanis præ-
 fuerit. 118
 Appia via ceterarum regina 336.
 laudatur 338. 525
 Apulejus vindicatus. 11
 Aqua lustralis in viis. 19
 Aquila dux itineris 107. insigne
 Principatus Romani 109. e-
 jus religio & cultus. 110
 Aquilæ Legis caput secundum.
 485
 Aræ Deorum vialium. 23
 Arabum Duces viales. 96
 Architecti Pandectarum defen-
 si. 426
 Armorum usus quando per-
 missus. 542
 Astra pro Ducibus viatorum 69
 Astoreth vel Astarte Syrorum
 & Phœnicum Dea vialis. 56
 Astræus Græcorum. 345
 Athenienses religiosissimi 98.
 Deus illorum ignotus. 300
 Auspicia iterum ab avibus. 105
 Augustus tutor viarum maxi-
 mus 220. 388. cohortes ejus
 contra latrones. 351
 Aureus solidus ex quo tempore.
 424
- B.**
Bacchus Deus vialis 123. i-
 dem qui sol & Apollo. 124
 Bestiæ non sunt puniendæ. 467
 Belus Babyloniorum idolum. 64
 Belenus Noricorum 75. Gallo-
 rum. 86
 Bivia Dea 250
 Britannorum Mercurius 93
 Bruta deorum vialium symbo-
 la. 104
- C.**
Cabiri navigantibus utiles 261.
 illorum cultus & templa
 265 stellæ 266. vota illis so-
 luta. 268
 Cæsar viarum curator 387 de
 B. G. illustratus. 84
 Canes Dianæ comites 143. ad
 statuas Larum. 225 ad limi-
 na

I N D E X.

na ditiorum 430 custodes
 Capitoli 444. feroces vincti
 ad ædium limina 445. no-
 Æurni soluti 448
 Carolus M. sustulit deos viales.
308
 Caveæ portatiles ad vehendas
 feras 435
 Cauponum iniquitas & pernici-
496. insignia ante fores 498
 Censores viis perfecti 334
 Censuræ decreta. 339
 Chaldæorum dii viales 64 ar-
 tes. 66
 Childerici monumentum. 79
 Cibus dei. 218
 Circulatores. 451
 Cicatricum ratio. 489
 Clavigeri dii 126. 187
 Cœnacularii. 481
 Columbæ boni ominis. 105
 Columnæ Deorum vialium 39
 earum origo, usus & cul-
 tus 40. cur obeliscatæ. 122
 Columnæ milliares. 362
 Coloniarum sacra. 302
 Compitalia. 229
 Consulium cura viaria 169
 Corvi a diis missi. 107
 Crucis supplicium sublatum. 543
 Culinæ in sepulchris. 228
 Curatores viarum quando in-
 stituti 377 illorum dignitas,
 apparitores & coercendi po-
 testas 378
 — operum publicorum 381
 lapidibus inscripti. 382
 Curionis Lex viaria. 368
 Curus publicus ab Augusto in-
 stitutus 396 in Provinciis
 Præsidibus mandatus. 406
 Cygni navium Duces. 106
 Cyrus viarum curator. 321

D.

Dammum unde dictum. 457
 Dea cœlestis. 62
 Deæ minutæ. 252
 Decimæ. 195
 Deorum multitudo 3 nomina 6.
 statuæ & aræ 23. classes. 100
 Diana numinum vialium præ-
 cipua 131. erat luna 115.
 soror Apollinis 128. præerat
 venationi 132. illius luci 32.
 nomina varia 134. adjutrix
 navigationis. 147
 Dii averrunci 116 minorum
 gentium 234. bivii, trivii,
 quadrivii. 252
 Dii marini alii quam terrestres
256. fenes & cœrulei 272.
 an differant à litoralibus 273
 tutelares 224. & locales ge-
 neraliter invocati. 302
 Dii omnes pro confesso Deo-
 rum. 207 seq.
 Dii viales in duas classes divisi.
48
 Dies, quibus iter non facie-
 bant veteres 17. 565
 Diversoria olim rara. 496
 Diploma. 398
 Duumviri, viocuri extra urbem.
375

E.

Edicta Prætoris viaria. 472
 Enodia Diana. 133
 Epulum funebre Laribus post-
 tum. 227
 Erranti via monstranda 552
 Etaias expositus 62. 407
 Extæ in mare projectæ. 286
 Expilatores. 535

F.

Fluvii adorati 19. Diis sacratî.
274
 Fluctus inter Divos 280
 For-

I N D E X.

- Fortuna redit 244. in Dea-
rum numerum relata 247
cur bona dicta 249. quid fue-
rit. 248
Foveæ capiendorum luporum. 563
Francisci 1. Edictum. 493
G.
Gad & Meni 60. 130
Gallorum Dii viales.
Genii tres significatus. 213
Germanorum Dii viales 84. 91
Glaucus. 269
Glarea. 335
Grassatores. 534
Guidagium. 558
H.
Hebræorum Dii viales.
Hecate Diana 136. cur
Trivia 138. triplex illius fa-
cies 140. sacrificium. 145
Hercules unde dictus 180 Deus
vialis 182. idem qui Sol. 184.
Sanctus 188. Saxanus 189.
adoratus in litore 192. plu-
res 181. Gaditanus 94 Ma-
cusanus 193 Deufonienfis 82.
Prodicus. 201
Herculis templum 20. figura
193. ara præcipua 194. sta-
tuz 200. decimæ 197. sa-
crificia. 199
Hermæ 93. ante ædes positi
164
Herodis columna. 133
Hispanorum Dii viales. 93
Horatius explicatus. 221
Horithya. 278
Hædus Diis marinis oblatas.
286
Honoratis via cedendum. 562
Hospitii Jus apud Hebræos,
Indos, Cretenses, Græcos,
Germanos, Francos & An-
glos. 504
I.
Janus Sol & deus vialis. 126
Januz inscriptum Cave ca-
nem. 447
Jētis unum numen. 194
Insignia cauponum antiqua. 498
Indorum dii viales 95. Ago-
ranomi. 323
Interdicta Prætoris varia. 521
Johannes Baptista strator, me-
tator. 407
Irmenfula. 90
Irenarchæ. 538
Is dea. 251
Iſis Dea vialis 95. navigantium
numen 149. Germanis an
cognita. 78.
Iter & cursus de navibus 255
338
Iteris pro itineris. 373
Iunera capeſcenda invocato
Deo. 312
Judæorum μυταθρηπία. 550
Juppiter peregrinantium Deus
unde roo. Sol. 114. theſau-
rorum inventor 203. hospi-
talis. 504
L.
Lapides viales in bivis 33. un-
cti 35. coronati 36. rudes
37. pro Diis habiti. 44
Lapis minor, e quo in equos
ſcanſio 366. milliaris. 362
Latrones prehendebant ſtatio-
narii 537. & latruncultores
541. integræ gentes latroci-
niis infames, 536 ſeq.
Latronum famoſorum pœnæ
graviffimæ. 543. earum ſin-
gularia. 545
Lares viales 205. unde dicti

INDEXE X.

207 varii generis 208. Urbis Romæ 209. Augusti 210. quid sint. 225	L. 5. §. 6. D. de his, qui effud.	492
Larum festa concepta 229. sacrificia 230. permutatio. 304	L. 3. 6. 1. D. Naut. caup. flabul.	496
Latrunculatores. 541	L. 1. §. 1. cod. & L. un. §. 6. furt. advers. naut.	497
Legæ Gallorum. 304	L. 3. §. 4. cum. L. 7. § ult. naut. caup,	501
Lex Atheniensium de via monstranda erranti. 552	L. 25. §. 6. locati.	103
Lex Ægyptiaca memorabilis. 553 seq.	L. L. §. 3. de public.	513
Legis Aquilæ caput secundum, 485	L. 9. §. 5. cod.	514
Leges gentium de damno à vicinis faciendo 555 variaz viaræ. 570	L. 37. D. de relig. & sumt. fun.	518
Lex Solonis. 438	L. 7. §. f. ad L. Jul. Majest.	110
Leges illustratæ.	L. 43. §. 4. de furt.	162
§. 10. J. de R. D. 24	L. 63. §. 1. de A. R. D.	201
L. 1. D. de R. D. 24	L. 1. §. 1. de extraord. crim.	168
L. 6. §. 3. D. cod. 305	L. 10. de incend. ruin.	569
L. 17. §. 9 D. de act. emt. 240	L. 14. §. 1. quemad. servit.	565
L. 6. 19. D. de auro, argento. 210	L. 28. ad L. Aquil.	562
L. 2. §. 21. D. Ne quid. in loc. publ. 316	L. 4. de colleg. & corp.	551
L. un. D. de via publ. 344	L. 1. §. 12. de off. Præf. urb.	538
L. 2. D. de cloac. 380	L. 1. §. 1. de effract.	535
L. 184. D. de V. S. 393	L. 28. §. 10. de poen.	534
L. 18. §. 4. D. de mun. & honor. 397	L. 42. de procurat.	522
L. 137. de V. Obl. 398	L. 30. de leg. 2.	530
L. 7. §. 1. de off. Proconf. 408	L. 18. C. de poenis.	545
L. 4. §. 5. D. cod. L. 5. cod. 411	L. 12. C. de ædif. privat.	570
L. 40. 41. 42. D. de Ædil. Edict. 417. seq.	L. 14. C. de oper. publ. ibid.	
L. ult. D. de extraord. crim. 51	L. ult. C. de relig.	519
L. 1. §. 11. Si quadr. paup. fec. 462	L. 4. C. de privil. dom. Aug.	385
L. 1. §. 17. D. de nov. op. nunc. 480	L. un. C. de thesaur.	203
L. 5. §. 4. D. de his, qui effud. 486	L. 10. C. Th. de pagan.	28
L. 27. §. 4. ad L. Aquil. ibid.	L. 3. C. Th. de thesaur.	203
	L. 12. C. Th. de pagan.	207
	L. 4. C. Th. de curs. publ.	329
	L. 1. C. Th. de ponder.	426
	L. XII. Tab. 356.	522
	Leonis Novellæ 163.	203
	Pauli sententiæ 380. 438.	472
	Caji fragmenta.	236
	Ulpiani lit.	92
	Lucas illustratus 289. 300	510
	Luna Dea 77. varia specie cul-	12

I N D E X.

ta 72. mas & foemina habita. 129
 Luci prope vias 30 a Diis iuhabitati. 31
 Lucorum cultus quamdiu duravit 307. prohibitus Edictis & Canonibus. 308
 Lucretius illustratus. 15
 Lunus mas & foemina. 129
 Lupi occisi primum. 563
 Lustratio populi obcædem. 549

M.

Macrobii locus corruptus. 100
 Magi ex Oriente. 66
 Magistratum negligentia in curandis viis puniendi. 557
 Malachias illustratus. 406
 Mater Stata. 252
 Mathematici a peregrinantibus consulti. 15
 Matthæi locus expositus. 66
 Mansiones. 396
 Mercurii nomen unde 175. cultus ubivis. 91
 Mercurius viacus 153. non Vius 154. pro Sole habitus 155. mercatorum Deus 157. petasatus quare 159. ερεθιστος 165 cum Hercule conjunctus. 201
 Mithra Perfarum. 71
 Milliarium lapidum numerus ubi cepit. 390
 Milliarium aureum. 389
Μίλιον Constantinopolitanum. 394

Militum ministeria. 411
 Mæniana 481. cur in edicto de dejectis omissa 483
 Moscovitarum Dii viales. 96
 Moses illustratus 38. 40. 42. 52. 199. 215. 468. 550
 Multitudo hominum Romæ 476

Municipia & coloniae imitabantur pompam ludorum Romanorum 440 sua retinebant sacra. 302
 Mutationes. 397

N.

Navigantium ungues & capilli mari oblatis. 290
 Navis expugnatae poena durior. 547
 Navium nomina 299. ornamenta. 104
 Naufragorum tabellae 292 bona Fisco non addicenda. 547
 Nehalennia Dea vialis. 81
 Neptunus unde appellatus 257. Redux 260. vota illi facta a nautis 259 & taurus niger oblatus. 284
 Neptunalia. 258
 Noctiluca Diana. 128
 Nox diem ducit. 77
 Numen gentilibus unum. 294

O.

Oceanus & Thetis Deorum antiquissimi. 257
 Octavarii. 517
 Omina sinistra. 16
 Oscula peregre euntium 20 terræ data. 21
 Osiris Ægyptiorum. 50

P.

Panopea. 269
 Peregrinantium preces & vota. 10
 Perfarum Dii viales. 41. 569
 Phari. 56
 Phœnicum Dii viales. 56
 Piscatorum faces. 569
 Piratarum poenæ. 546
 Plateæ Romæ angustæ. 477
 Plautus illustratus 120. 223
 Piliorum origo. 396
 Pontaticum. 517
 Pon-

I N D E X.

Pontes nobiliores.	<u>360</u>	Regina cœli.	<u>59</u>
Portæ Deorum vialium sedes.	<u>24</u>	Religio peregrinantium.	<u>6</u>
Portitores.	<u>511</u>	Rhenus Germanorum Deus	<u>275</u>
Portunus.	<u>270</u>	Roma cultrix cunctorum numi-	<u>99</u>
Profecta.	<u>481</u>	num.	<u>99</u>
Proverbium <i>ignis nonis</i> unde		Robatores.	<u>506</u>
ortum <u>160</u> . Proverbia Salo-			
monis illustrata.	<u>173</u>	S.	
Præsidis cura viarum.	<u>405</u>	Sabbatho iter facere non licuit	<u>18</u>
Priapus 240. Deus litorum &		sanctus Viarius.	<u>312</u>
portuum.	<u>243</u>	Saxanus Hercules.	<u>189</u>
Prætor securitati viarum pro-		Securitas viarum præcipua	
sperxit <u>472</u> . an sub illius no-		Magistratuum cura.	<u>315</u>
mine veniat Ædilis.	<u>473</u>	Semiramis prima viarum cura-	
Prætoris edictum de dejectis		trix.	<u>318</u>
<u>475</u> adversus nautas, cau-		Serpentes viæ duces.	<u>111</u>
pones & stabularios <u>494</u> ad-		Servi ostiarii in catenis.	<u>446</u>
verfus publicanos <u>508</u> . emen-		Semo Sancus.	<u>188</u>
datur.	<u>510</u>	Sempronia Lex.	<u>354</u>
Prætoris interdicta ad vias pu-		Si Deus, si Dea.	<u>299</u>
blicas pertinentia.	<u>521</u>	Silvanus viatorum numen	<u>234</u>
Principes an damna restituant		Deus campestris.	<u>237</u>
spoliatis.	<u>568</u>	Sigillaria viatorum.	<u>218</u>
Proconsulis ingressus solennis.	<u>411</u>	Simulacra Deorum sanioribus	
Publicani ex ordine Equestri		invisa <u>295</u> à Poetis irrita. <u>296</u>	
<u>510</u> eorum ministri odiosi.	<u>511</u>	Sol & Luna quare pro Diis	<u>46</u>
Publicum pro vestigali.	<u>509</u>		<u>64</u>
Q.		Sol Persarum dux <u>71</u> Germa-	
Quercus Jovi sacra.	<u>82</u>	norum Deus universalis <u>74</u>	
Quæstorum collegio strata		ad solem omnes Dii relati.	
viarum mandata.	<u>351</u>	<u>125. illius</u> diversa nomina <u>63</u>	
Quadrivii dii.	<u>252</u>	Solidus.	<u>424</u>
Quatuorviri viarum.	<u>372</u>	Solonis lex de cane.	<u>438</u>
R.		Statuæ Deorum vialium <u>23</u> San-	
Raptorum pœnz.	<u>534</u>	ctorum hodie in viis.	<u>310</u>
Reduces Diis agebant gra-		Stapedes nulli Veterum.	<u>366</u>
tias <u>12</u> & vota solvebant <u>13</u>		Statores.	<u>408</u>
Neptuno <u>259</u> Cabiris.	<u>268</u>	Stella, quam viderunt Magi.	<u>67</u>
Redemptores operum publico-		Strata viarum.	<u>335</u>
rum.	<u>383</u>	Stratores <u>367</u> .	<u>407</u>
Reges Spartani viocuri.	<u>323</u>	Superstitio itineraria <u>15</u> <u>16</u> re-	
		centioris ævi.	<u>312</u>
		Synedrium Hebræorum cura-	
		vit vias.	<u>311</u>
		Syro-	

I N D E X.

Syrorum Dif viales.	56	Via unde dicatur & quotuplex	
Symbola Deorum.	131	fit 327 332 de navibus ulur-	
T.		patur.	255
Tacitus explicatus 83.	88	Viz relatæ ad regalia 317 à	
Tamfana.	83	Vespasiano, Trajano aliis-	
Tauri mari & fluminibus im-		que Imperatoribus aut factæ	
molati.	285	aut resectæ 399 titulis Ro-	
Tergeminus.	140	manorum Principum dedi-	
Telearchi viarum curatores.	322	catæ.	385
Termini coronati & uncti.	34	— stratæ à militibus 330	
Templa Diis vialibus sacra 27.	32	sumtibus ærarii 525 priva-	
Teutates itinerum dux 84 un-		torum 526 & possessorum	
de dictus.	86	527 facinorosis in pœnara	
Tempestates divinæ 103 inter		529 gentium Leges de mu-	
dives 281 cur aræ illis posi-		niendis viis.	531
tæ.	283	Viz ad amussim directæ 356	
Theologia veterum triplex,		earum latitudo & firmitas	
fabularis, civilis & naturalis.	114	358 duplici modo munitæ	
Theraphim consulebant de iti-		per Italiam 357 distinctæ	
nere.	65	per columnas milliares 362	
Theridi juvenca oblata.	284	in provinciis munitæ à Præ-	
Tibilenus diabolus.	75	sidibus 402 versus Gallias	
Tobias explicatus 216.	217	quatuor viz regiæ constructæ	
Triboniani emblemata 423.	543	403 in Britannia.	405
Trivia.	134	Viam exigere 527 purgare	
Tuisto Germanorum Dux.	88	522 monstrare 552 lapidi-	
Turcarum Diis viales.	96	bus sternere quis invenit 319	
Tutela navis 288 differt ab ejus		publicam per fœnas munire	
insigni 289 viarum, præfat.		permissum.	564
V.		Viarum mensuræ celebriores	
Vestigalis justitia, necessitas		364 ornatus, prospectus, a-	
515 in itinere & transitu		moenitas 355 numerus 331.	
pontium 517 pro mortuis		Vicinus viam præstat Reipu-	
transferendis solvendum.	518	blicæ vel privatis.	565
Venatio leonum.	435	Vigintiviratus janua ad hono-	
Vehicula oneraria urbem non		res.	374
ingressa 566 sibi obvia.	561	Vitulus aureus Hebræorum.	54
Veneris stella a nautis observa-		Vivaria aprorum & aliarum bel-	
ta.	148	luarum.	432
Venti inter Divos.	277	Vicomagistri.	351
Verres & sues in haris Urbanis.	431	Victimæ oblatæ Diis marinis.	285
		Vinum in fluctus Diis fufum.	287
			Vius

I N D E X.

Vias deus.	154	X.	
Vota peregrinantium	10 ex vi-	X	erxis cura pontium: 316
fu.	298		
Vulgi stupor circa deos.	44	Z.	
Uris nautarum amicæ.	282	Z	elandorum dea. 81

F I N I S.

TRAJECTI AD RHENUM,
Typis PETRI MUNTENDAM.



